

# მოწავის ღლიური

(„ზული“),

თხზულება

ედმონდ დე-ამიჩისა.


ნათარგმნი

ი. ცისკარაშვილის მიერ.

---

გამოცემული

ნინო ცისკარაშვილისაგან.



ბზილისი

სტამბა მ. შარაძისა და აბს., ნიკ. ქუხა, № 21.

1895

Дозволено цензурою. Тифлисъ, 11-го Сентября 1891 г.

## ორიოღე სიტყვა ჰკითხველის მიმართ.

ეს წიგნი ეკუთვნის იტალიის სახელ-განთქმულ მწერალის დე-ამიჩის კლამს. ორის წლის განმავლობაში იგი იტალიანურს ენაზედ რამდენიმე ათი ათასი ეგზემპლიარი გაიყიდა და ისე მოეწონა იქაურს მკითხველებს, რომ „ბავშვების სახარება“ უწოდეს და ყოველს ოჯახში აუცილებელი საკითხავი წიგნი შეიქმნა. მწერალს აწერილი აქვს სასწავლებელში ყოფნის ხანა ისეთის საესებით, სიმართლითა და ხელოვნებით, რომ ყოველი, დიდი და პატარა, ვისაც-კი სასწავლებლის კარები უნახავს, სიამოვნებით წაიკითხავს და ბევრჯელ აუძგერდება გული ამ ფურცლების კითხვის დროს, ბევრჯელ გაახსენდება თავისი ყმაწვილობა და თვისდა უნებურად თვალზედ ცრემლის კურცხალი გადმოეკიდება.

იფიქრებთ, ამდენს წიგნში სასწავლებლის ხადა და შეუხამებელ ცხოვრების შესახებ რა უნდა ეთქვა მწერალსაო? მაგრამ წაიკითხავთ და გაცდებით: ამ წიგნში მთელი ცხოვრებაა აწერილი მოზრდილ, უკვე გონებაში ჩაეარდნილ ბავშვისა თავისის ავითა და კარგით; აღნიშნულია სხვა-და-სხვა გვარი მდგომარეობა, ზნე-ჩვეულება, წესი ბავშვების აღზრდისა, საზოგადოებათა და დაწესებულებათა მნიშვნელობა და თვით საზოგადო ცხოვრებაც-კი შეუ-

ფერადებლად, შეუხამებლად, საოცარის სინამდვილი-  
თა და სისწორით.

ამ წიგნიდგან ჩვენი ქართველი ოჯახი, რომე-  
ლიც აქამდე სასურველად ვერა ჰზრდის ოჯახში  
შვილს და ვერც ხელს უმართავს ბავშვის სასწავლე-  
ბელში სწავლას, ბევრს რასმე ისწავლის, ბევრს ისეთს  
ამოიკითხავს, რაც გულის ხმასა შინა ჩაადგებს,  
ბევრჯელ წამოიძახებს გულ-აჩვილებული: „შაბაშ,  
განათლებულო ოჯახო! ქეშმარიტად შენ გცოდნია  
შვილის აღზრდა და იმიტომაცა გყავს ნამდვილი მა-  
მულიშვილებიო!“ ეს წიგნი დაანახევებს ქართველს,  
რა სიფაქიზით უხსნის განათლებული ოჯახი შვილს  
გონებას, როგორ ადევნებს თვალ-ყურს ყოველს  
იმის სულიერს მოძრაობასა და ზნეობრივს გაფურ-  
ჩქენას; ეს წიგნი გადაუშლის ადამიანს მოზარდ ბავ-  
შვის ჯერ კიდევ ცხოვრებით მწიკვლ-შეუცხებელს  
სულსა და გულს, იმის პირველს აძგერებას, გონე-  
ბის თვალის პირველს ახილებას, კეთილისა და ბო-  
როტის პირველს შეგნებას...

ერთი გონიერი მწერალი ამბობს, რომ „ბა-  
ვშვის აღზრდა აკენიდგან უნდა იწყებოდესო“ ლ, მართ-  
ლაც, ამ „დღიურიდგან“ დარწმუნდებით, რომ მოს-  
წავლელე ბავშვი სასწავლებელში მთელს ცხოვრებას  
გამოივლის ხოლმე, თავისის დარდითა და სიხარუ-  
ლით, სიკეთითა და ვარამით... და აი, ამ დროს ეჭირ-  
ვება სწორედ ხელ-მძღვანელი, წინ-გამძღოლი, სწო-  
რედ იმ დროს, როდესაც ჩვენი მშობლები ბავშვებს

სრულიად არ აქცევენ ყურადღებას და ბედის-ანა-ბარად სტოვებენ. აქ, ვით სარკეში, დაინახავთ როგორც ბავშვის სულსა და გულს, იმის ზნეობრივად თანდათანობით წარმატებას, ისე ქეშმარიტს ზატებასა და სახეს ნამდვილის მშობლისას და გულ-მტკივნეულ აღმზრდელისა და მასწავლებლისას...

წაიკითხე, მკითხველო, და ჩემთან ერთად შენც ინატრებ, როდის იქნება ჩვენი სასწავლებელი იმდენად განკარგდეს, რომ იტალიის სასწავლებელსა-ვით წმიდა გრძნობას უნერგავდეს ბავშვს, ისეთისავე სიფაქიზით უღვიძებდეს გონებასა და ზნეობას; როდის იქნება, რომ ჩვენი ოჯახი ასეთისავე სიფრთხილით, ასეთისავე გულ-მოდგინებით სცდილობდეს ბავშვის გაადამიანებას, იმის განვითარებას და იმის ქეშმარიტ მამულიშვილად მომზადებას!.. დიად, წაიკითხე, ქართველო მშობელო, და ამ სადა აწერილობაში ბევრს სამაგალითოსა და მისაბაძავს იპოვი.....

მთარგმნელი

1895 წ.



## მ ჯ ბ მ ბ ე რ ი

17-ი. ორშაბათი.

დღეს პირველი დღეა სწავლის დაწყებისა. ზა-  
ფხულის თავისუფალი სამი თთვე სიზმარსავით გაჰქრა.  
დღეს დილით დედამ სასწავლებელში წამიყვანა მე-  
სამე კლასში ჩასაწერად. მე ისევ აგარაკის სიმშვე-  
ნიერე მედგა თვალ-წინ... სოფლის სიმშვენიერისა და  
სიკეკლუცის ფიქრში ვიყავ და დედა ჩემს უგულოდ  
მივჩანჩალებდი უკან. ქუჩებში აუარებელი ბავშვები  
ირეოდნენ და ერთი ყოფა და ჟღივილი ჰქონდათ.  
ორავე წიგნის მალაზია ხალხით იყო სავსე. მშობლე-  
ბი შვილებისათვის წიგნებსა, რვეულებსა, აბგებსა და  
სხვა სასწავლო ნაგებებსა ჰყიდულობდნენ. ჩვენის სას-  
წავლებლის კარებთან ძვრა არ იყო, იმდენი ხალხი  
მოგროვილიყო. მოსამსახურე და პოლიციელი ხალხს  
ძლივს იმაგრებდნენ... შესავალ კარებში ჩემმა შარ-  
შანდელმა მეორე კლასის მასწავლებელმა, ყოველთვის  
მხიარულმა, თმა-მრეშმა და აწეწილმა, მხარზე ხელი  
დამადო და შემაყენა.

— მაშ ეგრე, ენრიკო! მითხრა მასწავლებელმა: სამუდამოდ ვშორდებით ერთმანეთს?

უიმისოდაც კარგად ვიცოდი, მაგრამ მაინც საშინლად დავლონდი. ვაი-ვაგლახით შევედით ეზოში. სასწავლებლის კიბე-დერეფანი ხალხით იყო სავსე. მშვენივრად მორთულს ქალებს, გლეხის დედაკაცებს, მუშებს, აფიცრებს, დიდიდედებსა და გოგო-მოსამსახურეებს, ყველას ბალები მოეყვანათ და არზებით ხელში სასწავლებლის უფროსთან შესვლის ჯერა ელოდნენ. ხალხის ჟრიაბულ-ლაპარაკისაგან ყურთა სმენა არ იყო. ქვემო სართულის შვიდ-კარებიანის დიდს ოთახის ნახვა, რომლიდგანაც ყველა კლასში შევიდოდა კაცი, საშინლად მესიამოვნა. თითქმის სამი წელიწადი ყოველ დღე ამ ოთახში გავივლ-გამოვივლიდი ხოლმე. დღეს ეს ოთახი ხალხით იყო სავსე. მასწავლებელი ქალები წამ და უწუმ გაივლიდნენ ხოლმე ამ ოთახში და ისევ უკან ბრუნდებოდნენ...

ჩემმა პირველ კლასის უფროს განყოფილების მასწავლებელმა-ქალმა თავის კლასის დირედგან თავი დამიკრა და მითხრა:

— ენრიკო, წელს შენ ზემო სართულში გადადიხარ... და ქვემო სართულში იშვიათად-ღა ჩამოხვალ! მითხრა და ნალვლიანად შემომხედა.

სასწავლებლის უფროსს გულ-ნატყენი დედაკაცები შემოხვეოდნენ: ულაგობის გამო იმათი შვილები სასწავლებელში არ მიეღოთ. შარშანდელს



აქეთ ჩვენს უფროსს თითქოს თმა-წვერი უფრო გას-  
თეთრებოდა. ჩემი ამხანაგები ხომ ზოგი უფრო ამა-  
ღლებულიყო და ზოგი დასრულებულიყო. პირველ  
კლასის უმცროს განყოფილებაში ახლად მიღებული  
ბავშვები გაქირზე იდგნენ და კლასში არ შედიოდ-  
ნენ. ვინც-კი ძალად შეეყვანათ კლასში, ზოგი ტი-  
როდა, ზოგი მაგიდაზე ხტოდა, ზოგს-კი, შენიშნავედა  
თუ არა, რამ ჩემი მშობელი სახლში მიდისო, ერთი  
ვაი-უშველებელი გაჰქონდა... მშობელი უკანვე ბრუნ-  
დებოდა ჭ ტკბილის სიტყვებით ამშვიდებდა გაკაპა-  
სებულს ბავშვს. მასწავლებელი-ქალნი თავს რეტ-დას-  
ხმულსავეთ შერბი-გარბოდნენ და ვეღარ მოესაზრათ,  
წესიერება როგორ ჩამოეგდოთ. ჩემი უმცროსი ძმა  
მასწავლებელ-ქალ დელკოტის განყოფილებაში მი-  
იღეს და მე-კი მასწავლებელ პერბონის კლასში გა-  
დამიყვანეს. ათ საათზედ ყველანი კლასში შევეგროვ-  
დით. ჩვენს კლასში ორმოც-და-თორმეტი შეგირ-  
დია. თხუთმეტი, თუ თექვსმეტი ურევია ჩემი წი-  
ნანდელი, მეორე კლასის ამხანაგი და მათ შორის  
დეროსსიც, ის დეროსი, რომელიც ყოველ წელს  
პირველს ჯილდოს მიიღებს ხოლმე.

ჩვენის კლასის ოთახი მეტად პატარა, მეტად  
მოდრუბლული მეჩვენა. უნებლიედ მომაგონდა ტყე,  
მთა, მინდორი, ზაფხული. მომაგონდა მეორე კლასის  
კეთილი მასწავლებელიც; იმასთან დროს სულ სი-  
ცილსა ჭ მხიარულებაში ვატარებდით. სიმაღლითაც ამ-  
ხანაგის მაგვარი, დაბალის ტანისაა ის მასწავლებე-

ლი, სწორედ დავლონდი, კლასში როცა იმისი აწე-  
წილი ზე ქერა თმა-წვერი ველარ დავინახე. ჩვენი ახალი  
მასწავლებელი მაღალია, უწვერო და გრძელი თე-  
თრი თმები აქვს. შუბლი შესქმუხენია, მაგრამ ხმა  
ძლიერი და მეტად დაფიქრებული სახე აქვს. შუა  
კლასში სდგას და დაკვირვებით გვიცქერის... წამ-  
და-უწუმ აცქერდება შეგირდს, თითქო ჩვენის გუ-  
ლის-პასუხის ამოკითხვა ჰსურსო: სიცილი და ღი-  
მილი სრულიად არ არსებობს იმისთვის.

ესეც პირველი დღე! ჯერ წინ კიდევ ცხრა  
თთვე გვიძევს... შრომა, შრომა და შემდეგ გამო-  
ცდა... ნაშრომ-ნამუშეარისა. საშინლად ველოდი  
გაკვეთილის გათავებას... მინდოდა მალე მენახა დე-  
და ჩემი და გადავხვევოდი. დედა ეზოს კარებში მე-  
ლოდდა... შევნიშნე თუ არა, გავეჭანე იმისაკენ და  
ხელებზე კოცნა დავუწყე.

— ნუ შეშინდები, ენრიკო! მე და შენ სწავლა  
ერთად დავიწყოთო... მითხრა დედამ და შუბლზე  
ზაკოცა.

დედის სიტყვებმა გამამხნევა და ცოტა არ  
იყოს ნალველი ჩამომეცალა. მაგრამ წინანდელი  
მასწავლებელი-კი აღარ იყო. ველარა ვნახავდით  
იმის კეთილსა და მხიარულს ღიმილს. სწორედ ამი-  
ტომ სასწავლებელიც წინანდებურად კარგი აღარ  
მეჩვენება.

18-ი. სამშაბათი.

დღეს ჩვენი ახალი მასწავლებელი მომეწონა. გაკვეთილის დაწყებამდე თავის ალაგას იჯდა. წინანდელი იმისი შეგირდები ჩვენის კლასის კარებთან მოდიოდნენ და სალამს აძლევდნენ. „დილა მშვიდობისა, ბ-ნო პერბონო!“ ზოგიერთები კლასშიაც შემოდოდნენ, ხელს ართმევდნენ და უკანვე გარბოდნენ. ყველას ეტყობოდა, რომ წინანდელი მასწავლებელი უყვარდათ. მასწავლებელი ყველას პასუხს აძლევდა, ხელს ართმევდა, მაგრამ შეხედვით-კი არც ერთისთვის არ შეუხედნია. დაფიქრებული იჯდა სკამზე და ფანჯარაში გაიყურებოდა. შეგირდების ქცევამ, გამხიარულების მაგიერ, საშინლად დაადონა... გაკვეთილის დროს მასწავლებელმა მაგიდათა შორის სიარული დაიწყო და ასე გვიკარნახებდა. უცებ შენიშნა, რომ ერთს შეგირდს სახეზე ძიძიბოსავით რაღაცა ეყარა... მიუახლოვდა შეგირდს, ნიკაპზე ხელი წაავლო და ჰკითხა: „ავად ხომ არა ხარო!“ ამ დროს მასწავლებლის უკან მჯდომმა შეგირდმა მასხარაობა დაიწყო. მასწავლებელი უცებ მიბრუნდა. შეგირდი ერთს ალაგას გაშეშდა, გაშრა და თავი ჩაღუნა. მასწავლებელმა თავზე ხელი დაადო და უთხრა: „შემდეგ აღარ გაბედოო“... ორის სიტყვით დააბოლოვა გაჯავრება და კვლავ განაგრძო გაკვეთილი. გაათავა გაკვეთილი, გადაგველო თვალი და ნელის, ძლიერის, მაგრამ ტკბილის ხმით გვითხრა: — მომისმინეთ, ბავშვებო! ეს წელიწადი ერ-

თად უნდა გავატაროთ! იმეცადინეთ, ისწავლეთ და კეთილნი იყავით! მე ობოლი ვარ... სახლობა არ გამაჩნია... ერთად-ერთი დედა მყავდა და ისიც შარშან მომიკვდა. დღეს თქვენს მეტი აღარაფინა მყავს! თქვენა ხართ ჩემი შვილები! მე თქვენ მიყვარხართ და იმედი მაქვს, თქვენც შემიყვარებით. ნუ მიმიყვანთ იქამდე, რომ როდისმე თქვენგანი ვინმე დავსაჯო, და ამით დაამტკიცეთ, რომ გამგონი, კეთილი ბავშვები ხართ! სასწავლებელი თქვენი საკუთარი ოჯახია და თქვენ თითონ-კი—ჩემი ნუგეში და იმედი. მე არა გთხოვთ სიტყვიერს პირობას... არა! ისეც დარწმუნებული ვარ და სახეზედაც გატყობთ, რომ ჩემს თხოვნას წმინდად აასრულებთ. ამიტომ ერთობ ყველასი მადლობელი ვარ. .

გაკვეთილი გათავდა. შეგირდებმა წყობით გარეთ გასვლა დაიწყეთ. ცელქობაში შენიშნული შეგირდი მივიდა მასწავლებელთან და აკანკალებულის ხმით სთხოვა:

— ბ-ნო მასწავლებელო, მაპატიეთ!

მასწავლებელმა შუბლზედ აკოცა და უთხრა:

— წადი, ითამაშე, ჩემო კარგო!..

21-ი. პარასკევი.

წრევანდელი წელიწადი უბედურებით დაიწყო.. დღეს დილით მე და მამა ჩემი სასწავლებელში მივდაროდით და გზაზე ახალ მასწავლებლის შესახებ ვლაპარაკობდით. სასწავლებლის შესავალ კარებში

ხალხი შეგროვილიყო. „წელიწადი უბედურებით დაიწყო“, წამოიძახა მამაჩემმა. ეზოს კარებში ძლივს შევატანეთ შეგროვილს ხალხს. დიდს ოთახში მოეყარათ თავი მშობლებს. იმ ბავშვებისას, რომელნიც გუშინ სასწავლებელში არა დგებოდნენ. ყველა უფროსის ოთახის კარებს მისჩერებოდა... ხალხი ხმაურობდა და სულ იმას იმეორებდნენ: „საწყალი ბავშვი! საწყალი რობეტიო“. ოთახიდან პოლიციელის ქუდი და ჩვენის უფროსის მელიოტი თავი მოსჩანდა. მკირე ხნის შემდეგ უფროსის ოთახში მალალ-მალალი კაცი შევიდა. „ეჭიმიო!“ ერთბაშად წამოიძახა ხალხმა. ერთს მასწავლებელს მამაჩემმა ჰკითხა: „რა ამბავია!“ „შეგირდმა ფეხი მოიტეხაო“, უპასუხა მასწავლებელმა. „ეტლის ქვეშ ჩაუვარდა ფეხიო“, დაუმატა მახლობლად მდგომმა მეორე მასწავლებელმა.

მეორე კლასის შეგირდია. კლასში მომავალს დორა-გროსის ქუჩაზე შეენიშნა, რომ უმცროსის განყოფილების შეგირდი დედას უკან ჩამორჩენოდა და შუა ქუჩაში წაქცეულიყო. ის იყო ცხენის რკინის გზის ვაგონი მოდიოდა თურმე გაჩქარებული. რობეტი მიჰვარდნოდა ბავშვს, მოეცილებინა ვაგონისათვის, მაგრამ თითონ-კი ველარ გადაესწრო და ვაგონის თვალს ზედ ფეხზე გადაეველო.

მასწავლებელი რომ ამას გვიამბობდა, ოთახში რობეტის დედა გიჟსავით შემოვარდა... შვილის ამბავი შეეტყობინებინათ. რობეტის დედას მეორე ოთახში მყოფი დედაკაცი გადაეხვია და ორივემ:

მორთეს ტირილი. ეს მეორე დედაკაცი სიკვდილს გადარჩენილ ბავშვის დედა იყო. მცირე ხნის შემდეგ ოთახიდგან ჩვენი უფროსი გამოვიდა და ხელში აყვანილი რობეტი გაიყვანა. რობეტი საშინლად გაყვითლებულიყო, თვალები მიეღულა და თავი გვერდზე ჰქონდა გადადებული. თვით უფროსსაც სახეზე ნაცრის ფერი დასდებოდა. სასწავლებლის აივანზე უფროსი ცოტა ხანს შესდგა და რობეტი გარს შემოხვეულ ხალხს აჩვენა. ყველამ ერთ-ხმად წამოიძახა:

— ყოჩაღ, რობეტ, ყოჩაღ! ვინც მახლობლად იყო, მასწავლებელი, თუ ამხანაგი, რობეტს ხელებზე ჰკოცნიდა. რობეტიმ გაახილა თვალები და თავისი აბგამოიკითხა. ხიფათს გადარჩენილ ბავშვის დედამ უჩვენა აბგა რობეტს და ალერსით უთხრა: „აბგა მე მაქვს, ჩემო მშვენიერო!“ რობეტის დედამ და უბედურობას გადარჩენილ ბავშვის დედამ ჩაისვეს ეტლში და შინისკენ გაეშურნენ. ჩვენ-კი კლასში შევედით.

22-ი. შაბათი.

გუშინ საღამოს მასწავლებელმა რობეტის ამბავი შეგვატყობინა (საწყალმა ამას იქით თურმე ყუარჯნებით უნდა იაროს)... ამ დროს ჩვენმა უფროსმა კლასში ახალი, შავ-თვალ-წარბა შავ-ხალათა და ტყავის ქამრინი შეგირდი შემოიყვანა... უფროსმა მასწავლებელს რაღაცა წასჩურჩულა, ბავშვი კლასში დასტოვა და თითონ გავიდა. მასწავლებელმა ბავშვს ხელი წაავლო, ჩვენ წინ დააყენა და გვითხრა:

— გაიხარეთ, ბავშვებო! იტალიელ რეჯიოს შვილი, კალაბრიის დიდელი შვილი ჩვენ შემოგვცხიზნა. აქედგან ამის ქვეყნამდე ოთხი ათასამდე ვერსია. შეიყვარეთ შორიდან მოსული ძმა: ამის სამშობლო ჩვენის ქვეყნის საუკეთესო ნაწილია, ამის სამშობლომ იტალიას საუკეთესო შვილები აღუზარდა და დღესაც იგი არა ერთსა და ორს თავგანწირულს, ძლიერს მუშაკსა და გულადს ჯარის-კაცს უზრდის იტალიას. კალაბრია ბუნებით მეტად მდიდარი კუთხეა... იმისი შვილი გულადი და ნიჭიერია! ახალი ამხანაგი ისე უნდა შეიყვაროთ, რომ სრულიად არ აგრძნობინოთ სამშობლოს დაშორება. დაუმტკიცეთ, რომ იტალიის შვილი ყველა იტალიის მასწავლებელში პატიოსან და ერთგულ მეგობარსა და ძმებს იპოვის. მასწავლებელი მიუახლოვდა კედლის რუკას და გვიჩვენა ქ. რეჯიო და ჩვენს პირველ შეგირდს დეროსის გამოუძახა. დეროსი ახლის შეგირდის მახლობლად დადგა. «დეროსი, უთხრა მასწავლებელმა: კლასში პირველი შეგირდი ხარ! ამხანაგების სახელით ახალ ამხანაგს მიესალმე-სალამი კალაბრიის შვილებს პემონტის შვილთაგან!»

დეროსი გადაეხვია კალაბრიელს და ხმა მალლა უთხრა: «უმორჩილესად გთხოვთო!» უთხრა ეს ზ მხურვალედ გადაჰკოცნა. ჩვენ ყველამ ტაში დაეკართ.

— ჩუმად! დაგვიყვირა მასწავლებელმა. კლასში ტაშის დაკრა არ შეიძლება. მასწავლებელმა მოიყვანა კალაბრიელი და ჩვენ შორის დასვა.

— კარგად დაიხსომეთ, რასაც გეუბნებით, განაგრძო.

მასწავლებელმა: ორმოც-და-ათი წელიწადი ვიომეთ, ოც-და-ათი ათასი იტალიელი გამოეთხოვა წუთი-სოფელს მხოლოდ იმიტომ, რომ კალაბრიელს ტურინში და ტურინელს კალაბრიაში თავის თავი სამშობლოში და არა უცხოეთში ჰგონებოდა. ვინც-კი გაჰბედავს და ამხანაგს შეურაცხყოფას მიაყენებს, მხოლოდ იმიტომ-რომ სხვა-და-სხვა მხრიდგანა ვართო, იგი ყოვლად უღირსია სამ-ფეროვანს ბაირალს უყურებდეს.

კალაბრიელი დაჯდა თუ არა თავის ალაგას, მეზობელმა ამხანაგებმა კალმები, ფანქარი, რვეულები და სხვა-და-სხვა ნივთები აჩუქეს. ერთმა ცოტა მოშორებით მჯდომმა შეგირდმა ახალ ამხანაგს შვედური ფოსტის მარკაც-კი შესთავაზა.

25-ი. სამშაბათი.

ამხანაგებ შორის შეგირდი გარონე, რომელმაც კალაბრიელს შვედური მარკა აჩუქა, უფრო მომწონდა: იგი ყველაზე მაღალია; ასე თორმეტის წლისა იქნება. თავი მეტად დიდი აქვს და მხრები განიერი. ვაეკაცსავით მუდამ დაფიქრებულია, მაგრამ სახეზე განუშორებელი ღიმილი უმტკიცებს, რომ მეტად კეთილის გულისაა... მეორე ამხანაგი კორეტიც ნაკლებ არ მომწონს. ტანისამოსი განუშორებელივ ყავის ფერი აცვია და კატის ტყავის ქუდი ჰხურავს. კორეტიც ყოველთვის მხიარულია. იმისი მამა სამოც-და-ექვსის წლის ომის დროს მთავარ ჰუმბერტოს რაზმში ჯარის-კაცად იყო. ეხლა-კი შეშითა ვაქრობს. ამბო-



ბენ, ჯარში სამი მენდალი მიიღო. ჩვენ პატარა კუ-  
ზიანი ნელიცა გვყავს. საწყალი მეტად სუსტი და  
გამხდარია. გვყავს ერთი ვოტინიც. ყოველთვის  
კარგად არის ხოლმე ჩაცმული და მეტის-მეტის კოხ-  
ტაობით თავის დღენი ტანისამოსის ბლერტა-სუფთა-  
ობაშია. ჩემს წინ ზის ერთი ბავშვი, რომელსაც მეტი  
სახელი „პატარა კალატოზი“ უწოდეს\*). ვაშლსა-  
ვით რგვალი პირი და აფშეკილი ცხვირი აქვს... სა-  
შინელი მასხარაა „ჩვენი კალატოზი“... სახე მეტად  
შოძრავი აქვს და საუცხოოდ აჯავრებს კურდღელს.  
საწყალს ამ დღე-მოსვენება არა აქვს, ყველა სთხოვს,  
კურდღელს გააჯავრო. ისიც დაუზარელია და ყვე-  
ლას უსრულებს თხოვნას. „კალატოზს“ დაგლეჯილი  
ქუდი ხელსახოცსავეთ ყოველთვის ჯიბეში უძევს.  
იმის გვერდით გაროფი ზის. გაროფი მაღალ-მაღალი,  
გამხმარი, არწივის ნისკარტის მაგვარ ცხვირიანი და  
პატარა თვალებიანია. გაროფი ნამდვილი ვაჰარია. აქ  
სკოლაშიაც-კი კალმებით, ფანქრებით და სხვა წვრილ-  
მან ნივთებით ვაჰრობს... ერთი არისტოკრატიცა  
გვყავს—კარლო ნობისი. სახეზედვე ეტყობა, რომ ამა-  
ყის გულისაა. ის ჩემს კარგ ამხანაგებ შუა ზის. ერ-  
თი იმის მეზობელი მკედლის შვილია. ტანისამოსზედვე  
ეტყობა, რომ ღარიბი მშობლები ჰყავს. თითონაც  
გაყვითლებულია, მობუზული და არას დროს არ გა-  
იცინებს. მეორე ქერა ამხანაგს ხელი სულ შეხვეუ-

---

\*) იმისი მამა კალატოზია.

ლი აქვს. იმის მამა ამერიკაში წასულა და დედა-კი მწვანელიულობითა ვაჭრობს.

საკვირველი ბავშვია ჩემი მარცხენა ამხანაგი სტარ-დი. ყოველთვის ჩუმადა ზის და მასწავლებელს გულ-მოდგინედ უგდებს ყურს. გაკვეთილის დროს რომ დაე-ლაპარაკო, ორჯელ ხმას არ გაგცემს და მესამედ-კი კარგს წიხლსა გდრუხავს. იმის გვერდზე მეტად უშნო ფრანტი ზის. ფრანტი შარშან მეორე სასწავლებლიდამ დაითხოვეს და წელს მშობლებმა ჩვენს სასწავლებელ-ში მოაბარეს. ორი ერთ ნაირად ჩაცმული ძმებიცა გვყავს. ძმები ერთმანეთს ისე ჰგვანან, რომ უმცროს-უფროსს ვერ გამოარჩევ. ორივეს კალაბრიული ხობხის ფრთიანი ქუდები ჰხურავთ. ჩვენს კლასში ყველა-ზე ლამაზი, ნიჭიერი და მეცადინე დეროსია. წელ-საც უეჭველია პირველი შეგირდი დეროსი იქნე-ბა. მასწავლებელი მეტად ხშირად ჰკითხავს გაკვეთილს დეროსს... გრძელ-ხალათა მქედლის შვილი სწო-რედ რომ შემიყვარდა. ამბობენ, ვითომ პრეკოსის მამა სცემს ხოლმეო. ის-კი მორცხვია და ფრთხილობს არავის აწყენინოს-რა. თუ ხიფათად მოგეხალა, ან ფეხი მოგარტყა, მაშინვე ბოდის მოიხდის და პა-ტიებასა გთხოვს. ჩვენს სკოლაში ყველაზე კეთილი და ღონიერი გარონეა.

26-ი. ოთხშაბათი.

დღეს დილით გარონემ თავი იჩინა. პირველის კლასის უფროს განყოფილების მასწავლებელმა-ქალ-

მა გზაზე შემაყენა და მკითხა, რომელ საათზე შეიძლება დედაშენთან მოვიდეთო. ამის გამო ცოტა დავიგვიანე გაკვეთილზე. მასწავლებელი მაინც ჯერ არ იყო შესული კლასში, მე რომ მივედი. სამი შეგირდი ქერა და გამხდარ მემწვანილეს შვილს კროსს აწვალებდნენ. საწყალს სახაზავებით სცემდნენ, ლანძღავდნენ და უშვერად დასცინოდნენ. გაფითრებული კროსი უძრავად იჯდა სკამზე; ხან ერთს შეჰყურებდა ზ ხან მეორეს, თითქოს ეხვეწებოდა, თავი დამანებეთო. საძაგელი ფრანტი შეხტა მაგიდაზე, კალთები აიკრიფა, თითქოს მწვანილი უჭირავსო, და კროსის დედას დასცინა. კროსიმ ახლო-კი ველარ მოითმინა, სტაცა ხელი ახლო მდგომ საწერელს და ფრანტს წამოუსვა. ფრანტიმ აიცილინა და საწერელი კარებში შემოსულ მასწავლებელს გულში მოჰხვდა. ყველანი შეშინდნენ და სული განაბეს. ფერ-წასული მასწავლებელი მოგვიახლოვდა და აკანკალებულის ხმით გვკითხა: „ვინ იყო?“ ხმა არაყინ ამოიღო. მასწავლებელმა ხმა აუმაღლა და ხელ-მეორედ გვკითხა: „საწერელი ვინ გამოისროლა?“ გარონეს შეეცოდა კროსი, წამოდგა და მასწავლებელს გაბედვით უპასუხა „მე!“ მასწავლებელმა გაკვირვებით შეჰხვდა გარონეს. თვალი გადაგვაგლო ყველას და უთხრა: „არა, შენ არ იყავ. დამნაშავეს არ დაესჯი, მხოლოდ ადგეს!“ თვალ-ცრემლიანი კროსე წამოდგა და წამოიღულღულა: „მე მცემდნენ, მლანძღავდნენ... ველარ მოვითმინე და“... „დაჯექ, უთხრა მასწავლე-

ბელმა კროსის: ადგნენ ისინი, ვინც შენ მოთმინებიდ-  
გან გამოგიყვანა. თავ-ჩალუნული ოთხი შეგირდი ადგა.

— თქვენ გალანძღეთ ამხანაგი, რომელმაც მი-  
ზეზი არა მოგცათ-რა? თქვენ დასცინოდით სილა-  
რიბეს, სცემდით იმას, ვისაც პასუხის გაცემა არ შე-  
ეძლო? მეტად საძაგლად და უსინდისოდ მო-  
ქცეულხართ. უნდა გრცხვენოდეთ, თქვე უმსგავსე-  
ბო! მასწავლებელმა დაიწყო სიარული. გარონე თავ-  
ჩალუნული ისევ ფეხზედ იდგა. მასწავლებელი მიუ-  
ახლოვდა გარონეს, აუწია თავი და უთხრა: „კეთილი  
გული გქონია გარონე“. გარონემ ამითი ისარგებლა  
და მასწავლებელს ჩუმად რაღაც უთხრა. მასწავლე-  
ბელი მოუბრუნდა ოთხსავე დამნაშავეს და უთხრა:  
— დასხედით! მიპატიებიაო.

27-ი. ხუთშაბათი.

ის-ის იყო გაზეთში გამოცხადებულ საწყალ დე-  
დაკაცისთვის თეთრეული უნდა წამელო, რომ ჩვენსა-  
მასწავლებელი-ქალი არ მოსულიყო. თავისი სიტყვა  
აასრულა. აგერ წელიწადი გადიოდა, რაც ჩვენსა  
აღარა ყოფილა. დროს სრულიად არ გამოუცვლია.  
ისეთივე დაბალია, ისევე უგემურად ჩაცმულ-დახურუ-  
ლი. ან სადა აქვს დრო, რომ თავის თავს უგდოს  
ყური. წელს თითქო უფრო გაყვითლებულა და ხვე-  
ლებითაც მეტად ახველებს.

— როგორა ხართ? ჰკითხა დედაჩემმა: როგორც  
გეტყობათ, თავს სრულიად არ უფრთხილდებით!

— რა დროს თავის თავზე ზრუნვაა, როცა სხვა უფრო უკეთესი და წმიდა საზრუნველი აქვს ადამიანს, ღიმილით უპასუხა დედას მასწავლებელმა.

— ხმა-მაღლა ლაპარაკი და აღელვება იცით, ეგ სრულიად არ გარგებთ.

ეს-კი მართალი სიტყვა დედამ. მეც მახსოვს, როცა იმის კლასში ვიყავ, სულ მოუსვენრად იყო ხოლმე და გაუაციციებით ადევნებდა თვალს ბავშვებს, რა არის საქმეზე ბეჯითად იყვნენ და არ იცუღლლუტონო. რაც უნდა ცუდი ზნე სჭირებოდა, მაინც საყვარელი მასწავლებელი იყო. თავის შეგირდებს არას დროს არ ივიწყებდა, ყველას სახელი და გვარი ახსოვდა და გულ-მოდგინედ ადევნებდა თვალ-ყურს თავის ნაშეგირდალის მომავალ ყოფაქცევა-სწავლას. შეგირდებიც არ ივიწყებდნენ იმის დედობრივს ზრუნვას. ბევრი დავაჟაკებული, სხვადა-სხვა უწყებაში მოსამსახურე ნაშეგირდალი მიდის ხოლმე იმასთან სანახავად. დღეს მასწავლებელს თავის შეგირდები პინაკოტეკში ჰყოლოდა და ჩვენსაცოტა არ იყოს დაღალული მოვიდა. ყოველ ხუთშაბათობით, წესად აქვს, შეგირდებს წაიყვანს ხოლმე მუზეიში და ყველა ნივთს იქვე დაწვრილებით უხსნის. მასწავლებელმა მეორე ოთახში შენიშნა ჩემის პატარა ძმის საწოლი (ორის წლის წინად ჩემი საწოლი იყო), საჩქაროდ გავიდა მეორე ოთახში და კარგა ხანს დასტკეროდა საწოლს, არ ვიცი-კირად! როგორც მოველოდი კიდევ, მასწავლებე-

ლი. ჩვენსა მცირე ხანს დარჩა. სჩქარობდა წითელით ავადმყოფ შეგირდის ნახვას. ესეც რომ არა ყოფილიყო, მეორე დღისათვის რვეულები გასასწორებელი ჰქონდა და ამასთან კერძო არითმეტიკის გაკვეთილიც. მხოლოდ დროს მასწავლებელმა მკითხა: — ეხლა რომელი ამიციანებს აკეთებ და დიდს თხუზულებებსა სწერ? შენი წინანდელი მასწავლებელი მაინც კიდევ გიყვარსო? შუბლზე მაკოცა და მიმავალმა კიბიღვან ამომძახა: ენრიკო, არ დამივიწყო!

საყვარელო მასწავლებელო, არა დროს არ დაგივიწყებ! გავიზრდები, ვინ იცის რა გვარად დატრიალდება ჩემი ბედი და მაინც შენ არ დაგივიწყებ; ყოველთვის მოგძებნი; გნახავ, რომ კიდევ დავსტკბე შენის დედობრივის მზრუნველობითა ჭ. სიყვარულით. შენც რომ ვერ გიპოვო, მომიხდება რომელსამე სკოლის მახლობლად გავლა და შემომესმება მასწავლებლის ხმა თუ არა, შენს ხმას მომაგონებს, მომაგონებს იმ დროსაც, როცა შენ, ავადმყოფმა, დაღლილმა, დაულალავის შრომით ბევრი, ბევრი რამ მასწავლე... ყველა შეგირდებს განურჩევლად გიყვარდა, გულით იტანჯებოდდი, სწუხდდი, როცა-კი ვინმე ჩვენგანი შეუფერებლად იქცეოდა; მხიარულობდი, სკოცხლდებოდდი, როცა ყველანი კარგად ვიქცეოდით. არა... არა დროს არ დაგივიწყებს, ჩემო კარგო, შენი პატარა ენრიკო!

28. პარასკევი.

გუშინ საღამოს დედა ჩემი, ჩემი და სილვია და მე წავედით და თეთრეული წავედით იმ საწყალს დედაკაცს, რომლის ბინაც გაზეთში იყო გამოცხადებული. მე ბოხჩა მიმქონდა, სილვიას გაჩეყი ეჭირა ხელში. როგორც იყო, იმისი საღებავი მოვინებთ. შენობის უკანასკნელ კარებზე დასველდნენ დედამ. ოთახიდგან გამხდარი ახალგაზდა დედაკაცი გამოვიდა. ეს დედაკაცი მგონი აღრეც მინახავს იმავე ტანისამოსში.

— ეს თქვენა სწერიხართ გაზეთშიო? ჰკითხა დედამ.

— დიახ, ქალბატონო!

— აი, ცოტაოდენი თეთრეული მოგიტანეთ. საბრალოდ არ იცოდა როგორ გადაეხადნა მადლობა დედასთვის. ჩვენ პატარა, ბნელს ოთახში შევედით. ოთახის კუთხეში, მარჯვენე სკამთან დაეჩოქნა ბავშვს, სკამზე ქალაღი დაედო, საწერელი იატაკზე და ისე სწერდა. „ნეტა ამ ბნელაში რასა ჰხედავს, რომ სწერს-მეთქი“, გავიფიქრე და უცებ ბავშვის ქერა თმა და ჩითის ხალათი ვიცანი. ჩვენი მემწვანილის შვილი კროსი იყო. წაეჩურჩულე დედას ეს ამბავი, მანამ ის დედაკაცი თეთრეულს ათვალეერებდა.

— დაჩუმდით! მითხრა დედამ: იქნება შერცხვეს, რომ იმის დედას შემწეობას აძლევ! არ გამოეხმაურო. ამ დროს კროსი წამოდგა. მე საშინლად გავწითლდი. კროსმა გაიღიმა და ჩემკენ წამოვიდა.

— აი, როგორა ვცხოვრობთო! დაიწყეთ კროსის დედამ: მე და კროსი მარტოდ-მარტონი ვართ. მაგის მამა აგერ ექვსი წელიწადია, რაც ამერიკაში წავიდა. ბოლოს დროს მეც რაღაც ავადმყოფობა დამჩემდა და მწვანილის გასასყიდად ველარ დავდივარ, რომ ამ გვარად აღებულის ფულით ცოტა მაინც არის სული მოვიბრუნოთ. საწყალ ლუჯინოს მაგიდაც-კი არა აქვს, რომ რიგიანად სწეროს. მანამ სკამები გვქონდა, კიდევ იოლას მიდიოდა, ეხლა ისიც აღარა გვაქვს. სინათლეს-კი არ არის, საბრალოს სიბნელისაგან თვალები უფუქდება. კიდევ მადლობა ღმერთს, ქალაქი მუქთად აძლევს სასწავლო ნივთებს და სასწავლებელში დადის... არცა ზარმაცობს ჩემი ლუჯინო.

დედაჩემმა, რაც-კი ქისაში ჰქონდა, სულ იმ დედაკაცს მისცა, ბავშვს აკოცა და ოთახიდან გამოვედით. დედამ მართალი მითხრა:

— აი, რა გვარს გარემოებაშია და მაინც ჰმეცადინეობს და შრომობს შენი ამხანაგი. შენ-კი ყველაფერი ხელს გიწყობს, არაფერს ნაკლულევანებას არა ჰგრძნობ და მაინც კიდევ სწავლა გეძნელება. არა, ჩემო ენრიკო, კროსის ერთის დღის შრომა უფრო ძვირფასია, ვიდრე შენი მთელის სიცოცხლის შრომა. აი, სწორედ მაგისთანები არიან პირველის საჩუქრისა და ქება-დიდების ღირსნიო!

---



## წ ე რ ი ლ ი

28. პარასკევი.

ოჰ, ჩემო ენრიკო, როგორღაც უხალისოდა სწავლობ! დამნატრულდა, გაბედვით, გულადად სკოლაში მიმავალი დაგინახო. მაგრამ მომისმინე: შენ რომ სკოლაში არ დასდიოდე, ვერ წარმოიდგენ, რა საცოდავი, უაზრო იქნებოდა შენი სიცოცხლე. ერთს კვირაზე შენ თითონ შემეხვეწებოდდი, სკოლაში დამაბრუნეო. უაზრო თამაშობა და უსაქმურობა მალე მოგბეზრდებოდა. მერე ეხლანდელ დროში აბა ვინ არა სწავლობს, ენრიკო! წარმოიდგინე: დღიური მუშა, თავის მძიმე მუშაობას შემდეგ, სალამოს სკოლისკენ მიეშურება; მუშა დედაკაცები კვირაობით წერა-კითხვასა სწავლობენ; სამხედრო ვარჯიშობით დაღლილ-დათენთილი ჯარი, ჰბრუნდება თუ არა სახლში, მაშინვე წიგნსა ჰკიდებს ხელს. ბრმა, ყრუ და თვით პატიმარიც-კი საპატიმროში დროს ცუდად არა ჰკარგავს და წერა-კითხვასა სწავლობს. ნუ დაივიწყებ, რომ დილით, როცა შენ სკოლაში მისდინხარ, სწორედ იმავე საათს, იმავე წუთს, იმავე ქალაქში სასწავლებლისკენ ოც-და-ათი ათასი შენი ტოლი ბავშვი მიეშურება. მაგრამ ეს რა... წარმოიდგინე: მთელის ხმელეთის ზურგზე უთვალავნი ბავშვნი სწორედ ამავე დროს სკოლისაკენ მიეშურებიან, ჩუმს სოფელშიაც, ხმაურობით სავსე ქალაქშიაც, ზღვისა და ტბის პირად, ცხოველ მზიან, თუ მუდამ თოვლიან ქვეყ-

ნებშიაც; ზოგან ცხენით, სადაც-კი ვაკეა, ნავებით—  
სადაც არხები და მდინარეებია, მარხილით—სადაც  
ყინვა-თოვლია; მთა-ღრეზე, ბილიკებზე, ყველგან და  
ყოველგან წიგნებით დატვირთული, ათას ფრად ჩაც-  
მულ-დახურული, სხვა-და-სხვა ენაზე მოლაპარაკე  
პატარა ბავშვები სკოლისაკენ სასწავლებლად მიე-  
შურებიან. მყინვარე რუსეთის სკოლებში, თუ მუდამ  
ამწვანებულ არავიის სკოლებში მილიონობით ბავ-  
შვები სწავლობენ სხვა-და-სხვა გვარად, სხვა-და-სხვა  
ენაზე, მაგრამ ყველა ერთსა ლ იმავეს-კი სწავლობს.  
წარმოიდგინე, ეს უთვალავი ყველა ერის ქიანქველა  
ბავშვები! წარმოიდგინე ეს მოძრაობა! ენრიკო, შენც  
ურევიხარ ამ მოძრაობაში! ეს მოძრაობა რომ შეჩერ-  
დეს, კაცობრიობა ხომ გაველურდებოდა! ეს მოძრა-  
ობა წინ-სვლაა, იმედია, ქვეყნიერების დიდებაა! ნუ  
შეშინდები, პატარა მეომარო დიდის რაზმისავ! შენი  
იარაღი წიგნია, კლასი შენი რაზმია, ქვეყნიერება —  
ბრძოლის ველი და განათლება—გამარჯვება! ნუ  
დაიხვე უკან, ნუ შედრკები, ენრიკო!..

შენი მამა.

---

## მამულიშვილი

(მოთხრობა)

29. შაბათი.

არა, უკან არ დავიხვევ, არ შევდრკები, მაგ-  
რამ უფრო მეტის სიამოვნებით ვივლიდი, ვიდრე ეხ-

ლა დაედივარ, მასწავლებელი ყოველ დღე რომ გვიამბობდეს ხოლმე ისეთს მოთხრობას, როგორიც დღეს გვიამბო. დაგვპირდა, რომ თთვეში ერთხელ თითო ამისთანა ამბავს გეტყვით და გადაგაწერინებთ კიდეცაო. ეს მოთხრობები ნამდვილი ამბები იქნება და თითოეულში რომელისამე ყმაწვილის კარგი საქციელი უნდა იყოს აღწერილი. დღევანდელს მოთხრობას „პაწია მამული შვილი“ ეწოდება.

ისპანიის ქალაქ ბარცელონიდგან გენუესაკენ გამოემგზავრა საფრანგეთის გემი. გემში ფრანგ-იტალიელ, ისპანიელ და შვეიცარიელთა შორის ერთი უმსგავსად ჩაცმული თერთმეტის წლის ბიჭიც ერია. ბავშვი მოგზაურთ არ ეკარებოდა და ყველას მკაცრად შეჰყურებდა.

ორის წლის წინად პადუას მახლობლად მცხოვრებელმა გლეხმა, ბავშვის მამამ, ეს ყმაწვილი ჯამბაზებს მიჰყიდა. ბავშვი ჯამბაზებთან ერთად მოგზაურობდა საფრანგეთსა და ისპანიაში და საკმაო სიცივე და შიმშილიც გამოიარა. საწყალს შიმშილი და სიცივე ისე არ აწუხებდა, როგორც ჯამბაზების უფროსის ცემა-ტყევა. ბავშვს ჯამბაზობას ასწავლიდნენ და სწავლის დროს უდიერად სცემდნენ. ბარცელონში მეტად შეაწუხეს ბავშვი, სასტიკი ცხოვრება ველარ აიტანა და გამოექცა პატრონს. ბავშვმა მიჰმართა იქაურს იტალიის ელჩს. ელჩს შეეცოდა ბავშვი, მისცა საგზაო ბილეთი გენუამდე და თან გენუას უფროსთან წერილი გამოატანა. ელჩი სთხოვ-

და წერილში გენუას უფროსს, რომ ბავშვი მშობელ-  
თან წარეგზავნა. ბავშვს მეტად დაბრანძული ტანი-  
სამოსი ეცვა და ჯამბაზების პატრონის ცემა-ტყეპი-  
საგან სახე და ტანი მთლად დალურჯებოდა. იმისმა  
საცოდავმა ყოფამ გემზე მყოფ მგზავრთა ყურადღება  
მიიქცია: ყველას უნდოდა შეეტყო იმისი ვინაობა,  
მაგრამ ის თავისთვის მოშორებით იჯდა და ხმას არ  
იღებდა. ისე იყო ჯამბაზების პატრონისაგან შეშინ-  
ებული და გულ-ჩათუთქული, რომ ყველა ადამიანი  
შეიჯავრა. სამი მგზავრი ისე გადაეკიდა, რომ ბო-  
ლოს მაინც აალაპარაკეს. ბავშვმა ფრანგულ-იტა-  
ლიურ-ისპანიური ენა ერთმანეთში დომხალსავით აურ-  
დაურია და უამბო თავისი ამბავი. მგზავრები იტა-  
ლიელები არ იყვნენ და თითქმის რომ ვერა გაიგეს-  
რა იმის ლაპარაკისა. მაინც შეეცოდათ ბავშვი და  
რამდენიმე გროში აჩუქეს. ფულის დანახვამ უფრო  
აალაპარაკა ბავშვი. ამათში გაერია სამი სხვა მგზავ-  
რი. შენიშნეს თუ არა საცოდავი ბავშვი, გადუყარეს  
ფულები—აიღე, აკრიფეო. ბავშვმა აკრიფა ფულები,  
შექმუხვნილი შეხედა მგზავრებს, გადუხადა მადლო-  
ბა და საჩქაროდ შეძვრა თავის საწოლში. ბავშვმა  
ჩამოათარა საწოლს ფარდა და თავის საკმეზე დაიწ-  
ყო ფიქრი: „ამ ფულებით შემიძლიან ვიყიდო გემრიე-  
ლი საკმელი; ორის წლის შიმშილს შემდეგ ურიგო  
არ იქნება პირი ჩავიგემრიელო; ორის წლის ძონძე-  
ბის გამოცვლაც ურიგო არ არის. ამას გარდა ცო-  
ტა რამ შეიძლება შინაც მივიტანო, თორემ ცალიერ-

ტალიერს ვერაფერის სიამოვნებით მიმიღებენ მშობლები... ეს ფულები ხომ მთელი სიმდიდრეაო!“ ორის წლის ტანჯულმა ძლიერს მოიღიხინა და გამოიღარა.

ამ სასიამოვნო ფიქრებში იყო ბავშვი გართული, სამი მგზავრი-კი ისევ სასადილო მაგიდას უსხდნენ, ღვინოს შეექცეოდნენ და ხმა მალლა ლაპარაკობდნენ. ლაპარაკობდნენ, თუ სად და რა ქვეყანაში ემოგზაურნათ, და ბოლოს იტალის შესახებ დაიწყეს ლაპარაკი. ბავშვმა ყურები აცქვიტა, თავის სამშობლოს სახელი რომ გაიგონა. ერთი მოსაუბრე ემდურებოდა იტალიის სასტუმროებს, მეორე რკინის გზას და ბოლოს სამივემ ყველაფერს ავად დაუწყეს ხსენება. ერთმა წამოიყვირა, რომ იტალიაში ყველანი გაიძვერანი და ავაზაკები არიანო! მესამემ, — იტალიელი მოხელენი უვიცნი არიანო! ბრიყვი ხალხიაო! წამოიძახა პირველმა; წუწკი ხალხიაო, დაუმატა მეორემ; ქურდიაო... დაიწყო მესამემ, მაგრამ სიტყვა ველარ დაამთავრა. უცებ მაგიდაზე სეტყვასავით წამოვიდა ფულები. სამივე მოსაუბრენი წამოვარდნენ და გოცებით აქეთ-იქით დაიწყეს ყურება. ფარდაში გადმოეყო თავი ბავშვს და მგზავრებს დაჰყვიროდა:

— უკან წაიღეთ, თავში იხალეთ თქვენი ფულები! მე არავითარს მოწყალებას არ მივიღებ იმათგან, ვინც ჩემს სამშობლოს ურიგოდ იხსენიებს და შეურაცხყოფს!

## ნ ო ე მ ბ ე რ ი

1-ი ნომბერი.

გუშინ საღამოს საქალებო სასწავლებლის მასწავლებელ - ქალს პადუანელის ბავშვის მოთხრობა წავუღე. ქალების სასწავლებელი ჩვენის სკოლის მახლობლად არის. მივედი თუ არა სასწავლებელთან, ქუზაზე შეიდასამდე მოსწავლე ქალი გამოიშალა. უქმეების გამო დაეთხოვნათ და გახარებულნი შინისაკენ მიეშურებოდნენ. სასწავლებლის პირდაპირ ქუჩის მეორე მხარეს პატარა ბიჭი იდგა, თავი კედელზე მიეყრდნო და მწარედ ტიროდა. ბუხრების წმენდით თავ-პირი და მთელი ტანი შემურული ჰქონდა. რამდენიმე მოსწავლე ქალი მივიდა და ჰკითხეს:

— რა დაგმართვინია, რად სტირიო?

ბავშვა ტირილით უამბო, რომ ბლომად გავწმინდე ბუხრები, ხუთ მანეთამდე ფული ვიშოვნე და ამოდენა დღიური ნამუშევარი სულ დავკარგეო. უფულოდ რომ მივიდე ოსტატთან, გამიჯავრდება და მცემსო. სთქვა და კვლავ ტირილი მორთო. ქალები როგორღაც ჩაფიქრდნენ. ბავშვის გარეშემო სხვა მოსწავლენიც მოგროვდნენ. ერთმა მაღალ-მაღალმა მოსწავლემ (ქუდზე ცის ფერი ფრთა ჰქონდა გაკეთებული) ჯიბიდან ფული ამოიღო და დაიძახა:

— მე ორი შაური მაქვს! ვისაც რა გაქვთ, მოიტათ, ბავშვს დანაკარგი შეუვსოთ.

— მეც ორი შაური მაქვს, სთქვა წითელ-კაბამ

და გადასცა თავის ამხანაგს. მანეთსაც მალე შევაგროვებთ. ქალებმა შეჰქმნეს ჟღერიაშული: „ამილია“, „ანიანა“, „ლუიჯია“, გაისმოდა სახელები: ვისაც გაქვთ რამ, მოიტანეთ... ბევრსა ჰქონდა ფული; ზოგს რვეულების სასყიდლად წამოელო, ზოგს ყვავილებისა და სხვა ნივთების სასყიდლად. მაინც არავინაჰზოგავდა და ყველა სიამოვნებით აძლევდა ფულს. პატარა შეგირდებიც-კი არ ჩამორჩნენ უფროსებს და კაპეიკობით ისინიც აგროვებდნენ ბავშვისთვის... მოსწავლეებს თავს წამოადგა მაღალ-მაღალი ქალი. ეტყობოდა, იმათი აღმზრდელი უნდა ყოფილიყო. აღმზრდელმა შეიტყო ეს ამბავი და ერთი მანეთი მისცა ბავშვს. მოსწავლეებმა დიდი მადლობა უთხრეს აღმზრდელს ქალს. ხუთს მანეთს ცოტა-ლა უკლდათ.

— მეოთხე კლასი მოდისო, წამოიძახა ვილაცამ.

მეოთხე კლასის მოსწავლენიც მოვიდნენ და ხუთს მანეთს კიდევ გადაექარბა... სწორედ სასიამოვნო სანახავი იყო პაწია ბუხრის მწმენდავი. ირგვლივ ათას ფრად აქრელებული ქალები შემოჰხვეოდნენ. უცებ მსახურმა სასწავლებლის კარებიდგან გამოიძახა:

— უფროსი მოდისო.

მოსწავლეები საჩქაროდ გაიფანტნენ. ქუჩაში მარტო ფულებით მუჟა გავსებული პატარა ბავშვი-ლა დარჩა. სიხარულისაგან საწყალი იცინოდა, იღრიკებოდა, და შინისაკენ ხტუნვით გაექანა.

## წ ე რ ი ლ ი

2-ი ნომბერი.

დღევანდელი დღე მიცვალებულთა სულის მოსახსენებელი დღეა! ენრიკო, დღეს ყველა ბავშვმა უნდა გაიხსენოთ, ვინც-კი თქვენის გულისათვის გარდაცვლილა! და განა ბავშვებისათვის თავისი სიცოცხლე ცოტას შეუწირავს და დღესაც ცოტა სწირავს? ნუ თუ გიფიქრია როდისმე, თუ რამდენი მშობელი მამა შრომასა და მუშაობაში ირთმევს სულს და რამდენი ახალგაზდა დედა უდროოდ წუთი-სოფელს გამოსალმებია მხოლოდ და მარტო იმიტომ, რომ თავიანთს შვილს საზრდო მოუპოვონ და რიგიანი შერმისი მოუმზადონ. რამდენს მოუკლავს თავი და ვინ იცის რამდენი კიდევ გასწირავს თავს, მხოლოდ იმიტომ-რომ თავისი შვილი სიღარიბეში არა ნახოს. მოიგონე ეს მრავლად ტანჯულნი გარდაცვალებულნი, მოიგონე მასწავლებლნი, კლექის ახალგაზდა მსხვერპლნი, სასწავლებელში მუშაობისაგან მოღლილნი. ექიმები? ბავშვებს არჩენენ, განსაცდელს არ უფრთხიან, გადამდებ სნეულებას არ ერიდებიან! რა ესენი! ზღვაზე, გემის დაღუპვის დროს, ცეცხლის გაჩენის დროს, ყველგან და ყოველთვის რამდენს საკუთარი სიცოცხლე სიამოვნებით გამოუმეტებია და ამითი უდანაშაულო, ნორჩი ბავშვი განსაცდელს გადაურჩენია! ენრიკო, ამ გვარად მიცვალებულთა რიცხვი უთვალავია! მათი საფლავი ყველა



საფლავზე მრავალია! წარმოიდგინე, რა ბედნიერები იქნებოდნენ, რომ ერთს წუთს მაინც არის შეეძლოთ ადგომა და დანახვა იმ ბავშვებისა, რომელთაც თავიანთი ახალგაზღობა შესწირეს. ახალგაზდა ქალი, ჯან-ლონით სავსე კაცი, უძლური მოხუცი, უსახელო გმირი ბევრია ბავშვების საკეთილდღეოდ წამებული. განა ხმელეთზე მოიპოვება იმდენი ყვავილი, რომ იმათი სასაფლაო დაჰფაროს? მიცვალებული ყოველთვის გახსოვდეს, მადლობის გადახდა იცოდე, კეთილი იყავ და პატიოსანი. შენ უყვარხართ, შენთვის ჰმუშაობენ, და შენც შეიყვარე, იმუშავე, ჩემო კარგო, ჩემო ბედნიერო! ბედნიერო-მეთქი ვამბობ იმიტომ, რომ ამ სამწუხარო დღეს მიცვალებულთა სულის მოხსენებისას შენ ჯერ არავინა გყავს სატირელი.

შენი დედა

---

4-ი. პარასკევი.

სულ ორი დღე ვიყავით დათხოვნილი, მაგრამ ისე გრძლად მეჩვენა ეს დრო, რომ ასე მეგონა, თთვეა რაც გარონე არ მინახავს-მეთქი. მეც და ყველას, რაც უფრო ახლოს გავიცანით გარონე, მით უფრო მეტად შეგვიყვარდა. მხოლოდ ღონიერებს არ ეპიტნავებოდათ, რადგან არავის ნებას არ აძლევდა თავიანთი ღონე სუსტზე გამოეჩინათ. ყოველ-

თვის, როცა უფროსი დაუპირებდა თავისზე სუსტს ცემას, საკმარისი იყო გარონე ეხსენებინათ. იმავე წამს იქ გაჩნდებოდა და ცემას გადაარჩენდა ხოლმე. გარონეს მამა რკინის გზაზე ჰმსახურობდა. ორის წლის ავადმყოფობის გამო გარონე ამხანაგებს უკან ჩამორჩა. ყველაზე მაღალი და ღონიერი ის არის, ერთის ხელითა სწევს მოსწავლეთა სკამს. ღონესთან საშინელი მკამელიც არის. ერთს წამსაც არ დადგება იმისი პირი. ამას გარდა მეტად კეთილისაა, რაც უნდა სთხოვო: ფანქარი, რეზინი, ქალაღი, თუ სხ., უარს არას ღროს არ გეტყვის. კლასში ჰკვიანადა ჰზის; თავი ჩაღუნული აქვს და გულ-მოდგინედ ისმენს გაკვეთილს. შეეხედავ თუ არა, გამიღიმებს ხოლმე, თითქოს მეუბნება: „მეგობრები ვართ, ენრიკო, არაო?“ ისე ვერ შემიხედნია, რომ არ გამეცინოს, თუმცა ისეც სასაცილოა: ვეემბერთელა მრგვალს ტანზე ტანსაცმელი მეტად მოქერილი აქვს. ქუდს ხომ არას ღროს არ იხურავს. წაღებად რაღაცა უშველებელი ბუდრუგანები აცვია...

სწორედ საუცხოო ბავშვია. ყოვლად შეუძლებელია ნახოს ვინმე და არ შეიყვაროს! პატარებს ხომ გაგიჟებით უყვართ. გარონემ არითმეტიკა კარგად იცის, სასწავლო ნივთები და წიგნები ყოველთვის რიგზე უწყევია... ნივთებთან კალმის დანაც განუშორებლადა აქვს. ერთხელ კლასში უცაბედად დანით ხელი გაიჭრა, მაგრამ არავის შეამჩნევინა. შინაც დაემალა, რა არის დედ-მამას არ შეეშინდეთო.

ხუმრობა უყვარს და ხუმრობის ატახაც იცის. მაგრამ თუ წინააღმდეგობა გაუწიეს, მაშინ-კი მშვიდობით: თვალები ცეცხლსავით აენთება, საშინლად აღელვდება და გაბრაზებული მაგიდას მუშტით ამტვრევს ხოლმე. შაბათს დილით პირველ კლასის შეგირდისათვის აბაზიანი წაერთმევიანა ვილაკას. სწყალი ტიროდა და ჩიოდა, რვეული რილათი ვიყიდოო. გარონეს შეეცოდა და თავისი ერთად-ერთი აბაზი მისცა.

აგერ სამი დღეა გარონე თავ-აუღებლივ წერილსა სწერს თავის დედას და სადღეობოდ უნდა გაუგზავნოს. რვა გვერდი უკვე დაწერილი აქვს. ყოველ გვერდზე რომელსამე სურათსა ჰხატავს. გარონეს დედა სასწავლებელში ხშირად მოდის ხოლმე. დედაშვილნი ერთმანეთს ძალიანა ჰგვანან. როგორც ეტყობა, მასწავლებელსაც უყვარს გარონე. ისე არ გაუვლის გვერდით, რომ მხარზე ხელი არ დაჰკრას. დარწმუნებული ვარ, გარონე ამხანაგისათვის სიცოცხლეს არ დაიშურებს; ნათლად ეტყობა სახეზე. ხმა ბოხი და არა-სასიამოვნო აქვს, მაგრამ გულით-კი მეტად კეთილია.

---

#### 7-ი. ორშაბათი.

გარონე თავის დღეში არ იტყვის იმას, რაც გუშინ კარლ ნობისმა მოსწავლე ბეტის უთხრა. კარლს თავი მოაქვს, მამაჩემი შეძლებული მოქალაქეაო. კარლის მამა მალალის ტანისაა, შავ-წვერა, და მეტად

ქკვიანის სახის კაცია. ყოველ დღე მოდის შვილ-  
თან. გუშინ დილით კარლი და ბეტი წაიჩხუბნენ.  
ჩხუბში კარლმა გამოჯავრებით უთხრა ბეტის: „მამა-  
შენი გლახაო“. ბეტი გაწითლდა, არაფერი არ უპა-  
სუხა კარლს, მაგრამ გული-კი ამოუჯდა და თვალებ-  
ში ცრემლი მოერია. შინ მისვლის უმალ მამისათვის  
ეთქვა ეს ამბავი. დაბალი, მთლად გაშავებული მე-  
ნახშირე, ბეტის მამა, სალამოს გაკვეთილზე მოვიდა  
და მასწავლებელთან უჩივლა კარლს. ყველანი სულ-  
განაბულნი ვუგდებდით ყურს მენახშირეს. ამ ლაპა-  
რაკის დროს კარლის მამა ჩვენის კლასის კარებთან  
მდგარიყო, გაიგონა თუ არა თავისი სახელი, კლასში  
შემოვიდა და იკითხა:

— რა ამბავია?

— აი, ეს მუშა კაცი სჩივისო, უთხრა მასწავლე-  
ბელმა: თქვენს შვილს კარლს ამის შვილისათვის უთ-  
ქვამს, რომ მამაშენი გლახაო.

კარლის მამამ შუბლი შეიკმუხენა და შვილს  
გაჯავრებით უთხრა:

— შენ უთხარი ესაო?

კარლი თავ-ჩალუნული და გაჩუმებული იდგა-  
მამამ ხელი წაავლო, გაიყვანა და უთხრა:

— ეხლავ ბოდიში მოიხადეო!

მენახშირეს უნდოდა შეეყენებინა, მაგრამ კარ-  
ლის მამა არ დასთანხმდა.

— სთხოვე გაპატიოსო, გაუმეორა მამამ კარლს:  
ასე უთხარ, მაპატიე მამიშენის უზრდელისა, სულე-

ლურისა და არა-საკადრისის ლანძღვისთვის; მამაჩემი სიამოვნებით ართმევს ხელს მამაშენს და თავიც მოსწონს ამითი-თქო!

მენახშირეს კვლავ უნდოდა შეეყენებინა, მაგრამ აღარ დააცადეს, კარლმა გაიმეორა მამის სიტყვები:

— გთხოვ მაპატიო... უზღელი... სულელური, არა-საკადრისი... მამიშენის ლანძღვა... მამაჩემი სიამოვნებით ართმევს მამაშენს ხელს... და ამითი თავიც მოსწონს.

კარლის მამამ მეგობრულად გაუწოდა ხელი მენახშირეს.

— გთხოვთ ორივენი ერთად დასხათ! უთხრა მასწავლებელს კარლის მამამ. მასწავლებელმა კარლი და ბეტი ერთად დასხა. კარლის მამა გამოემშვიდობა მასწავლებელსა და მენახშირეს ზე კლასიდგან გავიდა. მენახშირე კიდევ რამდენსამე ხანს დაფიქრებით შესცქეროდა ახალს მეზობლებს, შემდეგ მივიდა, კარლს ალერსიანად და შებრალებით შეჰხედა, თითქოს რაღაცა უნდოდა ეთქვა, თითქმის ხელიც-კი გაუწოდა, მაგრამ ვერ გაბედა, მხოლოდ თავზედ გადაუსვა ხელი, ერთი კიდევ გადაჰხედა და გავიდა.

— ბავშვებო, კარგად დაიხსომეთ დღევანდელი ამბავიო, გვითხრა მასწავლებელმა გაკვეთილის დასასრულს: წელს ეს თქვენთვის საუკეთესო გაკვეთილიაო.

მენახშირის შვილი წინად ქ-ნს დელკატისთან სწავლობდა. ქ-ნი დელკატი დღეს ჩვენსა იყო ჩემის ავადმყოფ ძმის სანახავად. მასწავლებელი. ქალი მხიარულს გუნებაზე იყო და ბევრიც გვაცინა. გვიამბო, რომ ერთხელ მენახშირის ცოლს წინსათარი ნახშირით გაეცსო და იმასთან საჩუქრად მიეტანა, ვითომ-და მადლობის ნიშნად, რომ იმის შვილს ბეტის საჩუქრად მენდალი მიეღო! საწყალს საჩუქრის უკანვე წაღება აღარ უნდოდა თურმე. ჩხუბობდა, თითქმის ტიროდა კიდევ, ნახშირი უკან რომ დაუბრუნესო. ერთის შეგირდის დედას კიდევ დელკატისათვის ყვავილების მშვენიერი კონა მიეტანა. ყვავილებ შუა ფული ყოფილიყო ჩატანებული. ჩემი ძმა გამხიარულდა ლაპარაკში და შეუზიზღებლივ დალია მწარე წამალი. სწორედ რომ დიდი მოთმინება უნდა პირველის კლასის პატარა ბავშვებს: ზოგს კბილები აკლია და ჩიფჩიფებს, ზოგი ახველებს, ზოგს ცხვირიდგან სისხლი წასქდება ხოლმე, ზოგს წაღები ეკარგება; ზოგი წმუკუნებს, რადგან რვეული უყიდნია და არა ის, რომელიც საჭირო იყო. კლასში ორმოც-და-ათნი არიან! განა იმათი მორჯულება, გაწვრთნა და სწავლება ჯვარცმა არ არის? ჯვარცმაა, მით უფრო, რომ პატარები მეტად დაუდგარნი არიან და ერთს წუთს არ ისვენებენ. ზოგს სათამაშო აქვს და იმისკენ მიუბრუნებს გონება და ზოგს რა. მა-

სწავლებელმა ყველას უნდა ადევნოს თვალი. ზოგი ისეთი ეშმაკია, რომ წაღებში ჰმაღლავს სათამაშოებს... იმათი სწავლა ისე არ აწუხებს მასწავლებელს, როგორც ის გარემოება, რომ ყველანი ჰკვიანად დასხას... ტანთ იცვამს შეგირდი, მასწავლებელო, უშველე. ხელი გაიქრა შეგირდმა, მასწავლებელო, შეუხვიე. დაეკარგა რამე, უპოვე. ღმერთმა დაიფაროს, თუ ნივთები აერიათ... ისეთს ალიაქოთსა და ყვირილს შეჰქმნიან ხოლმე, რომ ყურთა სმენა აღარ არის. სწორედ ხათაბალაა!.. მაგრამ ბავშვების დედები მაინც სჩივიან: — როგორ მოხდა, რომ ჩემმა შვილმა კალამი დაჰკარგაო?.

— რა მიზეზია, რომ ჩემი შვილი ზარმაცობს?

— ჩემი შვილი კარგადა სწავლობს და თქვენ-კი არ აქებთ, არ აქებებთ.

— სკამზე ლურსმანი ყოფილა და ჩემს პიერს შალვარი დაუხვევია....

ისეთი საჩივრები გესმის, რომ სწორედ მოთმინებიდგან გამოვა ადამიანი. მზადა ხარ წაეჩხუბო, მაგრამ ძალას იტან ზე თავს იმაგრებ... ხანდახან შეგირდს გაუჯავრდები, მაგრამ ისევ შენვე შეგეცოდება ბავშვი და მიუაღერსებ. ცელქს, დაუდევარს კლასიდგან დავითხოვ ხოლმე, მაგრამ სულით მევე ვიტანჯები და იმათ მშობლებზე მომდის ბრაზი, რომ ბავშვებს, რიგიანად აღზრდის მაგიერ, ყოველს უმსგავსოებას აჩვევენ...

— ბავშვებს ხომ უყვარხართო? ჰკითხა დედამ, მასწავლებელმა რომ გაათავა ლაპარაკი.

— ბევრს, მაგრამ რაკი ჩვენგან შემდეგს კლასში გადადიან, გვერიდებიან, თითქოს სცხვენინათ კიდევ ჩვენი. ორი წელიწადი იმათ ზრუნვაში ხარ, ასწავლი და სწორედ რომ სამძიშოა ხოლმე დაშორება. ჰფიქრობ, აი ეს ბავშვი არ დამივიწყებსო. საზაფხულოდ დავითხოვთ... ბრუნდება! სოფლიდგან. შენ სიამოვნებით ეგებები, ეალერსები და ის-კი ზურგს გაქცევს... ქ-ნი დელკატისა უცებ დაჩუმდა და თვალებიდგან ცრემლები წამოსცვივდა:

— შენ ხომ ასე არ მომექცევი, ჩემო კარგო, პირს არას დროს არ მოარიდებ შენს ერთგულს მეგობარს, არა? უთხრა ჩემს ძმას, აკოცა ზე შინისაკენ გაეშურა.

## წ ე რ ი ლ ი

10-ი. ხუთშაბათი.

გუშინ შენის ძმის მასწავლებელთან დედა შენს საშინლად უზრდელად ექცეოდი. ენრიკო, ეგ აღარ გაიმეორა! შენი გაუთლელობა გულში ლახვარსავით მეცა. მაშინვე მომაგონდა, როგორ გველებოდა თავს დედაშენი ამ რამდენისამე წლის წინად, როგორ დასტრიალებდა შენს საწოლს და შენს სუნთქვას თვალყურს ადევნებდა; მწარედ ტიროდა, ეშინოდა, შვილი ხელიდგან არ გამომეცალოსო. შენ-კი დედას უპატიურად ექცევი, იმ დედას, რომელიც ყოველთვის მზად არის თავისი სიცოცხლე განსაცდელში ჩააგდოს შენის გულისათვის და შენდა საბედნიეროდ



მათხოვრობასაც-კი არ მოერიდება! მომისმინე, ენრიკო, შეიძლება ბევრი მწარე-ღღე ნახო. შენს სიცოცხლეში, მაგრამ ყველაზე უმწარესი უბედურება-კი დედის დამარხვაა. გაიზრდები, ჯან-ლონით აივსები, ცხოვრებაში გამობრძმედლები, მაგრამ ძლიერ ხშირად, თითქმის ყოველ საათს, ყოველ ღღე დედის ხსენება-ში-კი იქნები. არა ერთხელ მოგინდება კვლავ ნახო, იმისი ხმა გაიგონო, ერთს წუთს მაინც არის კიდევ მოეხვიო, გულში ჩაეკრა და მღუღარება დააბნო იმის მკერდზე. არა ერთხელ გაგიმწარებს სიცოცხლეს ის აზრი, ჩემის წინდაუხედაობით რა დარღ-ში ჩავაგდე დედაჩემიო. ვინც დედის ურჩია, ის ძნელად მოისვენებს... სულ ამოაა ლოცვა-და თხოვნა-ვედრებაც, რომ შეცდომა მაპატიეთო. სინიდისი მაინც არ მოგასვენებს. სულით დაიტანჯები, რაკი მოგაგონდება, რომ ვერ დაიბრუნე ის, რაც დედამ თან წაიღო... ენრიკო, დედის სიყვარული ადამიანის უკეთესი და უწმიდესი გრძობაა... და ვაი იმას, ვინც ამ გრძობას წმიდად არ ინახავს... თვით ავაზაკიც-კი, თუ თავისი დედა უყვარს, ოღ-ნავ მაინც, პატიოსანი ადამიანია; ყოვლად წარჩინებული და დიდებული ადამიანიც-კი მეტად საზიზღარი და მდაბალია, თუ საკუთარის დედის მორჩილი და მოყვარული არ არის. აღარ გაჰბედო ის, რაც ერთხელ შეცდომით მოგივიდა. ენრიკო, თუ კიდევ წამოგცდეს. ეგ. სიტყვა, იცოდე, მამის შიშმა-კი არა, შეიძლება საკუთარმა სულის ტანჯვამა და სინიდისის

ქენჯვნამ იქამდე მიგიყვანოს, რომ დედის წინაშე მუხლებზე დაეცე და პატიება სთხოვო, რომ თავისის კოცნით შენი გული და სინილისი გაასპეტაკოს. ჩემო კარგო, ჩემო ნუგეშო! მიყვარხარ, მაგრამ შენს სიკვდილს უფრო ავიტან, ვიდრე შენს უმსგავსოებასა და უმადურობას. არ მომიახლოვდე სააღერსოდ. ჯერ კიდევ არ შემიძლიან აღერსი აღერსითვე გადაგიხადო.

შენი მამა.

---

13-ი. კვირა.

მამაჩემმა-კი მაპატიო, მაგრამ მე მაინც ნალევლი არა მშორდება. დედაჩემმა სასეირნოდ კორსოზე გამგზავნა და თან ჩვენი მოსამსახურეს უფროსი შეილი გამაყოლა. გზაზედ ერთის დუქნის წინ შეშით დატვირთული ურემი შევნიშნე. უცებ შემომესმა ჩემი სახელი, მივტრიალდი და ვნახე, რომ ჩემი ამხანაგი კორეტი თავის შავს ხალათში იყო, მთლად ოფლში გაწურულიყო და ზურგით შეშის კონას მიაძუნძულებდა. ურემზე ვილაც კაცი იდგა. ის შეშას ურმიდგან კორეტის აწვდიდა, კორეტი მარდად ჰკრავდა თოკით და მამის დუქანში ალაგებდა.

— რას აკეთებ-მეთქი, კორეტი? ვკითხე.

— განა ვერა ჰხედავ? მიპასუხა კორეტი: გაკვეთილს ვამზადებო.

გამეცინა, მაგრამ მართალს-კი ამბობდა. წამოიღო ზურგზე შეშა და სიარულში იმეორებდა: ზ მ ნ ა.

იცვლება რიცხვისა და პიროვნების თანხმად (შევიდა ღუქანში, დაჰყარა შეშა და დაუწყობა დალაგება). დროს შესაფერ მოქმედებითი... (ურომისაკენ წამოვიდა) კანკლედობა, სადაც მოქმედება ჰხატავს...

— ესა გვაქვს გრამატიკიდგან, არა? მომიბრუნდა: რას იზამ, არ მინდა დრო დაეკარგო. მამაჩემი ნოქართან საქმისათვის წავიდა, დედა ავად არის და ურემს-კი დატლა უნდა. ვმუშაობ და თან გაკვეთილს ვიმეორებ! ძნელი გაკვეთილია!... მამა სალამოს შვიდს საათზე დაბრუნდება ლე მაშინ გაგისწორდებითო, უთხრა კორექტიმ მეურმეს.

ურემი დაიკალა და წაიღეს.

— ერთს წუთს ღუქანში შემოდი.

შევედი. ღუქანი კარგა ფართოა. რიგზე დალაგებული აუარებელი დაქრილი შეშა აწყვეია.

— დღეს სულ გაკვეთილების მზადებაში ვარ, მითხრა კორექტიმ: წინადადებებსა ვწერდი, მაგრამ მუშტრებმა მომაცდინეს. დავიწყე კვლავ წერა და ვნახოთ ურემი მოვიდა. დილას ორჯელ შეშის მოედანზე გავიქეცი. საშინლად დავიღალე და ხელები ხომ დამისივდა... სწორედ რომ კარგი დროა ხატვის გაკვეთილისათვის, არა!

ლაპარაკში წამოაელო ხელი ცოცხს და თვალის ერთს დახამხამებაზედ ღუქნის იატაკი მოასუფთავა.

— გაკვეთილს სად ამზადებ ხოლმე, კორექტი? ვკითხე მე.

— აი წამოდი და გაჩვენებო.

შემიყვანა ღუქნის უკანა პატარა ოთახში. კუთხეში მაგიდა იდგა. მაგიდაზე წიგნები, რვეულები და ახლად ნაწერი რვეული იყო.

— მე სწორედ მეორე წინადადებაზედ შევჩერდი. აი სწერია: ტყავიდგან ჰკერავენ ფეხსაცმელსაო. ცხენის მორთულობასაც დავუმატებ.

კორექტიმ ჩააწო კალამი მელანში და თავის მშვენიერის ხელით წერა დაიწყო.

— არავენ არისო? მოისმა ღუქნიდგან ხმა.

— აქა ვარო, მიაძახა კორექტიმ და ღუქანში გავარდა. გუდურა შემა მიჰყიდა მუშტარს, ფული დაეთარში ჩასწერა და ისევ ოთახში შემოიბრინა.

— ვნახოთ, მაგათი გამოჯავრებული დავათავებ, თუ არა. ჰო, აკეთებენ კიდევ ქისებს. ვაი, ვაი, ყავა გადმოვიდაო! დაიყვირა კორექტიმ, ბუხრისაკენ გაექანა და ცეცხლიდგან ყავის ქეთლი გადმოიღო. ყავის მოხარშვაც ვერ ვისწავლე. მოიცა, ყავას ეხლავ დედას წავულებ! ძალიან გაუხარდება, რომ დაგინახავს. ერთი კვირაა ლოგინში წევს. ამ ყავის დუღებაში თითები სულ დამწვარი მაქვს.

მეორე პატარა ღუქანში გავედით. კორექტის დედა თავზე ხილაბანდ-წაკრული იწვა.

— აი, ყავა, დედა... ესეც ჩემი სასწავლებლის ამხა. ნაგია! უთხრა კორექტიმ დედას და ქიქით ყავა მიუტანა.

— ავადმყოფების სანახავად დასდინხართ! მითხრა ავადმყოფმა.

კორექტიმ დედას ბალიშები და საბანი გაუსწორა, ბუხარს შეშა შეუმატა და საწოლიდგან კატა გადმოაგდო.

— კიდევ გინდა რამე, დედი? ჰკითხა კორექტიმ და ცალიერი კიქა ჩამოართვა: წამალი დალიე? შეშა დალაგებულია! ოთხს საათზე, როგორც მითხარით, ხორცს ცეცხლზე შევდგამ და, როცა ჩვენი მეწვრილმანე მოვა, ფულს მივცემ. ყველაფერი რიგზეა, ნუ შესწუხდები.

— მადლობელი ვარ, ჩემო კარგო! უთხრა დედამ: საწყალს ყველაფერი თავში საცემად მაგას გაუხდა.

ავადმყოფმა შაქრის ნატეხი შემომთავაზა. კორექტიმ თავის მამის ფოტოგრაფიული სურათი მაჩვენა. ეს სურათი ჯარში ყოფნის დროს იყო გადაღებული და გულზე ჰუმბერტოს რაზმში მიღებული მენდალი ეკიდა. მამა ძალიანა ჰგავს შვილს. ისეთივე ცოცხალი თვალები აქვს და პირზედ სულ მუდამ ღრმილი აკერია. ჩვენ ისევ მეორე ოთახში გამოვედით.

— მომაგონდა, წამოიძახა კორექტიმ: ტყავისას აკეთებენ ჯანბარას, მათრახს, შოლტს. დანარჩენს სალამოზე დაეწერ. მეტი რა ღონეა, შუალამემდის ფეხზე უნდა ვიყო. შენ რა გიჭირს, ბედნიერი ხარ სწავლის დროცა გაქვს და სეირნობისაც.

სთქვა, გრძელს შეშას დაავლო ხელი, სახერხზე დასდვა და ხერხვა დაუწყო.

— აი, გიმნასტიკაც ეს გახლავთ. მინდა, რომ სანამ მამა ჩემი დაბრუნდება, ყველაფერი რიგზე და-

ვახვედრო, ესიამოვნება. უბედურება მხოლოდ ის არის, რომ ხერხვის შემდეგ ცუდადა ვწერ ხოლმე. მაინც არა უშავს-რა, მასწავლებელს ვეტყვი, რომ: საჭირო იყო მუშაობა-მეთქი. ნეტავ დედა-კი მალე მორჩეს. დღეს-კი უკეთ არის: გრამატიკას დილაზე მამლის ყივილისას დავისწავლი. ოჰო, კიდევ ურემი მოვიდა! აბა ამასაც მივყოთ ხელი.

შეშით დატვირთული ურემი დუქნის წინ დადგა. კორექტიმ რაღაცა უთხრა მეურმეს და დაბრუნდა.

— ეხლა მე შენთვის აღარა მკალიან! მადლობელი ვარ, რომ მნახე, ვისურვებ შენს მხიარულად სეირნობას, ბედნიერო!

ჩამომართვა საჩქაროდ ხელი და კვლავ ჩვეულებრივს მუშაობას შეუდგა. ურმიდგან დუქანში და დუქნიდგან ურმამდე შედიოდა და გამოდიოდა. სასიამოვნო სანახაფი იყო ეს პატარა მუშა. „ბედნიერო“, მითხრა. არა, კორექტი, არა! შენ ჩემზედ ბედნიერი ხარ! შენ სწავლობ კიდევ, ჰმუშაობ კიდევ, მშობლებს ეხმარები, ოჯახის სასარგებლო ხარ: შენ ჩემზედ გაცილებით კეთილი და უკეთესი ხარ.....

---

18-ი. პარასკევი.

კორექტიმ ძალიან ისიამოვნა. თთვიურ გამოცდაზე დასასწრებლად ჩვენს კლასში იმისი მეორე კლასის ნამასწავლებლარიც შემოვიდა. კოატი მაღალ-მაღალი.

კაცია და მეტად რიხიანი ხმა აქვს. შავი ხუჭუჭი თმა, შავი თვალები და წვერ-ულვაში აქვს და სიმკაცრე და სისასტიკე ემჩნევა, თუმცა ჯერ არც ერთი შეგირდი არ ჩაუჭრია. გამოცდაზე იმას გარდა ექვსი სხვა მასწავლებელი დაესწრო. მასწავლებელთა შორის ახალი, პატარა უწვერ-ულვაშო მასწავლებელიც ერია. მეოთხე კლასის მასწავლებელს თბილი ტანისამოსი აცვია. სოფელში რომ მასწავლებლად ყოფილიყო, იქ ავად გამხდარიყო სინესტისაგან და ჯერაც არ მორჩენილა. მეორე, მეოთხე კლასისავე მოხუცი მასწავლებელი, წინად ბრძების სასწავლებელში იყო მასწავლებლად.

ერთი მასწავლებელი, ქერა ლე ულვაშებ-გაწყებილი, მეტად კოპწიად არის ჩაცმული. იმას „ვექილს“ ეძახიან, რადგან ვექილობის მოწმობა აქვს. მანვე პირველ-დაწყებითი გრამატიკის სახელმძღვანელო შეადგინა. გიმნასტიკის მასწავლებელი ნამდვილი ჯარის-კაცია. გარიბალდის სარდლობის დროს ომში ყოფილა და იქ მიღებულს ჯილდოს ყელიდგან არ იშორებს. მილაკოს ომში დაუჭრიათ კიდევ. სასწავლებლის უფროსს ოქროს სათვალეები აქვს გაკეთებული და, როგორც ყოველთვის, ეხლაც ყელამდის შეკრული შავი ტანისამოსი აცვია. შეგირდებს მეტად კეთილად ეპყრობა. როცა შეგირდს დასარიგებლად თავისთან ეძახის, შეგირდი გულის ცახცახით შედის, მაგრამ ის ხელს არ დააკარებს ხოლმე და გაჯავრებითაც-კი არ გაუჯავრდება. ტუბილის სიტყვით არი-

გებს, არცხვენს და შეგირდიც მთლად შერცხვე-  
ნილი და თვალ-ცრემლიანი შორდება უფროსს.

ყველაზე ადრე უფროსი შემოვა ხოლმე კლა-  
სებში. დილით ელის შეგირდების შეკრებას და გარეშე  
მთხოვნელებსა ჰნახულობს. როცა გაკვეთილები თა-  
ვდება, ქალაქში გამოდის, ქუჩა-ქუჩა დადის და შე-  
გირდებს ათვალთვრებს, ან ეტლმა არ გაიტანოს, ან  
უწესოება არა მოახდინონ-რათ. შეგირდები შენი-  
შნავენ ხოლმე თუ არა, მაშინვე თავს ანებებენ თა-  
მაშობას და აქეთ-იქით იმალებიან. რაც ჩვენს უფ-  
როსს თავის ნებით ჯარში შესული შვილი მოუკვდა,  
მხიარულს გუნებაზე არავის უნახავს. ამ უბედურე-  
ბის შემდეგ სასწავლებლისათვის თავი უნდა დაენე-  
ბებინა, თხოვნაც მზადა ჰქონდა, მაგრამ შეგირდე-  
ბის მოშორება როგორღაც ეძნელებოდა. ეხლა-კი  
შგონი გადაუწყვეტია სკოლას თავი არ დაანებოს. მამა  
ჩემი იყო იმასთან და უთხრა: „სწორედ სამწუხაროა,  
რომ სასწავლებელს თავს ანებებთო“. ლაპარაკში ვი-  
ლაცა შევიდა თურმე უფროსთან და თავისის ნათე-  
სავის შვილის მიღება სთხოვა. ის ბავშვი სიახლო-  
ვეს გულისათვის სხვა სასწავლებლიდგან ჩვენთან გად-  
მოჰყავდათ. უფროსი დაკვირვებით დააცქერდა ბავშვს  
და შემდეგ მაგიდაზე სურათს გადაჰხედა. მერე ახლად  
მოყვანილი ბავშვი ახლოს მიიყვანა და მიუღალერსა.  
ბავშვი იმის გარდაცვალებულს შვილს ჰგავდა თურ-  
მე ძალიან.

უფროსმა ჩასწერა ბავშვი და მიმყვანს უთხრა,



კარგით! ისინი საჩქაროდ გავიდნენ. უფროსი როგორღაც დაღონდა.

— ვწუხვარ სწორედ, რომ სასწავლებელს თავს ანებებთო! გაუმეორა მამა ჩემმა.

უფროსმა მაგიდიდგან დათხოვნის ქალაღდს წამოავლო ხელი, გახია და სთქვა:

— ვრჩებიო...

---

22-ი. სამშაბათი.

ჩვენის უფროსის შვილი თავისუფლად შესული ჯარის-კაცი იყო. როცა-კი გაკვეთილს გავათავებთ ზოღმე, უფროსი მაშინვე კორსოზე მიღის სწავლიდგან დაბრუნებულ რაზმის საყურებლად. გუშინ ქვეითა რაზმი მოდიოდა. მოსწავლენი ერთს ამბავში იყვნენ და სამხედრო მუსიკის ხმას ტაშს აყოლებდნენ. გარონე პურით ხელში, კოპწია ვიტონი, მქედლის შვილი პრეკასი, კალაბრიელი, „პატარა კალატოზი“, ქერა კროსი, ფლიდი ფრანტი, არტილერიის კაპიტნის შვილი რობეტი (ყავარჯნებით დაღის) და მე ჯარის-საცქერლად ქუჩაზე გამოვედით. რაზმში ერთი კოქლი ჯარის-კაცი ერია. ფრანტიმ სიცილი დაიწყო, შენიშნა თუ არა კოქლი ჯარის-კაცი. უცებ ფრანტის ვიღამაც ხელი წაავლო. ფრანტი მიტრიაღდა და უფროსი დაინახა.

— ჯარის-კაცის დაცინვა, მერე მაშინ, როდესაც ის რაზმშია და არ შეუძლიან პასუხის მოცემა, ხელ-

ფეხ-შეკრულის კაცის დაცინვასა ჰგავს და დიდი უმსგავსოებააო! უთხრა უფროსმა ფრანტის, რომელიც შერცხვენილი სადღაც მიიმალა.

შემდეგ უფროსი მოგვიბრუნდა და გვითხრა:

— ყმაწვილებო, ჯარის-კაცები გიყვარდეთ. ჩვენნი მფარველები ესენი არიან! ხვალ რომ მტერმა ჩვენს სამშობლოს აოხრება დაუპიროს, ეგენი უნდა დაუდგნენ წინ, თავი უნდა შეაკლან და სამშობლო განსაცდელისაგან დაიხსნან. ეგენი თუმცა ვაჟკაცები არიან, მაინც თქვენსავით სასწავლებელში დადიან სასწავლებლად. მათ შორის მდიდრებიც არიან და ღარიბებიც. ყველა იტალიის ნაწილიდგან მოუყრიათ თავი. აგერ სახეზედვე ეტყობათ, რომ იტალიელები არიან. აი ესენი-კი სარდინიელები, ნეპოლელები და ლომბარდიელები არიან. ეს რაზმი ყველაზე უძლეველი რაზმია. 1848 წ. ომში ესენიც იყვნენ. ხალხი სხვადა-სხვაა, მაგრამ დროშა-კი ერთი აქვთ. არ უნდა დაივიწყოთ, რომ ამ დროშას ქვეშ ბევრს შეუწირავს სამშობლოსათვის სიცოცხლე.

— აგერ დროშაო! წამოიძახა გარონემ.

— ბავშვებო, ქუდი მოიხადეთ და ამით ჩვენს სამფეროვანს დროშას პატივი ეცით, გვითხრა ბოლოს უფროსმა.

ამ დროს აფიცრებმა ჩვენს მახლობლად დაფლეთილ-დაკუწული, ჯილდოებით შემკული დროშა გამოატარეს. ჩვენ ყველამ ერთად ქუდები მოვიხადეთ. აფიცრება შემოგვხედა, გაგვიღიმა და სალაში მოგვცა.

— გაიზარდენით! ბარაქალა, ყმაწვილებო! ვი-  
ლაცამ წამოგვძახა უკანიდგან.

მივიხედეთ. მოხუცი მხედარი, რომელსაც კრიმის  
ომის დროის ნიშანი ეკიდა გულზე, იდგა და ჩვენ  
გვიყურებდა.

— ყოჩაღ! განიმეორა მოხუცმა: ვინც ბავშვო-  
ბითვე სამშობლოს დროშას შესაფერს პატივსა სცემს,  
ის იმის დაცვასაც შეიძლებს, როცა წამოიზრდება.

---

23-ი. ოთხშაბათი.

გუშინ საწყალი კუზიანი ნელი ჯარის-კაცებს  
დაღონებით უცქეროდა, თითქოს ჰფიქრობდა: „მე  
ხომ არ მელირსება ჯარის-კაცად ყოფნაო“. ნელი  
მეტის-მეტის მუშაობისაგან საშინლად გამხდარი და  
გაყვითლებულია. იმისა დაბალი, ქერა და შავ-კაბა  
დედა ყოველ დღე მოდის შეილის სანახავად სასწავლე-  
ბელში. პირველში ნელის ბევრი შეგირდი დასცინო-  
და, აბგებს კუზზე სცემდნენ ხოლმე, მაგრამ ის მაინც  
გაჩუმებული იტანდა დაცინვას და ერთისთვისაც არ  
შეუბრუნებია სიტყვა, თუ ხელი. დასცინოდნენ და  
ის-კი გაჩუმებული თავის ალაგას უძრავად იჯდა და  
ჯავრს ცრემლით იკლავდა. საწყალს დედასაც-კი არ  
ეუბნებოდა, რომ ამხანაგები დამცინიანო. ბოლოს,  
რა-კი გარონემ ყველას უთხრა, რომ ვინც-კი ნელის  
ხელით, ან სიტყვით შეეხება, ლაწანს მიიღებსო,  
ყველანი ჩამოეცალნენ და ნელიმ მოისვენა. ფრან-

ტი მაინც არ დაწყნარდა და კარგი ლაწანიც გაიკრა.

მასწავლებელმა ნელი და გარონე ერთს სკამზე დასხა და მათ შორის ტკბილი მეგობრობაც ჩამოვარდა. მოვიდოდა თუ არა ნელი სასწავლებელში, მაშინვე გარონეს ძებნას დაუწყებდა, და სასწავლებლიდან ხომ ისე არ წავიდოდა, რომ გარონეს არ გამოსთხოვებოდა. გარონესაც შეუყვარდა ნელი და სულ იმის ლოლიაობაში იყო. წიგნების ჩალაგებასა და ზედა ტანსაცმელის ჩაცმასა შეელოდა ხოლმე. როცა მასწავლებელი აქებდა გარონეს, ნელი სიხარულისაგან ფეხზედ აღარ იდგა ხოლმე, თითქოს მასწავლებელმა ის აქოო. უეჭველია ნელიმ ეხლა-კი უამბო დედას, რომ ამხანაგები დამცინოდნენ, მცემდნენო, და უთხრა კიდევ, ვინც იყო იმისი მფარველი და საყვარელი მეგობარი. უამბობდა, თორემ დღეს დილით ეს ამბავი არ მოხდებოდა.

უკანასკნელ გაკვეთილის გათავებისას მასწავლებელმა უფროსთან გაკვეთილების ნუსხა გამატანა. მე ისევ უფროსთან ვიყავ, როცა ნელის დედა შემოვიდა და იკითხა:

— ბ-ნო უფროსო, ჩემის შვილის კლასშია მოსწავლე გარონე?

— დიახო! უპასუხა უფროსმა.

— თუ შეიძლება, უბრძანეთ ერთს წამს აქ გამოვიდეს, მინდა რამდენიმე სიტყვა ვუთხრა.

უფროსმა შესხური გაჰგზავნა გარონეს დასაძახე-

ბლად. რამდენსამე წამს შემდეგ ოთახში გაოცებულ-  
ლი გარონე შემოვიდა. ნელის დედა წინ მიეგება გა-  
რონეს, გადაეხვია და აკოცა მერე. საჩქაროდ ჯი-  
ბიდგან წითელს ლენტზე შებმული ჯვარი ამოიღო.  
და გულზე ჩამოჰკიდა.

— ეს ჯვარი ჩემ სახსოვრად ატარე, ჩემო ძვირ-  
ფასო, ჩემის შვილის მფარველო და მეგობარო. ესა  
გქონდეს სახსოვრად ნელის დედისა, რომელიც მე-  
ტად დავალბებულა. შენგან და სიკვდილამდე შენს  
ლოცვას არ მოიშლის!

---

25-ი. პარასკევი.

გარონე თუ ყველას უყვარს, დეროსი ყველას  
აკვირვებს. დეროსმა შარშან პირველი მენდალი მიი-  
ღო და წელსაც ვერაფერს აჯობებს. ყველა ჰგრძნობს  
იმის უკეთესობას. ის არის პირველი შეგირდი არით-  
მეტიკაშიაც, გრამატიკაშიაც, თხზულებაშიაც, ხა-  
ტვაშიაც. ყველაფერს სწრაფად ითვისებს და საუცხოო  
გულის ყური აქვს. იმისათვის სწავლა გასართობია.  
გუშინ მასწავლებელმა უთხრა.

— ღმერთს შენთვის ნიჭი მოუცია და ეცადე,  
უბრალოდ არ დაჰმარხოო.

სახითა და ტანადობითაც ლამაზია დეროსი. ხშირი  
შავი თმა ხომ ერთი-ორად ამშვენებს. ამასთან მეტად  
მკვირცხლი და ცოცხალი ბავშვია. საშინლად უყვარს

და ემარჯვება კიდევ გიმნასტიკა. სულ თორმეტის წლისაა; მოლურჯო, ოქროში-დაფერილ ღილებიანი ხალათი აცვია. ყველას კეთილად ექცევა, არც არავის აწყენინებს და არც არავის წაიჩხუბებს. გამოცდის დროს ყველა ამხანაგს, რითიც-კი შეეძლო, შევლოდა. მხოლოდ ნობისი და ფრანტი რაღაც აღმაცერად უცქერიან დეროსის. ვოტინს ხომ შურით გული უკვდება, რად არის დეროსი პირველი შეგირდიო. დეროსი-კი ყველა ამხანაგს ერთ გვარად ექცევა, ყველას აძლევს სალამს, ყველას უცინის, ყველას ურიგებს საჩუქრად სურათებს, რომელიც შინიდან მოაქვს ხოლმე. კალაბრიელს კალაბრიის გეოგრაფიული სურათი დაუხატა და სახსოვრად მისცა. მზად არის, რაც-კი აბადია, სულ ამხანაგს გაუზიაროს და თითონ-კი არავისაგან არაფერს არ იღებს.

სწორედ რომ ყოველად შეუძლებელია შური არ აღეძრას ადამიანს გულში, როცა კარგადა ჰგრძნობს, რომ ყველაფრით ჩამორჩება იმას. თითქმის მეც ვოტინსავით შური გამიტაცებს ხოლმე. ჯავრი მაშინ უფრო მომდის, როცა გაკვეთილსა ვწავლობ, თავს ვიხეთქავ, ოფლში ვიწურები და მაინც ძლივ-ძლიობით ვითვისებ. ჩემდა უნებურად მაგონდება, რომ დეროსი ყოველს გაკვეთილს ადვილად, ძალ-დაუტანებლად სწავლობს. კლასში-კი რომ ვნახავ ხოლმე, მხიარულოს, მეტადრე როცა თავ-გამოდებით ამბობს გაკვეთილს და ყველანი სიხარულით შესცქერიან, დარდი გადამეყრება ხოლმე გულიდან, ბოროტი აზრი მეფანტება

და მევე მრცხვენიან ჩემის შურიანობისა. სწორედ  
მინდა, რომ სულ იმის მახლობლად ვიყო და გაკვე-  
თილსაც უფრო გულ-დადებითა ვსწავლობ... მასწავ-  
ლებელმა დეროსის მისცა მოთხრობა „დაჩაჯი“ გა-  
დასაწერად. ამ მოთხრობას ხვალ მასწავლებელი  
კლასში წაგვიკითხავს: დეროსი გაჩქარებული სწერს...  
სახე საშინლად გასწითლებია და თვალები სიამოვნ-  
ებით უცინის და უელვარებს! შორიდგან შეეცქე-  
როდი და თან ვფიქრობდი:

— რა კარგი რამ ხარ, რა კეთილშობილი! რაც  
უნდა იყოს, ჩემზე ერთი ათად უკეთესი ხარ! სწო-  
რედ ისეთს პატრისა გცემ, როგორც ჩემზედ უფროსს,  
ვაჟკაცს. შენის ქცევით აღტაცებაში მოვდივარ...

---

## დ ა რ ა ჯ ი

(მოთხრობა)

26-ი. შაბათი.

1859 წ. ლომბარდიის განსათავისუფლებლად ომი  
იყო. სოლოფერინოსთან შეტაკებას შემდეგ, სადაც  
ფრანგებმა და იტალიელებმა ავსტრიელები დაამარ-  
ცხეს, იმ ალაგის მახლობლად, ივლისის ერთს მშვე-  
ნიერს დილას, ცხენოსან ჯარის პატარა რაზმი მიყ-  
რუებულს გზაზე ნელის ნაბიჯით მიდიოდა მტრის  
დასახვედრად. რაზმს წინ უფროსი და იმისი თანა-

შემწე მიუძღოდნენ და გათავისებულთ ათვლიერებდნენ ირგვლივ მიდამოს; ყოველ წამს მიმალულის მტრის რაზმის გამოჩენას ელოდნენ. ჯარი ტყეში შეფარებულს გლეხის ქოხს მიაღვა. ქოხის წინ პატარა, თორმეტის წლის ბიჭი უღარდელად ჯოხსა სთლიდა. თანჯარაში სამ-ფეროვანი ბაირალი იყო გამოკიდებული. ქოხში არავინ იყო. გლეხებს ბაირალი გამოეკიდნათ და თითონ-კი მტრის შიშით მთაში გახიზნულიყვნენ. ბავშვმა, შენიშნა თუ არა მოახლოვებული რაზმი, თავიდვან ქუდი მოიშვლია. ცალიერ პერანგის ამარა მყოფს ბავშვს ქერა ხუჭუქა თმა, ქროლა თვალეები და თეთრ-წითური ლოყები მეტად ამშვენებდა.

— აქ რას აკეთებო? ჰკითხა ბავშვს რაზმის უფროსმა და თან ცხენი შეაყენა: რატომ მშობლებს შენ-კი არ გაჰყოლიხარ...

— ობოლი ვარ, უპატრონო, და ომის საყურებლად დაერჩი...

— აქეთ ავსტრიელებს ხომ არ გამოუვლიათ!

— არა, სამი დღეა იმათი არა ისმის-რა...

რაზმის უფროსი ჩაფიქრდა. უცებ ცხენიდგან ჩამოხტა, ქოხში შევიდა და საჩქაროდ საჩეხხედ ავიდა. სახლი დაბალი იყო და საჩეხიდგან არა სჩანდა-რა.

— ხეზედ უნდა ავგზავნოთ ვინმე! სთქვა ჯარის უფროსმა.

ქოხის პირდაპირ ეზოში მაღალი ხე იდგა. იმისი კენწერო ცის სივრცემდის იყო ასული. უფროს-



მა შეჰხედა ხეს, რაზმს თვალი გადაავლო და უცებ ბავშვს მიუბრუნდა:

— ცულლუტო, კარგი თვალები გაქვს?

— მე? შეეკითხა ბავშვი უფროსს: ბელურა ჩიტს შვილის ვერსის მანძილზე დავინახავ.

— ამ ხის კენწეროზე შეგიძლიან ასვლა?

— ამაზედ? თვალის დახამხამებაში წვერზედ მოვექცევი.

— რასაც გარშემო დანახავ, შეგიძლიან მიაშობო? ან ავსტრიელი ხომ არა სჩანს, ან ბოლი, ან ცხენი, და ან თოფი ხომ არსად ბჭყვრიალებს?

— რასაკვირველია, შემიძლიან!

— მერე მაგისათვის რა ჯილდოს ითხოვ.

— ჯილდოს? არაფერს! ეგ რალამ მოგაგონათ! გერმანელების სამსახურისაგან-კი ღმერთმა დამიფაროს და ჩვენებისათვის-კი... ლომბარდიელი ვარ!

— მაშ, აბა ადი ხეზე!

— ეხლავე! ცოტა მომითმინეთ, წაღები გავიხადლო! ბავშვმა წაღები გაიძრო, შალვრის ტოტები აიკრიფა, ქული მოიძრო და ხეს მოექიდა.

— მოიცაო, უცებ შეჰყვირა რაზმის უფროსმა.

ბავშვმა გაკვირვებით შეჰხედა უფროსს.

— არაფერია, არაფერი, ადი!

ბავშვი კატასავით ერთს წუთას აცოცდა ხის კენწეროზე.

— თქვენ-კი გარშემო ადევნეთ თვალიო, უთხრა ჯარის-კაცებს უფროსმა.

ბავშვი ხის ტოტებში ისე მიიმალა, რომ ძირიდგან ძლიეს-ლა მოჩანდა.

— შორს გაიხედე, შეჰყვირა რაზმის უფროსმა.

ბავშვმა ერთის ხელით ტოტები გადასწია და მინდვრისაკენ გაიხედა.

— მოჩანს რამე?

ბავშვი დაიხარა და რაზმის უფროსს ჩამოსძახა:

— შარა გზაზე ორი ცხენოსანი სჩანს.

— აქედგან შორს არიან?

— ასე, ოთხის ვერსის სიშორეზედ იქნებიან.

— აქეთ მოდიან?

— არა, სდგანან!

— კიდევ რასა ჰხედავ? აბა მარჯვნივ გაიხედე.

— მარჯვნივ, სასაფლაოს ახლოს, ხეებს შუა რა-  
ლაც ბჭყვრიალებს, მგონი თოფებია!

— ხალხსა ჰხედავ!

— არა, ყანაში იქნებიან მიმალოულები.

ამ დროს უცებ ტყვიამ ზუზუნით გადმოუარა ხეს და ქოხის გვერდით დაეცა.

— ჩამოდი, ჩამოდი, შეჰყვირა ბავშვს უფროს-  
მა: მეტი აღარაფერია საჭირო, ჩამოდი!..

— არ მეშინიანო, უპასუხა ბავშვმა.

— ჩამოდი!.. მარცხნივ რაღასა ჰხედავ?

— მარცხნივ?

— ჰო, მარცხნივ!

ბავშვი მარცხნივ მიტრიალდა... მეორე ტყვიამ

უფრო ძლიერ დაიზუზუნა და იქვე ბავშვს ახლოს გააპო ჰაერი. ბავშვი შეკრთა.

— მომატანეს წყეულებმა! დაიძახა ბავშვმა.

— ჩამოდიო! უბრძანა უფროსმა ბავშვს.

— ახლავ! არა მიშავს-რა, ხის ტოტები მფარავს. გინდათ შეიტყოთ მარცხნივ რა მოჩანს!

— ჰო, მარცხნივ... მაგრამ ჩამოდი, ჩამოდი.

— მარცხნივ, დაიყვირა ბავშვმა, გაიხედა და მკერდი გამოიჩინა: იქ, სადაც ნიშია, იქ მგონი...

მესამედ გაიზუზუნა ტყვიამ... ბავშვი ჩამოეშვა ხიდგან და უცებ თავდა-ყირა ძირს ჩამოვარდა.

— წყეულები! შეპყვირა რაზმის უფროსმა და მივარდა ბავშვს.

ბავშვი ზურგზედ დაეცა ხელებ-გაფორთხილი. მკერდის მარცხენა მხრიდგან სისხლი შადრევანსავით ამოსდიოდა. ორი ჯარის-კაცი სწრაფად ჩამოხდა ცხენიდგან და ბავშვს მისცვიდნენ. უფროსმა პერანგი შემოახნია და ქრილობა გაუსინჯა. ტყვია მარცხენა ფილტვში ჰქონდა მოხვედრილი.

— მოკვდაო! შესძახა უფროსმა.

— არა, ცოცხალია! უპასუხა თანაშემწემ.

— საწყალი! რა ყოჩაღად მოიქცა!..

უფროსს სიტყვა არ დაეთავებინა, რომ ბავშვმა თვალები გაახილა, გარშემო მიიხედ-მოიხედა, თავი გვერდზე გადაგდო და სული განუტევა. გაფითრებული რაზმის უფროსი და ჯარის-კაცები კრიკა-შეკრულნი დაპყურებდნენ ბავშვს. „საწყალო, პატარა

გმიროო!" იმეორებდა ჯარი. რაზმის უფროსმა ქოხის ფანჯრიდგან ბაირალი ჩამოიღო და ბავშვს გულზედ დაადო. ერთმა ჯარის-კაცმა ბავშვის ფეხსაცმელი და დანა ბავშვს გვერდზედ დაულაგა.

— გვამი უნდა წავაღებინოთ! ჯარის-კაცსავით გარდაიცვალა და შესაფერის პატივით უნდა დავასაფლაოთ კიდეცაო, სთქვა უფროსმა, ეამბორა მიცვალებულს და ჯარს უბძანა, ცხენებზე შესხედითო.

რაზმი თავის გზას გაუდგა. არ გასულა. რამდენიმე საათი, რომ მიცვალებულს სამხედრო პატივი სცეს.

მზე ჩადიოდა. იმ გზაზედ, საითაც დილას ცხენოსანმა რაზმა გამოიარა, ბერსალიერების ჯარი მოდიოდა. ამ რამდენისამე დღის წინად ამათ სან-მარტინოს მთები თავისის გმირულის სისხლით შეღებეს. ამათ ბავშვის ასე გმირულად სიკვდილის ამბავი შეიტყეს, ჯარის წინ მომავალთ სამ-ფეროვანის ბაირალით დაფარული ბავშვის გვამი შენიშნეს და სამხედრო სალამი მისცეს გვამს. ერთმა აფიცერმა წყლის პირას ყვავილები მოჰკრიფა და გვამს გადააყარა. იმას მიჰყვნენ სხვანიც და ბავშვის გვამი ყვავილებით დაჰფარეს. ყველა სალამს აძლევდა, ეთხოვებოდა.

— ყოჩაღ, ლომბარდიის შვილო! მშვიდობით, პატარა გმირო! ვაშა, ვაშა! დიდება შენს სულს!

ერთმა აფიცერმა გმირობის ნიშნად სამხედრო მენდალი დაადო გულზედ მიცვალებულს. ბავშვს ასეთის ამბით ესალმებოდნენ, ჰკოცნიდნენ, ყვავილებს

აყრიდნენ შიშველა ფეხებზედ, სისხლით შეღებილს მკერდსა და ქერა თმებზედ, და იმას-კი ბაირაღს ქვეშ ტკბილად ეძინა. გაფითრებულს პირზე ღიმილი შერჩენოდა, თითქოს ესმის ეს სამხედრო პატივისცემა და უზარიან, რომ თავის ლომბარდიას შესწირა სიცოცხლეო.

## წ ე რ ი ლ ი

29. სამშაბათი.

შვილო ენრიკო! ყოვლად პატიოსანია, ვინც-კი თავის სიცოცხლეს სამშობლოს შესწირავს, როგორც ლომბარდიელმა ბავშვმა ჰქმნა. მაგრამ ნუ დაივიწყებ, რომ, იმას გარდა, კიდევ ბევრი კეთილი და პატიოსანი საქმეა ქვეყანაზედ. დღეს სკოლიდგან რომ მოდიოდი, საწყალმა ძუძუთა ბავშვის დედამ მოწყალება გთხოვა! შენ შეჰხედე, არ გაიკითხე და გვერდზედ გაუარე... ჯიბეში-კი ფული გქონდა. შვილო, ნუ შეეჩვევი სიღარიბის გვერდზედ გულგრილად გავლას. იმ დედას, რომელიც თავის შვილისათვის თხოულობს, გულგრილად ნუ შეჰხედავ. შვილი მშინერი ჰყავს და აბა რა ყოფაში უნდა იყოს დედა?... წარმოიდგინე დედაშენი! რა იქნებოდა, დედა რომ გითხრას: ენრიკო, პური არა გვაქვსო. გლახას მოწყალებას. რომ მივაწვდი, მეტყვის ხოლმე: „ღმერთმა გაცოცხლოს და გიცოცხლოს შვილებიო!“



## დ ე კ ე მ ბ ე რ ი

1-ი. ხუთშაბათი.

მაჰაჩემს საშინლად უნდა, რომ თავისუფალს-  
დღეს ჩემთან რომელიმე ამხანაგი მოვიდეს ხოლმე,  
ან კიდევ მე თითონ წავიდე ამხანაგთან, რა არის  
უფრო უკეთ გავიცნოთ ერთმანეთი. კვირას დერო-  
სის მოშურნე ვიტონი და მე ერთად სასეირნოდ  
წავედით. დღეს ჩემთან მოვიდა მალალი, გამხდარი,  
არწივის ნისკარტის მსგავს ცხვირიანი გაროფი, რო-  
მელსაც პაწია, ქვეშ-ქვეშა თვალები აქვს და სულ  
აქეთ-იქით აცეცებს. გაროფი უცნაური ბავშვია. სულ  
თავის ფულების თვლაშია და მეტად მარდადაც იცის  
თითებზე თვლა. გაროფის ჩვენის სკოლის შემნახველ-  
გამსესხებელ ამხანაგობის კასაშიაცა აქვს ფულები-  
მეტად ძუნწია, ძნელად თუ ერთი აბაზი დაჰხარჯოს  
ერთად. თუ როგორმე ერთი კაპეიკი დაჰკარგა, მთე-  
ლი ერთი კვირა ეძებს და უპოვნელს-კი არ გაუ-  
შვებს.

გაროფი კაკკაქსა ჰგავსო, სთქვა დეროსიმ-  
მართლაც, დაინახავს თუ არა გაფუჭებულს კალამს,  
მარკასა და ქინძისთავს, დასწვდება და დიდის მოწი-  
წებით ინახავს. ორი წელიწადია, რაც მარკებს აგრო-

ვებს. ეხლა სხვა-და-სხვა სახელმწიფოს მარკები ასობითა აქვს შეგროვილი. მარკებს ერთს რვეულში ჰკრებს და როცა მთლად შეავსებს რვეულს, წიგნის გამყიდველს უნდა მიჰყიდოს. წიგნების გამყიდველი ეხლავე რვეულებს გაროფის მუქთად აძლევს, რადგან იმასთან გაროფის ბევრი მუშტარი მიჰყავს. სკოლაშიაც მუდმივ ვაჭრობაშია, ლატარიასა ჰმართავს ხოლმე, ნიეთების გაცვლა-გამოცვლაშია, თუქცა ხშირად ნანობს, რად გავცვალე ნიეთიო, და ყოველს ღონესა ჰხმარობს, რომ ისევ უკან დაიბრუნოს თავისი ნიეთი. თითონ რომ რომელსამე ნიეთში ორი შაური მისცეს, ორ აბაზზედ ნაკლებად არ გაჰყიდის.

ვაჭრული შემოსავალ-გასავლის დავთარიცა აქვს. ყველაზედ ბეჯითად მარტო არითმეტიკასა სწავლობს. მენდლის მიღება-კი ძალიან უნდა, რა არის მარიონეტების წარმოდგენაზე მუქთად იაროს. ასეთია გაროფი, მაგრამ მე მაინც მომწონს. მე და იმან დუქანდარობა ვითამაშეთ. გაროფი სწრაფად და დიდის მოხერხებით სწონავს, აწონილს ნიეთს ქალაქში ახვევს და ყოველის ნიეთის ფასიც იცის. „ჩემ მიერ გამოგონილი ახალი ვაჭრობა უნდა დავიწყო, როცა სწავლას გავათავებო!“ მითხრა გაროფიმ. მე რამდენიმე უცხო ქვეყნის ფოსტის მარკა ვაჩუქე და სიხარულისაგან ფეხზედ აღარ იდგა.

მამაჩემი გაზეთსა კითხულობდა და თან ყურს ჩვენ გვიგდებდა. გაროფის ჯიბეები ყოველთვის სხვა-და-სხვა ნიეთითა აქვს სავსე და რაც შეუძლიან,



ჯიბებს ზედა ტანსაცმელს აფარებს. ყველაზე მომეტებულად გაროფი მარკებს უფრთხილდება და სულ იმის ლაპარაკშია! ამხანაგები ძუნწსა და მყვლეფავს ეძახიან გაროფის, მაგრამ მე სულ სხვა აზრისა ვარ. გაროფისაგან ბევრს რასმე ისწავლის ადამიანი. მე შეშეს შვილმა კორეტიმა სთქვა, რომ გაროფი თავის დედის განსაცდელისაგან დასახსნელადაც არ გამოიმეტებს მარკებსაო. მამაჩემს ეს არა სჯერა. „ადრეა ჯერ იმისი გაკიცხვაო“, მითხრა მამაჩემმა: „მართალია, ცუდი მიზიდულება აქვს, მაგრამ ზედ ეტყობა, გულით კეთილიაო“.

5-ი. ორშაბათი.

გუშინ ვოტინი, იმისი მამა და მე რივოლის ბაღში დავსეირნობდით. დო.რაგროსის ქუჩაზე სტარდი დავინახე. ეს ის სტარდია, რომელმაც მწვავე მუჯღუგუნები იცის, თუ მუშაობის დროს დაუშალებთ. წიგნის მალაზიასთან გამოქიმილიყო და გაშტერებული შეპყურებდა გეოგრაფიის სურათს. ვინ იცის, იქნება კარგა ხანია, რაც იქა დგა. ქუჩაშიაც-კი სწავლობს. უზრდელმა თავი ოდნავ დაგვიქნია. ვოტინი მეტად კოპწიად იყო ჩაცმული, ახალი წითელ არშებით აქრელებული ხალათი და ახალი წაღები ეცვა და ახალი თეთრი ქუდი ეხურა. ხალათზე კოპწიად გაეკეთებინა საათი. ვოტინის მამა ნელა დადიოდა და ჩვენ კარგა უკან ჩამოგვრჩა. ჩვენ ბაღის თავში

ავირბინეთ და ქვის სკამთან დავდექით. სკამზე თავ-  
ჩალუნული, თითქოს დაღლილაო, ვილაც ბავშვი იჯდა.  
ბავშვის მახლობლად; ხეების ჩრდილში, მგონი ბავ-  
შვის მამა დადიოდა და გაზეთსა კითხულობდა. ჩვენც  
სკამზე ჩამოვსხედით. ვოტინი ჩემსა და ბავშვს შუა  
ჩაჯდა. უცებ მოაგონდა, რომ ახალი ტანისამოსი  
მაცვიაო, და იმ ბავშვის გამოსაჯავრებლად კვეხნა  
დაიწყო.

— ჩემი ახალი წაღები ჰნახეო? მითხრა და ფეხი  
მალლა აიშვირა.

ბავშვმა ყურადღებაც არ მოგვაქცია. ვოტინიმ  
წინ წამოიწია, ხალათი გაიხსნა და ხალათის ღილე-  
ბი წინ გამოიშვირა.

— არ მომწონს ატლასის ღილები, დედას უნდა  
ვთხოვო, რომ ვერცხლის ღილები დამიკეროს.

ლაპარაკობდა და ცალის თვალით ბავშვს უცქე-  
როდა, ვნახოთ, მიყურებს, თუ არაო!.. ბავშმა მალლა  
არც-კი აიხედა. ვოტინიმ ქუდი მოიხადა და ხელში  
თამაშობა დაუწყო, მაგრამ ვერც ამით მოახედა ბავ-  
შვი. მკვეხარას ცოტა არ იყოს ეწყანა ბავშვის მხრივ  
ასეთი უყურადღებობა. საათი ამოიღო, აჰხადა ქვე-  
მო სახურავი და შიგნი-შიგან ჩასხმული თვლები მა-  
ჩვენა. ბავშვი უძრავად იჯდა.

— ოქროშია დაფერილი-მეთქი? ვკითხე.

— არა, ხალასი ოქროა! მიპასუხა ვოტინიმ.

— სულ ოქროსი არ იქნება, ვერცხლიც ერევა..

— არა-მეთქი!

ბავშვის გულგრილობით გაბრაზებული ვოტინი ზეზე წამოვარდა და ბავშვს თითქმის ცხვირზედ შიადო საათი.

— ჰნახეთ! განა ხალასი ოქრო არ არის?

— არ ვიციო, მშრალად უპასუხა ბავშვმა.

— ოჰო! წამოიძახა ვოტინიმ: რა ძალიან იბერები!

ამ ლაპარაკში ჩვენთან ბავშვის მამა მოვიდა. ვოტინს შეჰხედა, შვილს უთხრა: „ჩუმადაო!“, და ჩვენ მოგვიბრუნდა:

— ჩემი შვილი ბრმაა!

ვოტინი შეკრთა, წამოვარდა და ბავშვს დააკერდა. ბავშვს თვალეზე თეთრად ბისტი ჰქონდა გადაფარებული. ვოტინი კარგა ხანს დაჰყურებდა შერცხვენილი დედამიწას.

— საწყალი, არ ვიცოდით! ძლივს წამოილულულულა.

ბრმამ გაიგონა, გულ-კეთილად გაიღიმა და ზთქვა:

— არა უშავს-რა!..

ვოტინი მეტად თავ-მოყვარეა, მაგრამ ურიგო გული არა აქვს. იმ დღეს მთელი საღამო დაღონებული დადიოდა და პირზე ღიმილი აღარ მიჰკარებია.

სოფელში თავისუფლად ნავარდობას ბოლო მოელო: ბავშვების მეგობარი პირველი თოვლი მოვიდა. გუშინ სალამოდგან დაწყებული ნორჩმა თოვლმა დედამიწა მთლად დაჰფარა. დღეს დილით სიამოვნებით ვუცქეროდი, როგორ ეყრებოდა თოვლი თანჯრებსა და ქუჩებს. მასწავლებელიც-კი გაამხიარულა თოვლის მოსვლამ და მთელი დღე ხელებს იფშვნეტდა. ყველა მხიარულად არის დღეს, თოვლობა-ციგაობის დრო დადგა. მარტო სტარდი არ იმჩნევს სიხარულს და წიგნს ჩაჰყურებს ჩაფიქრებული. ენით გამოუთქმელს სიხარულს მივეცი თავი, გაკვეთილები რომ გავათავეთ და სკოლიდგან გამოვედით! ქუჩაზე სიარულის მაგიერ მოვრბოდით, ვბტოდით... თოვლს ვაგუნდავებდით, ტანისამოსს ვიბღერტავდით! ჩვენის მშობლების ქოლოგები, პოლიციელების ქუდები და ჩვენი აბგები ერთს წამს გაათეთრა თოვლმა. მუდმივ მოღრუბლული პრეკოსიც-კი სიხარულისაგან აღარ იყა. საწყალი რობეტი ყავარჯნებით დახტოდა. კალაბრიელი პირველადა ჰხედავდა თოვლს, დიდი გუნდა გაეკეთებინა და ატამსავითა ჰკბეჩავდა. მემწვანილის შვილმა კროსიმ აბგა თოვლით გაივსო. პატარა „კალატოზმა“ ხომ სიცილით დაგვბოცა... მამაჩემმა სახვალიოდ ჩვენსას დაჰპატიჟა. კალატოზს პირი თოვლითა ჰქონდა სავსე, ვერც ჩაჰყლაპა, ვერც გადმოყრა მოასწრო და მამიჩემისა საშინლად შერცხვია. მასწავლებელი ქალებიც მხიარ-

რულად მოდიოდნენ. ჩემის ძმის მასწავლებელს პირისაზე მწეანე პირბადით დაემალა (საწყალს ახველებს) და შინსკენ გაჩქარებული მიდიოდა. საქალებო სასწავლებლიდგანაც მოსწავლე ქალები ქუჩაზედ სიცილხარხართა და ხტუნვით გამოცვივდნენ. მოსწავლეებს მასწავლებლები მოსდევდნენ უკან.

— შინ წადით, ნუ ჰგიჟობთო! გვეუბნებოდნენ მასწავლებლები, მაგრამ სახეზედ ეტყობოდათ, რომ თითონაც ჩვენთან ერთად მხიარულობდნენ და ჩვენის სიამოვნებით ისინიცა სიამოვნობდნენ.

#### მინაწერი

ზამთარი გახარებთ... მაგრამ არიან ისეთი ბავშვებიც, რომელთაც არც ტანსაცმელი აქვთ, არც ფეხსაცმელი და არც ცეცხლი! ბნელი და მიწური სასწავლებელი მრავალია! იმ სასწავლებელში შვირდები ბოლისაგან ირჩვებიან და სიცივისაგან ძაგძაგებენ! გადულებელს თოვლს გამწარებულნი უყურებენ და ჰკრთიან, ქარ-ბუქი არ ამოვარდესო, რადგან ქარ-ბუქი ყოველს წამს განსაცდელს უქადის იმათაცა და იმათს სახლსაც. თქვენ ზამთარს მხიარულად ეგებებით, მაგრამ ნუ დაივიწყებთ იმ უთვალავს ხალხს, რომელსაც ზამთარი შიმშილისა და ცხოვრების გაჭირვების მეტს არას მოუტანს ხოლმე.

შენი მამა.

11-ი. კვირა.

პატარა „კალატოზს“ თავის მამის ხალათი ჩაცვა და ჩვენსას ისე მოვიდა. მამა ჩემს ძალიან უნდოდა იმის მოსვლა. „კალატოზმა“ აივანზედვე მოიხადა ქუდი, თოვლი დაიბერტყა და დაღლილ მუშასავით ოთახში ზღაზვნით შემოვიდა. სასადილო ოთახში სტოლზე დებულს კუზიან რიგოლეტოს ზურათს დააცქერდა და უცებ ისე დაღმიჯა სახე, რომ ყველას სიცილი წაგვსქდა. მე და „კალატოზმა“ თამაშობა და სახლების შენება დავიწყეთ. მკვირცხლად და საუცხოოდ აშენებდა ხიდებს, კოშკებს, სახლებს! სწორედ საკვირველი იყო, რომ შენობა ერთხელაც არ დაეშალა. „კალატოზი“ ისე გულ-მოდგინედ ჰმუშაობდა, თითქოს მართალი შენობა უნდა ააგოსო.

თამაშობის დროს თავის ოჯახის ამბავი მიაშობო. იმისი მშობლები საჩხის სართულში სცხოვრობენ თურმე. მამაჩემი საღამოობით სკოლაში წერა-კითხვის სასწავლებლად დადის და დედა-კი ავადა მყავსო. ლაპარაკში ეტყობოდა, რომ მშობლებს „კალატოზი“ ჰყვარებათ! თუმცა მითხრა, რომ ლარიბადა ვცხოვრობთო, მაინც კარგა თბილად იყო ჩაცმული. ამბობენ, რომ იმისი მამა ძლიერ მაღალი და სრული კაცია და შვილსავით ხუმარაო. ოთხს საათზე შევწაყრდით. იმ სავარძელზედ, რომელზედაც პატარა კალატოზი იჯდა, კირი შევნიშნე. მიჭედი, მინდოდა გამეწმინდა, მაგრამ მამაჩემმა შემაყენა; შემდეგ

თითონ გაეწმინდა ჩუმად. თამაშობის დროს კალატოზს ხალათზე ღილი ასწყდა. დედაჩემმა მაშინვე დაუკერა. საწყალი კალატოზი გაქარხლებული და თავ-ჩალუნული იდგა, სანამ დედა ღილს დაუკერებდა. ბოლოს კალატოზს კარიკატურის სურათები ვაჩვენე. ყოველ სურათის დანახვისათანავე უნებურად თითონაც იმასავით იღმიკებოდა, მერე თავისს სახეს ისე ლამაზად ამსგავსებდა სურათს, რომ მამაჩემიც კი გულიანად იცინოდა. კალატოზი ისეთი კმაყოფილი იყო მთელი დღე, რომ წასვლის დროს ქუდის დახურვაც-კი დაავიწყდა და გარეთ თავ-შიშველა გავარდა. პატარა კალატოზს ანტონიო ჰქვია და სულ რვა წლისა და რვა თვისაა...

მინაწერი.

ვერ მიმიხვდი განა, ამხანაგთან რად დაგიშალე სავარძლის გასუფთავება! ეგ ხომ აშკარა საყვედური იქნებოდა, ვითომდა რად გათხუპნე სავარძელიო! გახსოვდეს, რომ ასეთი საქციელი არ ვარგა. იმან გაუფრთხილებლობით, თავისდა უნებურად მამის სამუშაო ხალათით სავარძელს მცირე მტვერი მიაცხო! მუშის სამუშაო ტანისამოსი გათხუპნულია და არა ქუქყიანი; მტვერი, კირი და წებო აცხვია და არა ქუქყი. მუშაობა არავის არა სცხებს ქუქყს. არას დროს არ გაჰპედო და არა სთქვა, მუშა-კაცი ქუქყიანიაო. ყოველთვის ისა სთქვი ხოლმე, რომ იმის ტანისამოსს შრომისა და მუშაობის ნიშანი აღევს-

თქო. ეს კარგად გახსოვდეს და პატარა კალატო-  
ზიც გიყვარდეს. ის შენი ამხანაგია, თუმცა მუშის  
შვილია.

შენი მამა.

16-ი. პარასკევი.

თოვლი-კი სულ მოღის და მოღის. დღეს უბე-  
დურება მოხდა. გაკვეთილებს შემდეგ ყველა მოსწა-  
ვლენი კორსოზე გავედით, ორად გავცალკევდით და  
გუნდაობა დავიწყეთ. ახალი თოვლი ქვასავით გუნ-  
დავდებოდა. ქუჩაზე ხალხი ბევრი ირეოდა. ერთმა  
გამომვლელმა დაგვიყვირა, გუნდაობას თავი დაანე-  
ბეთ, თქვე ცელქებო! ჩვენ ყური არ ვუგდეთ გამ-  
ვლელს. ამას შემდეგ არ გასულა სულ ორი წამი,  
რომ ქუჩის მეორე მხრიდგან საშინელი ყვირილი შე-  
მოგვესმა. თავშიშველა მოხუცი კაცი საშინლად ილ-  
მიკებოდა და ხელები თვალებზედ მიეფარებინა. მოხუ-  
ცის გვერდით ბავშვი იდგა და, რაც ძალი და ღონე  
ჰქონდა, ჰყვიროდა:

— მიშველეთ, მიშველეთ!..

ბავშვის ყვირილზედ მოხუცის გარშემო ხალხმა  
მოიყარა თავი. მოხუცებულს თვალში თოვლის გუნ-  
და ჰქონდა მოხვედრილი. მე წიგნის მაღაზიის წინ  
ვიდექ (მამაჩემი წიგნის მაღაზიაში იყო). სხვა შეგირ-  
დები საჩქაროდ მიიმალ-მოიმალნენ, ზოგიერთი შეგირ-  
დი წიგნის მაღაზიასთან მოვარდა და ხალხში აირია.



ვითომდა წიგნებსა ვსინჯავთო... აქ იყო გარონე (ჩვეულებრივ ხელში პურის ნატეხი ეჭირა), კორეტი, „კალატოზი“ და მარკების მკრეფავი გაროფი. პოლიციელი და ვილაც უცხონი კითხულობდნენ:

— ვინ იყო? გუნდა ვინ მოარტყაო?

ყველა ბავშვს ხელებს უსინჯავდნენ. ჩემს გვერდით გაფითრებული გაროფი იდგა და საშინლად ცახცახებდა.

— ვინ იყო? ხმა-მალლა ჰკითხა პოლიციელმა. გარონემ ჩუმად უთხრა გაროფეს:

— წამო გამოტყდი! სხვას ხომ ვერ დააბრალებ, უსინიღისობა იქნებაო.

— განგებ ხომ არ ჩამიდენიაო! უპასუხა გაროფიმ.

— ეგ სულ ერთია, მაინც მოვალე ხარ გამოსტყდე.

— მეშინიან!

— ნუ გეშინიან, მე თან წამოგყვები.

ესენი რომ ამ ლაპარაკში იყვნენ, პოლიციელი ძალაზედ გასძახოდა:

— ვინ ესროლა გუნდა! სათვალეები გასტეხია! შუშის ნატეხი თვალში ჩარქობია! დაბრმავდება! ვინ იყო ის ავაზაკი, ისა?

— წავიდეთო, უთხრა ახლა-კი მკაცრად გარონემ გაროფის, წაავლო ხელი და მეხილის დუქნისაკენ თითქმის ძალად წაიყვანა. მოხუცი მეხილის დუქანში შეიყვანეს. გზაზე ხალხმა მიმავალი გარონე

და გაროფი შენიშნა. თითქოს მიჰხედენ, ვინც იყო იმათში დამნაშავე, და ზოგიერთმა გაროფის საცემლად მიიწია, მაგრამ გარონემ შეაყენა:

— არა გრცხვენიანთ, მაგოდენა ვაჟკაცები ბალღის საცემლად მოსდინხართო!

პოლიციელი გაუძღვა ბავშვებს და მოხუცთან მიიყვანა. მე მოხუცებული ვიციან. ეს მოხუცი თავისის პატარა ძმისწულით ჩვენის სახლის მეოთხე სართულში სცხოვრობს. მოხუცი დუქანში სავარძელზედ დაესვათ.

— უცაბედად და უნებლიედ მომივიდაო, ამბობდა გაროფი და თან მწარედა სტიროდა.

ვილაცამ ხელი ჰკრა გაროფის და უთხრა:

— დაიჩოქე და პატიება სთხოვეო.

გაროფიმ უნებლიედ ჩაიჩოქა. ხალხიდგან ვილაცა გამოვიდა, ააყენა გაროფი და ხმა-მალლა დაიძახა:

— არა, ბატონებო, მოითმინეთო! ეს კაცი ჩვენი უფროსი იყო, რომელსაც ყველაფერი დაენახა: ბავშვს იმდენი სულ-დიდობა შერჩა, რომ თავისი დანაშაული თითონვე აღიარა და არავის არა აქვს ნება მისის დამცირებისა. ბოდში მოიხადეო, უთხრა უფროსმა გაროფის.

გაროფი მოხუცს მუხლებზედ ტირილით მოეხვია. მოხუცმა თავზედ აკოცა და უთხრა:

— მიპატიებია, შვილო, ღმერთმა გაგზარდოს! მამაჩემმა, შინ რომ მოვდიოდით, მკითხა:

— ენრიკო, შენც შეიძლებ ამისთანა შემთხვევაში დანაშაული გულ-მართლად აღიარო.

— დიახ-მეთქი, ვუპასუხე.

— როგორც პატიოსანი და კეთილი ყმაწვილი, სიტყვა მომეცი, რომ შენც გაროფისავით მოიქცევი.

— სიტყვას გაძლევ, მამავ!

---

17-ი. შაბათი.

გაროფი გულის ცახცახით მოელოდდა მასწავლებლის კლასში შემოსვლას. იცოდა, რომ გუშინდელ საქმის გამო გასცოცხავდა. ამის იღბალზე დღეს ჩვენი მასწავლებელი არ მოვიდა. იმის მაგიერ ჩვენს კლასში ყველაზე მოხუცი და ძველი მასწავლებელი ქ-ნი კრონისა შემოვიდა. ქ-ნს კრონისას ორი ვაჟი-შვილი ჰყავს. ერთი შვილი ავადა ჰყავს და ამიტომ თუ იყო მოწყენით. შემოვიდა თუ არა კლასში, ჟრი-ამული დავიწყეთ. კარებშივე შეჩერდა და ნელის ხმით გვითხრა:

— გრცხვენოდეთ! მე მთლად გათეთრებული ვარ! მასწავლებელი-კი არა, დედა ვარ თქვენით.

ჩვენ უცებ დავეწყნარდით, მხოლოდ ფრანტიმ მაინც არ მოისვენა და თავის მეზობელს ჩუმად უწყვინტილა. ქ-ნი კრონის მაგიერ, იმის კლასში ჩემის ძმის მასწავლებელი ქ-ნი დელკატისა შესულიყო! ჩე-

მის ძმის კლასში-კი „მოლოზანი“ გაეგზავნა უფროსს. ამ მასწავლებელს-ქალს „მოლოზანს“ იმიტომ ვეძახით, რომ სულ შავს ტანთსაცმელს იცვამს. „მოლოზანს“ სახე პატარა და მეტად თეთრი აქვს, თმას ყოველთვის უკან ივარცხნის! პატარა ჟუჟუნა თვალები და წკრიალა ხმა საშინლად უხდება. საკვირველია, ამბობს ხოლმე დედაჩემი: „მოლოზანთან“ ბავშვები ყოველთვის ჭკვიანად სხედან კლასშიო. „მოლოზანი“, თითქოს მორცხვობსო, ისე დაბლა ლაპარაკობს, რომ ძლივს გესმის. არას დროს იმისაგან ყვირილი და ჯავრობა არ გამიგონია. მაინც საკმარისია თითი დაიქნიოს, რომ მოუსვენარი გიჟი-კი ბუხსავით მიიმალოს. იმის კლასში ყოველთვის წესიერი სიჩუმეა ხოლმე. იქნება ამიტომაც დაარქვეს „მოლოზანი“!

პირველ კლასის უმცროსის განყოფილების მასწავლებელა-ქალიც მომწონს. ეს ქალი ძალიან ახალგაზდაა და თეთრ-წითლად ჰლუის. ქუდზე დიდი წითელი ბუმბული აქვს გაკეთებული და გულზედ განუშორებელი ყვითელი ჯვარი ჰკიდია. მხიარულია და, როცა ბავშვს უჯავრდება, არ ვიცი-კი რად, სახე უბრწყინდება და ღიმილი განუშორებლად აქვს სახეზედ. გაკვეთილს შემდეგ, შეგირდები გარეთ რომ გამოდიან ხოლმე, ველარ ისვენებს, ხან ერთს შეგირდსა და ხან მეორეს უსწორებს ხალათს, ქამარს, საყელოს... ქუჩაშია-კი არა შორდება თავისს შეგირდებს, რა არის გზაზედ არ იცელქონ და არ იჩ-

ზუბონო. მშობლებს ხომ სულ იმას ეხვეწება, — ბავ-  
შეებს ნუ უჯავრდებით და ნუ დასჯითო. შეგირდებს  
ძალიან უყვართ! თავისუფალს დროს შეგირდები  
ბუზსავით ეხვევიან! არავის უშლის თავისთან მისვ-  
ლას, სამაგიეროდ თითონაც შეერევა ხოლმე შეგირ-  
დებში და იმათთან ერთად ხუმრობს, თამაშობს...  
მოდრი და ნუ შეიყვარებ ამისთანა მასწავლებელს! და-  
გახველებს, მაშინვე ყინვარ-შაქარს მოგცემს, გცივა-  
და, თავის შალში შეგახვევს... თავისს შეგირდებს ხომ  
უვლის, თავისის შრომით ეს მასწავლებელი თავისს  
დედასა და პატარა ძმასაც ინახავს.

18-ი. კვირა.

გაროფიმ რომ მოხუცი დააშავა, იმ მოხუცთან  
იმისი პატარა დისწული სცხოვრობს; ის ახალგაზდა  
მასწავლებელ-ქალის კლასშია. ბიძას დისწული შვი-  
ლსავით უყვარს... მომავალ კვირისათვის მასწავლე-  
ბელმა გადასაწერად თთვიური ამბავი „ფლორენციე-  
ლი მწერალი“ მომცა. გავათავე თუ არა ამ ამბის  
წერა, მამაჩემმა მითხრა:

— ზევით ავიდეთ და ვნახოთ, მოხუცს თვალი  
როგორა აქვსო.

მეოთხე სართულში ავედით. მოხუცს დასაწუნი  
ოთახი არ უკირავს. საბრალო, ბალიშებ გარს შემო-  
წყობილი, ლოგინში იწვა. საწოლთან იმისი ცოლი

იჯდა და კუთხეში იმისი პატარა დისწული თამაშობდა. მოხუცს თვალი შეხვეული ჰქონდა. ჩვენი მისვლა ავადმყოფს საშინლად ესიამოვნა. შემოგვთავაზა სკამები და ავადმყოფის მახლობლად დაესხედითგვითხრა, რომ ეხლა უკეთ ვარ და იმედი მაქვს, ამ ორს დღეში მთლად მოვრჩეო.

— თვალი არა მაქვს გაფუჭებული, განაგრძო მოხუცმა: მხოლოდ ის მაწუხებს, რომ იმ საწყალს ბავშვს ძალიან შეეშინდა. საშინლად მინდა იმისი ნახვა და არ ვიცი, როგორ ვნახო.

ამლაპარაკში ზარის ხმა შემოგვესმა.

— ექიმი იქნებაო, წამოიძახა დიასახლისმა, საჩქაროდ წამოდგა და გააღო კარები. წარმოიდგინეთ, ვინ დავინახეთ! თავის გრძელს წამოსასხამში შეხვეული და მთლად გაფითრებული გაროფი იდგა კარებში.

— ვინ არის? იკითხა ავადმყოფმა.

— თოვლის გუნდა რომ მოგარტყა, ის ბავშვიაო, უპასუხა ცოლმა.

— ოჰ, წამოიძახა მოხუცმა: შემოდი, შემოდი! უეჭველია ჩემის ამბის შესატყობლად მოხვიდოდი, არა? მოდი ახლოს! ეხლა კარგადა ვარ, ტკივილმა თითქმის სულ გამიარა!

გაროფი თავ-ჩალუნული მიუახლოვდა ავადმყოფს, მოხუცმა თავზედ ხელი დაადო და ალერსით უთხრა:

— გმადლობ, ჩემო კარგო, რომ მნახე. ეხლა

დამშვიდებული იყავ და შენს მშობლებს უთხარ, ნუ შესწუხდებიან, არა მიჭირს-რა.

გაროფის რალაცა უნდოდა ეთქვა და გაჩუმებული ტუჩებს იკვნეტდა.

— გინდა რამეო? ჰკითხა მოხუცმა.

— არა... არაფერი.

— მაშ ნახვამდის, ნურა გეფიქრება-რა...

გაროფი კარებისაკენ გატრიალდა და კარებთან შედგა... დააცქერდა კუთხეში მოთამაშე ბავშვს, ჯიბიდგან საჩქაროდ რალაცა ამოიღო, მიიღრბინა ბავშვთან, ხელში მიაჩეჩა, უთხრა: „ეს შენი იყოსო“, და თავ-მოგლეჯილი გაეარდა ოთახიდგან. ბავშვმა გაროფის საჩუქარი ბიძას მოუტანა. საჩუქარს ზემოდგან ეწერა: „ჩემ სახსოვრად“. მოხუცმა გახსნა პატარა ყუთი და, წარმოიდგინეთ ჩემი გაკვირვება, ყუთი სავსე იყო კარგა ხნის ნაწვავ-ნაამაგდარის მარკებით! ყველაზედ მეტად ამ მარკებს შესტრფოდა და უფრთხილდებოდა გაროფი... ისიც გაემეტებინა!

---

## ფლორენსიელი მწერალი

(მოთხრობა)

ის ჩვენის სასწავლებლის მეოთხე კლასში იყო. თორმეტის წლის ბიჭი მშვენიერის შეხედულებისა გახლდათ. მამა მისი რკინის გზაზედ ჰმსახურობდა. სახ-

ლობა დიდი ჰყავდა, ჯამაგირი-კი მაგრე რიგად ბე-  
ვრი არაფერი ჰქონდა. მამას მეტად უყვარდა თავისი  
უფროსი შვილი და სულ იმის აღერსსა და ლოლია-  
ობაში იყო, მაგრამ თუ საქმე სწავლას შეეხებოდა,  
მაშინ-კი მეტად მკაცრად ეკიდებოდა. უფროსს შვილს  
მალე უსათუოდ უნდა ეშოვნა რაიმე სამსახური და  
ამისათვის ხომ სწავლა იყო საჭირო. მართალია, ბავ-  
შვი თავის თავადაც ერთგულად ჰმეცადინებდა, მა-  
გრამ მამაც, რაც შეეძლო, ახალისებდა და ხელს  
უწყობდა შვილს. მამა შუა-ხანს გადასული იყო და  
მომეტებულის შრომისაგან გატეხილიყო. თავისი  
მცირე ჯამაგირით ოჯახს რომ ვერ უძღვებოდა, კე-  
რძოდ გადასაწერ საქმეებს ჰშოულობდა და ამიტომ  
მთელს დამეს წერაში ატარებდა. უკანასკნელად ერ-  
თმა წიგნების ვაჭარმა, რომელიც ეურნალსა ჰბეჭ-  
დავდა, ბანდეროლების დაწერვა მიანდო. უნდა ეწე-  
რა სახელი, გვარი და საცხოვრებელი ადგილი ხე-  
ლის-მომწერლებისა. ხუთასს ამისთანა სუფთადა და  
გარკვევით დაწერილს ადრესს თხუთმეტ შაურად  
გაურიგდა. მოჰლალა ამ მუშაობამ და არა ერთხელ  
სჩიოდა ხოლმე სადილის დროს:

— თვალეზი როგორღაც აღარ მიქრის, ეს საქმე  
სწორედ დამაბრმავებსო.

— მეც შემოგეშველები, მამავ! მე და შენ ხომ  
ერთ გვარი წერა ვიცით.

— არაო, უპასუხა მამამ: შენი სწავლაზე მოცდენა  
უფრო დასაკლისია, ვიდრე ბანდეროლების წერა.



ჩემის მიზეზით რომ ერთი საათი მოსკდე, სინიღისი აღარ მომასვენებს. ეგ სიტყვა აღარ გამაგონო.

... ჯულიომ კარგად იცოდა მამის ხასიათი, აღარ აუხიბდა და სხვა გვარად აასრულა თავისი წადილი. ყოველთვის ღამის თორმეტს საათზედ ათავებდა წერას ჯულიოს მამა და მიდიოდა ხოლმე დასაძინებლად. არა ერთხელ გამოჰღვიძებია ამ დროს ჯულიოს საათის ხმაზედ და შემოსმენია თავის მამის დინჯი სიარული. ერთს ღამეს სულ-განაბულმა და ლოგინში მწოლარე ჯულიომ უდარაჯა თავის მამას. აგერ მამაც გამოვიდა სამუშაო ოთახიდან, შევიდა საწოლს ოთახში და დაწვა. ბავშვი ფრთხილად შეიპარა სამუშაო ოთახში და სანთელი აანთო.

საწერს მაგიდაზე იდო ერთი გროვა ბანდეროლებისა და ადრესების სია. ჯულიომ დაიწყო წერა და სცილობდა მამის ხელისთვის მიემსგავსებინა. მუშაობდა სიამოვნებით, ხალისით. დაწერილი ბანდეროლები თანდათან ბევრდებოდა. ხანდახან შესდგებოდა ჯულიო, ცოტა ხანს გასკიმავედა ხელს და ისევე იწყებდა წერას. დასწერა ას სამოცი ბანდეროლი და მამის მისაღებ ფულს ხუთი შაური კიდევ მიუმატა. გააქრო მერე სანთელი, მიალაგ-მოალაგა მაგიდა, ფეხაკრეფით გამოვიდა, შევიდა თავისს ოთახში და დაწვა.

მეორე დღეს სადილზე ჯულიოს მამა კარგს გუნებაზე იყო. მუშაობას საათობით ანგარიშობდა და ამიტომ ვერ შეიტყო შვილის ოსტატობა. როცა დაწერილი ბანდეროლები გადათვალა, ნახა, რომ ბე-

ვრი იყო და ძალიან ესიამოვნა. სადილად რომ დასხდნენ, სიცილით უთხრა შვილს:

— ჯულიო, შენა გგონია, რომ მამაშენი მოუძღურდა და ველარა ჰმუშაობს? არა! გუშინ საღამოს ორის საათის განმავლობაში ნახევარი სამუშაო დავასრულე. კარგა ხანია, ასე ერთგულად არ მიმუშავნია. სჩანს, ჯერ კიდევ ხელში ღონე და თვალში სინათლე არ გამომღლეია...

ჯულიო მეტად გაახარა მამის სიტყვამ და თავისს გუნებაში გაიფიქრა:

— საწყალო მამავ! მეტის ფულის აღება გახარებს, ხოლო ის-კი გიორკეცებს სიხარულს, რომ ჯანზედ ჯერ კარგადა ხარ, მაშ კარგი საქმე მომსვლიაო.

გამხნელებული ჯულიო მეორე ღამესაც სწორედ თორმეტს საათზე შეუდგა საქმეს. მამამ ჯულიოს კარგა ხანს ვერ შეუტყო ეს ეშმაკობა. ერთხელ ვახშამზე-კი სთქვა: საკვირველია, ამ უკანასკნელს დროს ასე ბევრი სანთელი რად გვეხარჯებო? ჯულიო ამ სიტყვაზე ცოტა შეკრთა, მაგრამ მალე დამშვიდდა, რადგან ჯულიოს დედამ სულ სხვა საგნის შესახებ ჩამოაგდო ლაპარაკი. ღამის მუშაობა თავის რიგზედ მიდიოდა. ღამის ტეხა და ჯაფა მალე დაეტყო ბავშვის. დილით დაღალული დგებოდა და საღამოობით, გაკვეთილების მზადების დროს, სთვლემდა. ხოლმე. დღეს პირველად დაეძინა რვეულზედ.

— ჰა! საქმის დროს ძილი! დაუყვირა მამამ.

ჯულიომ თვალები წამოაქციტა და ისევ საქმეს შეუდგა. მაგრამ ეს უბედურება მეორე და მესამე დღესაც შეემთხვა მეცადინეობის დროს. დილით გვიანა დგებოდა და გაკვეთილებსაც უნდომლად ამზადებდა, თითქოს სწავლა შეეჯავრაო. მამა გატაცებით ადევნებდა თვალს, ამჩნევდა უხალისობას და ბოლოს ყვედრებაც დაუწყო.

— წინაღ არას დროს არ მიგიყვანივარ აქამდე, ჯულიო! გატყობ, რალასაც მატყუებ, მთლად გამოიცივალე. კარგი არ არის. მთელი ოჯახი შენ შემოგხარით, შენი იმედი გვაქვს, მე მადლიერი არა ვარ შენი, გესმის?

ამ პირველმა საყვედურმა ბავშვი საშინლად შეაწუხა. „არაო, ჰფიქრობდა ბავშვი: ასე არ ვარგა, მოტყუება სისაძაგლეაო“...

იმავე დღეს სადილზე გახარებულმა მამამ წამოიძახა: „იციტ, ამ თთვეში ბანდეროლების წერისა რვა მანეთით მეტი მერგო, ვიდრე წინა თთვეშიო“. სთქვა და მაგიდის უჯრიდგან ყუთით ხმელი ხილი ამოიღო. ხილი ბავშვებისათვის საჩუქრად ეყიდნა, რადგან მეტი ფული აელო ამ თთვეში. ბავშვები ძალიან გაახარა მოულოდნელმა საჩუქარმა. ჯულიო გაჩუმებული იჯდა და ჰფიქრობდა:

— არა, ჩემო მამავ! მუშაობას არ მოვიშლი! ვეცდები დღისით ბეჯითად ვისწავლო ჩემი გაკვეთილები და ღამ-ღამით შენთვისა და ოჯახისათვის ვიშრომო.

— რვა მანეთი, განაგრძო ისევ მამამ: საშინ-

ლად მახარებს, მხოლოდ ეს-კი (ჯულიოს შეჰხედა) ძალიან მაჯავრებს...

ჯულიოს ეწყინა მამის საყვედური, მაგრამ არ შეიმჩნია, რადგან ამ წყენასთან სიამოვნებასაცა ჰგრძნობდა გულში.

ბავშვი ორის თთვის განმავლობაში განუწყვეტლივ ერთგულად მუშაობდა. დღისით გაკვეთილებს ამზადებდა და ღამე მამის მაგიერადა სწერდა. მუდმივმა მუშაობამ თავისი დაღი დაასვა ბავშვს. მამა გაჯავრებით უყურებდა და ბოლოს ხომ სასწავლებელშიაც წავიდა შვილის ამბის შესატყობლად.

— ეგ სხვებს არ ჩამორჩენიაო, ეუბნებოდა მასწავლებელი: არ ჩამორჩენია იმიტომ-რომ საუცხოო ნიჭი აქვს. ეს არის მხოლოდ, რომ წინად უფრო ხალისითა სწავლობდა. ეხლა ხშირად გაკვეთილებზედა სთვლემს, ამოქნარებს, წინანდებურად ყურს არ გვიგდებს. თბულებას ხომ სულ პატარ-პატარასა და უსუფთაოდა სწერს, თუმცა-კი უკეთ შეუძლიან წერაცა და მეცადინეობაც.

იმავე საღამოს მამამ ცალკე ოთახში შეიყვანა ჯულიო და მკაცრად დაუწყო ლაპარაკი:

— ხომ ჰხედავ, რომ ოჯახისათვის მუშაობით სულს ვირთმევ, შენ უნდა იყო ჩემი თანაშემწე, მაგრამ გეტყობა უჯიგრო ჰყოფილხარ, არც მამა გაგონდება, არც დედა, არც ძმები!..

— ნუ, ნუ მეუბნება მაგას, მამავ! წამოიძახა

ტირილით ბავშვმა და ის-ის იყო აპირებდა გამოტეხას, მაგრამ მამამ შეაყენა.

— შენ კარგად იცი ჩვენი მდგომარეობა, იცი, რომ თუ არ შრომა, შრომა განუწყვეტელი, ძლიერ ცუდს ყოფაში ჩავცვივით. იმედი მქონდა, ამ თვეში ოც-და-ხუთს მანეთს საჩუქარს მომცემდნენ, მაგრამ დღეს ნამდვილად შევიტყე, რომ ვერაფერს საჩუქარს ვერ მივიღებ.

ჯულიო თუმცა გამოტეხას აპირებდა, უნდოდა ყველაფერი ეამბნა, მაგრამ ეხლა-კი ისევ შესდგა, სიჩუმე ამჯობინა, რა-კი შეიტყო თავის მამის იმედის გატრუება. არა, არ ვეტყვი! დეე, ეს ჩემი ქცევა ისევ დაფარული იყოსო. მამავ! მე გაწუხებ, მაგრამ სიტყვას გაძლევ, რომ კარგად ვიმეცადინებ და შემდეგ კლასში უკეთესს შეგირდად გადავალ.

ამას შემდეგ სრული ორი თვეე ჯულიო ისევე იქცეოდა, როგორც წინად: ლამე მამის მაგიერ მუშაობდა, დღისით თავისს საქმეებს ასწრობდა. მამამ არაფერი იცოდა და თავის მხრივ ყვედრებას არ აკლებდა, მაგრამ უბედურება ის იყო, რომ მამა თანდათან რაღაც უგულოდ შეიქმნა, შვილი თითქოს შეიჯავრა და ლაპარაკითაც აღარ ელაპარაკებოდა, თითქოს დაკარგულადა სთვლიდა და იმისაგან კარგს აღარას მოელოდა. ჯულიო ჰხედავდა ამას და იტანჯებოდა. მამა თვალს არიდებდა და მწუხარე შვილი-კი თავის გულში ესიყვარულებოდა, ეალერსებოდა მამას.

თან უზომო შრომამ და თან მამის დარღმა და-  
ასუსტა, ძვალ-ტყავად აქცია ჯულიო და სწავლი-  
თაც ხომ უხალისოდა სწავლობდა. კარგადა ჰგრძნო-  
ბდა, რომ ოდესმე ლამის მუშაობა უნდა შეეწყვიტ-  
ნა. ამისთვის ყოველს საღამოს გადასწყვეტავდა ხო-  
ლმე, რომ ამაღამ აღარ ვიმუშაებო, მაგრამ შესრუ-  
ლდებოდა თუ არა ლამის თორმეტი საათი, თავს  
ვერ იმაგრებდა, სინილისი თითქოს ჰქენჯნიდა, მოს-  
ვენებას არ აძლევდა: ადე, შეასრულე შენი მოვა-  
ლეობა, ნუ აკლებ ოჯახს შენს შრომასაო! სინილი-  
სი აწუხებდა და ისიც ვერ ისვენებდა, დგებოდა  
ლოგინიდან, იწყებდა საქმეს და გულს ამითი იკე-  
თებდა: მამას ერთხელაც არის გამოელვიძება, მუშა-  
ობაზე მომასწრობს, ან არა-და, შეიძლება ერთხელ  
როდისმე დათვალოს ბანდეროლები, შეიტყოს თა-  
ვისი შეცდომა და ამ გვარად ყველაფერი თავის თა-  
ვად გამოაშკარავდესო... ასე გადასწყვიტა, მაგრამ  
ერთმა შემთხვევამ კინალამ სრულებით არ შეაცვლე-  
ვინა ეს გარდაწყვეტილება.

ერთს დღეს სადილზედ დედამ შეჰხედა ჯულიოს  
და ჰკითხა:

— შვილო, ავადა ხარო? მერე მიუბრუნდა  
ქმარს: შეჰხედე ერთი, რა გაყვითლებულია, სწო-  
რედ ავად არის.

მამავ გვერდზე გადაჰხედა შვილს და დალონე-  
ბით სთქვა:

— უმსგავსმა სინილისმა უმსგავსი ავადმყოფობა

იცის. როცა კარგად სწავლობდა და კეთილი შვილი იყო, აკი ავადაც არა ჰხდებოდა.

— რაებს ამბობ, ავად არის-მეთქი! წამოიძახა დედამ.

— რა ვუყო მერე, ავად არის და ბრძანდებოდეს.

ლახვარსავეთ მოჰხვდა ბავშვს მამის სიტყვები.

— ჩემს ჯან-მრთელობას არ დაეძებს მამა, რომელიც წინად ერთს ვაი-ვაგლახს ასტეხდა, სულ უპრალოდ რომ დამეხველებინა ხოლმე. ექვი არ არის, რომ მამის გულში ადგილი დამიკარგავს. მამავ! გათავებულია... ვერ ვიცოცხლებ, შენს სიყვარულს მოკლებული! ყველაფერს გაგიმხელ, აღარ მოგატყუებ, ვიმეცადინებ! რაც იქნება—იქნება, ოღონდ სიყვარულს ნუ მოშაკლებ! ეხლა-კი ნამდვილად გადავწყვიტეო... სთქვა თავისთვის ჯულიომ.

თუმცა ასე გადასწყვიტა, მაინც დანიშნულს დროს ზე ზვეულებრივს ვადაზედ წამოდგა ლოგინიდგან, უნდოდა უკანასკნელად შეეხედნა და დაეთვალიერებინა ის ოთახი, სადაც ამდენი ხანი ასე იღუმალად მუშაობდა, სადაც პირველად დაიწყო ოჯახისათვის შრომა. ჯულიომ სანთელი აანთო. აგერ ბანდეროლებიც! მაგრამ გათავდა! არას დროს აღარ დასწერს ადრესებს, რომელიც გაზეპირებული ჰქონდა. მცირე ხანს ისე დაჰყურებდა მაგიდას, ბოლოს თავი ველარ შეიმაგრა და უცბად წაავლო ხელი კალამს. ამ დროს იდაყვი მოარტყვა წიგნს და წიგნი იატაკზედ დაეცა.

ბავშვი გაფითრდა: რა იქნება, მამას რომ გამოელვით-  
ძოსო! მართალია, ცუდს საქმეზედ არ მომატანს და-  
თითონ მეც გადაწყვეტილი მქონდა ყველაფერში გა-  
მოვსტეხოდლი მამას... მაინც-კი... მამის ჩუმი ბნელს-  
ოთახში შემოსვლა... შეიძლება დედას გამოელვით-  
ძოს და შეეშინდეს. პირველად მოუვიდა ფიქრად  
ბავშვს, რომ მამას თითონვე შერცხვება, თუ საქმე-  
ზედ შემომამსწრო, იგრძნობს თავისს დანაშაულსაო..

ჯულიო შეკრთა და სულ-განაბული ყურს უგ-  
დებდა. ირგვლივ სიჩუმე იყო. შემდეგ ყური მია-  
დო კარებს, ყველას ეძინა... ეტყობა, წიგნის რახუნს  
მამა არ გამოუღვიძებია. ჯულიო დამშვიდდა და ისევ  
შეუდგა საქმეს. დაწერილი ბანდეროლები სწრაფად  
ბევრდებოდა. მიყრუებულ ქუჩიდგან ისმოდა მხო-  
ლოდ ერთ გვარი ფეხის ხმა პოლიციელისა და  
ურმების მძიმე კრიალი. უცებ სრული სიჩუმე ჩა-  
მოვარდა, მარტო შორიდგან ძაღლების ყეფა-ლა მო-  
ისმოდა. ჯულიოს თითქოს დაავიწყდა ყველაფერი,  
თავ-აუღებლად სწერდა და იმისი მოხუცი მამა-კი  
ზურგს უკან უდგა.

წიგნის რახუნს გამოელვითძებინა, მარჯვე დრო  
შეერჩია და ფეხ-აკრებით შემოსულიყო ოთახში.  
ბავშვს ურმის კრიალში ვერ გაეგო ვერც იმისი ფე-  
ხის ხმა, ვერც კარების გაღება. მამას შვილის შავს  
თავზე დაეხარა თავისი გაქალაქებული თავი და სია-  
მოვნებით დასცქეროდა ბავშვის კალამს. იმ წამსვე  
ყველაფერი შეიტყო, ყველაფერს მიხვდა. სიყვარუ-



ლმა და შენანებამ შეიპყრო მთლად იმისი გული და სული შეუგუბა:

— ჯულიო! წამოიძახა აკანკალებულის ხმით მამამ და მოეხვია ბავშვს კისერზე.

— მამავ! მაპატიე, მაპატიე!.. შეჰყვირა ბავშვმა.

— შენ, შენ მაპატიე, უპასუხა ტირილით მამამ და დაუწყო კოცნა: ეხლა შევიტყე, ვცან ყველაფერი! მე, მე გთხოვ მაპატიო, ჩემო კეთილო შვილო! კეთილო ანგელოზო!... არა, წავიდეთ!...

აიყვანა ხელში ჯულიო და შეიყვანა დედასთან. დედას გამოჰღვიძებოდა:

— მოეხვიე ჯულიოს... ჩვენს ანგელოზს... სამი თთვეა ჩემს მაგიერ არა სძინავს და მუშაობს... მეკი ვაჯავრებდი, ვაყვედრიდი ჩემს შვილს, რომელიც თავისის შრომით ლუკმას არ გვიღევდა.

სიხარულით ავსებულმა დედამ მაგრად ჩაიკრა გულში შვილი...

— წადი, ეხლა მოისვენე, ჩემო კარგო! ეუბნებოდა დედა: წაიყვანე...

მამამ ხელში აიყვანა ბავშვი, შეიყვანა თავისს ოთახში, გაჰხადა, დააწვინა, საბანი გარშემო ამოუკეცა და გვერდით მოუჯდა:

— გმადლობ, გმადლობ, მამა! ეუბნებოდა შვილი: წადი შენც მოისვენე! მე ისეც ბედნიერად მიმაჩნია ჩემი თავი.

მამა უძრავად იჯდა და არ მიდიოდა. უნდოდა ენახა, როგორ დაიძინებდა იმისი საყვარელი შვილი.

— დაიძინე დაიძინე, ჩემო კარგო! ჩემო ანგელოზო!

მართლაც მოქანცულს ჯულიოს მალე ჩაეძინა. ამ სამს თთვეში პირველი იყო იმისთვის ასე მოსვენებით ძილი და მშვიდადაც ეძინა, საუცხოო სიზმარი ჰნახა...

მზე კარგა ხნის ამოსული იყო, როცა გამოელვია ჯულიოს. იმის გვერდით, ბალიშზედ, ჭაღარა თავი დაედო იმისს მოხუცს მამას და ტკბილად ეძინა. შვილის გვერდით ჩასძინებოდა და ჯერ არ გამოჰღვიძებოდა.

---

23-ი. ოთხშაბათი.

ჩემს ამხანაგს სტარდისაც შეუძლიან ისეთივე საქმე ჩაიდინოს, როგორც ფროლენციელმა ბავშვმა ჩაიდინა.

დღეს დილით ორი ამბავი მოხდა. პირველი ის იყო, რომ გაროფი სიხარულისაგან კინაღამ შეიშალა. თავისი განძი—მარკების რვეული უკანვე მიიღო! მარკების კრებულისათვის სამი გვატიმალას რესპუბლიკის მარკაც მიემატებინათ. მეორე ამბავი ის მოხდა, რომ სტარდიმ მეორე მენდალი მიიღო და ახლა, დეროსის შემდეგ, პირველი შევირდია.

მეორე ამბავმა ყველანი გაგვაოცა. ან ვინ იფიქრებდა ამას ოქტომბერში, როცა აჩოჩილი და მო-

უხეშავი სტარდი მოიყვანა მამამ და მასწავლებელს უთხრა: „ჩემი შვილი ცოტა მძიმე ბავშვია და დიდი მოთმინება დაგჭირდებათ მაგის სწავლებისათვისაო“. მაშინ ყველამ სულელად ჩავთვალეთ... განა გასაოცარი არ იყო იმისი გამარჯვება? მაგრამ ტყუილად არ დაიკვება პირველშივე:

— ან მოკვდები და ან სწავლით წინ წავალო?

სთქვა და ჯიუტს ხარსავით შრომა დაიწყო, დაჟინებითა სწავლობდა. როცა წიგნს დაიდებდა წინ, ჩააკვდებოდა ხოლმე. სკოლაში იქნებოდა, ქუჩაზედ, დღე თუ ღამე, იმისთვის განურჩეველი იყო. როცა-კი სწავლობდა და თავს ჩაჰკიდებდა, ქვეყანა რომ ქვეყანასა სცემოდა, თავს მალა არ აიღებდა. ამხანაგები დასცინოდნენ. თუ მეტად აუხირდებოდნენ, სტარდი მაშინვე სახაზავს მიიშველიებდა ხოლმე. აი ამ ხეპრემ სხვა ამხანაგებს-კი გაასწრო. არითმეტიკისა არა გაეგებოდა-რა, თხზულებას უვარგისადა სწერდა, ერთის სტრიქონის ზეპირად დასწავლა არ შეეძლო და ეხლა-კი ამოცანებსაც, თხზულებასაც და ყველა გაკვეთილს რივიანადა სწავლობს და აკეთებს.

სტარდის სახეზედვე ეტყობა, რომ მძლავრის ხასიათის ბავშვია. თავი უშველებელი აქვს, კისერი მოკლე, ხელები სქელი და მოკლე და ხმა ბოხი. ძველსა და დახეულს გაზეთშიაც-კი გამოსადეგს ცნობებსა ჰპოულობს და გულ-მოდგინედ კითხულობს. ფულებს ხომ, რაკი მოაუყრის თავს, უბრალოდ არ გაჰტლანგავს და უსათუოდ რომელსამე წიგნს იყიდის

ხოლმე. სტარდის პატარა წიგნთ-საცავიცა აქვს. დამპირდა, ჩვენსას წაგიყვან და ჩემს წიგნთ-საცავს გაჩვენებო. ამხანაგებში არავის ელაპარაკება, არავის ეთამაშება. უძრავადა ჰზის ხოლმე სკამზე, გულ-მოდგინედა ჰშრომობს და მასწავლებელს ყურს უგდებს. საწყალს მენდალი ცოტა შრომად უღირს? დღეს მასწავლებელი ცუდს გუნებაზედ იყო, მაგრამ მაინც სტარდის რომ მენდალი მისცა, უთხრა:

— ყოჩაღ, სტარდი! თუ გულით მოიწადინა ადამიანმა, ყველას შეიძლება!

სტარდი მენდალის მიღებით სულაც არ გაამაყებულა. პირ-იქით, ეხლა უფრო გულ-მოდგინედ აღევნებდა თვალ-ყურს გაკვეთილის დროს მასწავლებელს. კაი სანახავი იყო, როცა, გაკვეთილებს შემდეგ, სტარდი და იმისი მამა ერთმანეთს შეხვდნენ. მამა არ მოელოდდა და არცა სჯეროდა, რომ იმის შვილს მენდალი მიეღო. მასწავლებელმა ძლივს დაარწმუნა.

მაშინ-კი სიამოვნებისაგან სიცილი დაიწყო, შვილს თავზედ ხელი გადაუსვა და უთხრა:

— ყოჩაღ, სტარდი, ყოჩაღ!

მამა და შვილს შეგირდები შემოვეხვიენით... მამის სიცილზე ყველას სიცილი წაგვესქდა, მხოლოდ სტარდი არ იცინოდა, მეორე დღის გაკვეთილის ფიქრში იყო.

---

## წ ე რ ი ლ ი

13-ი. შაბათი.

დარწმუნებული ვარ, რომ სტარდი არასოდეს არ ემდურება მასწავლებელს. „მასწავლებელი ძნელად ასატანი და აკს გუნებაზე იყო“, გაჯავრებითა მწერ და ის-კი დაგვიწყებია, რომ ხშირად შენც ძნელად ასატანი ხარ ხოლმე და მერე ვისთან? დედ-მამასთან! ეს ხომ უხასიათობა და აუტანელობა-კი არა, უმსგავსოებაა.

მასწავლებელს ბევრი მიზეზი აქვს გაჯავრებისა და ავს გუნებაზედ ყოფნისა. რამდენი წელიწადია, რაც ბავშვებს ასწავლის! შეგირდებ შორის კეთილი ბავშვი ბევრია, მაგრამ უფრო ბევრი ისეთი ურევია, რომელნიც მასწავლებლის სიყვარულსა და სიკეთეს ბოროტადა ჰხმარობენ და იმის შრომასა და წვალებას არ აფასებენ... საზოგადოდ თქვენ ყველანი უფრო მწუხარებას აყენებთ, ვიდრე სიამოვნებას! მასწავლებლის ალაგას, თვით ზეციდგან ჩამოსულ წმიდანსაც-კი ძნელად შერჩება მოთმინება! განა ავადმყოფი მასწავლებელი სასწავლებელს აკლდება ხოლმე? პირ-იქით, სასწავლებელში მოდის, თავს არ უფრთხილდება, ავადმყოფობას არ უტყდება. თუ ავს გუნებაზედ არის, ავადმყოფობისაგან არის, და თქვენ-კი ყურადღებასაც არ აქცევთ იმის მდგომარეობას და ამითი დარდს უორკეცებთ.

ენრიკო, მასწავლებელი გიყვარდეს და ყოველთვის პატივსა სცემდე: მამაშენსაც უყვარს და პატივსა სცემს. გიყვარდეს მასწავლებელი, ისა ჰზრდის შენს გულს, გონებას ასპეტაკებს და მზად არის შენისთანა ბავშვებს საკუთარი სიცოცხლე შესწიროს. გაიზრდები... ქვეყნად აღარც მე და აღარც შენი მასწავლებელი აღარ ვიქნებით ცოცხლები! იმისი სახე ჩემს სახესთან ერთად წარმოგიდგება, თვალწინ დაიყენებ იმ კეთილშობილის ადამიანის მწუხარე და მოქანცულ სახის გამომეტყველებას, სწორედ იმ სახეს, რომელსაც ეხლა ყურადღებას არ აქცევ! შეგრცხვება, შესწუხდები, ინაღვლებ, რომ არ გიყვარდა და პატივს არა სცემდი, მაგრამ დაგვიანებული-ლა იქნება შენი მწუხარება, ჩემო ენრიკო!

მასწავლებელი მით უფრო უნდა გიყვარდეს, რომ ის იტალიის მასწავლებელთა ერთს დიდს ოჯახს ეკუთვნის და უთვალავ ბავშვის მზრუნველი მამაა. ჯილდო მცირე აქვს და შრომა დიდი, რადგან ის უმზადებს ჩვენს სამშობლოს პატიოსანსა და შრომის მოყვარე ახალგაზღობას. მე რომ გიყვარდე, სასიამოვნო არ არის, თუ ჩემთან ერთად ისიც არ გიყვარს, ვინც შენთვის ჰზრუნავს და შენთვის შრომობს—შენი მასწავლებელი. შენი მასწავლებელი ჩემი ღვიძლი ძმაა! ის გიყვარდეს ალერსისათვისაცა და დასჯისათვისაც, რადგან დასჯის დროსაცა და ალერსის დროსაც სამართლიანია. მაშინაც-კი უნდა გიყვარდეს, როცა გგონია, რომ უსამართლოდ მომექცაო, მა-

შინაც, როცა მხიარული და ალერსიანია და მაშინ უფრო, როცა დაღონებულია.

სიტყვა მასწავლებელი ყოველთვის პატივისცემით წარმოსთქვი ხოლმე რადგან ეს სახელი უკეთილშობილესი და უდიდესი სახელია იმათ შორის, რომელსაც-კი ერთმანეთს ვუწოდებთ ხოლმე.

## ი ა ნ მ ა რ ი

4-ი. ოთხშაბათი.

მამაჩემმა გამოიცილა! ჩვენი მასწავლებელი ავადმყოფობის გამო იყო ავს გუნებაზედ. აგერ სამი დღეა, რაც იმის მაგიერ ჩვენთან დაბალის ტანისა, უწვერულვავაშო ახალგაზდა მასწავლებელი დადის. კლასში შეგირდები მოუსვენრად არიან ჭ საშინლად ცელქობენ! ახალი მასწავლებელი საშინელი მომთმენი კაცი ყოფილა! ჯავრობით არა ჯავრობს, მხოლოდ წამ და უწუმ იმეორებს:

— ჰკვიანად, გთხოვთ დაწყნარდეთ!

ვერ გასკრა მასწავლებლის სიტყვამ და დღეს კლასში საშინელი ღრიანცელა ასტყდა. მასწავლებელი გვირჩევადა, გვთხოვდა, მაგრამ ამაოდ. უფროსმა ორჯელ შემოიხედა ჩვენს კლასში. მოჰკეტავდა თუ არა უფროსი კარებს, უფრო უარესობა იყო კლასში. სწორედ ბაზარი გაჭხადეს კლასი. გარონე და დეროსი გაშტერებულები იყვნენ. ვინ მოსთვლის, რა

გვარის ნიშნებით არა სთხოვდნენ ამხანაგებს, მოისვენეთო, მაგრამ ტყუილად გაისარჯნენ. სტარდი ხელებს დაჰკვებოდა და დაფიქრებული იჯდა. უეჭველია სტარდი თავის წიგნთ-საცავის შესახებ ჰფიქრობდა. გაროუიც კვიანად იჯდა და ლატარიის სიას არდგენდა. ლატარიაში ჯიბის საწერელი ჩააგდო და ბილეთი ორი კაპეიკი იყო. დანარჩენი შეგირდები-კი ყბედობდნენ, იცინოდნენ, კალმობანასა თამაშობდნენ და ქალაქის გუნდებს ესროდნენ ერთმანეთს. მასწავლებელი ხან ერთს წაავლებდა ხელს, ხან მეორეს შეანჯღრევდა ხოლმე და კუთხეში აყენებდა... ღრიანცელი მაინც არ შესწყდა და კლასში წესი და სიჩუმე ვერ ჩამოაგდო. მასწავლებელი მთლად დაიბნა, აღარ იცოდა, რა ექმნა და, რაც ძალა ჰქონდა, ჰყვიროდა:

— აღარ დასწყნარდებით! გინდათ, რომ თქვენ მაგიერ მე გამკიცხონ. დაჩუმდით, დაჩუმდით!

— სწორედ შესაბრალისი სანახავი იყო მასწავლებელი. სტარდი იქამდის თავს წავიდა, რომ ქალაქის გუნდა თვით მასწავლებელს მიარტყა. მონასტერი მთლად აირია და სწორედ მეორედ მოსვლის დღე იყო. ჩვენს კლასში უცებ მოსამსახურე შემოვიდა და მასწავლებელს მოახსენა:

— ბ-ნო მასწავლებლო! უფროსი გეძახითო.

მასწავლებელი საჩქაროდ წავიდა უფროსთან. კლასში საშინელი ყვირილი შეჰქნეს. უცებ სიბრა-



ზისაგან გაქარხლებული გარონე ფეხზედ წამოდგა და დაიყვირა:

— არ დაწყნარდებით! მხეცებო! ნადირებო! კეთილი კაცი შეგხვდათ და თავს წახვედით! თქვენ, აგეთი კაცი-კი არა, ისეთი კაცი გინდათ, რომ ცემისაგან თავ-პირი და გვერდები დამტვრეული გქონდეთ! ვინც გაბედავს კიდევ კრინტის დაძვრას, ქუჩაში კბილებს ჩავალეწავ და შინ დაბეჭილს გავისტუმრებ. ვინც უნდა ჰყავდეს გვერდით, თუნდა მამა და თუნდა დედა, იცოდეთ, არ დავერიდები.

ყველამ სული გატრუნა. რა მშვენიერი იყო გარონე ამ ლაპარაკის დროს! სახე გასწითლებოდა, თვალები თითქოს გასდიდებოდა და გულადად, ლომსავეით გამოჰქიმულიყო. მასწავლებელი დაბრუნდა. კლასში შეუჩყვევლი სიჩუმე იყო. განცვიფრებული მასწავლებელი კარებშივე შესდგა და გადმოგვხედა. გარონე სიბრაზისაგან მთლად კანკალებდა. მასწავლებელმა შენიშნა, მიჰხვდა, ვისაც დაეწყნარებინა შეგირდები, მიუახლოვდა და მეგობრულად უთხრა:

— გმადლობ, გარონეო!

---

10-ი. ოთხშაბათი.

დღეს სტარდისთან ვიყავ. იმისი სახლი ჩვენის სასწავლებლის პირდაპირ არის. წიგნთ-საცავი ვნახე და სწორედ რომ შემშურდა. მართალია, სტარ-

დის მდიდარი მშობლები არა ჰყავს, მაგრამ როცა-  
კი ჩაიგდებს ფულს, ტყუილ-უბრალოდ არა ჰფლან-  
გავს და უსათუოდ წიგნს რასმე ჰყიდულობს. ამ გვა-  
რად პატარა წიგნთ-საცავი შეუძენია. მამას შეენიშ-  
ნა თუ არა, ჩემს შვილს წიგნები უყვარსო, პატარა  
კაკლის წიგნის განჯინა ეყიდნა და წიგნები სულ  
დაეკაზმინებინა. წიგნები სამ რიგად უწყყია სტარ-  
დის: მოთხრობები ცალკე, ლექსები ცალკე და სუ-  
რათებიანი წიგნები ცალკე, შინაარსის დაგვარად. წი-  
გნები მეტად შეხამებულადა აქვს დაკაზმული. სტარ-  
დის თავის პატარა წიგნთ-საცავის კატალოგიცა აქვს  
შედგენილი. ამ დღე თავისუფალს დროს სულ წიგ-  
ნების სუფთაობა-წმენდაშია თურმე. ამიტომ საკვირ-  
ველი არ არის, რომ იმისი წიგნები სტამბიდგან ახ-  
ლად გამოტანილსა ჰგავს.

მე-კი ჩემს წიგნებს ან დაგვარგავ და ან მივ-  
ფხრეწ-მოვფხრეწავ ხოლმე.

სტარდის სიხარული მაშინა ჰნახეთ, როცა ახალს  
წიგნს შეიძენს ხოლმე. სიხარულისაგან აღარ იცის,  
როგორ და სად დასდოს ახალი წიგნი. სანამ იმის  
აღერსით გულს არ იჯერებს, არ მოისვენებს და არ  
დაადინჯებს ხოლმე წიგნს ერთს ალაგას.

სტარდისთან თითქმის ერთი საათი დავრჩი და  
წიგნების მეტი ჩემთვის იმას არა უჩვენებია-რა! საწ-  
ყალს წიგნების კითხვისაგან თვალეები სტკივა. ჩვენს  
ოთახში სტარდის გასიებული მამა შემოვიდა. შვილს  
მხარზე ხელი დაადო და მითხრა:

— რას იტყვი ჩემის შვილისას? ჭკვიანია განა? მე კარგად ვიცი, რასაც ელირსება ჩემი სტარდი! მამის ტლანქ ალერსზედ სტარდმა თვალები მიჰნაბა, თითქოს მონადირე ძაღლი იყოსო. არ ვიცი რა მიზეზია, რომ სტარდისთან ხუმრობას ვერა ვბედავ! მეც არა მჯერა, რომ ვითომ ის ერთის წლით იყოს ჩემზედ უფროსი. გამოთხოვების დროს, როცა სტარდიმ მითხრა: „ნახვამდისო“, მე კინალამ „მშვიდლობით ბძანდებოდეთ“-მეთქი არ ვუთხარი, როგორც ჩემზედ უფროსებს ვეტყვი ხოლმე. შინ მამაჩემს ვუამბე ეს ამბავი და ვკითხე, რა მიზეზია, რომ სტარდისა როგორღაც მეკრძალება-მეთქი?

— ის მიზეზიაო, მითხრა მამაჩემმა: რომ სტარდი ძლიერის ხასიათის ბავშვია.

— მთელი საათი ვიყავ იმასთან და სულ ორმოცი სიტყვაც არ უთქვამს ჩემთვის; ერთი სათამაშოც არ მიჩვენა ლე დიმილი ხომ სრულიად არ მოსვლია სახეზედ. მაინც-კი წამოსვლა არ მეშურებოდა. ეს რაღაა-მეთქი? განვუქეორე კვლავ.

— ეგ ის არის, რომ პატივსა სცემო.

მამაჩემმა მართალი მითხრა. სტარდი საცა ლე პრეკოსსაც პატივსა ვცემ. პატარა გაყვითლებული მქედლის შვილი პრეკოსი მეტად კეთილია და შეშინებულსავით იყურება. იქამდის ზრდილობიანია პრეკოსი, რომ სულ მცირე რამისთვის უსათუოდ ბოდიშს მოიხდის ხოლმე. პრეკოსი ბეჯითად მეცადინეობს, მაგრამ საწყალი ხშირად ავადმყოფობს.

პრეკოსის მამა თურმე საშინელი ლოთია და გა-  
ლექებული მოვა თუ არა შინ, სულ უმიზეზოდ სცემს  
შვილს, რვეულებსა ზე წიგნებს გადუყრის ხოლმე... მეო-  
რე დღეს ბევრის ცემით მთლად დალურჯებული ზე თავ-  
პირ-დასიებული ბავშვი მაინც არ აკლდება გაკვე-  
თილს და სასწავლებელში მოდის ხოლმე. ასეთს დღე-  
შია, მაგრამ მაინც ვერაფრით ათქმევინებ, რომ მა-  
მაჩემმა მცემაო.

— მამამ გცემა? აუტყდებიან ხოლმე ამხანაგები.

— არა, არაო! გაბრაზებული იძახის ხოლმე  
პრეკოსი.

— ეს რვეული ვინ დაგიწვა! ჰკითხა ერთხელ  
მასწავლებელმა.

— მე დაწვი. სანთელს მოვახვედრე უცაბედად  
და დაიწვა.

ყველაფერს თითონ იბრალებს, თუმცა იმისმა  
ამხანაგებმა კარგად ვიცით, რომ, პრეკოსი-კი არა,  
იმისი მამაა ყველაფრის დამნაშავე. პრეკოსის მშობ-  
ლები ჩვენის სახლის საჩხის სართულში სცხოვრობ-  
დნენ და ჩვენის მეკარის ცოლს ეამბნა დედაჩემისათვის  
იმათი ყოფა-ცხოვრება. ერთხელ ჩემს დას სილვისაც  
გაეგონა ბავშვის ტირილი. პრეკოსის თურმე გრამა-  
ტიკის სასყიდლად მამისათვის ფული ეთხოვნა... მამას  
ჯერ ეცემნა, მერე ხელი ეკრა და კიბეზედ დაეგო-  
რებინა. პრეკოსის მამა მთელი დღე ლოთობს, არა  
მუშაობს და ცოლ-შვილი მშიერ-მწყურვალნი უყ-  
რია... საწყალი პრეკოსი სასწავლებელში ხშირად

მშიერი მოდის ხოლმე. გარონე ჩუმად აძლევს პურს, ისიც მიიძალემა სადმე კუთხეში და ხარბად შეექცევა ცალიერს პურს... იმისი წინანდელი მასწავლებელი ქალი ხანდახან პრეკოსის ხილს მისცემს ხოლმე. ასეთს ყოფაშია პრეკოსი და ერთხელაც ვერ გაიგონებ იმისაგან სამდურავს, მამა ლოთი მყავს, სახლში არა შემოაქვს-რა და მშიერები ვართო.

ხანდახან იმის მამა ჩვენის სასწავლებლის გვერდით გამოივლის ხოლმე. ბავშვი მაშინვე საშინლად კანკალს იწყებს, მამის გაკრიალებულსა და ლოთობისაგან დაჯირჯვებულს სახეს რომ ჰხედავს. მაინც უსიამოვნობას არ იმჩნევს ხოლმე პრეკოსი და სიცილით ეგებება მამას. საწყალი პრეკოსი! ნახევს ქალღმერთებსა ჰკრეფს და რვეულებს შეიკერავს ხოლმე. გაკვეთილსაც ამხანაგების წიგნებში სწავლობს. საცოდავი სანახავია პრეკოსი გიმნასტიკის გაკვეთილის დროს. ფეხსაცმელში თითები გამოყოფილი აქვს, შალვარი და ხალათი ხომ აკონკილ-დაკონკილი აცვია. ვინ იცის, იქნება პრეკოსი ყველა ამხანაგსაცა სჯობნებოდა, შინ რომ შესძლებოდა მეცადინეობა და შესაფერი ხელის შეწყობა ჰქონოდა...

გუშინ პრეკოსს, კლასში რომ მოვიდა, ლოყა გაკაწრული ჰქონდა. ამხანაგებმა ჰკითხეს:

— მამამ გიყო განაო? ტყუილად ნუ დაჰმალავ, ვიცნობთ მამაშენს. რატომ უფროსთან არ უჩივლებ!

პრეკოსი გაცეცხლდა, ზეზედ წამოვარდა და მკაცრად უთხრა ამხანაგებს.

— სტყუით! სტყუით! მამაჩემი არას დროს არა მცემს!..

მთელი გაკვეთილი გაფითრებული იჯდა. თვალებიდან ცრემლი ჩამოსდიოდა. თუ შეჰხედავდა ვინმე, სცდილობდა თავი შეემაგრებინა და გაელიმა.

ხვალ ჩემთან დეროსი, კორეტი და ნელი მოვლენ. პრეკოსისაც უნდა უთხრა ჩვენსას საუზმეზედ მოვიდეს. წიგნს ვაჩუქებ, ჯიბეს ხილით გავუვსებ! სახლს გადავაბრუნებ იმის გულისათვის, რომ იქნება ერთხელ მაინც არის ნასიამოვნები და გამხიარულებული ვნახო ეს კეთილი, პატიოსანი და სულით ძლიერი ამხანაგი.

---

12-ი. ხუთშაბათი.

დღევანდელი დღე სასიამოვნო და მხიარული ხუთშაბათია! სწორედ ორს საათზედ დეროსი, კორეტი და კუზიანი ნელი ჩემთან მოვიდნენ! პრეკოსი მამას არ გამოეშვა! დეროსიმ და კორეტიმ სიცილით მიაბგეს, რომ მემწვანილეს შეიღოს კროსის უშველებელი კალათა წამოეკიდნა, კომბოსტოთი საესე, და გასასყიდად მიჰქონდაო. კროსი გახარებული იყო! ამერიკიდან წერილი მიეღოთ მამისაგან, რომელშიაც სწერდა, ამ ახლო ხანებში დავბრუნდები სახლშიო.

მთელი ორი საათი დარჩნენ ჩემსას ჩემი სტუმრები და ეს დრო მხიარულად გავატარეთ. დეროსი და კორეტი ჩვენს კლასში ყველაზედ მხიარულები არიან. მამაჩემს ორივე ბავშვი ძალიან მოეწონა... კორეტი თავის წიფლის ფერს ხალათში იყო. ეს ეშმაკი თითქმის არასოდეს არ იღალბა! ვინ იცის, დღეს დილით მთელი ურემი შეშა შეზიდა მამის ღუქანში. მაინც, ვითომ-და აქ არათერაო, ჩვენსა დახტოდა, იცინოდა, ხუმრობდა და ყველაფერს ათვალთვრებდა და სინჯავდა. სამზარეულოში მზარეულისათვის ეკითხნა: „შეშას როგორა და სადა ჰყიდულობთო! თითონაც ეთქვა, მამაჩემი ამ ფასად ჰყიდის შეშასაო. კორეტომ თავის მამის თავ-გადასავალი გვიამბო. იმის მამა კუსტოცისთან ომის დროს მთავარ ჰუმბოლტის მე-49 რაზმის ჯარის-კაცად ყოფილა.

კორეტი თუმცა შეშის ღუქანში დაიბადა და აღიზარდა, მაინც კარგის ყოფა-ქცევისაა. „ბუნებითვეა კეთილშობილიო“, სთქვა მამაჩემმა.

დეროსი უფრო სწავლის შესახებ ლაპარაკობდა. დეროსიმ გეოგრაფია მასწავლებელსავე იცის; თვალებს დაჰხუქავს ხოლმე და ისე ლაპარაკობს: „ჩემ წინ იტალიაა გადაშლილი! აი იონინის ზღვა და გაქიმული პენინის ქედი! აგერ მდინარეები, სრუტეები, ქალაქები, ცისფერი ნავთსადგურები, მწვანე კუნძულები“. თან ყველას სახელს შეუცდომლად ამბობს, თითქოს რუკაზედ კითხულობსო. სასიამოვნო სანახავია დეროსი, როცა ხუქუქა თმიანს თმას უკან გა-

დაიწყობს ხოლმე, თვალებს ჰლოულავს და ლაპარაკობს. ერთის საათის განმავლობაში დეროსიმ სახვალაოდ მეფე ვიქტორ ემანუელის საფლავზედ სათქმელი სიტყვა მშვენივრად დაისწავლა.

ნელი გაოცებული შეჰყურებდა დეროსის და მწარედ იღიმებოდა: მეტად მხიარული სტუმრები მყავდა. ის უფრო მომეწონა, რომ წასვლის დროს დეროსიმ და კორეტიმ ნელი ხელდახელ აყვანილი ჩაიყვანეს ქვემოდ და ისე გაამხიარულეს, რომ მეჯერ ისეთი მხიარული არ მინახავს.

სტუმრები გავაცილე, ოთახში შემოვედი და შევნიშნე, რომ მაგიდაზედ კუზიან რიგოლეტოს სურათი აღარ იყო. მამაჩემს დაემალა, ნელიმ არა ჰნახოსო.

---

17-ი იანვარი.

მასწავლებელი შემოვიდა თუ არა კლასში, დეროსი გაიხმო. დეროსი გავიდა, დადგა მასწავლებლის მაგიდასთან, ჩვენსკენ მობრუნდა და წამოწითლებულმა ლაპარაკი დაიწყო. პირველში დეროსის ხმა ცოტა არ იყოს უკანკალებდა, ბოლოსკი გაიმართა და ხმას აუმაღლა:

„ოთხის წლის წინად, სწორედ დღევანდელს დღეს, სწორედ ამ საათს, რომის პანთეონს ღრმად შავებით შემოსილი ხალხი უახლოვდებოდა. იტალიის პირველს მეფეს ვიქტორ ემანუელ II-ს ასაფლავებ-



დნენ. ვიქტორ ემანუილი სწორედ ოც-და-ცხრა წელიწადი იყო იტალიის მეფედ მაშინ, როდესაც ჩვენი საყვარელი სამშობლო შვიდ სამთავროდ იყო განაწილებული. მტრისაგან აოხრებული და გატანჯული იტალია პირველმა მეფემ ვიქტორ ემანუილმა დააწყნარა და შვიდივე სამთავრო ერთ თავისუფალ და უძლეველ სახელმწიფოდ შეაერთა. იმისი დრო მეტად სანაქებო, იტალიის გამარჯვების დროდ ითვლება. თვით მეფე ვიქტორი საშინელ განსაცდელის დროსაც-კი გულადად იყო! უბედურების დროს ხომ წარბ-შეუხრელს ბრძენსა ჰგავდა. სამგლოვიარო ეტლი დატენის გვირგვინებითა და ყვავილებით იყო აკრელებული. იტალიის ყოველ ნაწილიდან მოსულ ხალხით შემოხვეული ეტლი ნელის ნაბიჯით მიუახლოვდა საფლავს... გარდაცვალებულის პატივსაცემლად მოსულიყვნენ მთავრები, მინისტრები, დიდ-კაცობა, აუარებელი ჯარი თავისის დროშა-ზარბაზნებითურთ და სამასის ქალაქის წარმომადგენელი... უმშვენიერეს ტაძართან, სადაც საფლავი იყო მომზადებული, ეტლი დადგა და თორმეტმა ჯარის უფროსმა ასწია კუბო. მთელი იტალიის ერი უკანასკნელად და საუკუნოდ ესალმებოდა თავისს საყვარელს მეფეს, თავისს გულადს ჯარის-კაცსა და მზრუნველს მამას. მეფესთან ერთად იტალია თავისს საუკეთესო ღებუნდნის ისტორიის ხანას საუკუნოდვე ეთხოვებოდა. ყველა იქ მყოფი მისჩერებოდა კუბოსა და ოთხმოცის რაზმის სამგლოვიარო დროშას. ეს დროშები იტალიის

მრავალის შვილის ამ წუთი-სოფელს გამოსაღმების მოწმე იყო! დროშა ერთი საუკეთესო სახსოვარი ნიშანია სამშობლოს შვილთა დიდებისა.

„კუბო სასაფლაომდე ჯარის-კაცებს ხელდახელ მიჰქონდათ. ახალი დროშები და გოიტოს, მაჯენტის სოლფერინოს, პალესტროს, ყირიმის, ნოვარის ჭ სანტა-ლუჩიოს ომებში ნაჰირნახულევი ძველი დროშები კუბოს გადაეფარა. დროშებიც თავისს მამა მთავარს უკანასკნელად გამოეთხოვნენ. ხალხმა ქრიამული დაიწყო: მშვიდობით, კეთილო, გულადო და პატიოსანო ხელმწიფევ! შენ ცოცხ ლი ხარ და კვალ-ამოუშლელი იქნები იტალიის შვილთა გულში, ვიდრე მზე ქვეყნად ანათებს და ათბობს იტალიას! დროშები მალლა ამართეს და ვიქტორ-ემანუილი დიდების სამარეში ჩაასვენეს“.

---

21-ი. შაბათი.

როცა დეროსი მეფის დასაფლავების ამბავს მოგვითხრობდა, ყოვლად შეუძლებელი იყო, სიცილი ვისმე აზრად მოსელოდა, მაგრამ ჩვენ შორისაც აღმოჩნდა ამ გვარი ადამიანი—ფრანტი. სწორედ მძულს საძაგელი ფრანტი. მეტად ბოროტი ბავშვია. როცა რომელსამე შეგირდს მასწავლებელი ან მშობელი დასჯის ხოლმე, ის სიხარულისაგან ფეხზედ აღარა სდგას. იცინის, თუ მტირალი ვინმე ნახა. გარონეს შიშით-კი კანკალებს, მაგრამ თუ დრო იხელ-

თა, კალატოზის შვილსა და ხელ-გამხმარ კროსის აწვალებს და სცემს ხოლმე... პრეკოსის, ამ ყველას საყვარელს ამხანაგს, დასცინის და რობერტს ხომ, რომელმაც ბავშვი სიკვდილს გადაარჩინა, თითონ ფეხები დაიშვა და ყავარჯნებით დადის, არ ასვენებს. ღმერთმა დაიფაროს, თუ ვინმე დაიბრიყვა... ერთს წამს არ მოასვენებს.

არავისი ეშინიან. მასწავლებელთანაც-კი დაურიდებლივ იცინის და რაც ხელთ მოჰხედება, ყველაფერს იპარავს. თავის ღღენი დავიდარაბაშია. უშველებელის ქინძისთავით თავის ახლო მსხდომ შეგირდებს აწვალებს. გ:ნა იმის გათხუპნულსა და დაფლეთილს წიგნებს, რვეულებს, გაჩორკნილ სახაზავს, დალაქიანებულ-დახეულს ტანისამოსსა და სისხლ-ტალახით გამოტენილს ხელის ფრჩხილებს პატრონის სიკეთე ზედ არ ატყვია! იმისი დედა შვილის სიუმგზავსის გამო ავადმყოფობს თურმე და მამას ხომ სამჯერ სახლიდგან დაუხზოვნია. როცა-კი კარგად არის ფრანტის დედა, სკოლაში მოდის ხოლმე შვილის ამბის შესატყობლად და ყოველთვის თვალცრემლიანი ბრუნდება.. მასწავლებელი ბევრს ეცადა, ყოველი უმგზავსოება მოეშლევინებინა ფრანტისათვის, მაგრამ ამაოდ... ან განა შეიძლება რაიმე სიკეთე შეიგნოს იმ ბავშვმა, რომელსაც სკოლაც, შეგირდებიც და მასწავლებელიც ეჯავრება?... მასწავლებელი რომ გაუჯავრდება ხოლმე, ხელებს თვალეზედ მიიფარებს, თითქოს ტირისო, მაგრამ, ტირილის მაგიერ,

იკინის. სასწავლებლიდგან სამის დღით დაითხოვეს, მაგრამ უფრო გამხეცებული დაბრუნდა უკან.

ერთხელ დეროსიმ უთხრა:

— მოისვენე, ხომ ჰხედავ მასწავლებელი რა ნაირად გასტანჯეო!

დაწყნარების მაგიერ ფრანტი დეროსის დაემუქრა. დღეს დღით ფრანტი სამუდამოდ დაითხოვეს სკოლიდგან. მასწავლებელი გარონეს ყოველ თთვიურ მოთხოვას „სარდინელ მედაფე“-ს გადასაწერად აძლევდა, ამ დროს ფრანტიმ იატაკზედ გაბერილი ცხვრის ბურთი დაარტყა... ბურთი გასქდა და საშინლად იქექა! ყველანი შეკრთით. მასწავლებელი გაბრაზებული წამოხტა და დაუყვირა ფრანტს:

— კლასიდგან გაეთრიეო!

— მე არ ვიყავ, სიცილით უპასუხა ფრანტიმ.

— გაეთრიე-მეთქი, გაუმეორა მასწავლებელმა.

— ადგილიდამაც არ დავიძვრები!

მასწავლებელი მოთმინებიდგან გამოვიდა, მოავლო ხელი, ძალად გამოათრია და წაიყვანა უფროსთან, თუმცა ფრანტი უძალიანდებოდა.

მასწავლებელი დაბრუნდა უკან, თავის სკამზედ დაჯდა და დალონებულმა თავი ჩაჰკიდა. საწყალი სიბრაზისაგან მთლად ცახცახებდა. სწორედ რომ ყველას შეგვეცოდა. დეროსი წამოდგა და კრძალვით უთხრა მასწავლებელს.

— ბ-ნო მასწავლებელო, ნუ შეიწუხებთ თავს, ჩვენ ყველას გვიყვარხართ.

მასწავლებელი თითქო გამოერკვა და სთქვა:  
-- გაკვეთილი განვაგრძოთო.

## სარდინიელი მედაფე

(ყოველ თთვიური მოთხრობა)

24-ს ივლისს 1848 წ., კუსტოცთან შეტაკების დღეს, იტალიის ქვეითა რაზმის ერთი ნაწილი მახლობელის ციხის გასამაგრებლად გაჰგზავნეს. გზაზედ ჯარს ორი ავსტრიის რაზმი შეეტაკა. ფიცხელის შეტაკების შემდეგ იტალიელთ მაინც გაატანეს ავსტრიის რაზმს და კოშკში შეეფარნენ. რაზმმა ჩაჰქოლა კოშკის კარები და დაბლა ფანჯრებიდგან უკან დადევნებულ ავსტრიელთ სროლა დაუწყო. ავსტრიელები ნელ-ნელა დაუახლოვდნენ უკვე გამაგრებულს კოშკს. იტალიის რაზმს ორი ახალგაზდა აფიცერი და მოხუცი, გამხდარი და მეტად სასტიკი კაპიტანი ჰმეთაურობდნენ. რაზმს ხორბლის-ფერი, შავთვალეზა თოთხმეტის წლის მედაფე ჰყავდა. კოშკის პირველ სართულის ფანჯარასთან წარბ-შეუხრელი კაპიტანი იდგა და განკარგულებას იქიდგან აძლევდა.

ფერ-წასულს მედაფეს კედელზედ ხელი მიებჯინა, მაგიდაზედ შემდგარიყო და ფანჯრიდგან იყურებოდა. თოფის ბოლში ავსტრიელების თეთრი ტანსაცმელი გარკვევითა სჩანდა.

კოშკი მალეობს სერზედ იდგა. ხევის მხრივ ზედ

საჩეხთან ერთი ფანჯარა ჰქონდა... ამ მხრივ შიში არაფრისა იყო. წინა მხარეს-კი ფანჯრები თოფის სასროლად საკმარისი ჰქონდა. ტყვია სეტყვასავით მოდიოდა და კედელ-ფანჯარას ამტვრევდა, კარებსა და ავეჯეულობას შეუბრალებლად ჰლეწდა. წინა წყობის ჯარის-კაცნი წამ და უწუმ ეცემოდნენ იატაკზედ. დაქრილები კრილობას იხვედნენ, სისხლში სცურავდნენ. სამზარეულოში თავ-მილეწილი მეომარი ეგდო. უცებ მტრის რაზმი კოშკის მახლობლად გაჩნდა. აქამდის გულადად მყოფს რაზმის უფროსს ფერი ეცვალა და საჩქაროდ გავიდა ოთახიდგან. უფროსს გვერდს თანაშემწე ახლდა. ცოტა ხანს შემდეგ თანაშემწე დაბრუნდა და პატარა მედაფეს დაუძახა. მედაფე მკვირცხლად ავარდა ზემო სართულში. უფროსი საჩეხის ფანჯარასთან იდგა და ქალაღლის ნახევზედ რალასაცა სწერდა. იქვე ფეხებთან დიდი თოკი ეგდო. უფროსმა დაჰკეცა ქალაღლი და დააქკერდა მედაფეს:

— მედაფევ!

მედაფემ ხელი ქულზედ იტაცა.

— შეგიძლიან სამსახური გამიწიო?

ბავშვს თვალები გაუბრწყინდა.

— შემიძლიან, ბატონო უფროსო! უპასუხა მედაფემ.

— აგერ გაიხედე (ანიშნა ფანჯრიდგან) ვილლათრანკის მახლობლად თოფები მოკრიალებს. ისინი ჩვენები არიან. აი წერილი. აქედგან თოკით ჩაგი-

შეებ... მინდორ-მინდორ წადი და პირველსავე შეხვედრილს აფიცერს გარდაეცი ეს წერილი. მოიხსენე ქაზარი და გუდა-ნაბადი.

მედაფემ გუდა-ნაბადი მოიხსენა, წიგნი უბეში ჩაიღო და წელზედ თოკი მაგრად მოიქირა. უფროსმა და თანაშემწემ მედაფე ჩაუშვეს კოშკიდგან ძირს.

— გახსოვდეს, რომ ჩვენნი დახსნა და გადარჩენა შენზეა დამოკიდებული, უთხრა რაზმის უფროსმა ძირს მიმავალს ბავშვს.

— ვეცდები რმედი არ გაგიმტყუნოთ, ბ-ნო კაპიტანო!

— მინდვრად რომ გახვიდე, ბობღვით იარე, მტერმა არ შეგნიშნოს.

— ფიქრი ნუ გაქვთ!

— ღმერთი იყოს შენი შემწე!..

ერთის თვალის დახამხამებაზედ მედაფე დედა-მიწაზედ იდგა. მარდად მოიხსენა თოკი წელიდგან და გაექანა დანიშნულ ადგილისაკენ. რაზმის უფროსი ფანჯრიდგან გულის ფანქალით ადევნებდა თვალს მკვირცხლად მიმავალს მედაფეს. მედაფე შეუდგა მთის აღმართს. უფროსს ცოტა არ იყოს გული მოეცა. ბავშვის მახლობლად წამ და უწუმ მტერის ბოლი და ბუქი ავარდებოდა ხოლმე. ავსტრიელებმა შენიშნეს ბავშვი. მედაფემ არც-კი შეიმჩნია მტრის დევნა, ნაბიჯს უფრო უმატა, მაგრამ უცებ წაიბორძიკა და წაიქცა.

— მოკლესო, შეჰყვირა კაპიტანმა, მაგრამ ბავშვი მარდად წამოხტა ფეხზედ.

— არა, მხოლოდ წაქცეულაო... სთქვა და თავისუფლად ამოისუნთქა უფროსმა.

ბავშვი უფრო გაცხარებული გაუდგა გზას, თუმცა ძალიან-კი კოჭლობდა.

— ფეხი იღრძოო, იფიქრა კაპიტანმა. ბავშვის მახლობლად კიდევ ამოვარდა მტერის ბოლი, მაგრამ ბავშვმა თავს უშველა: ტყვია ველარ მისწვდებოდა, უკვე შორს იყო. სიხარულისაგან აღტაცებული იყო კაპიტანი, მაგრამ აღელვებული ფანჯარას მაინც არა შორდებოდა.

ეხლა დროზედ-ლა იყო ყოველი დამოკიდებული. თუ ბავშვი ძალიან შეიგვიანებდა და დროზედ ვერ შეატყობინებდა მინდვრად მდგომს რაზმს, მტერი შევიდოდა კოშკში, ამოსწყვეტდა ყველას და რაზმის უფროსსაც ტყვედ წაიყვანდა.

ბავშვმა კოჭლობას უმატა და ხანდახან შესასვენებლად შედგებოდა ხოლმე.

— დასჭრეს უთუოდ! გაიფიქრა კაპიტანმა და მკვდრის ფერმა გადაჰკრა სახეზედ... კაპიტანი გაფაციცებით ადევნებდა თვალს ბავშვს და თან უყვიროდა, თითქოს გააგონებდესო. კოშკის დაბლა ოთახებში-კი გაისმოდა მტრის თოფის ხმა—დაჭრილ-მომაკვდავთა ღრიალ-ღმუილი და ავეჯის ლაწი-ლუწი.

— ნუ შეშინდები! გაიქე! უყვიროდა ფანჯრი-



დგან კაპიტანი ბავშვს. დაწყევლილი, დადგა... არა... ისევ გაიქცა...

მოლლილ-მოქანცული კაპიტანის თანაშემწე ამოვარდა უფროსთან და მოახსენა, რომ მტერი თოფის სროლას არ იშლის, თეთრი ბაირალი ამართა და ნებით დამორჩილებას თხოულობსო. პასუხი არა გასცეთრა! დაუყვირა კაპიტანმა თანაშემწეს და ისევ ბავშვს გაჰყურებდა, რომელიც ძლივ-ძლიობით-ლა მიათრევდა ფეხებს.

— ჰა! ჩქარა, გაიქე! ყვიროდა კაპიტანი და თან, რაც ძალი და ღონე ჰქონდა, აკრაქუნებდა კბილებს. მოკვდი, შე წუწუკო, და არ-კი შესდგე. აი შე სულმდაბალო, მშიშარავ! დაისვენა! დაჯდა! მალალ ყანაში ბავშვი ძლივს-ლა მოჩანდა. მთლად დაიმალა ბავშვი, ერთხელ კიდევ გამოჩნდა და მალევე მთლად მიეფარა ყანას. კაპიტანმა ბავშვი ველარ დაინახა, მოშორდა ფანჯარას და ძირს ჩამოვიდა. ტყვიის ზუზუნის ისმოდა. ოთახები დაქრილ-დახოცილით იყო საესე და ირგვლივ სისხლის მორევი იდგა.

— არ შეშინდეთ გამაგრდით! მეშველი მალე მოვა! ამხნევებდა ცოცხლად დარჩენილს ჯარის-კაცთ უფროსი. მტერი ისე ახლო მოადგა კოშკს, რომ იმათი სახე თოფის ბოლშიაც-კი სჩანდა...

მტერი ილანძღებოდა — თხოულობდა დამორჩილებას. შეშინებულნი ჯარის-კაცნი ფანჯრებს შორდებოდნენ. უფროსები ძლივს-ლა იმაგრებდნენ ჯარს. ყველას შეეშინდა, ყველას უიმედობა დაე-

ტყო. ომის გაგრძობა ყოველად შეუძლებელი გახდა. უცებ ავსტრიელებმა სროლა შეაყენეს. მტრის რაზმიდგან ჯერ ნემენცურად და შემდეგ იტალიურად მოისმა:

— დაგემორჩილდით!

— ვერაო! შეპლრიალა კაპიტანმა.

მტერმა კვლავ დაიწყო თოფის სროლა. იტალიელები ერთი-მეორეზედ ჭერებებსავით ეცემოდნენ.

უკიდურესი წამი ახლოვდებოდა. კაპიტანი შეშლილსავით აქეთ-იქით დაეცეცებოდა და რალაცას ბუტბუტებდა.

— არ მოდიან! ღმერთო! განა კიდევ დაიგვიანებენ!

უცებ კაპიტნის თანაშემწემ საჩეხიდგან დაიყვირა!

— ჩვენები, ჩვენები მოდიანო.

— მოდიან? შეჭკივლა კაპიტანმა.

დაქრილნი თუ სალნი, ყველა, ვისაც-კი ფეხზედ დგომა კიდევ შეეძლო, ფანჯრებს მისცვივდნენ: ბრძოლა გაცხოველდა. მტრის რაზმი უცებ შეირყა და აირია. კაპიტანმა საჩქაროდ შეჭკრიბა ცოცხლად გადარჩენილი თავის ჯარის ხალხი და ის იყო აპირებდა მტერთან ხმალ-და-ხმალ გასვლას.

ამ დროს ცხენის ფეხის ხმა და „ვაშა“, „ვაშა“-ს ძახილი მოისმა. იტალიის ცხენოსანი რაზმი ავსტრიელებს მოულოდნელად დაერია და მტერს

დაუნდობლად დაუწყო ხოცვა. კაპიტანი თავისის რაზმით წინ გაეგება. ხელ-ჩართული ბრძოლა გაცხოველდა. მტერი აირია და უკან დაიხია. კოშკი განათავისუფლეს: იტალიის ცხენოსანმა ჯარმა და ქვეითმა რაზმა ორის ზარბაზნით დაიჭირეს კოშკის ირგვლივ ქედი... იტალიელთ გაიმარჯვეს, მაგრამ მეორე დღეს-კი მტერმა მწარე დღე დააყენა იტალიელებს.

26 ივლისს დილით იტალიის რაზმი ველარ გაუმაგრდა ორჯელ მეტს მტრის ჯარს და გამწარებული მინჩიოსაკენ დაიწია. დაჭრილი კაპიტანი თავისის მოქანცულის რაზმით მინჩიოდგან ფეხით გოიტოში, სალამოთი ძლივს მოვიდა. მოსვლისათანავე გოიტოში კაპიტანმა თავისს თანაშემწეს დაუწყო ძებნა. ის მოძრავს სამხედრო საავადმყოფოს უნდა მოპყოლოდა.

სავადმყოფო დროებით ეკლესიაში მოეთავსებინათ. ეკლესია სავსე იყო დაჭრილის ჯარის-კაცებით. ავადმყოფები პირდაპირ იატაკზედ იწვნენ. ორი ექიმი თავისის თანაშემწეებით ავადმყოფებს დასტრიალებდნენ. კაპიტანი ეკლესიის კარებშივე შესდგა და თანაშემწეს დაუწყო ძებნა. ვილაცამ ხრინწიანის ხმით დაუძახა:

— ბ-ნო კაპიტანო!

კაპიტანი მოტრიალდა. პატარა მედაფე ეძახდა.

ბავშვი გაყვითლებული და უძრავად ლოგინში გაქიმული იწვა.

— შენც აქა ხარ? ჰკითხა ბავშვს გაოცებულმა კაპიტანმა: ყოჩაღ, რომ შენი მოვალეობა აღასრულე.

— რაც შემეძლო, ცდა არ დამიკლია!

— დაგქრეს?

— რა ვუყოთ! უპასუხა გულადად მედაფემ. თითქმის მიწაზედ გაკრული მივდიოდი, მაგრამ მაინც დამინახეს... რომ არ დავექრე, ოცის წამით აღრე მივიდოდი დანიშნულს აღგილას... გზაზედ წყალი მომწყურდა, მაგრამ წყაროზედ ჩასვლა ვერ მოვახერხე, რადგან დაგვიანებისა მეშინოდა... რაც იყო—იყო, მაინც კმაყოფილი ვარ, რომ ჩემი მოვალეობა შევასრულე... მოითმინეთ, ბ-ნო კაპიტანო, ხელზედ სისხლი გაცხვიათ!

კაპიტანს კრილობა ცუდად ჰქონდა შეხვეული და მკლავიდგან სისხლი ჩამოსდიოდა.

— ნება მიბოძეთ კრილობა მაგრად შეგიკრათ! ერთ წამს შევკრავ.

კაპიტანმა გაუშვირა ბავშვს მარცხენა ხელი... წამოიწია თუ არა პატარა მედაფემ, საშინლად გაყვითლდა და გულ-წასული დაეცა ბალიშებზედ.

— კმარა! უთხრა კაპიტანმა ბავშვს და მოაცილა ხელი: სჯობს შენს თავს გაუფრთხილდე და არ გაიძნელო ავადმყოფობა.

კაპიტანის ხმამ გამოარკვია ბავშვი და რალაც უიმედოდ გაიქნია თავი.

— იქნება ბევრი სისხლი გედინა და იმიტომ-  
ხარ აგრე დასუსტებული? ჰკითხა კაპიტანმა.

ბავშვმა თვალები გაახილა.

— ბევრი სისხლი? ერთი წვეთიც არა... უყუ-  
რეთ... სთქვა და გადაიხადა საბანი.

კაპიტანი შეჰკრთა და უკან დაიხია: ბავშვს მარ-  
ცხენა ფეხი მოჰკრილი ჰქონდა.

ამ დროს იმათ მახლობლად ჩამოიარა ექიმმა,  
შენიშნა კაპიტანი და მივიდა იმასთან.

— ბ-ნო, კაპიტანო, გამოვლაპარაკა ექიმი და-  
ანიშნა ბავშვი: უბედური შემთხვევაა სწორედ. ფე-  
ხი მოსაპრელი არ იყო, რომ ძლიერ არ დაჰყეჟოდა.  
მეტი ღონე არ იყო, უნდა მოგვექრა ფეხი, რომ  
ბავშვი ანთებისაგან გადაგვერჩინა. მაგრამ ყოჩალი  
ბავშვი-კი ყოფილა. კრინტი არ დაუძრავს, არც-კი  
გაუჩუჩუნია... სწორედ თავ-მოსაწონია, რომ ამ გვარ  
ბავშვებს გვიზრდის იტალია!

ექიმი მალე მოჰშორდა კაპიტანს. კაპიტანმა  
ბავშვს საბანი დაჰხურა და რალაც გაშტერებული-  
დაჰყურებდა. შემდეგ უცებ მოიხადა ქული.

— ბ-ნო კაპიტანო! რას სჩადიხართ? ჩემთან!  
წამოიძახა გაოცებულმა ბავშვმა.

— მე კაპიტანი ვარ, მაგრამ შენ-კი გმირიო,  
უპასუხა ღმობიერად იმ კაცმა, რომელსაც თავისს  
სიცოცხლეში ტკბილი სიტყვა თავის ხელ-ქვეითისა-  
თვის არ ეთქვა. კაპიტანი დაიხარა და სამჯერ აკო-  
ცა ბავშვს...

დეროსის თხზულება სამშობლოს შესახებ ყველაზედ უკეთესი გამოვიდა. ვოტინის-კი ეგონა, ჩემი თხზულება უკეთესი იქნება და პირველს საჩუქარს მე მივიღებო. მე კიდევ ისე არ მეზიზღებოდა ვოტინი წინად, მაგრამ ეხლა ერთს სკამზედ ვსხედვართ... ნათლად ვხედავ, როგორცა შურს დეროსის გამარჯვება და ნება-უნებლიედ თვითვე შემადგა თავი. მართალია, ვოტინი მეცადინე, ბეჯითი არის და სცდილობს ყოველის ღონით დეროსის მეტოქობა გაუწიოს, მაგრამ როგორღაც დუშაში არ მოსდის. დეროსი ყველა საგანში სჯობს და ვოტინი ჯავრს თავის თითებზედ ჰყრილობს: ძალზედ იკენეტავს თითის ფრჩხილებს. კარლო ნობისსაც-კი შურს დეროსის გამარჯვება, მაგრამ გულ-დიდა და ამაყია და არც-კი იმჩნევს. ვოტინს-კი სიმშურნე ნათლად ეტყობა. შინ თურმე სულ ტირის და სჩივის, მასწავლებელს უსამართლოს ეძახის. კლასში ხომ, როცა დეროსი თავისებურად მკვირცხლად და გაბედვით ამბობს გაკვეთილს, ვოტინი დაღვრემილი ჩაჰკიდებს ხოლმე თავს, თითქოს არაფერი ესმისო. ხანდახან-კი ძალ-დატანებულის სიცილით სცდილობს გულზე მოყოლილი ჯავრი გაიქარვოს. ყველა ჩვენგანმა კარგად იცის ეს და როცა-კი მასწავლებელი აქებს დეროსის, ყველა ვოტინის მიაჩერდება ხოლმე. პატარა კალატოზი თავისებურად აჯავრებს ისედაც გაბრაზებულს ვოტინას. დღეს მასწავლებელმა გამოაცხადა: დეროსიმ პირ-

ველი საჩუქარი მიიღო. ამ დროს ვოტინიმ ძალათ ცხვირს დააცემინა. მასწავლებელმა გადახედა და უთხრა:

— ვოტინი, ნუ გშურს, სიმშურნე ის გველია, რომელიც ჰლრდნის გულს და აჩლუნგებს გონებას.

ყველამ, დეროსის გარდა, შევხედეთ ვოტინს. ვოტინს რაღაცა უნდა ეთქვა, მაგრამ გაფითრდა და გაჩუმდა. მასწავლებელი გაკვეთილს გვიხსნიდა. ამ დროს ვოტინმა დიდს თაბახს ქალაღზედ სხვილის ასოებით დასწერა: „ვინც სხვის შემწეობით პირველს საჩუქრებს იღებს, იმისი მე არა მშურს რაო“. ეს დეროსისათვის მოამზადა. ამავე დროს შეენიშნე, რომ დეროსის მეზობელი ამხანაგები რაღაცას ჩურჩულებდნენ. ერთმა იმათგანმა ქალაღდის მედალი გამოსკრა და ზედ შავი გველი დახატა. მასწავლებელი ერთს წამს რიღაცისათვის გავიდა გარედ, დეროსის მეზობლები წამოვიდნენ და დააპირეს ვოტინისათვის მიერთმევინათ ახლად გაკეთებული მედალი. ვოტინი მიხვდა რაშიაც იყო საქმე და საშინლად აკანკალდა.

— მომეცით აქ! დაიყვირა დეროსიმ.

— მართლა, შენ თითონ მიართვი! უპასუხეს ამხანაგებმა და მისცეს მედალი.

დეროსიმ დახია მედალი. ამ დროს მასწავლებელიც დაბრუნდა და განაგრძო გაკვეთილი. ვოტინი საშინლად გაწითლდა, ჩუმად გახია ორის წამის წინანდ დაწერილი ქალაღდი... მაგრად დაკუმშა, კბილებით დაღეწა და მაგიდას ქვეშ შეაგდო. გაკვეთი-

ლები გათავდა. აივანზედ ვოტინს აბგიდგან საშრობი ქალალდი ჩამოუვარდა. დეროსიმ შენიშნა, აილო ქალალდი, ჩაუდო აბგაში და აბგის გასწორებაც უშველა. ვოტინს არც-კი შეუხედნია დეროსისათვის.

---

28. შაბათი.

ვოტინის გული ძნელად გაირეცხება. გუშინ, საღმრთო წერილის გაკვეთილის დროს, მასწავლებელმა ჰკითხა დეროსის: იცი თუ არა ლექსი: „თვალს რა ავახელ და ავიხედავ!...“

დეროსის უპასუხა, არ ვიციო.

— მე ვიცი! წამოიძახა ვოტინიმ ღრეკით, თითქო დეროსის გამოაჯავრაო...

მაგრამ წაკითხვა ამ ლექსისა-კი ვერ მოასწრო, რადგან კლასში თოვლში გაგანგლოული ფრანტის დედა შემოვიდა და თან მუჯღლუგუნის ცემით შემოიყვანა თავისი შვილი, რომელიც ამ ერთის კვირის წინად გამორიცხეს სასწავლებლიდთან. საცოდავი სანახავი იყო საწყალი დედაკაცი. მასწავლებლის წინ მუხლზედ დაეცა და შეევედრა.

— ბ-ნო მასწავლებელო, შეიბრალებთ საცოდავი დედა! მიიღეთ ისევ ჩემი შვილი. სამი დღეა ვმაღავ, რომ მამამ არ შეიტყოს ამისი უბედურება. ღმერთმა დაიფაროს, რომ შეიტყოს, ცოცხალს არ გაუშვებს.



შემიბრალეთ, ნუ მაჩვენებთ შვილის უბედურებას. უმორჩილესადა გთხოვთ ისევ მიიღეთ.

მასწავლებელი სცდილობდა როგორმე მოეშორებინა ფრანტის დედა, მაგრამ ის უძრავად იდგა, მწარედ ტიროდა და ევედრებოდა.

— რომ იცოდეთ, რა მწუხარებასა და დარდში ჩამაგდო ჩემმა შვილმა, შემიბრალედიტ... მიიღეთ, გთხოვთ, და იქნება, ღვთით, დაჰკვიანდეს, ხასიათი გამოიცვალოს. მე დიდის ხნის სიცოცხლე არ მიწერია. ჩემი ბედნიერება ის იქნება, რომ მანამ ცოცხალი ვარ, ჩემი შვილი დაჰკვიანებული ვნახო. ხომ იცით დედის სიყვარული, ნუ მომკლავთ (ტირილი უშლიდა ლაპარაკს), ერთხელ კიდევ მიიღეთ... შემიბრალეთ საწყალი დედაკაცი... ნუ გააუბედურებთ ოჯახს...

დედა ასეთს მწუხარებაში იყო და უმგზავსი ფრანტი-კი წარბ-შეუხრელად იდგა, თითქოს აქ არაფერიაო. მასწავლებელმა გადახედა ფრანტს და უთხრა:

— ფრანტ, თქვენს ალაგზედ დაჯექით.

გახარებულმა დედამ აღარ იცოდა, როგორ გადაეხადნა მადლობა მასწავლებლისათვის. იწმენდდა ნამტირალევს თვალებს, თან მიდიოდა კარებისაკენ და თან ლაპარაკობდა:

— შვილო, გვედრები, გეხვეწები, ჰკვიანად მოიქეცი... გმადლობთ, გმადლობთ, ბ-ნო მასწავლებლო! თქვენ დღეს ნახევარი სიცოცხლე მომანიჭეთ. აბა რიგიანად მოიქეცი, დედა გენაცვალოს, შვი-

ლო! გმადლობთ, თქვენს სიკეთეს არ დავივიწყებ, ბ-ნო მასწავლებლო! ნახვამდის, ბ-ნო მასწავლებლო! მიუტევეთ თქვენი შეწუხება უბედურს დედას...

ორად წელში მოკეცილი ფრანტის დედა კლასიდგან გავიდა. კლასში შეურყეველი სიჩუმე იყო. უცებ მასწავლებელი მიუბრუნდა ფრანტს და უთხრა:

— ფრანტი! დედაშენს ჰკლავ, გრცხვენოდეს...

ყველამ ფრანტს შევხედეთ... ის უმგზავსი-კი მხოლოდ იღიმებოდა.

---

## წ ე რ ი ლ ი

29. კვირა.

მეტად სასიამოვნო სანახავი იყავ გუშინ, დედას რომ გულწრფელად გულში ჩაეკარ, როცა საღმრთო წერილის გაკვეთილიდგან დაბრუნდი. მასწავლებელმა მართლა რომ საგულისხმიერო სიტყვები სთქვა. ყოვლად მოწყალე ღმერთი თავის მაღიდებელს უნუგეშოდ არ დასტოვებსო. ჩვენგანი, მე, ან შენ, რომ მოკვდეთ... გულ-ამოსკვნით არ ვიტყვით: „დედა, ენრიკო, მამა!“, არ ვიწუხებთ, რადგან ამითი ჩვენ სამუდამოდ არ ვშორდებით ერთმანეთს, კვლავ შევხდებით იქ, სადაც არც დარდია, არც ცოდვა და არც სიკვდილია. მომავალის ცხოვრებისათვის ღირსეულად უნდა იყოს მომზადებული, შეილო, ყოველი შენი

კეთილი საქმე... გულ-უბრყვილო აღერსი, პატიოსანი აზრი ჭ მოქმედება ნაბიჯია, ციურ ცხოვრებისაკენ გადადგმული. დარდი ამალღებს ადამიანს და ცრემლი სინიდისს ყოველს ჩირქსა ჰბანს. იშრომ-იღვაწე, რომ გუშინდელზედ უფრო უკეთესი იყო. ყოველ დღით აღთქმა დასდე ხოლმე: დღეს ისეთს საქმეს ჩავიდენ, რომ კარგად ვგრძნობდე ჩემს თავს, გავახარო მამა, შემეყვაროს მასწავლებელმა, ძმამ, ამხანაგობამ და ყველამ. ღმერთს შესთხოვე, რომ კეთილის საქმისა და განზრახვისათვის არ მოგაკლოს შესაფერი ძალ-ღონე. ღმერთო! შეევედრე ღმერთს: მინდა ვიყო კეთილი, პატიოსანი; მომეცი ვაჟკაცური შეძლება ჭ გულის-ყური-თქო! გულწრფელი თხოვნა ძნელად ჩაგივლის უნუ-გეშოდ!

ენრიკო! ყოველთვის გახსოვდეს ის არა-მიწიერი ცხოვრება, რომელიც მოგელის! არ დაივიწყო იგი და შესაფერის სიწმიდით აღიქურვე აქ, ამ ქვეყნადვე, რომ იქ ჯეროვანი ადგილი გეჭიროს. მე ბედნიერი ვარ! ჩემს თავს აქ-კი არა — შორს ზეცაში ვგრძნობ, როცა ვხედავ ჩემს შვილს მლოცველს. შენ ლოცულობ და ზეციდამ უბრყვილო ანგელოზთა გუნდი დაგხარის და დაგლულუნებს. მაშინ უფრო მომეტებულადა მწამს უმაღლესი სათნოება და დაუსრულებელი მოწყალება... როცა ვხედავ მლოცველს, ვცოცხლდები, ჩალად მიმაჩნია ტანჯვა-შრომა და სიკვდილისა აღარ მეშინიან. ყოვლად ძლიერო და მოწყალე ღმერთო, მოვეკვდები და იქაც კიდევ

გავიგებ დედიჩემის ხმას! კვლავ ჩემს შვილებს, ჩემს  
ენრიკოს ვნახავ! ვნახავ, მოვეხვევი, გულში ჩავიკრავ  
და მათთან ერთად დაუსრულებელს ბედნიერებასა და  
სიხარულში ვიქნები. ენრიკო, ვილოცოთ და შევი-  
ყვაროთ ყოველი კეთილი, რომ არ მოვაკლდეთ მო-  
მავალს საუკუნო ბედნიერებას.

შენი დედა

## თ ე ბ ე რ ვ ა ლ ი

4-ი. შაბათი.

დღეს მედალების დარიგებაზედ მასწავლებლის  
უფროსი ზედამხედველიც დაესწრო. გაკვეთილის გა-  
თავებისას ისა და ჩვენი უფროსი კლასში შემოვიდნენ.  
ზედამხედველი მასწავლებლის გვერდით დაჯდა, რამ-  
დენსამე შეგირდს ჰკითხა გაკვეთილი და პირველი  
მედალი დეროსის გადასცა. შემდეგ ზედამხედველმა  
ჩვენს უფროსს და მასწავლებელს ჩუმად რაღაცაზედ  
დაუწყო ლაპარაკი. ჩვენც ჩურჩული დავიწყეთ. ნე-  
ტა მეორე მედალი ვის ერგება?

ზედამხედველი უცებ ჩვენსკენ მოტრიალდა და  
ხმა მალლა სთქვა:

— სახლში ბეჯითად მეცადინეობისა და ყველა  
საგნის უკეთ ცოდნისათვის მეორე მედალის ღირ-  
სი აღმოჩნდა პრეკოსიო.

ამხანაგებმა სიამოვნებით შევხედეთ პრეკოსს,

რომელიც შემკრთალი და თავ-ჩაღუნული წამოდგა.

— ახლო მოდით! უთხრა ზედამხედველმა. პრეკოსი მასწავლებლის მაგიდასთან გავიდა.

ზედამხედველმა, ბავშვის გაცრიაგებულს სახეს და პატარა ტანს, რომელზედაც სხვილი მაუდის ხალათი ტომარასავით ედგა, თვალი გადაავლო და იმის კეთილს თვალებს შეაჩერდა, იმ თვალებს, რომელშიაც მთელი ტანჯვისა და მწუხარების მატთანე ამოიკითხებოდა, მედალი გადაჰკიდა და უთხრა ალერსიანად:

— გაძლევ მედალს პრეკოსი. შენს მეტი ამის ღირსი არავინ არის. მედალი მარტო საგნების ცოდნისა და ბეჯითობისათვის-კი არ გეძლევა, არამედ იმიტომაც, რომ კეთილი და ვაჟკაცური გული გაქვს და საუკეთესო შვილი ხარ. ასეა განა, ბავშვებო, მოგვიბრუნდა ჩვენ: მარტო ამისთვისაც მედალის ღირსია პრეკოსი, არა?

— დიალ, დიალ, ერთ-ხმად შეესძახეთ ამხანაგებმა.

პრეკოსიმ უნდობლად დაიქნია თავი, თითქო სული ვერ მოუბრუნებიაო, და გადმოგვხედა. თვალეში განუსაზღვრელი სიმშვიდე და მადლობა ეხატებოდა.

— ეხლა-კი წადი, უთხრა ზედამხედველმა პრეკოსის, ღმერთი იყოს შენი შემწე!

გაკვეთილი გათავდა. დერეფნის კარების ღირესთან ფერ-მკრთალი, გვერდზედ ქუდ-დახურული

პრეკოსის მამა იდგა. მასწავლებელმა ზედამხედველს რაღაცა წასურჩულა. ზედამხედველმა პრეკოსი მოსძებნა, წავლო ხელი და მამასთან მიიყვანა. ბავშვი კანკალმა აიტანა. მასწავლებელი და უფროსიცი მიუახლოვდნენ. ამხანაგები გარს შემოვებვივნით.

— პრეკოსის მამა თქვენა ხართ? მეგობრულის აღერსითა ჰკითხა ზედამხედველმა მკედელს, მაგრამ პასუხიც არ დააცადა და განაგრძო: თქვენს მაგიერ მე მიხარაინ, რომ ორმოც-და-თოთხმეტ ამხანაგში მეორე მედალი ამან დაიმსახურა: ამ გვარს საქმის მოყვარე, ბეჯითსა და პატიოსანს ბავშვს კარგი მერმისი მოელის. პრეკოსი ყველას უყვარს და ყველა პატივსა სცემს. თავი უნდა მოგწონდეთ, რომ ამისთანა შვილი გყავთ!

მკედელი გაშტერებული იდგა და ხან ზედამხედველს შეჰყურებდა, ხან მასწავლებელს და ხან შვილს. ბავშვი-კი თავ-ჩალუნული იყო და კანკალებდა. მამა თითქო ეხლა მიჰხვდა, თუ რა ტანჯვა-წვალებაც გამოიარა იმის შვილმა, მიჰხვდა იმის გმირულს მოთმინებასა და უსაზღვრო სიმშვიდეს. პირველში მკედელს სახე სულელურად გაუოცდა, შემდეგ შიში და მწუხარება დაეტყო და ბოლოს უცებ ღმობიერების ელფერმა გადაჰკრა. მოჰხვია ბავშვს ხელი და გულში მაგრად ჩაიკრა... ამხანაგებმა იმათ მახლობლად გავიარეთ და ზოგი ეხუმრებოდა პრეკოსის, ზოგი ეალერსებოდა; მე-კი ჩვენსას მივიპატიყე-

მამა გაკვირვებული გვიყურებდა და შეილი-კისტიროდა.

5-ი. კვირა.

პრეკოსიმ რომ მედალი მიიღო, სინილისმა ქენჯნა დამიწყო. მე ჯერ ერთი მედალიც ვერ დავიმსახურე. კარგა ხანია, გულიანად აღარა ვმეცადინებო. მასწავლებელი და მშობლებიც მემდურებიან. ეხლა თამაშობაც-კი აღარ მესიამოვნება, როგორც წინად, როცა, გაკვეთილის დასწავლის შემდეგ, გახარებული მივრბოდი ხოლმე სათამაშოდ. სადილზედაც სულ მოწყენილი ვარ. გულზედ ლოდვიით რალაცა მაწევს და იღუმალი ხმა გამუდმებით ჩამძახის: „არ ვარგა, აგრე არ შეიძლებაო!“ საშინელს ტანჯვაში ვარ, როცა-კი დავინახავ ხოლმე საღამოობით მუშებს, რომლებიც დაღლილ-დათენთილები, მშიერ-მწყურვალნი, მოქანცულნი, თითქოს დროს ტარებისაგან მოდიანო, ისე სიამოვნება-გახარებულნი მიიჩქარიან, რომ მცირეს ხანს ჯანი შეასვენონ, და მეორე დღეს კვლავ წვიმა-ტალახში მადნებ-ქარხნებში იშრომონ ლუკმა პურის მოსაპოვებლად. ამის დამნახველს სწორედ მცხვენიან, რომ დღეს მთელი დღე, ისიც უხალისოდ, რვეულის მხოლოდ ოთხი გვერდი დავწერე. მცხვენიან და ვწუხ. კარგად ვიცი, რომ მამაჩემი ჩემზედ გაჯავრებულია. განა არ მეტყოდა, მაგრამ ვეცოდები და მელის. თითონ-კი რამდენსა ჰშრომობს? რაც-კი რამ სახლში გვაქვს: ტანსაცმე-

ლი, ავეჯეულობა, ოჯახის საკვები, შვილების აღზრდა, ჩვენი სათამაშოები, ყველა და ყველაფერი იმისი შრომით არის მოპოვებული. ვინ მოსთვლის, ყველა ამისათვის რამდენი ფიქრი, გაჭირვება, უსიამოვნება და შრომა აიტანა. მე-კი არას ვაკეთებ, არა ვშრომობ! უმართებულობა, უსინილისობაა! დღეზე ახალს ცხოვრებას დავიწყებ. სტარდისავით ჩავკიდებ თავს, მოვიკრებ ძალ-ღონეს და შევუდგები შრომას. საღამოთი ძილს არ დავეძლევიინები, დილით განთიადისასვე ფეხზედ ვიქნები; ვიწვალებ, ავად გავხდები და მაინც თავიდან მოვიშორებ ამ უმგზავს სიზარმაცეს, რომელიც სხვისთვის მწუხარებაა და ჩემთვის დამცირება. გულიანად, ერთგულად მოვიკიდებ ხელს შრომას, იმ შრომას, რომლის შემდეგაც დასვენება სასიამოვნოა და სადილი გემრიელია! ვიშრომებ, რომ ჩემმა მწუხარე მასწავლებელმა კვლავ გამიღიმოს, დედამ მაკოცოს და მამამ დამლოცოს...

10-ი. პარასკევი.

გუშინ პრეკოსი და გარონე ჩემთან იყვნენ. არა მგონია თვით მეფის შვილები მიიღონ ისე, როგორც ჩვენ ისინი მივიღეთ. დარეკეს თუ არა შემოსავალკარების ზარი, ყველანი კარების გასაღებად გავექანეთ. გარონეს სცხენიან, რომ ისეთი აყლაყუდაა და მესამე კლასში-კია. გარონე ჩვენსას პირველად იყო. კროსი-კი არ მოვიდა, რადგან, ექვსის წლის ლოდინს შემდეგ, ამერიკიდან მამა ჩამოსვლოდა... დედა



ჩემმა პრეკოსის აკოცა. გარონე მამამ გააცნო დედას და უთხრა:

— ეს ბავშვი-კი-არა, პატიოსანი ვაჟაკია!

გარონე ქვეშ-ქვეშ მიცქეროდა ღე იცინოდა. პრეკოსი მედალით იყო და სახეზედ სიამოვნება-ბედნიერება ეტყობოდა. იმისი მამა თურმე მეხუთე დღეა, რაც მოუღალავად მუშაობს, აღარა ლოთობს და თავისუფალს დროს შვილის აღერსში ატარებს. რაც რამ სათამაშოები მქონდა, გამოვიტანე და თამაშობა დავიწყეთ. პრეკოსის რკინის გზის მატარებელი საშინლად მოეწონა. აღტაცებაში მოვიდა, როცა მოემართე და ორთქლ-მავალმა თავის თავად დაიწყო სიარული. თავის დღეში არ ენახა ორთქლ-მავალი. და წითელ-ყვითელი ვაგონები. ორთქლ-მავალის გასაღები პრეკოსის გარდავეცი. იმან დაიჩოქა და ისე გაართო ორთქლ-მავალმა, რომ დაჩოქილი ხელებს იქნევდა, რა არის არავინ მოეკაროთ მატარებელს და არ გააფუქოთო... ხელებს იქნევდა და თან იძახდა:

— უკაცრავად, გეთაყვა, უკაცრავად.

ისე სიფრთხილით და განაბული სინჯავდა ვაგონებს, თითქო ეშინიან, გააფუქებ, რომ დავამთქნაროო. სასაცილოა! ოთხ-კუთხივ ათვალნიერებდა და თავის თავად იღიმებოდა.

შევეყურებდით იმის გამხმარს ყელ-ყურს. ხალათის გადაწეულ სახელოდამ გამხდარი ხელები უჩანდა. ამ ხელებით რამდენჯერ დაუფარებია სახეცემის დროს. სიამოვნებით დავუთმობდი პრეკოსის

ყველა ჩემს სათამაშოს, წიგნს, უკანასკნელ ლუკმა პურს, ტანსაცმელს და დავუკოცნიდი ხელებს.

— მატარებელს მაინც ვაჩუქებ! გავიფიქრე, მხოლოდ მამა ჩემს უნდა ვკითხო... ამ დროს ვილაცამ ხელში ქალაღლის ნაჭერი ჩამიღო. მივიხედე: მამაჩემი იყო. ქალაღდზედ ფანქართ ეწერა: პრეკოსის მატარებელი მოსწონს. რას ჭფიჭობ?

დავტაცე ხელი მთლად მატარებელს და პრეკოსის მივაჩიე.

— წაიდე, შენია! პრეკოსი გაშტერებული იდგა.

— შენია-მეთქი, გავუშეორე, შენთვის მიჩუქებია.

იმან უფრო გაკვირვებით შეხედა მამაჩემს და დედაჩემს და მკითხა.

— მა... რისთვის?

— ენრიკო. შენი ამხანაგია, უყვარხარ და იმიტომ გაჩუქა, უპასუხა მამაჩემმა.

— შენ მედალს დღესასწაულობს.

— მაშ ჩემია... შემოძლიან შინ წავილო? დარცხენით სთქვა პრეკოსიმ.

— შეგიძლიან, ვუპასუხეთ ყველამ...

პრეკოსი უცებ კარებთან გაჩნდა, მაგრამ გასვლას ვერა ჰბედავდა. ბედნიერი იყო, იცინოდა და ჩვეულებრივ ბოდიშს იხდიდა. გარონე შეეშველა და მატარებელი ხელსახოცში შეუხვია.

— როდისმე ჩვენს სახელოსნოში შემოიარე, მითხრა პრეკოსიმ, ნახე როგორა ჰმუშაობს მამაჩემი! ლურსმებს გაჩუქებ.

დედამ გარონეს ყვაილი ღუგმის კილოში გა-  
უმაგრა და სთხოვა, ჩემს მაგიერ დედა შენს გარდაე-  
ციო.

— გმადლობთ! ხეპრე ხმით წამოიძახა გარონემ  
და თავ-ჩალუნულს თვალები სიამოვნებით გაუბრწყინ-  
და.

11-ი. შაბათი.

წარმოიდგინეთ: კარლო ნობისი, თუ პრეკოსი  
როგორმე მიეკარა, მაშინვე ტანისამოსის წმენდა-  
ბერტყვას მოჰყვება.

ნობისი მეტის-მეტი უკადრისია. თავი იმითი მო-  
სწონს, რომ მამა მდიდარი ჰყავს. დეროსის მამაც  
ხომ მდიდარია. ნობისი მონატრეა, რომ განმარტო-  
ებით იჯდეს; ეშინიან, გამაქუქიანებენო, ყველას  
მედიდურად უყურებს. უბედურებაა, თუ მიეხალო, რო-  
ცა იმასთან მისდინარ. მცირე რამეზე შეურაცხყოფას  
მოგაგონებს და თან დაგემუქრება, მამაჩემთან გი-  
ჩივლებო. მამამ-კი კარგი დღე დააყენა, კარლომ რომ  
მენახშირეს შვილი უკადრისად ახსენა.

ნობისისთანა უმგზავსი არავინ შინახავს. არავინ  
ელაპარაკება, სალამს არავინ აძლევს და როცა-კი  
გაკვეთილი არ იცის, არავინ შევლის.

ნობისს ქირივითა სძულს ამხანაგები, მაგრამ ჰმა-  
ლავს, ვითომ-და ყველაზედ მეტად დეროსი ზე გარონე  
მეჯავრებო, დეროსი იმიტომ, რომ კლასში პირვე-  
ლია და გარონე იმიტომ, რომ ყველას საყვარელია.

დეროსი ყურადღებასაც არ აქცევს და გარონე-კი, როცა-კი ეტყვიან ხოლმე, ნობისი შენზედ ლაპარაკობდაო, იტყვის ხოლმე:

— ის ისეთი უტვინოა, რომ გაჯავრებადაც არა ღირს.

ერთხელ ნობისმა კორეტის ქუდი სასაცილოდ აიგდო. კორეტიმ უთხრა:

— დეროსისაგან მაინც ისწავლე, თუ როგორ იქცევიან მდიდრის შვილებიო.

გუშინ ნობისმა მასწავლებელს შესჩივლა, კალაბრიელმა ფეხი წამომდოო. მასწავლებელმა ჰკითხა.

— განგებ წამოსდე ფეხი?

— არა, უცაბედად, ბ-ნო მასწავლებელო, გულმართლად უპასუხა კალაბრიელმა.

— ძალიან იბღინძები, ნობის, შენიშნა მასწავლებელმა.

— მაშ მამაჩემთან ვუჩივლებ! წამოიძახა ნობისმა. მასწავლებელი გაჯავრდა.

— მამათქვენი თქვენვე გაგამტყუნებთ, როგორც ამას წინად. ესეც რომ არ იყოს, სასწავლებელში მოსწავლის დასჯისა და განკითხვის ნება მხოლოდ იმის მასწავლებელსა აქვს: შესცვალეთ თქვენი ქცევა, ცოტა ზრდილობიანად მოიქეცით. აქ მუშის შვილებიც არიან და მდიდრის შვილებიც და ყველანი მეგობრულად და ძმურად სცხოვრობენ. რატომ თქვენც ასე არ იქცევით, რომ ამხანაგები გყავდეთ. რატომ პასუხს არ მაძლევთ?

ნობისი გაჩუმებული იდგა, ცივად გაიღიმა და უპასუხა:

— არა, ბატონო!

— დაჯექით! სწორედ მეცოდებით, რომ ასეთი უჯიგრო ხართ!

ამ დროს პატარა კალატოზი (წინა სკამზედ ზის) მოტრიალდა და ისე დაეღმიჯა, რომ მთელმა ამხანაგობამ სიცილი აესტეხეთ. მასწავლებელმა შენიშვნა მისცა კალატოზს, თუმცა-კი თითონაც ძლივს იქერდა სიცილს.

ნობისი ძალ-დატანებით იცინოდა.

13-ი. ორშაბათი.

რალა ნობისი და რალა ფრანტი. არც ერთსა და არც მეორეს გული არ მოუღობო იმან, რაც ჩვენ დღეს ქუჩაზედ ვნახეთ.

მე და მამაჩემი მოვდიოდით და ცოტა შევედექით ქუჩაზედ მოთამაშე ბავშვების საცქერლად. უცებ ქუჩაზედ შეშინებული ხალხის გროვა გამოჩნდა. რალაც ჩუმი ლაპარაკი ისმოდა. ხალხს შორის სამი პოლიციელი მოჩანდა. პოლიციელთ ორი კაცი მოსდევდა და საკაცე მოჰქონდათ. ბავშვებმა თამაშობას თავი დაანებეს და საკაცესკენ გაიქცნენ. ხალხი გვიახლოვდებოდა. საკაცეზედ გაჭიმული ფერმკრთალი კაცი იწვა; თავი გადაგდებული ჰქონდა, თმა აწეწილი და სისხლიანი. პირიდან, ცხვირიდან და ყურებიდან სისხლი დასდიოდა. საკაცეს, ბავ-

შვით ხელში, დედაკაცი მოსდევდა და გულ-საკლავად ჰკიოდა: „მოკვდა! მოკვდა!“ დედაკაცს გვერდზედ აბგით ატირებული ბავშვი მოჰყვებოდა.

— რა ამბავია? იკითხა მამაჩემმა.

— კალატოზია, მეოთხე სართულზედ მუშაობდა და გადმოვარდა, უპასუხეს მამაჩემს.

საკაცე შეაყენეს. შიშისაგან ბევრმა უკან დაიწია. ახალგაზდა მასწავლებელს ქალს ჩემი ძველი მასწავლებელი ქალი ხელით მოჰყავდა. ვილაცამ მუჯღუგუნნი წამკრა. ჩვენი კალატოზი საშინლად გაყვითლებულიყო და ცახცახებდა. ის თავის მამის ფიქრში იყო და მეც ამ ფიქრმა გამიტაცა.

მე კლასში დამშვიდებული ვარ, რომ მამაჩემი სახლშია თავის სამწერლო მაგიდასთან და ყველა განსაცდელს მოშორებულია. ჩემი ამხანაგები? ვინ იცის, იმათში რამდენი ჰფიქრობს, რომ ჩვენი მამები ხარაჩოებზედ, მანქანასთან არიან და ერთი ფეხის გადაბრუნება კმარა, რომ წუთი-სოფელს გამოეთხოვენ. თითქოს მეომართა შვილები იყვნენო, მშობლები ბრძოლის ველზედა ჰყავთ. „კალატოზა“ დაჰყურებდა დაქრილს და ტიროდა.

— ანტონ, წადი შინ! უთხრა მამამ კალატოზს: მამაშენი ღვთით კარგად არის.

კალატოზი წავიდა, მაგრამ ხშირად იყურებოდა უკან. ხალხი კვლავ დაიძრა.

დედაკაცი უფრო გულ-საკლავად ჰკიოდა: „მოკვდა, მოკვდა!“

— არა, არა, ცოცხალიაო, ეუბნებოდნენ ყოველ მხრივ: ის მაინც ყურს არავის უგდებდა, თავს იკლავდა და თმას იგლეჯდა.

უცებ ჩემს უკან მკაცრი ხმა მომესმა.

— რა გაცინებს?

მივტრიალდი. ჩემს გვერდით ფრანტი იცინოდა. მალალ-მალალი, წვერიანი კაცი მიუახლოვდა და მოჰგლიჯა ქუდი.

— უმგზავსო, დაჭრილი მოაქვთ და შენ-კი იცინი? მოიხადე ქუდი!

ხალხმა გაიარა. ქუჩაზედ განიერი სისხლის კვალი დარჩა.

17-ი. პარასკევი.

წელს ყველაზედ საკვირველი ამბავი ეს იყო.

გუშინ დილით მამაჩემმა აგარაკის დასათვალიერებლად თან წამიყვანა. აგარაკი მონკალიერის მახლობლად მდებარეობს და ქირით იძლევა. წელს ზაფხულს ჩვენ იერში აღარ მივდივართ. აგარაკის სახლის გასაღები ადგილობრივ მასწავლებელსა ჰქონდა, ის არის თურმე სახლის პატრონის მოურავი. მასწავლებელმა სახლი გვაჩვენა და თავისას წაგვიყვანა. ამ ხანში მოგვეწყურდა კიდევ. მასწავლებელს მაგიდაზედ უცნაურად გახარატებული ხის წოწოლა საწერელი ედგა. შენიშნა, რომ მამაჩემი საწერელს ათვალიერებდა და გვითხრა:

— ეს საწერელი მეტად ძვირფასია ჩემთვის, რომ იცოდეთ მაგისი ამბავი.

ჩვენის თხოვნით მასწავლებელმა აი რა გვიამბო:

— ამ რამდენისამე წლის წინად ტურინში ვიყავ მასწავლებლად და მთელი ზამთარი ადგილობრივ საპატრიმროში დავდიოდი და ტუსალებს წერა-კითხვას ვასწავლიდი. სასწავლო ოთახად საპატრიმროს ეკლესია გვქონდა. ეკლესია მალალი და რგვალი შენობაა ზე კედლებსაც-კი მრავალი რკინის ბალიანი ფანჯრები აქვს. ყველა ფანჯარა პატრიმართა ოთახებში გადიოდა. მე თითონ ეკლესიაში შევიდოდი ხოლმე, ჩემი შეგირდები ფანჯრებს მოადგებოდნენ და ასე ვმეცადინებოდი. წარმოიდგინეთ ერთი ჩემი შეგირდიც-კი მთლიანად არ დამინახავს. მხოლოდ გამხდარს, წარბ-შეკრულს პირი-სახეს, აწეწილ-აბურძენულს თმ-წვერ-ულვაშს და მკაცრს, შეუპოვარს კაცის-მკვლელის თვალებს ვხედავდი. ჩემს შეგირდებს შორის ერთი № 78 იყო. ყველაზედ უკეთ ის სწავლობდა და პატივისცემით მეპყრობოდა. ახალგაზდა მეჩუქურთქმე იყო და უფრო უბედურად ჩაითვლებოდა, ვიდრე დამნაშავედ. გაბრაზებულს ოსტატისათვის თავში სატეხი დაერთყა. ოსტატი დიდს ხანს მეტად სასტიკად ექცეოდა თურმე. ქარგალს იძისი უსამართლობა ველარ აეტანა და სასიკვდილოდ დაექრა. აი ამისათვის რამდენისამე წლით იყო დაპატიმრებული. სამს თთვეზედ შეისწავლა წერა-კითხვა და ისე გატა-



ცებით ჰმეცადინებდა, რომ წერა-კითხვაში ლამეებს უძილოდ ატარებდა.

ერთს დღეს, გაკვეთილი რომ გავათავე, მანიშნა იმის ფანჯარასთან მივსულიყავ და მწუხარებით მიამბო, რომ ხვალ ვენეციის საპატიმროში მივყევართ, იქ გადამიყვანესო. ბოლოს აღელვებულმა მთხოვა, ეს მოწყალეობა მიყავ, ნება მომეცი ხელი ჩამოგართოო. გაუწოდე ხელი და ვიგრძენ, რომ მაკოცა და ზედ ცრემლი ღამეცა. „გმადლობთო“, მითხრა და ფანჯარას მოშორდა. ამას შემდეგ მე ის აღარ მინახავს.

ექვსი წელიწადი გავიდა. ის უბედური მთლად გადამავიწყდა. უცებ გუშინ დილით ვილაც უცნობი, დიდ და ქალარა-შერეულ წვერიანი, ღარიბულად ჩაცმული კაცი მოვიდა და მკითხა:

— ბატონო! თქვენ ესა და ეს მასწავლებელი ხართ?

— თქვენ ვილა ბრძანდებით? ვკითხე მე.

— მე?.. ტურინის საპატიმროს № 78 გახლავართ. ამ ექვსის წლის წინად თქვენ მასწავლეთ წერა-კითხვა. გახსოვთ? უკანასკნელ გაკვეთილს შემდეგ ხელიც მომეცით. აი, თავისუფალი ვარ და მოვედი, რომ გთხოვოთ, სახსოვრად ეს მცირე რამ მიიღოთ. საპატიმროში გავაკეთე. იმედი მაქვს, უარს არ მეტყვიოთ.

მე ისე გაკვირვებული ვიყავ, რომ ხმა ვერ ამოვიღე. იმას-კი აღბად ის ეგონა, უარს მეუბნებაო, და ისე შემომხედა, თითქოს ამისი თქმა უნდაო: „რამდენისამე წლის ტანჯვაც-კი არა კმარა, რომ ადამიანმა საპარ-

ცხენო ლაქა მოიშოროსო“. მე მივუხვდი ამ ფიქრს და საჩქაროდ ჩამოვართვი, აი, ეს ნივთი. კარგად გასინჯეთ.

საწერელი გალესილის ლურსმნის წვერით იყო მოხარატებული. სწორედ რომ დიდი მოთმინება უნდა ჰქონოდა იმის გამკეთებელს. საწერელზედ ამოქრილი იყო რვეული, რომელზედაც კალამი იდო და წარწერა ჰქონდა: „სასსოვრად ჩემს მასწავლებელს, № 78. — ექვსი წელიწადი“. სულ ქვემოდ წვრილის ასოებით ეწერა: „სწავლა და იმედი“...

აგარაკიდამ შინამდის თვალ-წინ მედგა ის უბედური, იმისი მასწავლებელთან გამოთხოვება და ციხეში გაკეთებული საჩუქარი. ღამე სიზმარშია ციხე და დილითაც კვლავ ის გამახსენდა. იმას-კი როგორ წარმოვიდგენდი, რაც სასწავლებელში მიმელოდდა.

სკოლაში მისვლისათანავე ჩემს ახალს ალაგას დავჯექი, დეროსის გვერდით. საეგზამენიოდ არითმეტიკული ამიციანა დავწერე და ამხანაგს ვუამბე პატიმრისა და საწერლის ამბავი. დაწვრილებით ავუწერე საწერელიც, კალამიც, რვეულიცა და ზედწარწერაც: „ექვსი წელიწადი“. ამ სიტყვის გაგონებაზედ დეროსი შეკრთა და თვალი შეაშტერა მემწვანილეს შვილს კროსის, რომელიც ჩვენს წინ სკამზედ იჯდა.

— ჩუმაღ! ნელის ხმით მითხრა დეროსიმ დახელი: წამავლო: იცი, ამ სამის დღის წინად კრო-

სიმ მიამბო, რომ მამაჩემს, რომელიც ამერიკიდგან დაბრუნდა, ხელში სწორედ ისეთი წოწოლა ხის საწერელი შევნიშნეო, როგორიც ეხლა შენ ამიწერე. სწორედ ისეთი ჰქონია კალამიც; რვეულიც და წარწერაც: „ექვსი წელიწადი“. კროსი სულ იმას გაიძახოდა, რომ მამაჩემი ამერიკაშიაო. ეს ტყუილია, სჩანს საპატიმროში ყოფილა. როცა იმას ოსტატი მოუკლავს, კროსი პატარა იქნებოდა და აბა რა ეხსომება. დედა კი დაუმალოვდა. ეხლაც არაფერი იცის, არა უამბო-რა.

გაკვირვებული ვუყურებდი კროსის და კრინტივერ დამეძრა. დეროსიმ გააკეთა ამიცანა, მაგიდას ქვემოდგან კროსის გადასცა და თთვიური მოთხრობა გამოართვა: „აჯადყოფის მომკლელი“. მასწავლებელმა ეს მოთხრობა გადასაწერად კროსის მისცა, მაგრამ იმის მაგიერ დეროსიმ იტვირთა გადაწერა. კროსი! რამდენიმე კალამიც აჩუქა და მე სიტყვა ჩამომართვა, არავის არ უთხრა საწერლის ამბავიო.

გარეთ გამოვდიოდით. დეროსიმ საჩქაროდ ჩამჩურჩულა:

— გუშინ კროსის მამა იყო აქ. დღესაც მოვა. როგორც მე მოვიქცე, შენც ისე მოიქეცი.

ქუჩაში გამოვედით. კროსის მამა ცოტა მოშორებით იდგა. შავ, ქალარა-შერთულ წვერიანი კაცი იყო, ფერ-მკრთალი, დაფიქრებულის სახისა და ღარიბად ჩაცმული. დეროსიმ განგებ კროსის ისე ჩა-

მოართვა ხელი, რომ იმის მამას დაენახა, და მალაღის ხმით აღერსიანად უთხრა:

— ნახვამდის, კროსი.

მეც ესევე მოვიქეცი, თუმცა კი ორივენი წამოვქარხლდით. კროსის მამამ ყურადღებით და სიამოვნებით გადმოგვხედა, თუმცა ცოტა არ იყოს შეშფოთება და უნდობლობა ეტყობოდა. ორივენი სირცხვილის ჟრუანტელმა აგვიტანა.

---

## ავადმყოფის მომვლელი

(ყოველ თთვიური მოთხრობა)

მარტის ერთს წვიმიანს დილას ნეაპოლის მთავარ-საავადმყოფოს მეკარესთან მივიდა წვიმაში გაწუწული და სოფელურად ჩაცმული ბიჭი. ხელში ბოხჩა ეჭირა. მეკარეს წერილი გადასცა და თავისი მამა იკითხა.

პატარა ლამაზის სახისა იყო. მრგვალი, შავგვრემანი პირისახე ჰქონდა, ჰკვიანი თვალები და სხვილი ტუჩები, რომელიც მარგალიტსავით თეთრს კბილებს უფარავდა.

ნეაპოლის მახლობელ სოფლიდგან მოსულიყო. შარშან იმისი მამა საფრანგეთში სამუშაოდ წავიდა თურმე. უკან დაბრუნების დროს ნეაპოლში ავად გახდა და ცოლს წერილით აცნობა, ავად გავხდი და საავადმყოფოში ვწევარო. ამ გარემოებამ ცოლი

შეაწუხა, მაგრამ სახლისთვის თავის დანებება არ შეეძლო, ამასთან შუათანა შვილი ავადა ჰყავდა და ლმცროსს-კი ისევ ძუძუს აწოვებდა. თავი მოუყარა, რაც-კი ფული ჰქონდა, და თავისი უფროსი შვილი გაჰგზავნა ავადმყოფთან.

ბავშვს მთელი ოც-და-ათი ვერსი ფეხით გამოეგლო. მეკარემ წაიკითხა წერილი, დაუძახა საავადმყოფოს მსახურს და უთხრა, ეს ბავშვი თავის მამასთან მიიყვანეო.

— ვინ მამასთანაო? იკითხა მსახურმა.

ბავშვს თუმცა-კი ეშინოდა, ცუდი არა გავიგონო-რაო, მაინც დაასახელა მამა. მსახურს არ ახსოვდა ასეთი ავადმყოფი.

— მოხუცებული მუშა-კაცია? იკითხა მსახურმა: შორიდგან არის მოსული?

— დიაღ, მუშა-კაცია, მაგრამ მოხუცი-კი არა, შიშით უპასუხა ბავშვმა.

— შორიდგანაო? მერე როდის მოვიდა საავადმყოფოში?

ბიჭმა წერილში ჩაიხედა.

— ხუთიოდე დღე უნდა იყოს.

მსახური დაფიქრდა და გაიხსენა.

— ვიცი, მეოთხე ოთახის უკანასკნელს საწოლზედა წევს.

— ცუდად ხომ არ არის? იკითხა შეწუხებით ბავშვმა.

მსახურმა ხმა-ამოუღებლად შეჰხედა ბავშვს.

— წავიდეთ.

კიბეზედ ავიდნენ, დერეფანი გაიარეს და დიდს ოთახში შევიდნენ, სადაც საწოლები ორ რიგად იდგა.

— წამოდით, გაუმეორა მსახურმა..

ბავშვმა გონება მოიკრიბა და თან მისდევდა მსახურს, თან შიშით აქეთ-იქით იყურებოდა: ორივე მხარეს ფერ-მკრთალი, გატანჯული პირი-სახენი მოჩანდა ავადმყოფებისა: ზოგი მკვდარსავით თვალ-მილულული იწვა; ზოგი გაბედვით გამოიყურებოდა და, თითქოს ძალზედ შეშინებული იყოსო, თვალები დაეკეციტა; ზოგი კვნესოდა და კრუსუნებდა. ბნელს ოთახში წამლის სუნი იდგა. ორი მომვლელი დედაკაცი ხელში წამლებით ავადმყოფებს გარს უვლიდნენ.

— აი, მამაშენი! სთქვა მსახურმა და საწოლს ფარდა გადასწია.

ავადმყოფს საბანს ზევით ხელი უძრავად ედო. ბავშვი დაეკონა ხელს და ტირილი დაიწყო. ავადმყოფი არ იძვროდა. ბავშვი ადგა და ჩუმად ქვითინებდა. მამამ მიიხედ-მოიხედა, დიდხანს დააგქერდა ბავშვს, თითქოს იცნოო, მაგრამ ხმა, კრინტი არ დაუძრავს. საწყალი საშინლად გამოცვლილიყო. შვილიც-კი ველარა სცნობდა. სულ მთლად გათეთრებულიყო და წვერი გაზრდოდა; პირისახე დასიებოდა, ლაპრები ჩამოჰკიდებოდა, თვალები დავიწროებოდა.

და სახე სრულიად შესცვლოდა. მხოლოდ შუბლი და წარბები-ღა შერჩენოდა შეუცვლელად.

— მამავ, მამავ! ეუბნებოდა ბავშვი: მე ვარ, ვერ მიცან? ჩიჩილიო, შენი ჩიჩილიო. სოფლიდგან ჩამოვედი, დედამ გამომგზავნა. კარგად შემომხედე. ვერ მიცნობ? ერთი სიტყვა მაინც მითხარ.

ავადმყოფმა ერთს წუთს თვალი შეაქყიტა და მერე ისევ მილულა.

— მამავ! შენი შვილი ვარ, შენი ჩიჩილიო!

ავადმყოფი უძრავად იღო და მძიმედ ჰქშინავდა. ბავშვმა მიიღვა სკამი, დაჯდა და თვალ-მოუშორებლად ცქერა დაუწყო.

— ექიმი მოვა და მეტყვის როგორც არის, ჰტიქრობდა ჩიჩილიო.

ბავშვი თანდათან ფიქრებში წავიდა და შიგ გაება, დაიხლართა. მოაგონდა მამის წასვლა, გემზედ გამოთხოვება. რა იმედებით გაისტუმრეს! რა სასოწარკვეთილებებაში ჩავარდა დედა, იმის ავადმყოფობის ამბავი რომ მოუვიდა! საბრალო ბავშვს მამამკვდარი, დედა—შავებში და ოჯახი—გალატაკებული ელანდებოდა.

უცებ ბავშვს მხარზედ ვილაცამ ხელი დაადო. ბავშვი შეკრთა და მიიხედა. ავადმყოფთ მომვლელი დედაკაცი იყო.

— მამაჩემი როგორ არის? ჰკითხა ბავშვმა.

— მამაშენია ესა? ალერსით უთხრა დედაკაცმა.

— დიად, მამაჩემია. სოფლიდამ ჩამოვედი. რა სტკივა?

— საცაა ექიმი მოვა! უთხრა დედაკაცმა და მოსცილდა ბავშვს.

ნახევარს საათს შემდეგ ზარის ხმა მოისმა. ოთახში ექიმი, მისი თანაშემწე და ორი მომვლელი დედაკაცი შემოვიდნენ და დაიწყეს სათითაოდ ავაღმყოფების სინჯვა. ბავშვს ეგონა, ექიმი მამაჩემადის ვერ მოაღწევსო, და მოუთმენელის გულის ცახცახით შესცქეროდა ექიმს. ბოლოს მახლობელ საწოლთან მოვიდნენ. ექიმი მალალი, წელში მოხრილი მოხუცებული კაცი იყო. ბავშვმა თავი ველარ შეიმაგრა და, როცა ექიმი იმის მამის საწოლს მიუახლოვდა, ტირილი დაიწყო.

— ავადმყოფის შვილია. დილას ჩამოვიდა სოფლიდგან. სთქვა მომვლელმა დედაკაცმა.

ექიმი ერთის ხელით ბავშვს დაეყრდნო მხარზედ, დაიხარა, ავადმყოფს მაჯა გაუსინჯა და მომვლელს დედაკაცს რაღაც წასჩურჩულა.

— ისევ ისეაო, უპასუხა დედაკაცმა.

ექიმი მცირეს ხანს დაფიქრდა:

— იმავე წამლის ხმარება განაგრძეთ.

ბავშვმა გაბედა და თვალ-ცრემლიანი მიუბრუნდა ექიმს:

— რა სტკივა; ექიმო, მამაჩემს?

— ნუ გეშინიან, პატარავ, სახეზედ წითელი ქარი აქვს! საშიში-კია, მაგრამ ჯერ კიდევ იმედი არ



დამიკარგავს მაგის მორჩენისა. მოუარე, შენ რომ გვერდით ეყოლები, ესიაშოვნება.

— რომ ვერა მცნობს! სასოწარკვეთილებით წამოიძახა ბავშვმა.

— გიცნობს, შეიძლება ხვალ გიცნოს! გამხნევიდი, იმედს ნუ დაჰკარგავ.

ჩიჩილიოს კიდევ რაღაცა უნდოდა ეკითხნა, მაგრამ ვერ გაჰბედა. ექიმი წავიდა.

ბავშვი გულ-მოდგინედ შეუდგა ავადმყოფის მოვლას. საბანს უსწორებდა, ხელს უჭერდა, ბუზებს უგერებდა და მცირე კენესის გაგონებაზედ თავს ევლებოდა. დედაკაცს წამალი მოჰქონდა და ბავშვი კოვზით ასმევდა. ავადმყოფი შეჰყურებდა, მაგრამ ეტყობოდა, ჯერ კიდევ ვერა სცნობდა. სანუგეშო ის იყო, რომ დღითი-დღე მამა უფრო აშტერდებოდა შვილს, მეტადრე მაშინ, როცა ჩიჩილიო თვალებიდან ცრემლებსა სწმენდდა.

დრო გადიოდა. ღამე ბავშვს ორს სკამზედ ეძინა, დღისით-კი ავადმყოფის მოვლაში იყო.

ერთხელ ბავშვს ისე ეჩვენა, თითქოს მამას თვალები გაუბრწყინდა, სახეზედ ფიქრმა გაურბინა და გამიღიმაო; ტუჩებიც-კი დაატოკა, თითქოს უნდოდა ეთქვა რამეო.

ავადმყოფი თვალს რომ გაახელდა, ბავშვს ეძებდა. ექიმმაც-კი შენიშნა, რომ ავადმყოფი უკეთ იყო. ერთს საღამოს, როცა წამალს ასმევდა, ბავშვმა მამის სახეზედ ისევ ღიმილი დაინახა და გამხნევიდა,

დაიმედიანდა, ალბად მიცნო მამაჩემმაო. ბავშვმა და-  
უწყო ლაპარაკი, უამბობდა თავისის დედისა და პა-  
ტარა დების ამბავს და იმათს სიხარულს, როცა ესე-  
ნი დაბრუნდებოდნენ სახლში. რაც-კი შეეძლო, ამ-  
ხნევებდა მამას. თუმცა ჩიჩილიოს ეჭვი ჰქონდა, ვინ  
იცის, იქნება არც-კი ესმის მამაჩემს ჩემი ლაპარა-  
კიო, მაინც თავისას არ იშლიდა, რადგან ავადმყო-  
ფის სახეზედ სიამოვნებასა ჰხედავდა.

სამი დღე კიდევ გავიდა. ავადმყოფი ცოტა უკე-  
თაც იყო, მაგრამ უცებ ისევ ცუდად შეიქმნა. ჩი-  
ჩილიო თავისს საქმეში იყო გართული. მომვლელს  
დედაკაცს ლამეში ორჯელ ყველი და პური მოჰქონ-  
და. ბავშვი ამითი იკვებებოდა და სრულიად არ იმ-  
ჩნევდა, რაც გარშემო ხდებოდა.

ავადმყოფნი იხოცებოდნენ, ლამე მომვლელი  
დედაკაცები შერბოდნენ და გამოარბოდნენ, ნათესა-  
ვები სტიროდნენ, ზოგნი სანახავად მოდიოდნენ და  
იმედ-გადაწყვეტილნი ბრუნდებოდნენ უკან... ასე გა-  
დიოდა საათები და დღეები. ჩიჩილიო მამის მოვლა-  
ში იყო, მამის კვნესა-წუხილისაგან შეშინებული ცახ-  
ცახებდა და იმედი და უიმედობა თავს ბრუს ასხავდა.  
მეხუთე დღეს იმისი მამა ცუდად შეიქმნა. ექიმმა  
უიმედოდ გაიქნია თავი, თითქოს ის უნდოდა ეთქვა:  
ალარა ეშველება - რაო! ჩიჩილიომ ქვითინი დაი-  
წყო. მამა ცუდად იყო და შვილს-კი ეგონა, გა-  
მობრუნდაო. ავადმყოფი უფრო ცნობიერად იცქი-  
რებოდა, წამალს მხოლოდ ბავშვის ხელითა სვამდა

და სკდილობდა დაელაპარაკნა. ეს ცდა ისე ნათლად ეტყობოდა ავადმყოფს, რომ ჩიჩილიო წააფლებდა ხოლმე ხელს და, უაზრო იმედით გამხნევებულს, ეგონა, ექიმი შესცდა, მამა მომირჩებაო.

— ნუ შეშინდები, მამაჩემო, მორჩები. აქედამ ერთად წავიდეთ დედასთან. ცოტაც მოითმინე-და...

ოთხი საათი იყო. შეწუხებული ბავშვი თავის ალაგას იჯდა. იქით ოთახიდგან ფეხის ხმა მოისმა და ვილაცამ ხმა მალლა დაიძახა:

— ნახვამდის, დაო.

ჩიჩილიო შეკრთა, წამოხტა და გულიდგან კივილი ამოსკდა. ოთახში დიდ ბოლჩა წამოკიდებული კაცი შემოვიდა და თან მომვლელი დედაკაცი შემოჰყვა.

— ჩიჩილიო! წამოიძახა ახლად შემოსულმა და მივარდა ბავშვს.

— მამავ!... და გახარებული ბავშვი მამას მოეხეა.

ამ ხმაზედ ექიმის თანაშემწენი და მომვლელი დედაკაცები შეიკრიბნენ და დიდად გაოცდნენ. ბავშვი გაჩუმებული იყო.

— ჩემო ჩიჩილიო! იძახოდა მამა, ჰკოცნიდა ბავშვს და თან ავადმყოფს უცქეროდა. ჩემო შვილო, როგორ მოხდა ეს? უცხოვსთან მიგიყვანეს? მე-კი, მე მოუსვენრად ვიყავ, რომ არ მოდიოდი. დედა მწერდა, შენთან გამოვეზავნეო! საწყალო ჩიჩილიო! რამდენი დღეა, რაც აქა ხარ? მე-რე ასეთი შეცდო-

მა როგორ მოხდა? მე-კი გელოდდი, შენს ფიქრში-  
ვიყავ. იცი, გაზრდილხარ! დედა როგორ არის? კონ-  
ჩეტელა? ან პატარა? ძლივს არ გამოვეწერე საავად-  
მყოფოდგან... წავიდეთ. ღმერთო ჩემო, ამას ვინ მო-  
იფიქრებდა!

ჩიჩილიო მამას არა სცილდებოდა და განუ-  
წყვეტლივ იმეორებდა:

— რა მიხარია, რა მიხარია! რა საშინელი-  
დღეები იყო!

— წავიდეთ, სთქვა მამამ, სალამოზედ შინ ვი-  
ქნებით.

ბავშვმა დაჰხედა თავისს ავადმყოფს, რომელსაც  
ამ დროს თვალები გაეხილებინა და ბავშვს შესჩე-  
რებოდა.

— არა, მოიცა მამავ! სთქვა ჩიჩილიომ: არ შე-  
მიძლიან. შეხედე ამ მოხუცს. ხუთი დღეა ვუვლი. მე  
მიყურებს. ასე მეგონა, მამაჩემია-მეთქი, და შემიყვარ-  
და. წამალს მე ვასმევ. აგერ მეძახის. ძალიან ცუ-  
დად არის. მეცოდება, თავს ვერ დავანებებ. მე  
ხვალ დავბრუნდები სახლში. ეხლა-კი ნება მომეცი  
ამასთან დავრჩე. ჰხედავ, მე მიყურებს. ვინ არის, არ  
ვიცი, მაგრამ საჭირო-კია ჩემი ამასთან დარჩენა...  
ობლადა სვამს სულსა... მამავ, ნება მომეცი დარ-  
ჩენისა.

— რა საუცხოო ბავშვიაო!... სთქვა ექიმის თა-  
ნაშემწემ.

მამა ხან შვილს უყურებდა ხან ავადმყოფს

და ვერა გადაეწყვიტა-რა.

— ვინ არის? იკითხა ბოლოს.

— თქვენსავით გლახია, უპასუხა ექიმის თანა-  
შემწემ: შორის მხრიდგან მოსულია, თქვენთან ერთს-  
დღეს მოვიდა. გულ-შეღონებული მოიყვანეს, ხმას  
ვერ იღებდა. იქნება ოჯახის პატრონია. უეჭველია  
ასე ეგონება, რომ ჩემ შვილთაგანი ვინმე მოსულა.  
ჩემთანაო.

ავადმყოფი კვლავ ბავშვს შესცქეროდა.

— კარგი დარჩი, ჩიჩილიო, უთხრა მამამ.

— დიდხანს აღარ იცოცხლებსო, უთხრა ჩი-  
ჩილიოს მამას ექიმის თანაშემწემ.

— დარჩი, განუმეორა ჩიჩილიოს მამამ: მე-კი-  
წავალ, რომ დავამშვიდო დედაშენი. აი ერთი მანე-  
თი. ნახვამდის, ჩემო კარგო! გადაჰკოცნა შვილი,  
ერთი კიდევ შეჰხედა შვილს, კვლავ აკოცა და წა-  
ვიდა.

ჩიჩილიო ავადმყოფთანვე დაბრუნდა. ავადმო-  
ფი თითქო დამშვიდებული იყო. ჩიჩილიო თუმცა აღა-  
რა სტიროდა, მაინც ასევე ერთგულად უვლიდა.  
ავადმყოფს, წამალს ასმევდა, საბანს უსწორებდა,  
ვალერსებოდა, ელაპარაკებოდა. გავიდა კიდევ ორი  
დღე. ავადმყოფი უფრო ცუდად შეიქმნა. სახე მთლად  
გაუშავდა და საშინლად დაუსივდა, სუნთქვა გაუ-  
ძნელდა და ჰბოდავდა, რაღაც გაუგებარს სიტყვებს  
ამბობდა. საღამოზედ ექიმმა გამოაცხადა, რომ ამ-  
დამეს ვეღარ გაატანსო. ჩიჩილიო უფრო ერთგუ-

ლად უვლიდა და თვალს არ აშორებდა. ავადმყოფიც შეჭყურებდა ბავშვს და ძალის-ძალად ატოკებდა ტუჩებს, თითქოს რალაცის თქმა უნდაო; თვლები უფიქროვდებოდა და სახეზედ-კი მაინც ალერ არა სცილდებოდა. იმ ღამეს ბავშვს არა სძინები განთიადისას მომვლელი დედაკაცი მოვიდა, დაჰხედა ავადმყოფს, გაბრუნდა და ისევ მალე შემობრუნდა. თან ექიმი და ექიმის თანაშემწე შემოჰყვნენ.

— სულსა ჰლევსო, სთქვა ექიმმა.

ჩიჩილიომ წაავლო ხელი ავადმყოფს ხელზედ ავადმყოფმა ერთს წუთს თვალები გაახილა. ბავშვი იგრძნო ავადმყოფის ხელის მოძრაობა და დაიძახა

— ხელი მომიჭირაო.

ექიმი დააცქერდა ავადმყოფს, რომელიც სულ მობრძავი იყო. მომვლელმა დედაკაცმა კედლიდგა ჯვარცმის ხატი ჩამოიღო.

— გარდაიცვალა! წამოიძახა ჩიჩილიომ.

— ეხლა-კი, ჩემო კარგო, წადი, უთხრა ექიმმა შენი წმიდა საქმე დაბოლოვებულია. წადი, ბედნიერი იყავ, რადგან სწორედ ღირსი ხარ ბედნიერების ღმერთი იყოს შენი შემწე! მშვიდობით.

მომვლელმა დედაკაცმა თანჯარაში მდგომ ქვიშაქვიდან ყვავილი ამოიღო, ბავშვს გადასცა და უთხრა

— ამის მეტი არა მაქვს-რა, რომ საავადმყოფო სახსოვრად მოგცეო.

— გმადლობთ, უპასუხა ჩიჩილიომ და თან ცრემლებს იწმენდდა: მაგრამ მე გზა მაქვს გასავლელი

ია დაქცნება... ისევ სჯობს, ჩემს საწყალს მიცვალებულს დავეუტოვო. ჩიჩილიომ ყვავილები მიცვალებულის ლოგინზედ გაჰფინა.

— გმადლობ, დაო, გმადლობ, ბ-ნო ექიმო! მშვიდობით ბრძანდებოდეთ..

შემდეგ მიუბრუნდა ცხედარს და ერთს წუთს თითქო შეფიქრდა, რა სახელი ჰქვიან ნეტაო. უნებლიედ წამოიძახა ის სახელი, რომელსაც მოვლის დროს ეძახდა ხოლმე, სახელი თავისის მამისა.

— მშვიდობით, მამავ...

ჩიჩილიომ ბოხჩა წამოიკიდა და ნელის ნაბიჯით გამოვიდა საავადმყოფოდგან.

13-ი. შაბათი.

გუშინ პრეკოსი მოვიდა და მომაგონა, რომ იმის მამის სახელოსნოს ნახვის პირობა მქონდა მიცემული. დღეს დილით სკოლაში წასვლამდის მე და მამაჩემი სახელოსნოში შევედით. კარებში გაროფი შეგვეჯახა; ხელთ ქალაღში შეხვეული რაღაც ექირა. ეხლაკი მიეხვდი, გაროფი რკინის ნახერხს სადაც ჰკრეფს. თურმე ნახერხს ძველ გაზეთებში სცვლის. რა საქმის მოყვარეა გაროფი!

შევედით. პრეკოსის ხელში წიგნი ექირა, სკამად აკოკოლავებულს აგურებზედ იჯდა და გაკვეთილს ამზადებდა. დაგვინახა თუ არა, თეხზედ წამოდგა.

სახელოსნო კარგა მოზრდილია და მთლად შე-

მურულს ოთახშია მოთავსებული. კვერი, გაზი, ძველი რკინის ნაჭრები და სხვა იარაღეულობა აქა-იქ ეყარა. ქარგალი საბერველს უბერავდა. პრეკოსის მამა დაზვასთან იდგა. შეგირდს გახურებული რკინა გაზით ექირა.

— აი, ესენიც, სთქვა მქედელმა, დაგვინახა თუ არა: რკინის გზის მატარებელი რომ გაჩუქა, ის ამხანაგია განა? მუშაობის სანახავად მოსულა? ამ წუთას ვაჩვენებ.

მქედელი იცინოდა... ის საშიში სახე და უწინდებრ ცუდლუტი თვალები აღარა ჰქონდა. გახურებული რკინის ნაჭერი გამოართვა შეგირდს და გრდემლზედ დასდო. ბალის სურაია უნდა გაეკეთებინა. მქედელმა ასწია კვერი და რკინის ნაჭერს დაუწყობა აქეთ-იქიდგან ცემა.

საშინლად მიკვირდა, რომ კვერ ქვეშ რკინის ნაჭერი იღუნებოდა, იზნიქებოდა და თანდათან რალაცა გამოდიოდა.

მქედელი მუშაობდა და შვილი-კი ამაყად გვიყურებდა, თითქოს მამის ხელოვნებით თავი მოსწონსო.

— ნახეთ როგორა კეთდება? გვკითხა მქედელმა, როცა გაათავა.

კვერთხის მაგვარი რალაც გამოვიდა. მქედელმა ის გვერდზე გადადო და ცეცხლში მეორე რკინის ნაჭერი ჩასდო.

— ძალიან ხელოვნურად არის გაკეთებული!



რომ ყოფილიყო შენი საჩუქარი, მაინც ცოტაა მაგისტრის. ზაგ პატროსანმა ბავშვმა მამა დაიხსნა წაწყმედისაგან...

20-ი. ორშაბათი.

მთელი ქალაქი ჰღელავს და ჰშფოთავს: ბერიკობა თავდება. ყოველს მოედანზედ თვალთმაქცებისა და ჯამბაზების ფარდულებია გამართული. ჩვენის ფანჯრის წინ ტილოთი დახურული ცირკი დგას და ვენეციიდან მოსული დასი წარმოდგენებსა ჰმართავს; სულ ხუთი ცხენოსანი ჰყავთ. ცირკი ზედ შუა მოედანზეა; კუთხეში განმარტოებით სამი დიდი ურემი დგას, სადაც მოთამაშეებს სძინავთ და ირთვებიან. ეს ურემები გორგოლაქებიანი ოთახებია, ფანჯრებიცა აქვს და ბუხრებიც. ფანჯრებზედ ბავშვის ჩვრებია გამოფენილი.

მოთამაშეთა შორის ერთი ძუძუ-მწოვარა ბავშვიანი დედაკაციც არის. ეს დედაკაცი თოკზედ თამაშობს. საწყალი ხალხია სწორედ! „მსახიობი“, „ჯამბაზი“ სამარცხვინო სახელია, მაგრამ რა ჰქმნან, სხვისი გამხიარულებითა და გართობით თითონაც ერთს ლუკმა პურსა შოულობენ. მერე რამდენი უნდა იშრომონ საწყლებმა! სიფრიფანა ტანსაცმელით სიცივეში მთელი დღე ცირკიდან ურემებამდე გარბი გამოარბიან, საჩქაროდ ფეხდაფეხ დანაყრდებიან ხოლმე და ისევ წარმოსადგენად მიიჩქარიან.

ხშირად მოხდება, რომ ცირკი საფსეა ხალხით,

წარმოდგენა გახურებულია, უცებ ქარი ამოვარდება ქარი; ცირკს საჩიხს მოჰგლეჯს, სანათურებს ჩააქრობს და მშვიდობით წარმოდგენავ! დასი იძულებულია ხალხს ფული უკანვე დაუბრუნოს და მთელი ღამე ცირკის შეკეთებას მოანდომოს.

ცირკში ორი ბავშვიც არის, ისინიც თამაშობენ. ერთი მათგანი პატარა მოედანზედ გავლის დროს მამაჩემმა იცნო. შესანიშნავი ცხენზედ მოთამაშე თითონ ცირკის პატრონის შვილია, რომელიც შარშან ვიქტორ-ეძანუელის მოედანზედ გამართულს ცირკში ვნახეთ. ბავშვი გაზრდილა, თუმცა სულ რვა წლისაა; მეტად კარგი, ბუთხუზა და ეშხიანი ბავშვია და ხუჭუჭა თმაც ძალიან უხდება. ტაკი-მასხარად არის მოართული, ტანთ თეთრი გძელ-სახელოებიანი ტომარა და ფეხთ ტილოს საცმელი აცვია. ის კუდრაქა ყველას უყვარს და კარგადაცა თამაშობს. დილითა ვხედავ ხოლმე, როცა ხელსახოცში გახვეული შინ რძეს მია-რბენინებს, შემდეგ ბერტოლას ქუჩაზედ ცხენებთან მიდის; პატარა ბავშვის ძიძაც-კია; ურმებს ალაგებს, ცეცხლს აჩაღებს, რკლები, თოკები და სხვა საჭირო იარაღი გადააქვს ცირკში და, თუ მოიცალა, დედას გვერდიდგან არა შორდება. მამაჩემი თვალყურს ადევნებს ხოლმე ბავშვსა და იმათს ოჯახს და სულ იმათს ლაპარაკშია. ისინი მგონი კარგი ადამიანები არიან და შვილებიც ძალიან უყვართ.

ერთს სალამოს ცირკში წავედით. ციოდა და ხალხი ცოტა იყო, მაგრამ პაწია ტაკი-მასხარა მაინც

სცდილობდა საზოგადოების გამხიარულებას: მალაყებს გადადიოდა, ცხენს კუდზედ ეჭიდებოდა, ყირამალა ღებოდა, მღეროდა და მეტად სასაცილოდ იმანკებოდა.

იმის მამას თეთრი შალვარი, წითელი ხალათი და მაღალი წაღები ეცვა და ხელში მათრახი ეჭირა. შვილის ყველა მოძრაობას თვალს აღევნებდა და როგორღაც დალონებული იყო. მ მაჩემს შეეცოდა. მეორე დღეს ჩვენსას მხატვარი დელისი შემოვიდა. მა მაჩემმა უამბო, რომ ეს საწყალი ხალხი მუშაობაში სულს ირთმევს და მაინც საქმე ვერაფრად მისდითო; ისიც უთხრა, რომ ცირკის პატრონის შვილი ძალიან მომწონსო.

— რა უნდა მოვუხერხოთ, რომ დავეხმარო როგორმე! ჰკითხა მამამ.

— აი რაო, კოტაოდენს ფიქრს შემდეგ უთხრა დელისმა: გაზეთში ქებისა და თანაგრძნობის წერილი დაჰბეჭდე, ასწერე, რა საოცარს რამეებსა სჩადის ბავშვი, მეც კიდევ იმის სურათს გადავიღებ. გაზეთს წაიკითხავენ, საზოგადოებას ცნობის-მოყვარეობა აღედრება და ერთხელ მაინც წავლენ ცირკში.

ასეც მოიქცნენ. მამამ საუცხოო წერილი დასწერა, დაწვრილებით აუწერა მკითხველებს ყოველივე, რაც-კი შეენიშნა ფანჯრიდგან, და ამით საზოგადოებაში თანაგრძნობა და ბავშვის ნახვის სურვილი აღძრა. დელისმა ბავშვის სურთი გადილო და ისიც საღამოს „გაზეთში“ იყო მოთავსებული.

კვირისთვის ჰაწია ტაკი-მასხარას ბენეფისი იყო. ასე უწოდა მამაჩემმა თავის წერილში. მამამ ცირკში მეც თან წამიყვანა. კარებზედ გაზეთის გუშინდელი ნომერი იყო გამოკიდებული. ცირკი ხალხით ავისილიყო. ბევრს გაზეთის ნომერი ექირა და ტაკი-მასხარას უჩვენებდნენ; სიხარულისაგან გაბრწყინებული ბავშვში მაყურებელთა შორის დარბოდა. ცირკის პატრონიც კმაყოფილი იყო: დახლი საესე ჰქონდა და ამასთან ჯერ არც ერთს გაზეთს ასეთის ქებით არ მოეხსენებინა იმისი ცირკი.

მე და მამაჩემი პირველს რიგში ვისხედით. აქ ნაცნობები შეგვხვდნენ. შესავალში ჩვენი გრმნასტიკის მასწავლებელი იდგა, აი ის, გარიბალდის ჯარში რომ ებრძოლა. პირდაპირ, მეორე რიგზედ, პატარა, ბუთხუზა სახე დავინახე; ჩვენი პატარა კადატოზი თავისს უშველებელს მამას გვერდით ამოსჯდომოდა. დამინახა თუ არა, თავისებურად დაიმანჯა. იმათ მახლობლად გაროფი მაყურებლებსა სთვლიდა, რომ გამოეანგარიშებინა, რაოდენი შემოსავალი იქნებოდა ამ საღამოს. პირველს რიგშივე ჩვენს ახლოს თავის ყვარჯნებით რობეტტი იჯდა და თავის მამას, არტილერიის კაპიტანს, მიჰყრდნობოდა.

წარმოდგენა დაიწყო. პაწია ტაკი-მასხარა მართლა რომ საკვირველებას სჩადიოდა! ვინ მოსთვლის, რა უნარი არ გამოიჩინა ცხენსა, თუ თოკზედ თამაშობით. გაათავებდა თუ არა თავისს სათამაშოს, ყველა ტაშს უკრავდა. შემდეგ ჯამბაზმა ქალმა თოკ-

ზედ ითამაშა. მასხარებიც საკვირვლად თვალთმაქცობდნენ. მაგრამ როცა ბავშვი არ იყო, ყველა მოწყენილი იჯდა. გიმნასტიკის მასწავლებელმა ცირკის პატრონს ყურში რალაცა წასჩურჩულა; ის ხალხისკენ მოტრიალდა, ვილაცას დაუწყო ძებნა და შემდეგ ჩვენ დაგვაცქერდა. მამამ შენიშნა და მიჰხვდა, რომ მასწავლებელმა ცირკის პატრონს უთუოდ წერილის დამწერი დაანახვაო.

მამაჩემი მადლობის გადახდას მოერიდა, გარეთ გავიდა და მე-კი ჩუმად მითხრა.

— ენრიკო, შენ აქ დარჩი, ქუჩაში დაგიცდიო.

პატარა მასხარა შეხტა ცხენზედ და ოთხი სხვა და-სხვა გვარი ტანისამოსი გამოიცვალა: მგზავრისა, მენავისა, მეომარისა, შემდეგ მასხარის ტანსაცმელი ჩაიცვა და ქუდით ხელში ჩამოიარა ცირკი. ყველანი ფულსა და კანფეტებს აძლევდნენ. მე ორი აბაზი მოვაშხადე, მაგრამ მე რომ მომიახლოვდა, ქუდი უკან დაიჭირა, შემომხვდა და გვერდზედ გაიარა. სწორედ მეწყინა. ნეტა რად მომაყენა ასეთი შეურაცხება?

წარმოდგენა გათავდა. ცირკის პატრონმა მადლობა გადაუხადა საზოგადოებას, რომელიც კარებისაკენ გაეშურა. მე აღელვებული ვიყავ და მალე მინდოდა გასვლა. უცებ უკანიდგან ვილაცამ შემაყენა. მივტრიალდი. პაწია ტაკი-მასხარას მთელი მუქა კანფეტებით აევსო და იღიმოდა.

ეხლა-კი მივხვდი.

— ტაკი-მასხარასაგან არ იუკადრისებთ საჩუქარს?

— რად უნდა ვიუკადრისო, ვუპასუხე და გამოვარავეი.

— მაშ ნება მომეცი დაგკოცნო.

— დიდის სიამოვნებით.

სახელოებით ფქვილში გაგანგლული პირი-სახე, მოიწმინდა, ორივე ხელები კისერზედ შემომხვია და ერთმანეთი დაგკოცნეთ.

— ეს ერთი კოცნა შენ და ეს ერთიც მამაშენს გარდაეციო, სთქვა და გაიქცა.

21-ი. სამშაბათი.

ქუჩაზე ბერიკების სიარულის დროს დღეს სამწუხარო ამბავს შევესწარით. კრევე კარგი, რომ საქმე მშვიდობით დაბოლოვდა და უბედურება არამომხდარა-რა. სან-კარლოს მოედანზედ წითლად, ყვითლად და თეთრად მოკაზმული ხალხი შეიკრიბა; პირნალმიანი ხალხი ირეოდა, ქუჩებში სხვა-და-სხვა გვარად მორთულს ეტლებს გრიალი გაჰქონდა, ეტლებში მეომრად, მზარეულად, მენავედ და მწყემსად მორთულნი იხდნენ. ნალარა-დაფისაგან ხომ ყურთა-სმენა აღარ იყო. ეტლებში მსხდომნი და ქვეით მოსიარულე ბერიკები ერთად მღეროდნენ, ეტლებიდგან კანფეტსა და ფორთოხალს ისროდნენ... ხალხი ათას ნაირად უცნაურად, საოცრად და სასაცილოდ მორთულიყო. ისეთი ჟღრიათული და ღრიან-ცელი იდგა, თითქოს ყველანი კკუაზედ შეშლილანო.

მიუუახლოვდით მოედანს. ჩვენ წინ ხვეულის ყვავილებითა და ვარდებით შემკული ეტლი მიდიოდა. ოქროს ვარაყით ნაკერს ეტლში ოთხი ცხენი ება; შიგ საფრანგეთის ძველებურ ჯარის-კაცების ტანსაცმელით მორთული ათი კაცი იჯდა; გვერდზედ ხმლები ეკიდათ, ბუმბულიანი ქუდები ხელში ეჭირათ და გულ-მკერდი ლენტებიტა ჰქონდათ მორთული. საუცხოო სანახავი იყო სწორედ! ყველანი ერთად ფრანგულადა ჰმღეროდნენ და ხალხს ხილს ესროდნენ. ხალხიც ბანს აძლევდა და აღტაცებული ტაშს სცემდა.

უცებ ქუჩის მეორე მხარეს ვიღაცამ ხუთის წლის ქალი მალლა აიტაცა. ბავშვი თან გაჰკიოდა და თან ხელ-ფეხს იქნევდა... უცნობი ფრანგების ჯარის-კაცების ეტლისაკენ მიიწვედა. ერთი ბერიკა დაიხარა.

— დაიქით, ბავშვიო! დაუძახა უცნობმა და მიაწოდა ბერიკას ბავშვი: დედას ჩამორჩენია, მაგისი დედა შორს არ იქნება და დაინახავს.

ბერიკამ ჩამოიხსნა ნიღაბი, სხევებმაც სიმღერა შესწყვიტეს. ბავშვი გაჰკიოდა და ჰშფოთავდა. ეტლი-კი დინჯად მიდიოდა. შემდეგ შევიტყეთ, რომ მეორე მოედანის ბოლოს ვიღაც დედაკაცი გიჟსავით დარბოდა თურმე და ყვიროდა:

— მარიამ, მარიამ! შეილო! სად დამეკარგე?! მომპარეს! მომიკლეს! მარიამ!

სასოწარკვეთილი აქეთ-იქით ეხეთქებოდა თურმე, მაგრამ ხალხში ვერ გაეტანებინა, უცნობს-კი

ბავშვი მალლა აყვანილი ექირა, ამშვიდებდა და იმის მშობელს ეძებდა. ბავშვი შიშით უფრო ტიროდა. უცნობი შეწუხებული იყო, ეტყობოდა, ბავშვი ეცოდებოდა. ბავშვს ხან ფორთოხალს და ხან ხილს აძლევდნენ, მაგრამ არაფერს იღებდა.

— დედა მოსძებნეთ! მოიკითხეთ სადმეო! იძახოდა უცნობი.

ყველანი აქეთ-იქით იყურებოდნენ, მაგრამ დედა არსადა სჩანდა. ბოლოს რომის ქუჩიდგან ეტლისაკენ გამოექანა დედაკაცი. მინამ ცოცხალი ვარ, ეს სანახავი არ დამაფიწყდება. თმა ასწეწვოდა, სახე მოჰბრეცოდა, ხელები გაჰშეშებოდა და ტანისამოსი სიმწარით სულ ნაკუწ-ნაკუწად ექცია. ბევრის ყვირილისა და ძახილისაგან ხმა წასვლოდა და ძლივს-ღა ხრიალებდა. სიხარულით-კი არა, რალაცა სასოწარკვეთილებით მივარდა ბავშვს. ეტლი შეაყენეს.

— აი, თქვენი შვილიო, უთხრა უცნობმა, დაჰკოცნა ყმაწვილი და დედას გარდასცა.

დედამ გულში მაგრად ჩაიკრა ბავშვი. ამ დროს უცნობმა ბავშვს თითზედ თავისი ძვირფასი აღმასის ბეჭედი გაუკეთა.

— მზითვად მომიციაო, უთხრა და სახეზედ ნიღაბი აიფარა.

ხალხში სიხარულის ჟრიაბული გაისმა; დედა-კი გაოცებული იდგა. სხვებმა კვლავ სიმღერა დაიწყეს და სადღესასწაულოდ მორთული ეტლი ისევ თავისს გზას გაუდგა.



23-ი. ხუთშაბათი.

ჩვენი მასწავლებელი ძლიერ ავად არის. იმის მაგიერ ჩვენთან მეოთხე კლასის მასწავლებელი დადის. ეს მასწავლებელი უსინათლოთა ინსტიტუტის მასწავლებლად იყო. საშინლად მოხუცებული, ყველაზედ ხნიერი მასწავლებელია და მთლად გათეთრებული; ისე ლაპარაკობს, თითქოს მწუხარე სიმღერას ამბობსო, მაგრამ კეთილი და ნასწავლიკია. კლასში შემოვიდა თუ არა, შენიშნა, რომ ერთს მოსწავლეს თვალი ახვეული ჰქონდა, მაშინვე მიუახლოვდა და უთხრა:

— თვალებს გაუფრთხილდი, ჩემო კარგო!

— მართალია, ბ-ნო მასწავლებელო, რომ თქვენ უსინათლოებს ასწავლიდით? ჰკითხა დეროსიმ.

— მართალია, უპასუხა მასწავლებელმა.

— გვიამბეთ რამე, ჩუმად სთქვა დეროსიმ.

მასწავლებელი მაგიდასთან დაჯდა.

— უსინათლოთა ინსტიტუტი ნიცას ქუჩაზეა, წამოიძახა ხმა მალლა კორეტიმ.

— თქვენ სულ იმეორებთ—უსინათლოებიო, სთქვა მასწავლებელმა, თითქოს ამითი ეს გინდათ სთქვათ—საბრალო აჯადოებულებიო და სხვა არაფერი. მაგრამ კარგად-კი გესმით ამ სიტყვის მნიშვნელობა? აბა ცოტა დაფიქრდით. უსინათლო! არც ცას, არც მზეს, არც დედ-მამას, არაფერს ჰხედავენ. გარს სამარისებური წყვდიადი ახვევიათ. აბა გამოსცადეთ:

დახუჭეთ თვალები და წარმოიდგინეთ, რომ სამუდამოდ ამ ყოფაში დარჩებით! შესაზარია! თქვენ გეგონებათ, რომ ამ გვარის ყოფის ატანა შეუძლებელია, კკუაზე შესცდება, ან სულს დაჰლევსო ადამიანი. მაგრამ ისინი-კი, საბრალო ბავშვები! შესდინხარ თუ არა ინსტიტუტში, როცა გაკვეთილისაგან მოკლილნი არიან, მოისმის სალამურის ხმა, ლაპარაკი და სიცილი იმ უსინათლოებისა, რომელნიც თავისუფლად დადიან კიბეებსა, დერეფანსა და თავიანთ საზოგადო საწოლ ოთახში. გესმის და ენას ვერ დასძრავ იმის სათქმელად, რომ უბედურები არიანო. იმათ შორის თექვსმეტ-თვრამეტის წლის ჰაბუკნიც არიან, ჯანლონით სავსენი და მხიარულნი, თითქოს დავიწყებით თავიანთი ყოფაო. დაუიქრებულსა და თავ-მომწონე სახეზედ-კი აშკარად ემჩნევათ, რომ ბევრი ტანჯვა გამოუვლიათ, ვიდრე თავისს უბედურებას უდრტვინველად დაჰმორჩილდებოდნენ. სხვა გვარ სახესაც ჰნახავთ: გაფითრებულს, წყნარს, მორჩილსა და დალონებულს, რომელსაც ლაწვები ცრემლითა აქვს ამომწვარი. ჰო, ბავშვებო! ზოგს თვალის სინათლე რამდენსამე დღეში დაუკარგავს, ზოგს რამდენსამე წელს უტანჯნია, არიანი ისეთნიც, რომ უსინათლონი დაბადებულან, დაბადებულან უკუნში, იმათი ქვეყნად მოსვლა საპარეში ჩასვლას დაჰმგზავსებია, ადამიანის სახის წარმოდგენაც არ შეუძლიანთ. რამდენი ტანჯვა გამოუვლიათ და კიდევ რამდენს იტანჯებიან იმის გამო, რომ ბედს ისინი და თვალ-

ხილულნი ერთმანეთისაგან გაუცალკ-ცალკავებია და გაუყვია. რად უნდა ვიყვნეთ ასე ერთმანეთს მოშორებულნიო? ეკითხებიან თავის თავს: თუ კი დაბადებისასვე ცოდვა თან არ დაგვყოლიაო? როცა მოვიგონებ ხოლმე იმათს საუკუნოდ დახუჭულს თვალებს, უძრავს და უსინათლო თვალის კაკლებს, და მერე როცა თქვენ შემოგხედავთ, ასე მგონია, შეუძლებელია, რომ თქვენ ბედნიერები არ იყვნეთმეთქი. ასე გასინჯეთ, მარტო იტალიაში თითქმის ოც-და-ექვსი ათასი უსინათლოა! ოც-და-ექვსი ათასი ადამიანი დღის სინათლეს არა ჰხედავს!

მასწავლებელმა ლაპარაკი შესწყვიტა. კლასში ისეთი ღუმილი ჩამოვარდა, რომ ბუზის ფრენაც გაიგონებოდა.

— მართალია, ჰკითხა დეროსიმ, რომ უსინათლოს გრძნობა შეხებისა უფრო ძლიერი და განვითარებული აქვს, ვიდრე თვალ-ხილულს?

— მართალიაო, უპასუხა მასწავლებელმა. უსინათლოს სხვა სახსართა გრძნობა იმიტომ უფრო უვარჯიშდება, რომ თვალის მაგიერობას ისინი ეწევიან და უფრო ხშირს მოქმედებაში არიან. დილით საწოლს ოთახში ერთმანეთს ჰკითხავენ: „ზიანი დღეაო?“ ვინც მალე ჩაიცვამს ტანთ, გამოარბის გარეთ, ხელებს გაიწოდს ხოლმე და თუ იგრძნო ხელზედ სითბო, სიხარულით ბრუნდება „ზიანი დღეაო“. უსინათლონი ადამიანის ახოვანებას იმით ხმის გაგონებით იტყობენ; ჩვენ კაცის სულიერს ავ-კარგია-

ნობას თვალეში ამოვიკითხავთ-ხოლმე, უსინათ-ლოები-კი—ადამიანის ხმის მოსმენით გამოიცი-ნებენ და დიდს ხანსაც იხსომებენ იმაღს ხმას. როცა ოთახში რამდენიმე სულია, მარტო ერთი იმათაგანიც რომ ლაპარაკობდეს და სხვანი-კი მდუმარებდნენ, ისინი მაინც ჰგრძნობენ, რომ ამ ერთს გარდა ოთახში სხვანიც არიანო. უსინათლონი შეღებილს მატყლის ნაქსოვს შეუღებავისაგან საუცხოოდ არჩევენ. ქუჩაში სიარულის დროს იმ დუქნებსაც-კი არჩევენ სუნით, რომლებიდანაც არაფითარი განსაკუთრებული სუნი არ ისმის. როცა ბზრი-ლას მოჰმართავენ, იმის ზუზუნის ხმაზედ შეიტყობენ ხოლმე, სადაც დგება, და შეუმცდარად მიაგნებენ იმის ადგილს. გრძობა შეხებისა ისე განვითარებული აქვთ, რომ ჩილიკაობას თამაშობენ, თოკებზედ ჰხტებიან; აგურების სახლებს აკეთებენ, იასა ჰკრეფენ და, თითქოს თვალთ არჩევენდენო; სხვა-და-სხვა ფერის ჩაღის ჯეჯიმებსა და კალათებსა სწნავენ. გრძობა შეხებისა იმათი თვალის სინათლეა. დიდად დიდს სიამოვნებას მაშინ იგრძნობენ ხოლმე, როცა-კი ხელის მოცაცუნებით საგნის გარეგანს სახეს გონებით მიხვდებიან. როცა მუზეუმში შეჰყავთ და საგნების ხელის ხლების ნებას აძლევენ, უნდა ნახოთ, რა გახარებულნი სინჯავენ გეომეტრიულ ნივთებს, სახლების ნიმუშებს, იარაღებს, რა არის შეკითხვით როგორ არის გაკეთებულიო. ისინი-კი ამბობენ ვიხილოთო.

— მართალია, გააწყვეტინა სიტყვა გაროფიმ, რომ უსინათლონი უფრო ჩქარა სთვლიან?

— დიახ, ისინი წერა-კითხვასა ზე ანგარიშსაც სწავლობენ. განგებ უსინათლოთათვის წიგნებიც იბეჭდება. წიგნები ამობურთულის ასოებით არის დაბეჭდილი, ამ ასოებს თითით ეხებიან და ისე კითხულობენ. ჩქარა-კი კითხულობენ, მაგრამ როცა-კი შესცდებათ, საბრალონი სირცხვილისაგან წითლდებიან. უკალმოდ სხვილ სქელს ქალღმერთად გამწვეტებულის რკინის ნაჭრითა სწერენ. ამ გვარად წერით ქალღმერთის მეორე მხარეზედ მშვენიერი ასოები იბურთება, ასე რომ უსინათლო თითის შეხებით თავისსავე დაწერილს კითხულობს. ასე სწერენ თხზულებას, ერთმანეთს წერილებს და ასევე ანგარიშობენ. ზებირ ამიციანებს ძლიერ ადვილად იგნებენ, უფრო ბეჯითად უკვირდებიან, რადგან გონებას არაფერი სტაცებთ და სხვა რომელიმე საგანი არ იზიდავს იმათს ყურადღებას. როცა-კი კითხულობს ვინმე, ყურს სიამოვნებით უგდებენ. სწორედ კარგი მოსასმენია, როცა უსინათლონი ერთმანეთში ლაპარაკობენ იმის შესახებ, რაც წაუკითხავთ ისტორიული რამ ამბავი. გარწმუნებთ, რომ გამოცდის დროს ისინი უფრო უკეთესს ცოდნას იჩენენ, ვიდრე თქვენ, და მასწავლებლებიც უფრო მომეტებულად უყვართ. მასწავლებელს სიარულსა და ხმაზედ სცნობენ ხოლმე და იმასაც ამჩნევენ, როდის არის კარგს გუნებაზედ, ჯან-საღად და როდის — არაო. უყვართ, როცა

მასწავლებელი შეეხება, თავზედ ხელს გადაუსვამს, აქებს და აქეზებს, და თითონაც მადლობის ნიშნად ხელს ართმევენ, გარს ეხვევიან. სწავლისაგან თავისუფალს დროს ყველანი ერთად იკრიფებიან. ქალების განყოფილებაში მექიანურენი, მესალამურენი დას-დასად იყრიან ერთად თავს და თითოეული მათგანი იმ დასს უერთდება, რომელშიაც მისნი ამხანაგნი არიან საკრავის ცოდნის მხრივ. თუ უსინათლოს შეუყვარდა ვინმე, ჯერ მაგალითი არა ყოფილა, რომ შეიძლოს! მეგობრობა იმათთვის ნუგეშია. ამასთან დიდად სამართლიანნიც არიან და ნათელი, ღრმა ცოდნა და გაგება აქვთ კეთილისა და ბოროტის შესახებ. იმათსავით ძნელად თუ ვინმე მოვიდეს აღტაცებაში, როდესაც ამბავს მოიგონებს დიდისა რისამე ღვაწლისა ანუ დიდსულოვან და სულგრძელ საქციელისას.

— საკრავზედ კარგად უკრავენ? ჰკითხა ვოტინმა.

— ძალიან უყვართ მუსიკა! მუსიკა იმათი სიხარულია, სიცოცხლე. თვით ბალებიც-კი რამდენიმე საათი უძრავად დგანან ხოლმე და მუსიკას ისმენენ. დაკვრას ადვილად სწავლობენ და გრძნობითაც უკრავენ. მასწავლებელი რომ ეტყვის ხოლმე რომელსამე უსინათლოს, მუსიკის ნიჭი არა გაქვსო, ის ყმაწვილი თუმცა ამის გამო დიდს წუხილშია, მაგრამ მაინც თავ-გამოდებითა სწავლობს. ნეტა გაგაგონათ იმათი დაკვრა! ნეტა გაჩვენათ, როცა უსი-

ნათლო როილს უკრავს! თავი მალლა აქვს აწეული, სახე გასქარხლებია და ტუჩები უღიმის. უბედური ისე აღელვებული და აღტაცებულია, რომ მთლად კანკალებს და თან ყურს უგდებს ტკბილს ჰანგს, რომელიც იშლება და იბნევა მის გარს შემობურულს წყვილიადში. ამ დროს რომ ნახოთ იგი, ნათლად დარწმუნდებით, რომ მუსიკა ნუგეშია, ნუგეში სასწაულ-მომკმედი და ღვთიური. უსინათლო ამ დროს მხიარულია, გამარჯვებულია, ბედნიერებისაგანა ბრწყინავს, როცა-კი მასწავლებელი ეტყვის ხოლმე, შენ საუცხოო დამკვრელი ხარ ჭიანურისა, ანუ სალამურისაო. ასეთი მასწავლებელი იმათთვის მეფუვა, თაყვანს სცემენ, იმის წინაშე მოწიწებულნი და მოკრძალებულნი არიან. მცირე უთანხმოება რომ მოუხდებათ, რჩევის საკითხავად იმასთან გარბიან. შეკინკლავებულ მეგობართა შეპრიგებელიც ის არის, თავის მოსწავლეთა მამის მაგიერობასაც ისა სწევს. დასაძინებლად ისე არ წავლენ, რომ მასწავლებლებს არ უთხრან: „ღამე მშვიდობისაო“. ყველგან, ლოგინშიაც-კი, იმათი სალაპარაკო მუსიკაა, ოპერა, კომპოზიტორი და სხვ. ვისაც იმათი ღიდად დასჯა უნდა, კითხვისა და მუსიკის სწავლის ნებას ნუ მისცემს. ეს სასჯელი ისე ემძიმებათ, რომ სწორედ ძალა არ შესწევს მასწავლებელს ასე დასაჯოს. უსინათლოსათვის მუსიკა იგივეა, რაც ჩვენთვის სინათლე.

— შეიძლება როდისმე იმათთან წასვლა? ჰკითხა დეროსიმ.

— რატომ, შეიძლება, უპასუხა მასწავლებელ-  
მა, მაგრამ სჯობს ჯერ არ წახვიდეთ. წადით მაშინ,  
როცა-კი შეიძლებთ სრულის იმათის უბედურების  
შეკვებასა და გრძნობას იმ სიბრალულისა, რომლის  
ღირსნიც ისინი არიან. საშინელი სანახაობაა. ბავ-  
შეები ღია თანჯარასთან უძრავად სხედან, თითქო  
წმინდა ჰაერითა სიამოვნებენო, თითქოს გასცქერიან  
ვრცელს მწვანე მინდორს, ლურჯად მობიბინე მთებს,  
რის ცქერითაც თქვენცა სტკბებიან. გული გეოუთ-  
ქება, თითქო თითონ შენც თვალის სინათლე გაკლ-  
დება, როცა კი გაიხსენებ, რომ ესენი არაუფერს ჰხე-  
დავენ და ამ დაუსრულებელ სიმშვენიერისას ვერც  
ვერაფერს დაინახავენო. დაბადებიანვე უსინათლო  
ისე არ არის შესაბრალისი. იმას სულ არ უნახავს  
ქვეყანა, ბუნება, დღის სინათლე... იმათ გონებაში  
არავითარი სურათი არა აქვთ ჩაქდებული, არა და-  
უკარგავთ რა და არც სატირელი და საგლოვი აქვთ  
რამე. მაგრამ ისეთებიც არიან, რომელთაც ეხლა ხანს  
დაუკარგავთ თვალის სინათლე და ჯერ კიდევ ახსოვთ  
ყველაფერი და თავიანთს დანაკარგს მწვავედა ჰგრძნო-  
ბენ. განა აღვილია, როცა ადამიანი ჰგრძნობს, რომ  
მისთვის ძვირფასს სურათს და სახეს იმის გონებაში  
ბინდი და ბნელი ეფარება და იღვევა, თათქოს კვლე-  
ბაო. ერთმა ბავშვმა ერთხელ მითხრა: «ერთის წუ-  
თით მაინც არის რომ შემეძლოს მხოლოდ ჩემის  
მშობლის სახე დაეინახო... აღარც-კი მახსოვსო...  
მშობლები მოსდიან, ბავშვები პირი-სახეზედ ხელს უსკა-



მენ, რა არის სახის მოყვანილობა კარგად დავიხსოვ-  
მოთო. ბევრი მათგანი თვალ-ცრემლიანი ბრუნდება  
უკან. თვით მკაცრს, გულ-ქვა ადამიანსაც-კი იმათ  
დანახვაზედ ასე ჰგონია, არც ერთს ჩვენგანს ღირსეუ-  
ლად არ დაუმსახურებია ის დიდი სიკეთე და ნიჭი,  
რომლის შემწეობითაც ყოველ დღე შეუძლიან დას-  
ტკბეს ცისა, მზისა და ადამიანის ხილვითაო. დარწ-  
მუნებული ვარ, რომ ყოველი თქვენგანი, იმ უბე-  
დურთა ნახვის შემდეგ, სიამოვნებით უწილადებდა  
მცირე ნაწილს თავის თვალის სინათლისას, რომ ერ-  
თი სხივი მაინც ჰქონოდათ იმ ბავშვებს, რომელთა-  
თვისაც არც დღის სინათლეა და არც სიამოვნება  
მშობლის დანახვისა.

24-ი. პარასკევი.

გუშინ საღამოს ჩემს ავადმყოფ მასწავლებელ-  
თან შევედი. მასწავლებელი მოუღალავემა შრომამ  
გახდა ავად; ყოველ დღე ხუთი გაკვეთილი. ჰქონ-  
და, ერთს საათს გიმნასტიკას ანდომებდა და საღა-  
მობობითაც ორს საათს მოწაფეების მომზადებას უნდე-  
ბოდა... განა ძილის დრო-ლა ჰქონდა; ჭამითაც თა-  
ცი-ფუციითა სჰამდა და დილიდგან საღამომდე და-  
უსვენებელს შრომაში იყო. კიდევ ამის გამო და-  
ჰკარგა ჯანმრთელობა. ეს დედაჩემმა მიაგმო. დე-  
დაჩემი კარებთან დარჩა და მე-კი სახლში შევე-  
დი. კიბეზედ კოატი შემხვდა, ის შავ-წვერა მასწავლე-  
ბელი, რომელიც ყოველთვის გვაშინებს და გვტუქ-

სავს და არ-კი გესჯის ხოლმე. კოატიმ დაღვრემი-  
ლის სახით შემომხედა და გაათურებულ ლომსავით  
დაიბრღღვიალა. სიცილით ვრეკდი ზარს, მაგრამ სი-  
ცილი შევიმაგრე, როცა მსახურმა ღარიბულად მო-  
წყობილს, ბნელს ოთახში შემიყვანა. ავადმყოფი  
ვიწრო რკინის საწოლზედ იწვა. მასწავლებელს წვე-  
რი გაზრდოდა. თვლებზედ ხელი აიფარა, შემომხე-  
და და აღერსიანად შემომეკითხა:

— შენა ხარ, ენრიკო!

მიეუახლოვდი.

— კარგია, რომ ავადმყოფის სანახავედ მოხვე-  
დი. როგორცა მხედავ, ცუდადა ვარ. რა ამბავია  
თქვენსკენ? ამხანაგები როგორ არიან? ყოველივე  
წესსა და რიგზეა უჩემოდაც? უმოხუცებულოდაც  
წესიერებაა განა?

მინდოდა მეპასუხნა, მაგრამ არ დამაცადა.

— ვიცი, რომ გიყვარვართ.

ავადმყოფმა ამოიოხრა. მე-კი კედელზედ ფო-  
ტოგრაფიულს სურათებსა ვსინჯავდი.

— სულ ჩემი შეგირდები არიანო, სთქვა მან:  
ოცის წლის განმავლობაში გადაღებული! კარგი  
ბავშვები არიან. როცა სიკვდილი მომიახლოვდება,  
უკანასკნელად შევხედავ მაგ ცულლუტებს, რომელ-  
თა შორისაც ვცხოვრობდი, და სიამოვნებას ვი-  
გრძნობ. პირველ-დაწყებითს სწავლას რომ დაამთა-  
ვრებ, შენც მომიტანე შენი სურათი.

მაგიდიდგან ფორთოხალი აიღო და მომცა.

— ამაზედ მეტი არა მაქვს-რა.

მწუხარებისაგან გული მიკვდებოდა.

— ყური დამიგდე, განაგრძო კვლავ ავად-  
მყოფმა: იმედი მაქვს, რომ მოვრჩე, ხოლო თუ არა  
მოვრჩი... არითმეტიკაში სუსტი ხარ, იმეცადინე.  
მხოლოდ დასაწყისია. ძნელი, პირველში ძნელად ეჩ-  
ვენება ადამიანს ეს საგანი, მაგრამ უნიკობის გამო-  
კი არა, სიზარმაცისა და დაუჩვევრობის გამო...

ლაპარაკი უძნელდებოდა, ეტყობოდა, რომ  
იტანჯებოდა.

— საშინელი სიცხე მაქვს... გირჩევ ამიცანე-  
ბის ვარჯიშობას გულ-მოდგინედ მოეკიდო. პირველ-  
შივე თუ ვერ გააკეთო, დაისვენე და ისევ მოჰკიდე-  
ხელი. იმეცადინე, ნუ შეუშინდები. და ნურც აშ-  
ფოთლები. ახლა-კი მშვიდობით, დედაშენი მომი-  
კითხე. აქ აღარ მოხვიდე... სასწავლებელში ვნახეთ-  
ერთმანეთს. თუ ვერა მნახო... ოდესმე მოგიგონე,  
რომ მესამე კლასში ერთი მასწავლებელი გყავდათ,  
რომელსაც უყვარდი... დაიხარე!

მე შავი დავიხარე საბნისაკენ და ავადმყოფმა  
მაკოცა.

— კარგი, წადიო! მითხრა და კედლისაკენ გა-  
დაბრუნდა.

კიბეზედ ჩამოვირბინე... მივიჩქაროდი დედისა-  
კენ, რადგან, გულ-აჩუყებულს, მინდოდა გადავხვეო-  
დი და დამეკოცნა.

## წმინდი

25-ი. შაბათი.

ფანჯრიდან დაგინახე დღეს საღამოს, მასწავ-  
ლებლისაგან. რომ მოდიოდი: ქუჩაზედ ერთს დედა-  
კაცს დაეჯახე. იქაც აღევენე თვალ-ყური შენს თავს,  
რადგან ქუჩაზედ სიარულსაც თავისი წესი და რიგი  
აქვს. თუ კერძო სახლში შენს თავს ყურადღებით  
ეპყრობი, რატომ ქუჩაზედაც ასევე არ უნდა მოიქცე?  
ქუჩა—საერთო, საზოგადო სახლია. გახსოვდეს, ენ-  
რიკო: ყოველთვის, როდესაც-კი შეხვდე მოხუცს,  
ხელში ბავშვ-აყვანილს დედაკაცს, მათხოვარას, ყა-  
ვარჯნებით მოსიარულეს, ტვირთ-წამოკიდებულს  
კაცს, მგლოვიარე სახლობას—გზა დაუთმე. მოვალე-  
ნი ვართ პატივი ვცეთ ხოლმე მოხუცებულებას,  
დედობრიულს სიყვარულს, უძლურებას, უბედურე-  
ბას, შრომას, სიკვდილს... როდესაც თვალი მოჰკრა,  
რომ გაქანებული ეტლი ვისმე გატანას ემუქრის, თუ  
ბავშვია, მოაცილე, და, თუ დიდი ადამიანია, გა-  
აფრთხილე. თუ დაინახო, რომ ქუჩაზედ მარტო  
ბავშვი ტირის, ჰკითხე მიზეზი და დააჩუმე. მოხუცს  
თუ ჯოხი გაუვარდეს ხელიდან—მიაწოდე. ბავშვე-  
ბი რომ ჩხუბობდნენ—გააშველე... უფროსების ჩხუბს  
მოერიდე, რომ იმათს უმგზავსს საქციელს არ უცქი-  
რო. პოლიციელთ რომ შებოჭილი კაცი მიჰყავ-  
დეთ, სხვის ცნობის-მოყვარეობას შენსასაც ნუ  
დაუტრთავ, რადგან შეიძლება ის კაცი დიდად მარ-

თალი და უდანაშაულო იყოს. საავადმყოფოს საკაცე რომ დაინახო, ამხანაგებთან სიცილი და ბაასი შესწყვიტე,— შეიძლება იმ საკაცით მომაკედავი და სულთ-მობრძავი მიჰყავდეთ... გაჩუმებული დაიხარე თავი, როცა-კი ცხედარი შენიშნო, რადგან შეიძლება ხვალ შენის ოჯახის რომელიმე წევრთაგანი დამარხო. უსინათლოს, მუნჯს, დასუსტებულს, ობოლოხერს, უპატრონოს შესაფერის პატივისცემით მოეპყარ: იმათის სახით თვით უბედურება და ქველმოქმედება დადის. თუ საზიზღარი ან სასაცილო ჰნახო რამე, ვითომ არც-კი შეგინიშნავს, თვალი მოარიდე. თუ გადაგდებული ანთებული წუმწუმა დაინახო—გააქრე, რადგან შეიძლება ვისმე სიცოცხლედ დაუჯდეს. თუ ვინმემ გზა გკითხოს, ჯეროვანად უპასუხე... უაზროდ ნუ ირბენ, ყვირილს ნუ მორთავ და პირში ნურავის შეპლრიკებ. ქუჩის პატივისცემა და მორიდება გქონდეს. ხალხის განათლების ავ-კარგიანობის შეტყობა იმითიც შეიძლება, ქუჩაში როგორ იქცევიან. თუ ქუჩაზედ უმართებულობაა, იგივე იქნება სახლშიაც. შეისწავლე ქუჩა, შეიგნე ყოველივე წვლილი შენის სამშობლო ქალაქისა. თუ ოდესმე დაშორდები სამშობლო ქალაქს, სასიამოვნოდ დაგრჩება, როცა გაგახსენდება ის ქალაქი, სადაც პირველად აიდგი ფეხი, სადაც პირველად იგრძენ აღელვება, პირველმა ფიქრმა გაგიჩუქუნა და გაიღე გემო მეგობრობისა. ამ ქალაქმა მოგანიჭა სიცოცხლე, აღზარდა, გასიამოვნებდა და გფარავდა. შე-

ისწავლე იმისი ქუჩები და მცხოვრებნი; გიყვარდეს იგი და დაიკავ და დაიფარე, როცა-კი მისი კიცხვა გაიგონო.

შენი მამა.

## მარტი

2-ი. ხუთშაბათი.

გუშინ მამაჩემმა ჩვენს სასწავლებელში მუშათათვის გამართულს საღამოს გაკვეთილებზედ წამიყვანა. სასწავლებელი გაჩაღებული იყო, მუშები თავს იყრიდნენ, მასწავლებელი და სასწავლებლის უფროსი იქვე იდგნენ და ჯაფრობდნენ: ვილაცას ქვა ესროლა და ფანჯრის მინა გაეტეხა. მსახურს ერთის ქუჩაზედ მიმავალ ბავშვისათვის ხელი წაეტანებინა, მაგრამ სტარდი იქა ყოფილიყო და წასარჩლებოდა.

— ეგ არ იყო, არა! ჩემის თვალით დავინახე, რომ ქვა ფრანტიმ გამოისროლა. მეც დამემუქრა: „ვაი შენს ტყავს, თუ გამეციო!“, მაგრამ იმისი არ მეშინიან.

უფროსმა სთქვა, რომ ფრანტი სასწავლებლიდგან სამუდამოდ იქნება გამორიცხულიო. ვიდეჟი და ვუტკეროდი, როცა კლასში მუშები წყვილ წყვილად შედიოდნენ; ოცზედ მეტი შეკრეფილიყო. თორმეტის წლის ქაბუკთან ერთად წველ უღვაშიანი ხელოსნებიც იყვნენ. წიგნებითა და რვეულებით ხელ-

ში პირდაპირ სამუშაოდგან მოსულიყვნენ დურგ-  
ლები, მკედლები, ქვარტლისაგან გაპურულნი, კირ-  
ში გათხუზნული კალატოზები, ფქვილში ამოგანგლუ-  
ლი მეპურეები... სხვა-და-სხვა ხელობის სუნი ტრია-  
ლებდა: წებოსი, ტყავისა, ქონისა და ერბოს სუნი  
ერთად იყო არეული. არტილერიის ჯარის-კაცებიც  
მოვიდნენ, ჩვენს სკამებზედ სხდებოდნენ და წიგნს  
ჩასცქეროდნენ. ზოგიერთნი რისამე ასახსნელად მა-  
სწავლებელთან მიდიოდნენ. იქ იყო ის ახალგაზდა  
მასწავლებელიც, რომელსაც „ვექილს“ ვეძახით. იმის  
მაგიდას რამდენიმე მუშა შემოსხდომოდა და ის  
იმათს რვეულებს ასწორებდა. კოკლი მასწავლებელი  
მღებარის წითლისა და ლურჯის წამლით გათხუ-  
ზნულს რვეულს სინჯავდა და იცინოდა. იმათ მახ-  
ლობლად ჩვენი მასწავლებელი იდგა. მორჩენილი-  
ყო და ხვალდგან გაკვეთილებზედ დაიწყებდა სია-  
რულს.

ყველა კლასის კარები გაღებული იყო. გაკვე-  
თილი დაიწყო. რა გულის-ყურს ადევნებდნენ მასწავ-  
ლებელს: სწორედ თვალი არ მოუშორებიათ. უფრო-  
სი-კი ამბობს ხოლმე, რომ უმეტესი მათგანი მშივ-  
რები არიანო. იმის შიშით, რომ გაკვეთილზედ არ  
დავიგვიანოთო, სახლშიაც-კი არ მიდიან ვახშმის  
საქმელადაო. პატარებმა მთქნარება დაიწყეს, ზოგი-  
ერთს დაეძინა, მასწავლებლები კალმის წვერითა და  
ქალალდით ულიტინებდნენ და ასე აღვიძებდნენ. დიდ-  
რონები-კი ჰფხიზლობდნენ და პირ-დაღებული ისე

იყვნენ სმენად გადაქცეულნი, რომ თვალი არ დაუხამხამებიათ.

ჩვენს ადგილებზე ამ წვერ-ულვაშებიანების დანახვა სწორედ ეუცხოვებოდა ადამიანს. მეორე სართულში ავედით; ჩვენს კლასში შევიხედე. ჩემს ადგილას გრძელ-ულვაშიანი კაცი იჯდა ხელ-აკრული. რომელისამე ქარხნის მომუშავე თუ იყო, ხელს მანქანაზედ წაიხდენდა... მაინც-კი წერას ახერხებდა. ყველაზედ საკვირველი-კი ის იყო, რომ ჩვენი პაწია „კალატოზის“ ადგილას იმისი ზორბა მამა იჯდა, ნიდაყვს დაჰყრდნობოდა და გულ-მოდგინედ კითხულობდა. შემთხვევით-კი არ იჯდა შეილის ადგილას. პირველად რომ მოსულიყო, უფროსისათვის ეთხოვნა, მიჩვენეთ სადა ზის ჩემი „კურდღლის ბაქიაო“. ასე ეძახის თავისს შეილს.

გაკვეთილის დაბოლოებამდე იქ დაეყავით. გარეთ რამდენიმე დედაკაცი ბავშვებთან ერთად თავიანთ ქმრებს ელოდნენ. მუშებმა ბავშვები ხელთ აიყვანეს, წიგნები და რვეულები ცოლებმა ჩამოართვეს და ასე დაიშალნენ თავ-თავიანთს სახლში. რამდენსაჲე წამს ქუჩაზედ ამ აუარებელის ხალხისაგან ხმაურობა იყო. მალე მისწყდა ფეხის ხმა და სიჩუმე ჩამოვარდა, მხოლოდ ჩვენის ტან-მალალის უფროსის აჩრდილი და მოჩანდა. მოღალულ-მოქანცული უფროსი ყველაზედ ბოლოს მიდიოდა სახლში.



5-ი. კვირა.

უფროსმა ფრანტი სასწავლებლიდგან გამოარიცხა. ფრანტის უნდოდა მაგიერი გადაეხადნა სტარდისთვის და ქუჩის კუთხეში უდარილებდა. სტარდი და იმისი და ერთად მოდიოდნენ; ის თავის დას ინსტიტუტიდგან, რომელიც დორა-გროსის ქუჩაზეა, ყოველ დღე თითონ აცილებს ხოლმე. ჩემი და სილვიაც ამ დროს მოდენილიყო სასწავლებლიდგან, ყველაფერი ენახა და შეშინებული მოვარდა სახლში.

გვერდზედ ქუდ-დახურული ფრანტი სტარდის დას უკანიდგან მიჰპარვოდა და ისე დაეწია ნაწნავი, რომ კინალამ უკულმა არ გადაეგდო. საბრალოს დაეკივლა. თუმცა ფრანტი უფრო მალალი და ღონიერია სტარდისთან შედარებით, მაგრამ სტარდი მაინც მივარდნოდა და დაეწყო ცემა. ქუჩა სავსე იყო მოწაფე ქალებით; მოჩხუბართა გამშველებელი-კი არავინა სჩანდა. ფრანტიმ მალე დასძლია სტარდი და ქვეშ ამოიღო. სტარდი ისევე წამოუდგა და ეცა ფრანტის, მაგრამ ფრანტი ისეთს მუშტებსა სცემდა, რომ თვალი ჩაულურჯა და კინალამ ყურიც არ მოაგლიჯა.

— თუნდა მომკალ, მაინც ამ შეურაცხებას არ შეგარჩენ, შე უმგზავსო და უმაქნისო! ყვიროდა სტარდი.

კრივი მაინც არა თავდებოდა; მუშტის ბაგა-ბუგს არც ერთი არ აკლებდა.

— ყოჩაღ, პატარა ბიჭო! იძახოდა ვილაც დე-  
დაკაცი თანჯრიდგან.

— პატარაა და მაინც დას წაესარჩლაო, ამ-  
ბობდნენ სხვანი.

— ნუ შეშინდები!

— გულ-მაგრად იყავ!

— ღონიერი და ასე მშიშარაო, აჯავრებდნენ  
ფრანტის.

გაბრაზებულმა ფრანტიმ წამოსდო თეხი, წააქ-  
ცია სტარდი და ზურგზედ ჩამოაჯდა.

— დამმორჩილდი!

— არა!

— დამმორჩილდი-მეთქი!

— არა!

სტარდი წამოხტა, სტაცა ფრანტის ქამარში  
ხელი, დასცა და გულზედ მუხლი დააქირა.

— მაგ უმაქნისს დანა აქესო, დაიძახა ვილაცამ  
და ფრანტისაკენ გაეშურა, რომ დანა გამოერთმე-  
ვინა.

გაათრებული სტარდი კბილებით სწვდა ხელში  
და ფრანტმაც, მეტი რა ძალა ჰქონდა, გასისხლია-  
ნებულ ხელიდგან დანა გააგდო.

ამასობაში ხალხი მოცვივდა და გააშველეს. ფრან-  
ტი დაოსებული იყო და გული მისდიოდა. სტარ-  
დის სახე დაკაწრული ჰქონდა, თვალი ჩალურჯებუ-  
ლი, მაგრამ მაინც ამაყად იდგა გამარჯვებულსავეით.  
იმისი და ტიროდა, სხვა მოსწავლე-ქალები-კი ქუჩა-

ზედ გაფანტულს წიგნებსა და რვეულებსა ჰკრეფდნენ.

— ყოჩაღ, ბიჭო, დას წაესარჩლო! ამბობდნენ გარშემო.

მაგრამ სტარდი ყურს არ უგდებდა, იმას თავის აბგის დარდი უფრო ჰქონდა: გადაათვალიერა წიგნები, სინჯავდა ხომ არ გამთხუპენია და დამხვეიაო, ხალათის სახელოების მაჯით გაწმინდა, ფანქრები და კალმები რიგზედ ჩაალაგა და ჩვეულებრივის კილოთ დინჯად უნხრა დას:

— აბა შინისკენ გავეჩქაროთ! ოთხისავე მოქმედების ამიკანა მაქვს გასაკეთებელიო.

6-ი. ორშაბათი.

სტარდის სახლში წასაყვანად დღეს იმისი ღამა მოვიდა, რადგან შიშობდა, ფრანტი არ დახვდეს კიდევო. მაგრამ ფრანტი საშიშო აღარ იყო. ამბობენ, ვითომ დააპატიმრებნო. დღეს ბევრი ნათესაობა მოვიდა სასწავლებელში. კორეტის მეშეშე მამაც მოვიდა, ეს მალალ-მალალი, მხიარული, გაწყვილულკაშებიანი კაცი. შვილი ზედ ჩამოსხული მამაა.

თითქმის ყველა ჩემის ამხანაგის მშობლებს ვიცნობ. ერთი წელში მოხრილი, მოხუცებული დედაკაცია, რომელსაც ყოველთვის თეთრი თავ-სახხვევი აკრავს თავზედ; დღეში ოთხჯერ მოდის სკოლაში, სულ ერთია, როგორი ამინდიც უნდა იყოს, წვიმასა და თოვლსაც-კი არ ერიდება, თავისი შვი-

ლიწვილი მოჰყავს და მერე ისევ წასაყვანად მოდის; ზედა ტანსაცმელს გახდის ხოლმე, ჩააცმევს, ყელსახვევს შემოაბორბლის, გაასუფთავენს, აულაგებს რვეულებს. მოხუცს შვილიშვილის მეტი საქმე და საზრუნო სხვა არა აქვს-რა. იმისი შვილიშვილი პირველ კლასის უფროსს განყოფილებაშია. ხშირად იმისი მამა, არტილერიის კაპიტანი რობერტიც მოდის. ჩვენ ყველანი, იმისის შვილის ამხანაგები, სალამს მივცემთ ხოლმე რობერტს და ისიც არავის ივიწყებს. იმათაც-კი, ვინც საწყალოა და ღარიბულად ჩაცმული, აღერსით ეკიდება.

სამწუხარო ამბებიცა ხდება. ერთს ერთი თთვეა, რაც შვილი მოუკვდა, და მეორე შვილთან სასწავლებელში აღარ დადის, მოსამსახურე დედაკაცსა ჰგზავნის იმის წასაყვანად. გუშინ პირველად მოვიდა შვილის დასაფლავების შემდეგ. დაინახა კლასი, თავისის შვილის ამხანაგები — მიზრუნდა და ცრემლები მოერია. ჩვენმა უფროსმა თავისს სამუშაო ოთახში შეიყვანა.

ზოგიერთმა მშობლებმა თავისის შვილების ამხანაგების სახელები იციან. ხანდახან ძმების წასაყვანად მახლობელ სასწავლებლიდგანა და გიმნაზიიდან დები მოდიან ერთი მოხუცია, სამსახურს გარეშე მყოფი პოლკოვნიკი, ქუჩაზედ შეგირდს ან რვეული და ან კალამი რომ დაუვარდეს, მაშინვე მიაწვდის.

მდიდრულად მორთული დედაკაცებიც მოდიან და ღარიბს დედაკაცებს, ხელში კალათით მოსუ-

ლებს, მეგობრულად და ალერსიანად ესაუბრებიან ხოლმე სასწავლებლის შესახებ.

— დღეს რა ძნელი ამიცანა მისცეს გასაკეთებლად!

— თქვენ ისა ჰბრძანეთ, გრამატიკის გაკვეთილმა რა დიდხანს გასტანა!

რომელიმე შეგირდი ავად რომ გახდება, ყველამ იცის ხოლმე ეს ამბავი; თუ უკეთ შეიქმნა, ყველას უხარიან. აი დღეს დილითაც დედაკაცები დამუშა კაცებიც-კი მემწვანილე დედაკაცს კროსს შემოეხვივნენ და შვილის ამბავსა ჰკითხავდნენ. იმის შვილი და ჩემი ძმა ერთს კლასში არიან. მძიმედ არის თურმე ავად... სასწავლებელი ყველას ათანასწორებს და ამეგობრებს!

8-ა. ოთხშაბათი.

აგერ რამდენიმე დღეა, რაც მემწვანილე დედაკაცი კროსი ისე არ გაუვლის დეროსის, რომ განსაკუთრებულის ალერსით არ შეჰხედოს.

ხის საწერლისა და მე-78 №-რის საიდუმლო შეიტყო თუ არა, დეროსის ძალიან შეუყვარდა ქერა და ხელ-გამხმარი კროსი, გაკვეთილის მომზადებასა შველის, კალმებსა, რვეულებსა და ფანქრებს აძლევს საჩუქრად და ისე ექცევა, როგორც ღვიძლს ძმას, თითქოს ამითი უნდა დააჯილდოვოს მამის ტანჯვის გამო, თუმცა კროსის გუმანიც-კი არა აქვს აღებული მამის უბედურის თავ-გადასავალისა.

კროსის დედა კარგი დედაკაცია. შვილის სიყვარულით-ღა ჰსულდგმულებს. დეროსი პირველი მოსწავლეა მთელს კლასში და იმის შვილსა ჰშველის. საბრალო დედაკაცს დეროსი სწორედ ზღაპრულ მეფის შვილი ჰგონია. დიდი ხანია თვალს ადევნებს, თითქოს უნდა უთხრას რამეო, მაგრამ ვერ გაუბედნია. გუშინ დილით ძლივს გაჰბედა. სასწავლებლიდგან რომ გამოვდიოდით, დეროსი შეაყენა:

— უკაცრავად-კი, ყმაწვილო, მაგრამ თქვენ ისეთი კეთილი ხართ, ჩემი პაწაწა გიყვართ... და, თუ შეიძლება... ეს მოწყალება მიყავით... მიიღეთ ეს მცირე საჩუქარი ღარიბის მშობლისაგან.

მწვანელის კალათიდან თეთრი, ოქროს ვარაყიანის ქაღალდით გაკეთებული ყუთი ამოიღო. დეროსი გაწითლდა და უარი განაცხადა.

— თქვენს შვილს მიეცითო, უთხრა გადაწყვეტიტ: მე არ ავიღებ.

საბრალოს ეს უარი ეწყინა და ბოდიშის ხდა დაიწყო.

— თქვენი შეურაცხება არ მინდოდა... ამ ყუთში მხოლოდ ყინვარ-შაქარია...

დეროსიმ თავის გაქნევით კვლავ განუმეორა უარი.

დედაკაცმა კალათიდან კრძალვით ბოლოკის კონა ამოიღო.

— ეს მაინც აიღეთ! ქორთუა! დედას წაუღეთ. დეროსის ღიმილი მოუვიდა.

— გმადლობთ, მე ვერაფერს გამოგართმევთ. რაც შემიძლიან, კროსისათვის არაფერს დავიშურებ, მაგრამ გამოართმევით-კი ვერაფერს გამოგართმევთ. გმადლობთ.

— ხომ არ გეწყინათ! შეშინებითა ჰკითხა დედაკაცმა.

— სრულიადაც არა, ღიმილით უპასუხა დეროსიმ და წავიდა.

— რა კარგი ბავშვია! მხიარულად წამოიძახა დედაკაცმა: ჩემს სიცოცხლეში არ მინახავს ასეთი კეთილშობილი და მშვენიერი ყმაწვილი

ეს კიდევ არაფერი. დღეს ოთხს საათზედ კროსის წასაყვანად იმისი მამა მოვიდა, ჩვეულებრივ ფერმიმქრალი და დაღონებული. თვალებზედვე შევამჩნიე, რომ გუმანი ჰქონდა აღებული, დეროსიმ ჩემი საიდუმლო იცისო. თვალ-დაშტერებით დააცქერდა დეროსის და მწუხარედა და ალერსიანად ჰკითხა:

— ნეტა რად გიყვართ ჩემი შვილი?

დეროსი წამოწითლდა. უნდოდა ეთქვა: „იმიტომ მიყვარს, რომ უბედურიაო, იმიტომ-რომ თქვენც-კი, იმისი მშობელი მამა, უფრო უბედური იყავით, ვიდრე დამნაშავე; იმიტომ-რომ თქვენ კეთილშობილურად გამოისყიდეთ თქვენი დანაშაულიო“....

მაგრამ ძალა ვერ შესწვდა ეს ეთქვა. გულში ამ კაცისა ეშინოდა კიდევ დეროსის. ამ კაცმა სხვისი სისხლი დაღვარა და ექვსი წელიწადი საპატიმროში გაატარა.

კროსის მამა ყველაფერს მიხვდა, ნელის ხმით დაიწყო ლაპარაკი, მაგრამ მაინც ხშირად ხმა უწყდებოდა ხოლმე.

— ჩემი შვილი გიყვართ... მაგრამ იმისი მამა ხომ მთლად არ გეზიზღებათ და იმისთვის ავს არას მონინდომებთ განა?

— არა, არა, პირ-იქით... უცებ წამოიძახა დეროსიმ.

საბრალომ ფეხი წინ წასდგა, თითქოს უნდოდა დეროსის გადაჭხეოდა, მაგრამ ვერ გაბედა, ერთი კიდევ შეჭხედა და თვალეებში ცრემლი მოერიო... მოავლო ხელი თავისს შვილს და საჩქაროდ გაუდგა სახლის გზას.

13-ი. ორშაბათი.

ჩემის ძმის ამხანაგი, მემწვანლის ეზოში რომ სცხოვრობს, შაბათს სალამოს გარდაიცვალა. მასწავლებელმა-ქალმა დელკატისამ შეატყობინა ეს ამბავი ჩვენს მასწავლებელს. გარონება და კორექტიმგამოაცხადეს, კუბოს ჩვენ ავწევთო. კარგი ბავშვი იყო საბრალო. ჩემის ძმის მეგობარი იყო და გატეხილი ყულაბიც აჩუქა. დედაჩემი რომ ჰნახავდა, მიუალერსებდა ხოლმე. წარსულს კვირას მედალი მიიღო. იმისი მამა რკინის გზაზედ მგზავრების ბარგი-ბარხანას ეზიდება. ბავშვი სასწავლებელში ყოველთვის წითელის ქუდით მოდიოდა.



გუშინ, სალამოს ოთხს საათზედ, წავედით მიცვალებულისას ცხედარის ეკლესიაში გამოსასვენებლად. ქვემო სართულში სცხოვრობენ. ეზოში პირველის კლასის შეგირდები, იმათი მშობლები, მეზობლები და მოსწავლე ქალები იდგნენ სანთლებით. ქნი დელკატი და წითელ-ფრთიანი მასწავლებელი-ქალი სახლში შევიდნენ.

ფანჯრიდანა სჩანდა, როგორცა ტიროდნენ ორივენი; უბედურის დედის ქვითინი გამოისმოდა.

ორმა ქალმა, მიცვალებულის ამხანაგების დედებმა, ორი გვირგვინი მოიტანეს. ხუთს საათზედ გამოვასვენეთ ცხედარი. ყველაზედ წინ ერთს მოსწავლეს ჯვარცმის ხატი მიჰქონდა, მერე მღვდელი მიდიოდა და შემდეგ შავებით შემოსილი კუბო მიჰქონდათ. კუბოზედ ელაგა ორი გვირგვინი, მედალი და სამი ქების ფურცელი, რომლებიც უბედურმა წრეულს მიიღო. კუბო გარონეს, კორეტის და ორ მეზობლის შვილს მიჰქონდათ. ქნი დელკატი მოდიოდა და თან იტრემლებოდა, თითქოს თავის შვილსა ჰმარხავსო. იმასთანვე სხვა მასწავლებელი-ქალე-ბიც მიდიოდნენ. შემდეგ განსვენებულის პაწია ამხანაგები მისდევდნენ ცხედარს. ცალს ხელში იის კონა ეჭირათ და მეორე ხელი-კი მშობლებისთვის მოეკიდნათ. ბავშვები კუბოს გაკვირვებულნი შესცქეროდნენ. ერთმა იკითხა:

— მაშ ამას იქით სასწავლებელში აღარ იფლისო?

განსვენებულის დედა სასოწარკვეთილი გაჰკიოდა, როცა კუბო გამოჰქონდათ; ძლივს დააბრუნეს სახლშივე.

ქუჩაზედ სხვა სასწავლებლის შეგირდები შემოგვეყარნენ. წყვილ-წყვილად მოდიოდნენ და ცხედარი რომ დაინახეს, ქუდები მოიხადეს. საბრალო ბავშვმა თავისის მედალით სამუდამოდ დაიძინა. იმის წითელ ქუდს ველარა ვნახავთ! სულ ოთხი დღე იყო ავად, უკანასკნელს დღეს უნდოდა კიდევ ამდგარიყო, გაკვეთილი მოემზადებინა და სულ იმას ამბობდა, რომ მედალი ლოგინთან მქონდეს, ნუ მომაშორებთო. ეშინოდა, არავინ წაიღოსო. ჩემო კარგო, არავინ წაგართმევს! მშვიდობით! ჩვენი სასწავლებელი არასოდეს არ დაგივიწყებს.

დღევანდელი დღე ხვალინდელზედ მხიარულია. მარტის თთვის ცამეტი რიცხვია, ვიქტორ ემანუილის თეატრში ჯილდოთა დარიგების წინა დღეა. წინა დღეა საუცხოო, მშვენიერის დღესასწაულისა, რომელსაც იხდიან აქ ყოველს წელიწადს. წრეულს ის მოსწავლენი, რომლებმაც ჩვენი მოწმობანი უნდა წარუდგინონ ჯილდოს დასარიგებლად ქალაქის საბჭოს, წილის ყრით-კი არა, კენჭით იქმნებიან ამორჩეულნი.

— სასიამოვნო ამბავი უნდა გითხრათ, ბავშვებო! გვითხრა უფროსმა, დილას რომ შემოვიდა გაკვეთილს შემდეგ, და კალაბრიელი გაიხმო.

— კორაჩი, გინდა ხვალ სხვებთან ერთად შენც მოგანდოთ მოწმობების წაღება?

— მინდაო, უპასუხა კალაბრიელმა.

— კარგი! განაგრძო უჟუროსმა: მაშ კალაბრიის წარმომადგენელიც გვეყოლება. ქალაქის საბჭოს უნდა, რომ წელს მოწმობების წარმდგენელ თორმეტ მოსწავლეთა შორის იტალიის ყველა ნაწილის წარმომადგენელი იყოს. სულ ოც სრული ღ ხუთი მოსამზადებელი სასწავლებელი გვაქვს, რომლებშიაც შვითი ათასი მოსწავლე ირიცხება. შეუძლებელია, რომ ყველა ნაწილის წარმომადგენელი არ მოიძებნოს ამათ შორის. ტარკვატო ტასოს სასწავლებელში ორი წარმომადგენელია: სარდინიელი ღ სიცილიელი; ბონკომპა ნაისაში — ფლორენციელი, მოქანდაკეს შვილი; ტომანკოლსაში — რომაელი; მონკიზოსაში — ნეაპოლელი, მხედრის შვილი; ჩვენსაში — გენუელი ღ კალაბრიელი; რომაელი, ლომბარდიელი და ვენეციელიც მოვძებნეთ. ერთი პიემონტიელი-და გვაკლია, მერე-კი თორმეტივე წარმომადგენელი გვეყოლება. საუცხოოა! სამშობლოს ყველა კუთხის მოძმენი საჩუქრებს დაგირიგებენ. ერთად გამოვლენ სცენაზედ და თქვენც ტაშის კვრითა და ვაშას ძახილით დაუხვდებით. ბავშვები-კი არიან, მაგრამ, წლოვანებიანსავე, ისინიც სამშობლოს წარმომადგენელად ჩაითვლებიან. პაწია. სამ-ფეროვანი ბაირალი ისეთივე აღმნიშვნელია იტალიისა, როგორც დიდი. ხომ ასეა? მაშ აღტაცებით დაუხვდით თქვენს ამხანაგებს და დაამტკი-

ცეთ, რომ თქვენი ნორჩი გულიც აღზნებულია სამ-  
შობლოს სიყვარულის ცეცხლით. უფროსი გავიდა.

— მაშ ასე, კორაჩი, კლაბრიის წარმომადგე-  
ნელი შენა ხარ, ღიმილით უთხრა მასწავლებელმა.

ჩვენც ვიცინოდით და ტაშა ვცემდით. ქუ-  
ჩაზედ-კი შემოვებვივენით კორაჩის, ავწიეთ, ხელ-  
დაქერილი მიგვყავდა და თან გავძახოდით:

— გაუმარჯოს კლაბრიის წარმომადგენელს!

კორაჩი ყველას გვიყვარს და სულითა და გუ-  
ლითაც გავუმართეთ ეს დღესასწაული. ისიც იცინო-  
და. ქუჩის ბოლომდის ასე ჩავიყვანეთ. წინ შავ-თმა,  
მალალ-მალალი კაცი შეგვხვდა, დაგვიწყო ყურება და  
თან იცინოდა.

— მამაჩემიაო, სთქვა კორაჩიმ.

ამის გაგონებაზედ საჩქაროდ ჩამოვსვით კორაჩი  
და აქეთ-იქით გავიფანტენით.

14-ი. მარტი.

ორს საათზედ უზარმაზარი თეატრი უკვე სავსე  
იყო. გალერეია, ლოჟები, პარტერი მოსწავლე მას-  
წავლებლებითა და აფიცრებით, მუშებითა, მღაბიო  
დედაკაცებითა და ბავშვებით იყო გაქედილი. თავი  
და ხელი, ბუმბული და ლენტი, ნაწნავი და კავი  
ერთმანეთში აქრელებულიყო. ჩუმი, მხიარული ლა-  
პარაკი ისმოდა. თეატრი სხვა-და-სხვა წითელისა,  
თეთრისა და მწვანე-ფერის სამკაულით იყო მორთუ-

ლი. პარტერიდამ სცენაზედ ორი ასავალი იყო გამართული, ერთი მარჯენივ—საჩუქრების მისაღებად ასასვლელი და მეორე მარცხნივ—უკან ჩამოსასვლელად. სცენის წინა რიგობაზედ რამდენიმე წითელი სავარძელი იდგა და შუა სავარძელს ზურგზედ დაფინის გვირგვინი ეკიდა. იმის წინ მწვანე მაგიდა იდგამაგიდაზედ სამ-ფეროვანის ძაფით შეკრული მოწმობები ელაგა. ძირს მუსიკის ხოროს დაეჭირა ალაგი, მასწავლებლები წინა ლოჟებში იხდნენ. პარტერში მოსწავლეთა მგალობელი ხორო იდგა. ყველას ხელში ნოტები ეჭირა. ვისაც საჩუქრები უნდა მიეღო, ისინიც იქვე იყვნენ გამწკრივებულნი. მთელი თეატრი სავსე იყო მოსწავლეთა ნათესავებით.

ლოჟაში შევედით. ჩვენს პირდაპირ ლოჟაში ახალგაზდა წითელ-ბუმბულიანი მასწავლებელი-ქალი იჯდა და იქვე იყვნენ ქ-ნი დელკატისა—«მონაზონია»—ჩვეულებრივის შავებით და ჩემი წინანდელი მასწავლებელი-ქალი. საბრალო ძალიან ფერ-წასული იყო და ხმა-მალლა ახველებდა.

პარტერში მალე დავინახე გარონე და იმის გვერდით ნელის პაწია თავი. იმათ მოშორებით გაროფი საჩუქრის მისაღებად დანიშნულთა დაბეჭდილს სიებს აკროვებდა და კარგა ბლომდაც მოეკრიფნა. ეშმაკი იყო, ალბად ამ სიებსაც სახეიროდ გამოიყენებდა რადმე. ხვალ შეეტყობა, რასაც გამოატყვრენს.

შემოსავალთან სადღესასწაულო ტანთსაცმლით მორთულნი იდგნენ მეშეშე კორეტი, მისი მეუღლე

და თითონ კორეტი; კორეტიმ მესამე საჩუქარი მიიღო. ვუყურებდი და მიკვირდა, რომ ყავის-ფერი ხალათი არ ეცვა და ტყავის ქუდი არ ეხურა. ისე მოპრანქულიყო, თითქოს პაწია თავადიშვილი იყოსო! ერთს ლოყაში ფოჩიან საყელოთი ვოტინს მოვკარი თვალი; მეორეში, სცენის მახლობლად, არტილერიის კაპიტანი იჯდა, რომეტის მამა.

ორს საათზედ მუსიკის ხმა გაისმა. მარჯვენა კიბით სცენაზედ ავიდნენ ქალაქის მოურავი, გამგეობის წევრი, საბჭოს მწარმოებელი და საბჭოს სხვა წევრნი და წითელს სავარძლებზედ დასხდნენ. მუსიკა დაჩუმდა. სცენაზედ გალობის სასწავლებლის უფროსი გამოვიდა სალოტბარო ჯოხით, შეგირდებს ანიშნა, ისინიც ფეხზედ წამოდგნენ და დაიწყეს გალობა. მგალობელთა ხორავს შეიდასი ბავშვი შეადგენდა. მშენიერადა ჰგალობდნენ. საზოგადოება გულმოდგინედ უგდებდა ყურს. საგალობელის ჰანგი მეტად ნაზი და წყნარი იყო, სწორედ ლოცვასა ჰგავდა. ტაშს კარგა ხანს უკრავდნენ მგალობლებს.

გალობის შემდეგ საჩუქრების დარიგება უნდა დაეწყათ. მეორე კლასის მასწავლებელი, გაქარხლებული და მხიარული, გამოვიდა სცენაზედ და იმათი სია წაიკითხა, ვინც საჩუქრის ღირსად ეცნოთ. საზოგადოება მოუთმენლად ელოდდა იმ შეგირდებს, რომელთაც მოწმობები უნდა დაერიგებინათ. გაზეთებში ნათქვამი იყო, რომ ეს თორმეტი შეგირდი იტალიის ყველა მხრის მკვიდრნი არიანო. ეს „წარმომად-

გენელნი\* განცალკევდნენ და ერთს რიგობაზედ გამ-  
წკრივდნენ. თეატრში მყოფი რამდენიმე ათასი ადამი-  
ანი ერთად წამოდგა და ისეთი ტაშის ცემა ასტეხეს,  
რომ ყურთა სმენა აღარ იყო. „წარმომადგენელნი“  
ერთს წუთს შეკრთნენ.

— აი იტალიაო! დაიძახა ვილაცამ სცენიდან.

კალაბრიელ კორაჩის ხმა ვიცან. ის თავისს ჩვე-  
ულებრივს შავს ტანისამოსში იყო.

ჩვენთან ლოჯაში საბკოს ერთი წევრი იჯდა,  
თორმეტსავე წარმომადგენელს იცნობდა და ჩვენც  
გვისახელებდა.

— აი, ის ქერა ვენეციის წარმომადგენელია.  
ის მალალ-მალალი და ხუჭუქ-თმიანი—რომისა და სხ.

ორნი თუ სამნი მდიდრად იყვნენ მორთულნი,  
დანარჩენნი—მუშის შვილები—ახალ, სადა ხალათებში  
გამოწყობილიყვნენ. ფლორენციელი ყველაზედ პა-  
ტარა იყო. იმათ ქალაქის მოურავის წინ გაიარეს,  
რომელმაც ყველას შუბლზედ აკოცა. ვილაც კაცი  
ჩუმის ხმით და გაღიმებულის სახით უამბობდა მო-  
ურავს იმ ქალაქის სახელებს, სადაურებიც იყვნენ  
ბავშვები.

— ფლორენცია, ნეაპოლი, ბოლონი, პალერ-  
მო...

შემდეგ მაგიდიდან მოწმობები აიღეს. მასწავ-  
ლებელი სიას კითხულობდა. ასახელებდა სკოლას,  
კლასს და დასაჩუქრებულთა სახელებს, რომელნიც ამ

კითხვის დროს ნელ-ნელა, რიგზედ აღიოდნენ სცენაზედ.

ჯილდოთა დარიგებისათანავე სცენის უკანიდგან ნელი და ნაზი ხმა მოისმა მუსიკისა და ბოლომდე უკრავდა. დაჯილდოებულნი საბჭოს წევრებთან მიდიოდნენ და მოწმობებს იღებდნენ. ბავშვებს ელაპარაკებოდნენ, ულოცავდნენ, უალერსებდნენ. საზოგადოება ტაშის ცემას ასტეხავდა ხოლმე, დაინახავდა თუ არა რომელსამე ბავშვს, ან მეტად პაწიას და ან მეტად ღარიბად ჩაცმულს. ზოგიერთები, მართლაც, ძლიერ პაწიები იყვნენ. ერთმა ხალიჩას ფეხი წამოსდო და გაგორდა; გამგეობის წევრმა ააყენა. გარშემო სიცილი და ტაშის ცემა ასტყდა.

მეორეს კიდევ კიბეზედ ჩამოსვლის დროს ფეხი დაუსხლტა და შეჰყვირა, მაგრამ უბედურება-კი არა მომხდარა-რა. არა-სასიამოვნო და გაიძვერა სახის ბავშვებიც-კი იყვნენ, შემკრთალნი, სასაცილონი, სულ ერთიანად გაქარხლებულნი. აგერ კორეტიც გამოჩნდა, თავით ფეხამდის ახლებში გამოპრანქული, მხიარული, ბედნიერი, კეთილი. იღიმებოდა და თეთრს კბილებს აჩენდა. ვინ იცის, რამდენის შეშის გაზიდვა მოასწრო დღეს! ქალაქის მოურავმა მოწმობა გადასცა და ჰკითხა, შუბლი გაკაწრული რადა გაქვსო. პარტერში გადავიხედე: იმის დედ-მამას პირზედ ხელები მიეფარებინათ და ისე იცინოდნენ. დეროსმაც გაიარა, ლურჯს, მბრწყინავ ღილებიანს ხალათში იყო, ოქროს-ფერი ხუკუკა თმა მხრებზედ ეყარა და სწო-



რედ სასიამოვნო სანახავს წარმოადგენდა თავის სინარჩართა და სილამაზით. ქალაქის მოურავი და სხვებიც დაელაპარაკნენ და ბოლოს ხელი ჩამოართვეს. მასწავლებელმა ხმა მალლა დაიძახა:

— ჯულიო რობეტი!

სცენაზედ არტილერიის კაპიტანის შვილი ავიდა ყვარჯნებით. იმისის სულგრძელობის ამბავი ბევრსა ჰქონდა გაგონილი. ხმა მალალის „ვაშა“-ს ძახილითა და ტაშის ცემით დაუხვდნენ, ქალები ხელსახოცებს უქნევდნენ. საბრალო შუა სცენაზედ შეჩერდა, შემკრთალი და აღელვებული... მოურავმა გადასცა მოწმობა, მიიზიდა თავისკენ, გადაეხვია, მერე სავარძლის ზურგიდგან დათვის გვირგვინი გადმოიღო და თავზედ დაადგა. როცა რობეტი უკან ბრუნდებოდა, „ვაშას“ ძახილს საზღვარი არა ჰქონდა...

წყნარი და ნაზი მუსიკის ხმა კვლავ ისმოდა; მოსწავლეები აღიოდნენ ზე აღიოდნენ სცენაზედ. აქ იყვნენ კონსოლტის სასწავლებლის მოსწავლენიც, ვაქრების შვილები; ჯანკილიოს სასწავლებლისაც—ხელოსნების შვილები; ბანკომპანიოს სასწავლებლისაც—გლეხის შვილები ზე, დასასრულ, რეინკრის სასწავლებლის მოსწავლენიც.

ჯილდოს დარიგება რომ დამთავრდა, შეიდასის მოსწავლესაგან შემდგარმა ხორომ საუცხოვო ლოცვა იგალობა, შემდეგ ქალაქის მოურავმა სიტყვა წარმოსთქვა ზე ბოლოს გამგეობის წევრმა, რომელმაც თავისი ნათქვამი ასე დააბოლოვა:

— ბავშვებო, არ დაგავიწყდეთ, სალამი მიეცით იმათ, ვინც თქვენთვის ჰპრობობს, ვინც სულსა და გულს თქვენა გწირავთ და თქვენთვისა სცოცხლობს. აი, ასეთნი ისინი არიანო! სთქვა და მასწავლებლების ლოჯისაკენ გაიწოდა ხელი.

მოსწავლეებმა ერთ-ხმად „ვაშა“ დაიგრიალეს; მასწავლებლები, ქალნი და კაცნი, აღელვებულნი წამოდგნენ ფეხზედ და მადლობის ნიშნად ხელსახოცებს იქნევდნენ. მუსიკის ხმამაც ბანი მისცა. საზოგადოება ერთი კიდევ მიესალმა იტალიის წარმომადგენელთ. ისინი ისევ გამწკრივებულნი იდგნენ და ხალხი ყვავილებსა და თაიგულებს აყრიდა აქეთ-იქი-დგან.

20-ი. ორშაბათი.

დღეს დილით კორეტის წავეჩხუბე. თუმცა იმის სიმშურნით არ მომივიდა, რომ საჩუქარი მიიღო, მაინც-კი მტყუანი მე ვიყავ. მასწავლებელმა ერთად დაგესხა. წერის დროს ხელი წამკრა, ქალალღზედ მელანი დამიღვენთა და ამასთან მარტის თთვიური მოთხრობა „რომაელი“ გამითხუპნა. ჩვენი კალატოზი ავად არის და იმის მაგიერ თეთრად ვწერდი. გავწიწმატდი და კორეტი გავლანძღე.

— უცაბედად მომივიდაო! გაუჯავრელად მიპასუხა კორეტიმ.

უნდა დამეჯერებინა და გავჩუმებულიყავ, მაგ-

რამ იმისი ღიმილი არ მომეწონა. «საჩუქარი მიიღე და თავს წახვედი განა? დამაცადე!» დაიწყო თუ არა წერა, ხელი წავკარ. კორეტი ჯავრით სულ ერთიან ანთო.

— აი, შენ-კი განგება მკარი ხელიო! წამოიძახა და ხელი მომიქნია.

მასწავლებელი გვიყურებდა და ამიტომ კორეტიმ უნებლიედ ისევე ჩამოუშვა ხელი.

— ქუჩაზედ მოგიცდიო... სთქვა ჩუმად.

გული დამიწყნარდა და დამენანა ჩემი წელანდელი წამოპილპილება. არა, კორეტი ისეთი კეთილია, რომ განგებ არ წამკრავდა-მეთქი ხელსა. მომაგონდა, როგორა ჰშრომობს სახლში, როგორ უვლის დედას და მამაჩემსაც, ჩვენსას რომ იყო, რა რაგად მოეწონა. რა მხიარულად ვიყავ მეც მაშინ!.. რა ვიცი რას არ გავიმეტებდი, ოლონდ-კი ჩემი უგუნური სიტყვა და საქციელი გამექარწყლებინა. ვფიქრობდი: მამა მეტყვის-მეთქი: „დამნაშავე შენა ხარ? მაშ ბოღიში მოიხადე...“ მაგრამ არა, ბოღიშის მოხდა არ შემეძლო.... ბოღიშის მოხდა დამცირებაა. მაღვით შევხედავდი ხოლმე. მხარზედ ხალათი გადახეული ჰქონდა, ეტყობოდა, დღესაც ბევრი შეშა გადაეზიდნა. ვგრძნობდი, რომ მიყვარდა.... აბა გავბედოთ... მაგრამ სიტყვა: „უკაცრავად“-კი არ მეხერხებოდა. ისიც გვერდზედ მიყურებდა, ეტყობოდა, უფრო ნაწყენი იყო, ვიდრე გაჯავრებული. მეც

განგებ შუბლ-შეკრული ვუცქეროდი, რომ მეჩვენებინა, შენი არ მეშინიან-მეთქი.

— ქუჩაზედ განხავ რა ვაჟბატონიცა ბრძანდებიო, გამიმეორა.

— ვნახოთ-მეთქი, ვუპასუხე, მაგრამ ამ დროს მომაგონდა მამის დარიგება: თუ მართალი არა ხარ—თავი დაიციე და დაითარე, მხოლოდ შენ-კი ნუ დაჰკრავო. მეც გადავწყვიტე, მოვიგერებ და ხელს-კი არ ვახლებ-მეთქი. მაინც დავღონდი, უკმაყოფილოდ ვიყავ და მასწავლებელს ყურს ვერ ვუგდებდი.

გაკვეთილი გათავდა. ქუჩაზედ გამოვედი; კორეტიც თვალს მაყოლებდა. მე შევდექ და სახაზავი მოვამზადე. მომიახლოვდა თუ არა, ავწიე სახაზავი.

— კმარა, ენრიკო, ღიმილით მითხრა და სახაზავის წვერს მოჰკიდა ხელი: წინანდებურად მეგობრებივე ვიყვნეთ.

გაქვავებულსავით დავრჩი და არა მესმოდა-რა, ვიდრე კორეტის გადახვევამ გონებაზედ არ მომიყვანა.

— ეს პირველი და უკანასკნელი იქნება ჩვენ შორის ჩხუბი განაო? მეუბნებოდა და თან მკოცნიდა.

— უკანასკნელი-მეთქი! ვუპასუხე და ერთმანეთს მეგობრულად გავშორდით.

სახლში მამაჩემს ვუამბე ეს ამბავი, მეგონა ეს მოვინება-მეთქი. მამამ შუბლი შეიკრა.

— პირველად შენ უნდა გაგეწოდებინა ხელი,

რადგან შენა ყოფილხარ დამნაშავეო, მითხრა. შენ-  
კი ჯარის-კაცის შვილს, შენზედ უკეთესს ამხანაგს,  
ცემაც-კი თურმე დაუპირე.

მამაჩემმა გამომტაცა სახაზავი, გადაამტვრია და  
ძირს გადისროლა...

---

### წერილი.

24-ი პარასკევი.

მამამ რომ შეგტუქსა, კორეთის ცუდად რად  
მოჰქცევიხარო, შე რილასთვის მომექეცი უზრდელად?  
ვერ წარმოიდგენ, შენმა ქცევამ რა ნაირად მატკინა  
გული. ჯერ უსუსური იყავ, რომ მე, ამხანაგ-ტო-  
ლებთან თამაშობა სიამოვნების მაგიერ, შენს აკვანს  
არა ვშორდებოდი; როცა ავად იყავ, უძილოდ ვათევდი  
ღამეებს, შუალამისას ვდგებოდი, დაგხედავდი ხოლმე.  
ღმერთმა-კი დაგიფაროს-და, უბედურება რომ მომ-  
ხდარიყო, დედის მაგიერობას გაგიწევდი, შვილსავეით  
მეყვარებოდი. დედ-მამა რომ გამოგვაცალოს ღმერ-  
თმა ხელიდგან, განა მე, შენი და, უკეთესი მცხო-  
ბარი არ ვიქნები შენი. ერთად-ერთი ადამიანი მე-ღა  
ვიქნები, რომელთანაც შეგეძლება ჩვენ გარდაცვა-  
ლებულთა მოგონებაცა და შენის სიყმაწვილისაც.  
გაქირვება დაგვადგება-ღა, მე ვიმუშავებ, შენ სა-  
ზრდოდა და სწავლის ხარჯად ფულს მოვიპოვებ; სა-

უკუნოდ შეყვარები, რადგან ერთად შევიზარდენით და ღვიძლი ნათესავეები ვართ. წასვლა რომ მოგიხდეს სადმე, ჩემი ფიქრი თან გამოგყვება... მერწმუნე, ენრიკო, რომ ვაჟკაცობის დროსაც, უბედური რომ იყო, მაინც მე მომნახავ, მოხვალ ჩემთან და მეტყვი: „დაო სილვია! მომეცი შენთან დარჩენის ნება, ერთად გავიხსენოთ ჩვენი წარსული ბედნიერება, მშობელი დედა, მშობელი სახლი და სამუდამოდ წარსული, ბედნიერი დრო ყმაწვილობისაო!“

ძვირფასო ენრიკო, მაშინ შენი და ყოველთვის გულ-მხურვალე თანაგრძნობით დაგვხედდება. მაშ მომიტევე, ამას რომ გწერ! შენს დანაშაულს არასოდეს არ დავიხსომებ; შენ ჩემთვის ყოველთვის ძვირფასი იქნები. მხოლოდ ის მახსოვს, რომ საერთოდ გვიყვარს ჩვენი მშობლები, მახსოვს, რომ მე გლოლიაობდი, თვალ-ყურს გადევნებდი როგორც იზრდებოდი და შენი ერთგული ამხანაგი ვიყავ... მომწერე რამე, ტკბილი სიტყვა გამაგონე, მოვალ და დაძინებამდე წავიკითხავ. აი იმისი საბუთი, რომ არა ვჯავრობ: შეგატყე, რომ დაღალული იყავ და ამიტომ გადავწერე ის თთვიური მოთხრობა «რომაელი», რომელიც ავადმყოფ კალატოზისათვის უნდა გადაგეცა. შენის მაგიდის მარცხენა უჯრაშია ეს გადაწერილი მოთხრობა. ლამე ვწერდი. მაშ მომწერე რამე, ენრიკო, გთხოვ.

შენი და სილვია.

ძვირფასო დაო, ღირსიც-კი არა ვარ, რომ ხელეები დაგიკოცნო!

ენრიკო.

## რომელი

(ყოველ თვეური მოთხრობა)

იმ საღამოს ფერუჩიოს სახლში ჩვეულებრივზედ უფრო დიდი სიჩუმე ჰსუფევდა. მეწვრილმანე ფერუჩიო ცოლითურთ ფორლიში წავიდა; თითონ სასყიდლები ჰქონდა და ცოლმა-კი ძუძუთა ბავშვი ლუიჯინა თვალის ექიმთან წაიყვანა საჩვენებლად. უკან მეორე დღეს უნდა დაბრუნებულიყვნენ. შუალამე გადასული იყო. მოსამსახურე დედაკაცი, რომელიც მარტო დღე ემსახურებოდა, შებინდებისასვე წავიდა. სახლში დამბლად დაცემული ბებია და ცამეტის წლის ჯულიო ფერუჩიო-ლა დარჩნენ. პატარა ერთ-სართულიანი სახლი დიდს, შარა გზაზედ იდგა, ფორლის მახლობელ სოფლის განაპირად. ამ სახლის გვერდით დანგრეული სახლი იყო. იმ ორის თთვის წინად ეს სახლი დაიწვა და შიგ ალარავინ სცხოვრობდა. სასმელების დუქნის თუნუქის განცხადება ზედვე ეკრა. ირგვლივ სულდგმული არავინ იყო. ფერუჩიოს სახლს უკან პატარა შემოდობილი ბოსტანი იყო გაშენებული. სახლს ორი კარები ჰქონდა, ერთი ბოსტანისკენ გადიოდა, მეორე—შარა გზაზედ. გარშემო-კი მხოლოდ მინდორი და თუთის ხეები-ლა სჩანდა.

ქარიშხალი ჰქროდა და წვიმა მოდიოდა. ჯულიო და ბებია სამზარეულოში ისხდნენ. სამზარე-

ულოს უკან საკუქნაო იყო ათასის ხარა-ხურით ავსებული; საკუქნაოს ფანჯრები გადასცქეროდა. ჯულიო სახლში გვიან დაბრუნდა. გულის ცახცახით თერთმეტ საათამდე ელოდდა ბებია; ეს ავადმყოფი უძრავად იყო თავისს დიდს საფარძელში, რომელშიაც მჯდომარე ატარებდა მთელს დღეს და ხშირად ლამესაც; წოლა არ შეეძლო, რადგან გულის ნათაზი ჰქონდა.

კოკი-პირული წვიმა მოდიოდა; საშინელი ბნელი ღამე იყო. ჯულიო დაღალული, ლაფში მოთხვრილი და მთლად გაწუწული მოვიდა. ხალათი დახეული ჰქონდა, თვალი ჩაშავებული. ჩვეულებრივად, ამხანაგებთან ჩხუბი მოსვლოდა, ფულები სულ ერთიანად წაეგო და ქუდიც-კი დაჰკარგოდა.

სამზარეულოში მხოლოდ პატარა ზეთის სანათური ენთო, მაგრამ ბებია მანც შენიშნა რა საცოდავად დაბრუნდა მისი შვილიშვილი. ჯულიომ თავისი თავ-გადასავალი თითონვე აღიარა.

ბებერს გაგიჟებით უყვარდა თავისი შვილიშვილი.

— ბოროტი ხარ, შვილო, უთხრა თვალ-ცრემლიანმა ბებია: მცირედაც არ გეცოდები. არა გრცხვენინან, გაგიხარდა, რომ დედ-მამა წაგივიდნენ და ჩემი გაჯავრება არაფრად ჩააგდე. მთელი დღე მარტოს დამანებე თავი. გაფრთხილდი, ჩემო კარგო, ფეხ-ასაცდენი გზა ამოგიჩქევია, კეთილს ვერ შეეყრები. ჩემს სიცოცხლეში შენისთანა ბევრი მინახავს... სიკეთე არავის დაჰყრია. იმითი იწყებენ ხოლმე, რომ



სახლიდგან გარბიან, ამხანაგებს ეჩხუბებიან, ფულს აგებენ და მუშტს შემდეგ დანასა სწვდებიან, ყომარბაზობის შემდეგ სხვა უფრო უმგზავს ხელობას ექიდებიან... ქურდობენ...

ჯულიო განჯინას მიჰყრდნობოდა და ჩხუბისაგან აღელვებული თავ-ჩალუნული და შუბლ-შეკრული იდგა. თმა შუბლზედ ჩამოშლოდა და ცისფერი თვალები გაშტერებული ჰქონდა.

— ყომარბაზობას ქურდობა მოსდევს, ამბობდა თვალ-ცრემლიანი ბებერი. მიიხედ-მოიხედე, დაფიქრდი. აქაური ვიტომოცონი გაიხსენე! ღმერთმა შერი-სხა! ეხლა ქალაქში დაეხეტება უგზო-უკვლოდ! ჯერ ოც-და-ათხის წლისა არ არის და ორჯელ იყო სამართალში მიცემული და დაპატიმრებული. მამაშენი სალამს არ აძლევს—სცხვენიან! იმისი დედა შვილის დარდისაგან გარდაიცვალა და მამა-კი შვეიცარიაში გარდაიხვეწა. იმ უბედურებს კარგად ვიცნობდი. შვილი-კი თავისზედ უარესებს ეტანება და კატორგა არ ასცდება!.. ბავშვი მჭერია ხელში... აი, შენც ეს გზა აგირჩევია! გონს მოდი: შენც შენს მშობლებს ამ ყოფამდე მიახწევინებ... ისინი მაინც გებრალე-ბოდეს...

ჯულიო გაჩუმებული იყო. გულით ბოროტი არ იყო. ეშმაკობა და ცუდაობა გაფუჭებულის ბუნებით კი არ მოსდიოდა, არამედ იმიტომ, რომ მეტად კოცხალი იყო, გამბედავი და მკვირცხლი. ამასი მამასაც ბრალი მიუძღოდა: არ უშლიდა, სულ

იმას ელოდდა, რომ წლოვანებაში რაკი შევა, გონე ბაზედ მოვაო. ბოროტი არა, მაგრამ თავის ნათქვამი და ჯიუტი-კი იყო ჯულიო... გულწრფელ სინანულის დროსაც თავის კერპ თავისათვის ძალა ვერ დაეტანებინა და ვერ ეთქმევინებინა: „დამნაშავე ვარ, მაპატიე, ვეცდები დავიშალოვო“, ის კარგი სიტყვები, რომელსაც პატიება მოსდევს. თუმცა გული მოუბრბილდებოდა ხოლმე, მაგრამ სიამაყე ნებას არ აძლევდა თვისი გულ-ჩვილობა შეემჩნევილებინა ვისთვისმე. გაჩუმებული იყო ხოლმე.

— ახ, ჯულიო! განაგრძო ბებიაშ. შენ მანც ხმას არ იღებ! ხომ ჰხედავ, ერთი ფეხი უკვე სამარეში მიდგას! მაინც-კი მაწვალებ, ცრემლს მაფრქვევინებ! მე დელიშენის დედა ვარ, მოვხუცდი და ჩემი უკანასკნელი დღე შორს აღარ არის! ყოველთვის მიყვარდი, გზრდიდი, გივლიდი, გარწევდი... შენის გულისთვის სმა-ქამაც-კი მავიწყდებოდა, მეგონა, გაიზრდება, მანუგეშებს-მეთქი... და აირასა ვხედავ!.. სიცოცხლის ამ ორიოდე დანარჩენ დღესაც შეეწირავდი, ოლონდ-კი წინანდებულად კეთილი და გამგონე იყო. ეკკლესიაში რომ წაგიყვანდი ხოლმე, გახსოვს: გზაზედ ჯიბეებს ჭვიშითა და კენჭით მივსებდი და მე-კი იქიდგან სახლში მძინარეს წამოგიყვანდი ხოლმე ხელით. მაშინ გიყვარდი და ეხლა-კი დამბლად დაცემული ვარ... შენი სიყვარული ჰაერსავით გამომა-ცოცხლებდა... შენს მეტი ვილა მყავს... ღმერთო!..

აღელვებულს ჯულიოს უნდოდა მივარდნოდა

ბებიას და გულში ჩაჰკვროდა... საკუქნაოში რაღაცამ დაიქრიალა, თითქოს ქარმა კარები შემოახეთქაო. ჯულიო სმენად გადაიქცა.

წვიმა კვლავ მოდიოდა.

ხელ-მეორედ გაისმა რახუნი. ბებიამაც გაიგონა.

— რა უნდა იყოს? იკითხა ბებიამ.

— წვიმა იქნება, უპასუხა ჯულიომ.

ბებიამ თვალები მოიწმინდა.

— პირობა მომეცი, ჩემო შვილო, რომ შენს ავს ქცევას მოიშლი და აღარ მატირებ!.. კიდევ!.. ეს წვიმა არ უნდა იყოს?.. წამოიძახა გაფითრებული ბებერმა. ნახე... მაგრამ არა, მოიცა, ნუ წახვალ! და ბებერმა ჯულიოს ხელი სტაცა.

ორივენი გულის ფანქვალით შესჩერებოდნენ კარებს. ფანჯრის შუშებზედ წვიმას ღაპა-ღუპი გაჰქონდა. უცებ ორივენი შეკრთნენ: საკუქნაოდგან ფეხის ხმა მოისმა.

— ვინ არის? დაუყვირა შეშინებულ ჯულიომ. პასუხი არავინ მისცა.

— ვინ არის მანდა! განიმეორა ჯულიომ და ცივმა ოფლმა დაასხა. უცებ ბებიამ და იმან ერთად შეჰკივლეს.

დერეფნიდგან ორი კაცი შემოვარდა.

— ხმა, თორემ მოგკლავო! დაიყვირა ერთმა და პირზედ ხელი მიაფარა ჯულიოს.

— ჩუმად! განიმეორა მეორემ, სტაცა ბებერს ყანყრატოში ხელი და დანა ამოიღო.

ორივეს თავ-პირი ხელსახოცებითა ჰქონდათ  
შებორბლილი. ოთახში ამ ავაზაკების მძიმე ქშინვა,  
ბებრის ხრიალი და ქარის ღმუილი-ღა ისმოდა.

— სადა აქვს მამაშენს ფული? ჰკითხა იმან,  
რომელსაც ჯულიო ჰყავდა დაჭერილი.

— იქ, განჯინაში... კბილების კაწკაწით მი-  
უგო ბავშვმა.

— მიმიყვანე.

ჯულიო თრევით გაიყვანა ღუქანში. იატაკზედ  
სანათური ენთო.

— რომელს განჯინაშია?

ჯულიომ დაანახვა.

ქურდმა ჯულიო განჯინის წინ წააქცია, ზურ-  
გზედ მუხლი დააქირა და მზად იყო დაერჩო, რომ  
დაეყვირა. დანა კბილებში გაიმაგრა, განჯინის კლი-  
ტე გასტება და ქოთება დაუწყო. გაივსო ჯიბეები,  
მერე განჯინის კარები მიჰხურა, შემდეგ ისევ გაალო,  
გადაათვალიერა, ბოლოს ჯულიოს კინწი ჰკრა ჭ  
სამზარეულოში გამოაგდო. მეორე ამხანაგი იქ ბე-  
ბერსა სდარაჯობდა, რომელიც თავისს სავარძელ-  
ში იყო პირ-ქვე დამხობილი.

— ჰა, იპოვე? ჩუმადა ჰკითხა ამხანაგმა.

— ვიპოვე! უპასუხა პირველმა: აბა მიიხედ-  
მოიხედე, ხომ არავინ არის?

ამხანაგმა ბებერს თავი დაანება, ბოსტნისკენ  
გასავალ კარებში გაიხედა და მალევე დაბრუნდა.

— წავიდეთ, დროა.

— თქვენ ეი, ხმა ჩაიწყვიტეთ, თორემ დავ-  
ბრუნდები და დაგხოცავთ! დავმუქრა ჯულიოსა და  
ბებერს მიმავალი ავაზაკი და თან დანა დაანახვა.

უცბად შორიდგან სიმღერის ხმა მოისმა; — რამ-  
დენიმე კაცი ერთად მოიმღეროდა; ავაზაკი აჩქარ-  
და და კარებს ეცა. ამ დროს პირისახიდგან ხელსა-  
ხოცი ჩამოვარდა.

— მოცკონიო! შესძახა მოხუცმა.

— წყეულმა მიცნო! შეჭლრიალა ავაზაკმა და  
დანით მივარდა ბებერს.

მოხუცი გულ-შელონებული იყო. ჯულიო გადა-  
ეხვია და მთლად ზედ გადაეფაფრა. ავაზაკმა დანა და-  
ჰკრა, მაგიდა და სანათური გადააქცია და გაიქცა.

ჯულიო ნელა ჩამოცოცდა ბებიას მუხლზე-  
ბზედ და თან ეხვეოდა მოხუცს.

საშინლად ბნელოდა. სიმღერის ხმა მისწყდა.  
მოხუცი გონს მოვიდა.

— ჯულიო! გაეხმაურა მოხუცი.

— ბებიავ...

ბებერი ხმა-მალლა სცდილობდა ლაპარაკს.

— აქ აღარ არიან?

— არა.

— მაშ არ მომკლეს... ჩიუჩიფებდა მოხუცი.

— მადლობა ღმერთს, არა!.. ფული წაიღეს...

მაგრამ რაც ჰქონდა, მამამ თან წაიღო.

ბებიამ თავისუფლად ამოისუნთქა.

— ბებიაჯან... უთხრა ჯულიომ და ფეხზედ.

არა დგებოდა: გიყვარვარ?

— ჯულიო, ჩემო შეილო!

მოხუცმა თავზედ ხელი გადაუსვა.

— უეჭველია შეგეშინდებოდა!.. ღმერთო შე-  
მიწყალე! სანათური ანთე... ან არა, იყოს, ბნელა-  
ში სჯობს. ჯერ ისევ მეშინიან..

— ბებიავ! განიმეორა ბავშვმა: ყოველთვის გა-  
ჯავრებდი განა...

— არა, გენაცვალე, ნუ მეტყვი მაგას... აღარც-  
კი მახსოვს, ყველაფერი დამავიწყდა. ყოველთვის  
მიყვარდი და მეყვარები კიდევ.

— ყოველთვის გაწუხებდი, იმეორებდა ჯულიო  
და ხმა უკანკალებდა: მაგრამ მიყვარდი-კი. მაპატიე,  
ჩემო ბებიავ! მაპატიებ?

— მიპატიებია, შეილო, მიპატიებია. ადექი,  
გენაცვალე, არასოდეს აღარ გაგიჯავრდები. კარგი  
და კეთილი მყევხარ... მოდი, სანთელი ავანთოთ.  
ადექი.

— გმადლობ, ბებიაჯან! ძლივს-ღა უპასუხა  
ჯულიომ. ეხლა... ეხლა მიხარია... მომიგონე ხოლ-  
მე... მომიგონებ? შენს ჯულიოს მოიგონებ?

— ჯულიო, შეილო! შეშინებული და გაკვირ-  
ვებული შეპყვირა მოხუცმა.

ხელები მხარზედ დაადო და იმისკენ დაიხარა,  
რომ სახეზედ დაეხედნა.

— მომიგონეთ ხოლმე... გაუგებრად ბუტბუ-  
ტებდა ჯულიო. ჩემს მაგიერ დედას, მამას, ლუიჯი-

ნას აკოცე... მშვიდობით, ბები.....

— ღმერთო, ღმერთო... რა დაგემაართა! შე-  
შინებული წაავლო მოხუცმა ხელი ბავშვის თავს,  
რომელიც უღონოდ დაეცა მუხლებზედ. რა მოგი-  
ვიდა! ჯულიო, ჯულიო! შვილო! ჩემო სიხარულო!  
ღმერთო! მიშველეთ....

ჯულიო არ გაეხმაურა.

თავისის დედის მშობელი გადაარჩინა სიკვ-  
დილს... დანამ წელში გაუარა და თავის გამბედავი და  
სპეტაკი სული ბავშვმა უფალს ჩააბარა.

18-ი. სამშაბათი.

საბრალო კალატოზი ანტონიო რაბუკო ძლიერ  
ავად არის. მასწავლებელმა გვითხრა, რომ შეგი-  
ძლიანთ იმის სანახავად წახვიდეთო. გარონე, დე-  
როსი და მე მოვემზადენით წასასვლელად. ჩვენთან  
წამოსვლა სტარდისაც უნდოდა, მაგრამ მასწავლე-  
ბელმა მოგვანდო კავურის ძეგლის აღწერა ლ სტარდი  
ძეგლის დასათვალიერებლად წავიდა, რომ თხზუ-  
ლება უკეთ დაეწერა. ამპარტავან ნობისს სა-  
ცდელად ვუთხარით, შენც წამოდიო.

— არ წამოვალ! მოკლეთ მოგვიქრა.

ვოტინმაც უარი სთქვა; იქნება იმასა ჰშიშობს,  
ვაითუ კირით მოვითხუნოვო.

სასწავლებლიდგან წვიმაში გამოვედით.

— რა ვუყიდოთ ავადმყოფს? იკითხა გარონემ  
და ორი აბაზი ამოიღო.

მეც და დეროსისაცა გვექონდა ფული. სამი დიდი ფორთოხალი ვუყიდეთ და სულ ზემო სართულში ავედით. შესავალს კარებში დეროსიმ მე-  
დალი მოიხსნა და ჯიბეში შეინახა.

— რაღა ჰქმენ-მეთქი აგრე? ვკითხე.

— არ ვიცი.... მიპასუხა. უმედალოდ უფრო კარგია.... თავის მოწონებას ვერავინ შემომწამებს...  
კარები დავარახუნეთ... უშველებელმა კაცმა გაგვიღო, კუშტისა და შეწუხებულის სახისამ.

— ვინა ხართ? იკითხა.

— ანტონიოს სასწავლებლის ამხანაგები ვართ, ფორთოხალი მოვუტანეთ! უპასუხა გარონემ.

— საწყალი ტონინი! ძნელად თუ შეიძლოს ფორთოხალის ქამა? გვითხრა კალატოზმა და თვალების წმენდით შეგვიშვა ოთახში.

კალატოზი სწორედ ბანის ქვეშ სცხოვრობდა. ანტონიოს პატარა რკინის საწოლზედ ეძინა. დედას ხელებზედ დაეყრდნო სახე, ავადმყოფის თავთან იჯდა და ჩვენს შესვლაზედ არც-კი მოიხედა. კედლებზედ საკალატოზო იარაღი ეკიდა: ცხრილი, ქაფჩა და სხვ. მამის კირში ამოსვრილი ხალათი ავადმყოფს ფეხებზედ ეხურა. ანტონიო გამხდარი და გაყვითლებული იწვა, ცხვირი თითქოს გასწვეტებოდა და მძიმედ სუნთქავდა.... კეთილო, მხიარულო ამხანაგო ტონინი! რა ნაირად მებრალეები! რას არ გავიმეტებდი, რომ კიდევ გნახო კლასში, შენი სასაცილო დაბრეცა დავინახო! საწყალო ჩვენო „კალატო-



ზო“... გარონემ ფორთოხალი საბანზედ დასდო. ფორთოხალის სუნმა ანტონიო გამოაღვიძა. ერთი ხელი ფორთოხალს წაატანა და მეორე ხელი ძალ-დატანებით გარონეს გაუწოლა.

— არათფერია! ნუ შეშინდები, „კალატოზო“, უთხრა გარონემ და ორივე ხელები მოჰკიდა ხელზედ. მალე გაგივლის, მორჩები, სასწავლებელში დაბრუნდები და მასწავლებელი მე და შენ ერთად დაგვსხავს... გინდა?..

ანტონიო ჩუმად იყო. დედამ ქვითინი დაიწყო.

— ტონინო, ჩემო საბრალო ტონინო! პატიოსანი, კეთილი ბავშვი მყავს და ამასაც ღმერთი მართმევს.

— თუ ღმერთი გწამს, დაჩუმდი! ნაღვლიანად წამოიძახა კალატოზმა: დაჩუმდი, თორემ ლამის არის ჰკუაზედ შევიშალო.

მერე ჩვენ მოგვიბრუნდა და სთქვა:

— წადით, ბავშვებო! გმადლობთ! აბა აქ რას გააკეთებთ! წადით, გმადლობთ, შინ წადით.

ანტონიომ ისე მილულა თვალები, თითქოს მიცვალებული იყოსო.

— ხომ არათფერი უნდაო? ჰკითხა გარონემ.

— არათფერი, ჩემო კარგო! გმადლობთ, სახლში წადით.

ავადმყოფის მამამ გამოგვაცვილა და კარები დაჰკეტა, მაგრამ ჯერ კიბის ნახევარს არ ვიყავით ჩამოსული, რომ კალატოზის ხმა მოგვესმა.

— გარონე! გარონე!

უკანვე ავირბინეთ.

— გარონე! გახარებული იძახდა მამა: გიცნო, შენი სახელიცა სთქვა ორის დღის ხმა ამოუღებელმა! გეძახის, შენი ნახვა უნდა! ზალე წამოდი! ღმერთო, კაი ნიშანი მაინც იყოს!..

— ნახვამდის, მე აქ დავრჩები! გვითხრა გარონემ და კალატოზს შეჰყვა ოთახში.

დეროსის ცრემლები მოერია.

— „კალატოზისათვისა“ სტირი? ვკითხე. ეხლა მგონი იმედია მორჩება, არა?

— მეცა მგონია, რომ მორჩება, მიპასუხა დეროსიმ... მაგრამ მე სულ სხვა ფიქრში ვიყავი! რა კეთილი და რა კარგის გულისაა გარონე!

## წ ე რ ი ლ ი

29-ა. ოთხშაბათი.

გრაფ კავურის ძეგლის აღწერა მაქვს მონდობილი. აწერთ ასწერ, მაგრამ კავურის მნიშვნელობის შეგნება-კი არ შეგიძლიან. ჯერ-ჯერობით ეს მაინც იცოდე, რომ კავური დიდხანს იყო პიემონტის პირველ მინისტრად. 1849 წელს, ნაფარიაში რომ დაგვამარცხეს, საჭირო იყო ჯარის გამარჯვებითვე ჩვენის სამხედრო სახელის აღდგენა. კავურმა 1854 წ. პიემონტის ჯარი ყირიმში გაჰგზავნა, სადაც ამ ჯარმა მონაწილეობი მიიღო ბრძოლაში

შავს მდინარესთან. 1859 წელს, კავურისავე რჩევით, ას ორმოც-და-ათი ათასი ფრანგი ალპის მთას გადავიდა და ლომბარდიიდან ავსტრიელები განდევნა. კავური იტალიის საქმეებს ჰმართავდა მისის განახლების დიდებულს ჟამს, იმ დროს, როდესაც ამბოხება და არეულობა იყო, და დიდადაც წასწია წინ იტალიის შეერთების წმიდა საქმე. ყოველივე ეს შესძლო იმისმა ბრწყინვალე ქკუამ, მტკიცე და დაუძლეველმა ხასიათმა და დაულალავმა მოღვაწეობამ.

ბრძოლის ველზედ ჯარის უფროსნი საშინელს ვაებას გამოივლიან ხოლმე... არა ნაკლებს ყოფაში იყო კავური თავისს სამუშაო ოთახში: იტალიის გაერთების დიდებული საქმე შეიძლებოდა ყოველ წამს დარღვეულიყო და დაშლილიყო, როგორც მიწის-ძვრისაგან სახლი გაღმონგრევა ხოლმე. კავური დღე და ღამე მოუსვენარს ყოფაში იყო, ისეთს ბრძოლასა და ხეთქებაში, რომლისაგანაც გონება ერევა ადამიანს და სხეული უკვდება. ამ შფოთით სავსე საქმემ ბევრის ხნით შეუმოკლა სიცოცხლე... მოღლილ-მოქანცული, სიცხეში, ავადმყოფობას ებრძოდა, ებრძოდა სიკვდილს და მანც იმისი ფიქრი სამშობლოს სამსახური იყო... „საკვირველიაო, ამბობდა იგი სიკვდილის დროს: საკვირველია, კითხვა აღარ შემიძლიან, კითხვა აღარ ვიცი“... სიცხე უმატებდა; სისხლს უშვებდნენ, ის-კი ისევ იმავე ფიქრებში იყო, იმავე წუხილში: „მომარჩინეთ... გონება მიბნეაღდება მაშინ, როდესაც საჭიროა ყოველი ჩემი ნი-

ჭი და უნარი, როდესაც მეტად შესანიშნავი საქმე მაქვს“... უკანასკნელ წამის დროს მეფე თავს ადგა. დაღონებული კავური ეუბნებოდა: „ბეკერი -სათქმელი მაქვს, თქვენო უდიდებულესობავ, ბეკერი საქმეა კიდევ გასაკეთებელი... აკადა ვარ, არ შემიძლიან“... გახურებული ტვინი სახელმწიფოს ზრუნვისაკენ მიაქროლებდა, ახლად შემოერთებულ ნაწილების ავ-კარგიანობის ფიქრში იყო, იმის ზრუნვაში, რაც გაუკეთებელი და შეუსრულებელი დარჩენოდა. ბოდვის დროს იმეორებდა: „ბავშვებს ასწავლეთ, ახალთაობას... უმაწვილებს ასწავლეთ... მფლობელნიც იყავით და ნურც თავისუფლებას აწლავთ“... სიკვდილი უახლოვდებოდა და ბოდვას უმატა. ეძახდა გარიბალდის, რომლის აზრის თანახმაც არ იყო; აგონდებოდა განუთავისუფლებელი რომი, თავისუფლებას მოკლებული ვენეცია. იტალიისა და მთელის ევროპის მომავალი ელანდებოდა, ომი და ბრძოლა უდგა თვალ-წინ; კითხულობდა, ჯარი როგორ არის განაწილებულიო, სამშობლო ერის წუხილში იყო... სწუხდა იმიტომ კი არა, რომ კვდებოდა, არამედ იმიტომ, რომ ჰგრძნობდა, სამშობლოსათვის კიდევ სასარგებლო იყო, კიდევ გაჰოადგებოდა ძვირფასს სამშობლოს, რომელსაც, რამდენისამე წლის განმავლობაში, თავისი ჯან-ლონე შეაღია. მოკვდა და უკანასკნელი მისი სიტყვა საომარი ძახილი იყო...

შესანიშნავს სიცოცხლეს შესანიშნავივე სიკვდილი მოჰყვა...

ენრიკო, მოიფიქრე რა არის ჩვენთვის  
ესოდენ შესანიშნავი შრომა? რა არის ჩვენი მწუხა-  
რება, თვით სიკვდილიც-კი იმათს ღვაწლსა, შრომა-  
სა, შიშსა და შფოთთან შედარებით, რომელთაც  
ხელთ უპყრიათ ბედი და იღბალი სახელმწიფოსი!

ხშირად დაუბრუნდი ფიქრით ამ საგანს, რო-  
დესაც-კი კავურის მარმარილოს ძეგლთან გაივლი, და  
შენდა თავად გულში სთქვი: დიდება შენდა-თქო!  
შენი მამა.

## ა პ რ ი ლ ი

1-ი. შაბათი.

აპრილის პირველია! სამი თთვე-ღა დარჩა! მშვე-  
ნიერი დღეა დღეს! მხიარულადა ვარ; კორექტი და  
იმისი მამა ხვალ ზევით მეფის (იმის მამა მეფეს იც-  
ნობს) დასახვედრად მიდიან და მითხრა, შენც წა-  
მოდიო. დედაჩემი-კი დამპირდა, კარსო-ვალდოკო-  
ში წაგიყვან, „ბავშვების თავშესაფარს“ გაჩვენებო.  
უფრო იმან გამამხიარულა, რომ „კალატოზი“ უკეთ  
არის და გუშინ საღამოს მასწავლებელმა მამაჩემს  
ჩემზედ უჩვენა: „კარგად, უკეთ სწავლობსო“...

დღეს საკვირველი გაზაფხულის დილაა. სასწავლე-  
ბლის თანჯრებში ლურჯად მოკრიალებული ცა იყუ-  
რება, ხეები იფურჩქნება; ყველა სახლის თანჯარა გაღე-  
ბულია. მასწავლებელი ჩვეულებრივ არ იცინის,

მაგრამ კარგს გუნებაზედ-კია (შუბლი შეკრულიც-კი არა აქვს). დიფაზედ ამიციანას გვიხსნიდა და თან ხუმრობდა. სკოლის ფანჯრები ბაღს გადასცქერის; მასწავლებელი სიამოვნებით ჰსუნთქავდა წმინდა ჰაერს; ირგვლივ მწვანე ფოთლის სუნი ტრიალებდა; იქვე მახლობლაჲ მქედელი გრდემლოს კვერსა სცემდა; ქუჩის პირდაპირ, მეორე მხარეს, დედაკაცი ბავშვს არწევდა და ნანას დამღეროდა... ერთს წუთს მქედელმა კვერის ცემას მოუხშირა, დედაკაცმა ხმას უმატა... მასწავლებელი შესდგა, ყური დაუგდო, ფანჯარაში გაიხედა და სთქვა:

— ბუნება, შრომა და დედის სიყვარული... რა მშვენიერებაა!

სხვა კლასის მოსწავლენიც მხიარულად იყვნენ. დარბოღნენ, დახტოღნენ, ჰმღეროღნენ, თითქოს ოთხის დღით იყვნენ დათხოვნილებიო. მასწავლებელი ქალებიც ხუმრობდნენ. წითელ-ფრთიანი მასწავლებელი-ქალი თავისს შეგირდებთან ერთად დარბოდა, ტოლსავით უკან დასდევდა; მშობლებიც, უფროსები ერთმანეთში მხიარულად დაპარაკობდნენ. კროსის მემწვანნილგე დედას კალათაში იმდენია ჰქონდა, რომ გარშემო იის სუნი იდგა.

დღევანდელსავით მხიარული არასოდეს ვყოფილვარ.

— ასე მხიარულად რაღა ვარ, დედა? ვკითხე დედაჩემს.

— გაზაფხული მოვიდა და სინიღისიც წმიდა გაქვს, შვილო, მიპასუხა დეიამ.

დილის ათს საათზედ ფანჯრიდგან მამაჩემმა კორექტი და იმისი მამა მოედანზედ დაინახა. მე მიცდიდნენ.

— ენრაკო, წადი, მეფე ჰნახე.

გახარებული გავექანე. ერთმანეთის მგზავსი მამა და შვილი კორექტი ნასიამოვნებნი იყვნენ. მამას სამი მედალი ჰქონდა: ერთი მამაკობის ნიშნად და ორიც იმ ბრძოლათა სახსოვრად, რომელშიაც მონაწილეობა მიელო. უღვაშები ლამაზად დაეგრიხა.

რკინის გზის სადგურისაკენ წავედით; მეფეს თერთმეტის საათის ნახევარზედ ელოდნენ. კორექტის მამა გზა და გზა ჩიბუხსა სწევდა და მხიარულად იფშენებდა ხელებს.

— იცითო, ლაპარაკობდა კორექტის მამა: მეფე 1866 წ. ომის შემდეგ აღარ მინახავს. ხუმრობაა, თხუთვეტ წელიწად ნახევარია! სამი წელიწადი საფრანგეთში ვიყავ, მერე მონღოვში... სადა ვნახავდი... როცა მოდიოდა, ქალაქში არ ვიყავ. ხანდახან რა უცნაურად დატრიალდება ხოლმე გარემოება.

მეფეს უბრალოდ, სახელით იხსენიებდა: „ჰუმბერტიო!“ თითქოს ამხანაგიაო: „ჰუმბერტი“ მეთექვსმეტე რაზმის მთავარ სარდალი იყო; „ჰუმბერტი“ ოც და-ორის წლისა და ამდენისა და ამდენის დღისა იყო; „ჰუმბერტი“ ცხენზედ ასე იჯდა ხოლმეო.

— თხუთმეტი წელიწადია!.. წამოიძახა და ნაბიჯს უმატა. სწორედ გულით მინდა, რომ რაც შეიძლება ჩქარო ვნახო. სამსახური რომ გავათავე, ჯერ კიდევ ტახტის მემკვიდრე იყო. ეხლა მეფეა! მეც ჯარის კაცი ვიყავ და მეშეშე გავხდი!

ლაპარაკობდა და თან იცინოდა.

— რომ დაგინახოს, გიცნობს? ჰკითხა შვილმა. მამამ გაღიხარხარა.

— შე ტუტუცო, ეგ რა მოინდომე! ჰუმბერტი ერთია და ჩვენ ბუხსავით მრავალნი ვართ. მერე თითოეულს ვინ დაიხსომებს!..

ვიქტორ ემანუილის მოედანზედ დიდ ძალი ხალხი იყო, ყველანი რკინის გზის სადგურისკენ მიემშურებოდნენ. ალპის მსროლელთა რაზმი შეგვხდა მუსიკით; ორმა ცხენოსანმა ქენებით გაიარა.

— დიად! წამოიძახა გახარებულმა კორეტტიმ: მიხარიან, რომ ჩემს უფროსსა ვნახავ. დავბერდი-კი, მაგრამ თითქოს გუშინ იყო, რომ გულა-ნაბლით მოკაზმული და თოფით ხელში ვომობდი. 24 იენისის ბრძოლა, უცბად რომ შემოგვესია მტერი?.. ჰუმბერტი თავისის აფიცრებით დადიოდა, ზარბაზნებს გრიალი გაჰქონდა... ჩვენ-კი შევეყურებდით და ვფიქრობდით, იმას-კი არ მოჰხედეს ტყვიაო... ფიქრადაც არ მომსვლია, რომ რამდენისამე საათის შემდეგ ავსტრიის ჯარი შემოგვეერთყმოდა და მე და ჰუმბერტი ერთმანეთთან ხუთის ნაბიჯის მანძილზედ ვიქნებოდით! საკვირველი დღე იყო. ცა სარკესა-



ვით მოკრიალებულიყო, მაგრამ საშინელი პაპანაქე-  
ბა-კი იღვა... აბა ვნახოთ, გავატანთ თუ არა...

სადგურზედ მივედით. აუარებელი ხალხი იყო, ეტლები, ქალაქის ამქრობა, ცხენოსანი და ქვეითი, ჯარი, მუსიკა... კორექტის მამა ეცადა სადგურის ბაქანზედ ასვლას, ჩვენც მიგვწია, მაგრამ არ გაუშვეს. როგორც იყო, გაძვრა-გამოძვრა და შესავალ კარების წინა რიგში დადგა. ხალხში კინალამ დავისრისენით. კორრექტიმ იქვე ბოძი შენიშნა, გვითხრა:

— იქ წავიდეთო, და მიგვიყვანა.

მაშინვე პოლიციელი მოგვიახლოვდა.

— აქ არ შეიძლება დგომა!

— მეორმოც-და-ცხრე რაზმის მეოთხე წყობის ჯარის-კაცი ვარ! უპასუხა კორრექტიმ და მე-  
დალები უჩვენა.

— კარგი, იყავითო! სთქვა პოლიციელმა.

— არ გითხარით! წამოიძახა გახარებულმა კორრექტიმ. ოო, ამ სიტყვას დიდი მნიშვნელობა აქვს: „მეორმოც-და-ცხრე რაზმის მეოთხე წყობა“. განა ნება არა მაქვს ჩემი მთავარ-სარდალი რიგ-  
ანად დავინახო? თუ-კი მაშინ ისე ახლო ვიყავ, ეხლაც სიმართლე მოითხოვს, რომ ახლოდგანა ვნ-  
ახო... მე ვთქვი, ჩემი მთავარ-სარდალი იყო მეთქი. ეს კიდევ რა არის. მთელს ნახევარს საათს ჩვენს რაზმს მიუძღოდა წინ, იმიტომ-რომ... დასწყევლოს ღმერთმა!.. იმ დღეს ყოველ-სავე რიგის მიმცემი მაი-  
ორი უბრიხი-კი არა, თვით ჰუმბერტი იყო.

სადგურზედ აფიცრები და სხვა წარჩინებულნიც მრავლად იყვნენ. შესაეალოთან ეტლები და მორთული მოსამსახურეები იღვნენ.

კორეტტიმ ჰკითხა მამას, პრინც ჰუმბერტს ომის დროს ხმალი ჰქონდაო?

— რასაკვირველია, მაშ თითონ-კი მტრის მოგერება არ უნდოდა. მტერი უფროს-უმცროსის გარჩევაში არ შედის; პრინცსაც ისე დაეცემა თავს, როგორც სხვას... რა დღე გამოვიარეთ! მტერი მოულოდნელად, როგორც ქარიშხალი და ღვთის რისხვა, თავს დაგვესხა! მთლად ავირიენით. ცხენოსანი და ქვეითი ჯარი ერთმანეთში აირია!.. ჯოჯოხეთი იყო! ველარაფერი გაგვევკო-რა. მხოლოდ ეს-ლა გაისმოდა: „პრინცი! პრინციო!“ მტერი გვიახლოვდებოდა... დავცალეთ თოფები და ბოლში გაეხვია ყველაფერი... როცა ჰაერი გაიწმინდა, მკვდარი ცხენები და დაქრილნი და დახოცილნი ჯარის-კაცნი დედამიწაზედ ქერებებსავით ეყარნენ. მივიხედ-მოვიხედე: ჰუმბერტი უვნებლად იქვე, ჩვენ შუა ცხენზედ იჯდა და დინჯად ათვალეირებდა ჯარს, თითქოს კითხულობს, — „ჩემები უვნებლად არიან, თუ არაო?“ ჯარმერთ-ხმად შეეძახეთ. „ვაშაო!“ ატაცებულებსავით ვიყავით!.. ღმერთო, რა დღეები არ გამოვიარეთ... აგერ მატარებელიც გამოჩნდა!

მუსიკამ დაიგრიალა, ჯარი წელში გაიმართა და გასწორდა.

— მეფე ჩქარა არ გამოვა. მისეალმნენ და იქავე

სიტყვებს ეუბნებიანო, გვითხრა პოლიციელმა. კორექტი დიდად მოუთმენლად იყო.

— როგორც-კი ჰუმბერტს მოვიგონებ, მაშინვე იმისი დინჯი სახეც თვალ-წინ დამიდგება ხოლმე. ეხლა მეფეა, მაგრამ დარწმუნებული ვარ, თავის ჯარის მეორმოც-და-ცხრე რაზმის მეოთხე წყობა მაინც ეხსომება; ესამოვნებოდა ყველა ისინი, ვინც იმ დღეს გარშემო ახლდნენ, ეხლა რომ ენახა. ეხლა გარს წარჩინებულნი კაცნი, გენერლობა ახვივია, მაშინ-კი იმასთან მარტო ჩვენ, უბრალო ჯარის-კაცნი, ვიყავით... ერთის სიტყვის თქმა მაინც შემიძლოს... თხუთმეტი წელიწადია, რაც ჩემი ახალგაზდა მთავარ-სარდალი არ მინახავს, ჩვენი პრინცი, რომელიც ჩვენს სიმხნეს მოენდო!... თხუთმეტი წელიწადია ერთმანეთი არ გვინახავს!.. ჩვენი ჰუმბერტი! ახ, ამ მუსიკის ხმამ ლამის მთლად გამიტაცოს.

ხმა მალლა ყვირილმა და ქულების ქნევამ გააწყვეტინა ლაპარაკი. ოთხი სამოქლაქო ტანსაცმელში ჩაცმული კაცი პირველ ეტლში სხდებოდნენ.

— ის არის! წამოიძახა კორექტიმ და თვალი ველარ მოაშორა. ღვთის-მშობელო, თმა როგორ გასთეთრებია!..

ქულები მოვიხადეთ. ეტლი აღელვებულსა და მოხმაურე ხელს შუა ნაბიჯით მიდიოდა.

კორექტი წელში გაიმართა; ბოძს მიჰყრდნო-

ზოდა და გაფითრებული ხმა-ამოუღებლად იდგა. ეტლი დაგვიპირდაპირდა, ჩვენგან სულ ერთის ნა-ბიჯის მანძილზედ და იყო.

— ვაშა! დაიყვირა ხ:ლხმა.

— ვაშაო, ხმა მისცა კორექტიმ.

მეფემ იმის მედალებს შეჰხედა.

— მეორმოც-და-ცხრე რაზმის მეოთხე წყო-ბაში გახლდითო! გიქსავით წამოიძახა კორექტიმ.

მეფე თავს იქით იბრუნებდა, ამ ხმაზედ ისევ მოიხედა, კორექტის დააცქერდა და ეტლიდგან ხელი გამოუწოდა. კორექტი მივარდა და ჩამოართვა. ეტლმა გაიარა, ხალხი მოგვაწყდა და დაგვაშორა. ერთს წამს კორექტი დაგვეკარგა, მაგრამ ისევ ვი-პოვნეთ. აღელვებულსა და თვალ-ცრემლიანს მარჯვენა ხელი მაღლა აეშვირა და შვილს ეძახდა.

— მალე მოდი, პაწიავ, ვიდრე ისევ თბილი მაქვს!

შვილს პირი-სახეზედ გადაუსვა ხელი.

— მეფის აღერსსაც ველირსეო, სთქვა და თან მიმავალს ეტლს გაჰყურებდა.

ცნობის-მოყვარე ხალხი გარს შემოგვეხვია. მეორმოც-და-ცხრე რაზმის ჯარის-კაცი მეფეს იცნო-ბსო, ამბობდნენ: მეფემაც იცნო! ხელი ჩამოართვა!

— არზა მიართვა მეფესაო, დაძახა ვილაცამ ხმა-მაღლა.

— არაო! უპასუხა უფრო მაღლად კორექტიმ: არავითარი არზა არ მიმიცია! მოითხოვოს და... მე ვიცი რასაც მივცემდი.

— რასა!

— ჩემს სიცოცხლეს ვანაცვალედი, სთქვა უბრალოდ კორექტიმ.

4-ი. სამშაბათი.

გუშინ საუზმის შემდეგ დედაჩემმა პრეკოსის და კორსო ვალდოკოს ბავშვების თავშესაფარში მისაბარებლად წაიყვანა და, დაპირებისამებრ, მეც თან გავყევი. ჯერ თავშესაფარი არ მინახავს. იქ ორასზედ მეტი ისეთი პატარა ვაჟები და ქალები არიან, რომ ჩვენის სასწავლებლის პირველ კლასის უმცროს განყოფილების მოწაფენი იმათთან შედარებით დიდრონები არიან. სწორედ დროზედ მივასწარით: ბავშვები წყვილ-წყვილად სასადილო ოთახში შედიოდნენ. ამ ოთახში ორი დიდი მაგიდა იდგა. მაგიდებს ირგვლივ ჯამების ჩასადგმელად ამოჭრილი ადგილები ჰქონდა. ჯამებს გვერდით კოვზები ელაგა. სულ პაწიებს ფეხი გაუსხლტებოდათ ხოლმე, წაიქცეოდნენ და არ ადგებოდნენ, ვიდრე მასწავლებელი არ წამოაყენებდა. ბევრნი სხვის ჯამებთან ადგებოდნენ ხოლმე და ჰამას იწყებდნენ. მასწავლებელი მიუახლოვდებოდა და ეუბნებოდა „იქით, იქითო!..“ ბავშვები ორ-სამს ნაბიჯს წასდგამდნენ და კიდევ სხვის კერძს უწყებდნენ ჰამას. ასე იქცეოდნენ, ვიდრე თავიანთ ადგილამდე მივიდოდნენ. როგორც იყო დაწყნარდნენ. ლოცვა წაიკითხეს. ისინი, რომელთაც ლოცვის დროს

ზურგი მაგიდასთვის უნდა მიექციათ, ცალის-  
თვალით თავიანთს საკმელის უყურებდნენ. ჰშიშობ-  
დნენ, მეზობელმა არ შეგვიჯამოსო. გულს ხელ-დაკრე-  
ფილნი და თვალ-აპყრობილნი თითქოს ლოცუ-  
ლობდნენ, მაგრამ გული კი საკმლისაკენა ჰქონდათ.  
დასასრულ, ლოცვა გაათავეს და ნება მიეცათ ქა-  
მისა.

რა სასაცილოდა სკამდნენ! ერთი ორის კოვ-  
ზითა სკამდა; მეორე—პირდაპირ ხელითა სკამდა.  
ბევრი ლობიოს მარცვალს თითო-თითოს ჯიბეში-  
ინახავდა; ზოგი ბუზებს ადევნებდა თვალს და არასა-  
სკამდა. სასადილო საქათმოსა ჰგავდა, მაგრამ მაინც-  
კი ძლიერ მომეწონა.

პაწია ქალები ჯან-მრთელნი და ლამაზნი მე-  
ჩვენენ. თმები ცისფერის, წითელისა და მწვანე  
ყაითნებით ჰქონდათ შეკრული. ერთმა მასწავლე-  
ბელმა-ქალმა ჰკითხა პაწია ქალებს: „ბრინჯი სად-  
მოდისო?“ მოსწავლეებმა საკმლით სავსე პირები-  
დააღეს და ერთ-ხმად უპასუხეს: „ბრინჯი წყალში  
ჰხარობს“.

საუზმის შემდეგ ბავშვები ბაღში წაიყვანეს,  
თან კედელზედ ჩამოკიდული საკმლით სავსე კალათები  
წაიღეს. ბაღში აქეთ-იქით დაიფანტნენ და კალათე-  
ბიდგან საკმლის ამოღება დაიწყეს: პურისა, ყველის-  
ნაჭერისა, კვერცხისა, პატარა ნესვებისა, ცერცვისა,  
ვარის ფრთისა.

ერთს წუთს ბაღი ნამცეცებით აივსო, თითქოს.

ფრინველთათვის დაუბნევიათ საკმელიო. ბავშვები  
თაგეებსავით ხარბადა სკამდნენ, ზოგი კატასავით  
ღრღნიდა, ჰლოკავდა, სწუწნიდა. ყველს ხელში  
სკყლეთდნენ; წვენი ხელებსა და სახელოებზედ  
ჩამოსდიოდათ, მაგრამ არ ამჩნევდნენ. ზოგიერთებს  
პაწია ძაღლებსავით პირში პურის ნაჭერი ან ვაშლი  
ეკირათ და ერთმანეთს დასდევდნენ დასაქერად.  
იმას, ვისაც არა-ჩვეულებრივი რამე აღმოაჩნდებოდა  
კალათაში, გარს ეხვეოდნენ და გულ-დადებით  
სინჯავდნენ. ერთს ბავშვს შაქრის ნაფხვენით სავსე  
პაწია პარკი ეკირა და ქალები შემოაპხვევოდნენ.  
ყველანი მოწიწებითა სთხოვდნენ, პურის ნაჭერი  
ამოგვაწობინე მაგ შაქარშიო; ზოგს ნებას აძლევდა  
და ზოგს-კი თითის მეტს არაფერს აკარებინებდა.

ამ დროს დედაჩემიც ბაღში გავიდა და აღერსი  
დაუწყო ბავშვებს. ბავშვები გარს შემოეხვივნენ,  
კაბაზედ ეკიდებოდნენ; ზოგი თავს გადაიგდებდა,  
თითქოს მესამე სართულს შესცქერისო, და სთხოვ-  
და—ზაკოცეო.

ერთი ფორთოხალის ნაჭერს სთავაზობდა, მე-  
ორე პურის ნატეხს; ერთმა ბავშვმა ყვავილი მოუ-  
ტანა; მეორემ მაჩვენებელ თითის წვერი უჩვენა,  
რომელიც დასწვოდა სანთელთან ცელქობის დროს.  
ერთი ზღაპარს ამბობდა და თხოულობდა, რომ გინ-  
და თუ არა ყური დამიდგეთო, თუმცა იმის ზღა-  
პრისა არც თავი გაიგებოდა და არც ბოლო; მეო-  
რემ სთხოვა, დაიხარე და ყურში ჩამჩურჩულე:

— მამა ცოცხებს აკეთებსო.

აქვე რამდენიმე ამბავი მოხდა. ორი პაწია ბიჭი ვაშლის გამო წაიჩხუბნენ, საშინლად გაჰკიოდნენ და ერთმანეთს ჰუხუხუნდნენ; მეორეს ცვირსახოცის კვანძი ვერ გაეხსნა და ტიროდა; მესამე მიწაზედ პირ ქაე იწვა, ჰკიოდა და ადგომას-კი არა სცდილობდა. ამათს ყვირილზედ მასწავლებელმა-ქალმა მოირბინა. დედაჩემი სწორედ გატანჯეს: ზოგი ზურგზედ ახტებოდა, ზოგი ხელზედ ექიდებოდა, თითებზედ ბექდებს უსინჯავდნენ; ზოგი საათის ძეწკვს ეწეოდა და ნაწნავზედ ეკიდებოდა.

— გაფრთხილდით, ტანისამოსი არ წაგიხდინონო, უთხრა დედას ზედამხედველმა-ქალმა.

დედაჩემმა ყურადღება არ მიაქცია, იმათს აღერსსა და კოცნაში იყო. ძლივ-ძლიობით განითავისუფლა თავი იმათის ხვეწნისაგან, როდესაც წამოსვლა დააპირა. ბავშვებმა კარებამდე მიაცილეს, ელოდნენ ლობესთან როდის გაივლისო და მოჰყვიროდნენ:

— მშვიდობით, მშვიდობით! ხეალაც მოდი! კიდევ მოდი!

დედა უვნებლად გამოვიდა, მაგრამ კაბა სულ ერთიანად დაექმუქნათ, თმები არეული და აწეწილი ჰქონდა; ხელში ყვავილები ეჭირა და ცრემლები მორეოდა, მაგრამ მაინც მზიარულად და კარგს გუნებაზედ იყო. კარგა ხანს გვესმოდა ბავშვების დახილი:



— მშვიდობით! ერთხელ კიდევ მოდი! შორი-  
დგან იმათი ხმა ჩიტის ჭიკჭიკსა ჰგავდა.

ნ-ი. სამშაბათი.

წინანდებურად მშვენიერი დარი სდგას და გიმნა-  
სტიკის სწავლება დავიწყეთ ბალში. გუშინ გარრონე  
მასწავლებლის უფროსის ოთახში იყო, როცა ნე-  
ლის დედა მოსულიყო და ეთხოვნა, ჩემი შვილი  
გიმნასტიკისაგან განათავისუფლეთო.

— არ შეუძლიანო... ამბობდა თურმე.

ნელის ძლიერ ეწყინა, რომ გიმნასტიკაში მო-  
ნაწილეობა აღარ უნდა მიეღო: ყოველს დამცირე-  
ბას ესეც ზედ დაემატა.

— ჰნახავ, დედა, ეუბნებოდა ნელი დედას,  
რომ მე სხვაზედ ნაკლებ არ შევიძლებ გიმნასტიკას.

დედა სიყვარულითა, მაგრამ სიბრალულით უყუ-  
რებდა შვილს და ყოყმანში იყო.

— მე ამის ამხანაგებისა მეშინიან, სთქვა მან-  
ეშინოდა, რომ ჩემს შვილს დასცინებნო.

— ჩემთვის სულ ერთიაო, გაიძახოდა ნელი.  
ესეც არ იყოს, გარრონე სულ ჩემთან არის. ჩემ-  
თვის ისიც საკმარისია, თუ მარტო გარრონე არ და-  
მცინებს.

უფროსმა გიმნასტიკის გაკვეთილებზედ სიარუ-  
ლის ნება დართო. გარიბალდის მთავარ-სარდლო-  
ბის დროს ნამსახურმა მასწავლებელმა ბოძთან მი-

გვიყვანა. გვიბძანა, მაგაზედ აღით და იქიდგან პირ-  
დაპირ მწვანეზედ გადმოხტითო. დეროსი და კო-  
რეტტი მაიმუნებსავით აცოცდნენ და მკვირცხლად  
შეასრულეს ნათქვამი. პრეკოსიც მარდად ავიდა,  
თუმცა-კი გრძელი ხალათი უშლიდა. ინდაურსავით  
გაქარხლებული სტარდი გაჯავრებითა და კბილების  
კრაქუნით ავიდა ბოძზედ და ზედ ნაპოლეონსავით  
გამოიქიმა. ვოტინი გიმნასტიკისათვის შეეკერილს ტა-  
ნისამოსში იყო (ცისფერ ზოლიანი ხალათი ეცვა),  
მაგრამ მაინც ვერ ეხერხებოდა: ორჯელ დაიწყო  
ასვლა და გადმოხტომა. ხელი რომ არ წაგვეცურე-  
ბოდა, მურდასანგს ვისომდით ხელის გულზედ. ფხვნი-  
ლი მურდასანგი გარრონეს მოჰქონდა ქალაღლებით,  
ჰყიდდა და ამითი სარგებლობდა.

გარონეს ჯერი მოვიდა. პურის ლექვით ისე  
ავიდა, თითქოს აქ არაფერიაო; მგონი მხარზე  
ვინმე რომ შეესვა, მაინც შეიძლებდა ასვლას. გარ-  
რონეს შემდეგ ნელი აცოცდა. ნელიმ თავისი გრძელი  
და გამხდარი ხელი მოავლო თუ არა ბოძს, ზოგი-  
ერთებმა სიცილი და სტვენა დაიწყეს. გარრონემ  
გულს ხელი დაიკრიფა და მრისხანედ გადაჰხედა. ყვე-  
ლამ იგრძნო, რომ სიცილისთვის კეთილი არ და-  
გვეყრებაო, და ჩაჩუმდნენ. ნელი აცოცდა; საწყალი  
წვალობდა, მთლად გალურჯდა, ოფლმა დაასხა,  
ძლივს-ლა სუნთქავდა.

— ჩამოდიო! უთხრა მასწავლებელმა.

ნელი მაინც რაც ძალა ჰქონდა მიცოცავდა.

ყოველ წამს ველოდდი, რომ ჩამოვარდება და უგონოდ დაეცემა მეთქი. რა ნაირად დაიტანჯებოდა დედაჩემი, მე რომ იმისთანა და ისეთს ყოფაში ვენახე! რას არ მივცემდი, რომ მოეხერხებინა ასელა... სწორედ მეცოდებოდა! შველა მაინც შეიძლებოდეს მეთქი... ვფიქრობდი.

— აღიო, უყვიროდნენ გარრონე, დეროსი და კორეტტი: ნუ შეშინდები, ცოტაც გაკლია... აგრე, აგრე!

ნელიმ ღონე მოიკრიფა, აიწია და სათავეში მოექცა.

— ყოჩაღ! შესძახა ყველამ: აბა კიდევა სცადე! ნელი მაგრად მოექიდა ბოძის წვერს და შედგა. ყველამ ტაში დაჰკრა.

— ძალიან კარგიო! უთხრა მასწავლებელმა: ეხლა კმარა, ჩამოდი! ნელიმ არა ჰქნა, სხვებს არ უნდოდა ჩამორჩენოდა, მოაჯირს მოექიდა, ჯერზედ წამოიჩოქა, მერე წამოდგა, ფეხზედ გამოიქიმა და ღიმილით გადმოგვხედა. ისევ ტაშს დავკარით. ქუჩისკენ გაიხედა და მეც გავაყოლე თვალი. ბალის მოაჯირს იქით იმის დედა წინა და უკან დადიოდა და ჩვენკენ ვერ შემოეხედნა. ნელი ჩამოვიდა. ყველანი ვულოცავდით. ნელი აღელვებულ იყო, თვალები უბრწყინავდა და ლოყები გასქარხლებოდა. ყველანი სახლში წავედით. ქუჩაზედ ნელის დედა დაჰხვდა, აკოცა და ჰკითხა:

— გენაცვალე, როგორ მოგივიდა?

— ძლიერ კარგადაო! ვუპასუხეთ ამხანაგებმა: ისევე ავიდა, როგორც სხვანი. სწორედ ძალიან ღონიერი და მარდი ყოფილა.

უნდა გენახათ საწყალის დედის სიხარული. ჩვენთვის მადლობა უნდოდა ეთქვა და ტირილი დაიწყო. რამდენსამეს საჩქაროდ მეგობრულად ჩამოგვართვა ხელი, მეტადრე გარრონეს, და შევლით აჩქარებული წავიდა შინ. მე უკან გავყურებდი. გაცხარებულს ლაპარაკში იყვნენ და თან ფეხ-ჩქარად მიდიოდნენ მხიარულნი, ბედნიერნი...

11-ი. სამშაბათი.

გუშინ მე და მამაჩემმა საკვირლად ვიმოგზაურეთ. სამის დღის წინად სადილზედ მამაჩემი გაზეთსა კითხულობდა. უცებ შესდგა და გაკვირვებით წამოიძახა:

— მე-კი მეგონა, ოცი წელიწადიც იქნება, რაც გარდაიცვალა-მეთქი! წარმოიდგინეთ: ჩემი პირველ-დაწყებით (ასწავლებლის მასწავლებელი ვინჩენცო კროზეტტი! ეხლა ოთხმოც-და-ოთხის წლისაა... ცოცხალი ყოფილა! აი რა სწერია გაზეთში: სამოცის წლის ღირსეულ სამსახურისათვის სამინისტროს მედალი მიუცია! გესმით, სამოცის წლის სამსახურისათვის? სულ ორი წელიწადია, რაც მასწავლებლობისათვის თავი დაუნებებია! საწყალი კროზეტტი! კონდოვაში სცხოვრობს; რკინის გზით აქედგან ერთის საათის სასიარულოა. კონდოვა ჩვენის ძველის.

შებალე დედაკაცის სამშობლოა. წავიდეთ იმასთან, ენრიკო!

მაელი საღაჯო მამაჩემი კროზეტტის შესახებ ლაპარაკობდა. ნაწასწავლებლარის სახელმა ბევრი რამ გაახსენა მამაჩემს ყმაწვილობის დროისა, ამხანაგები, განსვენებული დედა...

— კროზეტტი, წამოიძახა მამაჩემმა: ორმოცის წლისა იყო, მე რომ იმასთან მიმბარეს. თითქოს ეხლაც-კი ვხედავდე: წელში ოდნავ მოხრილს, დაბალს, უწვევროს და ქერა თმიანს. მეტად პატიოსანი, სასტიკი, მაგრამ კეთილი კაცი იყო; შვილებსავით ვუყვარდით. თითონ გლახია, მაგრამ იმეცადინა, ისწავლა და მასწავლებლობას ელირსა. ცხონებული დედაჩემი იმ-სი დიდი პატივის-მცემელი იყო, მამაჩემი და ის ხომ მეგობრები იყვნენ. ტურინს შემდეგ კონდოვაში რად წასულა ნეტა? რაღა თქმა უნდა, აღარ ვეხსომები! ორმოც-და-ოთხი წელიწადია მას შემდეგ, ორმოც-და-ოთხი წელიწადი. ენრიკო, ხვალ უეჭველად წავიდეთ.

დილის ცხრა საათზედ სუზის რკინის გზის სადგურზედ ვიყავით. საშინლად მინდოდა, რომ გარრონეც თან წაგვეყვანა, მაგრამ დედა გაუხდა ავად. მშვენიერი დღე იყო; გზის ორსავე მხარეს აყვავილებული ბალნარები - გადაჰიმულიყო. მინდვრის სურნელოვანებითა ვსტკებოდით. მამაჩემი ფანჯარაში გადაეყულა, ხელი მომხვია და მეგობრულად მელაპარაკებოდა.

— განსვენებულ მამაჩემს შემდეგ, კროზეტტი

იყო ერთად-ერთი კაცი, რომელსაც შვილსავეთ ვუყვარდი ჭ ბევრი სიკეთეც მოუძღვის. იმის მამობრივს რჩევა-დარიგებასა და შეტუქსევას, თუმცა ხშირად ამატირებდა ხოლმე, არას დროს არ დაფიფიწყებ. ნათლად მახსოვს, კლასში რომ შემოვიდოდა, ჯოხს კუთხეში მიაყუდებდა, პალტოს ჩამოჰკიდებდა; ყოველთვის ერთ გვარი მიხვრა-მოხვრა ჰქონდა და გუნება შეუცვლელი იყო. ისე კეთილ სინიღისიერად, ყურადღებითა და ღმობიერად გვეკიდებოდა, თითქოს პირველად არის სასწავლებელშიო. ასე მგონია ეხლაც-კი მესმის-მეთქი იმისი ძახილი: „ბატონი! ჰეი, ბატონი!“ თან თითით კალამს მანიშნებდა ხოლმე. ამ ორმოც-და-ოთხს წელიწადში ძალიან გამოიცვლებოდა.

კონდოვაში მივედი და ჩვენ ძველ კერელ მებაღე დედაკაცთან წავედი. მებაღე-დედაკაცს სარძევე დუქანი აქვს გამართული. დიასახლისი ბავშვებით გარ-შემოხვეული დაგვიხვდა. იმისი ქმარი აგერ სამი წელიწადია საბერძნეთში სამუშაოდ იყო წასული და მალე უნდა დაბრუნებულიყო. იმისი უფროსი ქალიშვილი ტურინის ყრუ ბუნჯთა ინსტიტუტში სწავლობდა. მასწავლებლის სახლი იმან გვანიშნა; კროზეტის იქ თურმე ყველანი იცნობენ.

გზა ფერდობს მისდევდა. მამაჩემი ჩუმად მოდიოდა, დაფიქრებული; ხშირად რალაცა აგონდებოდა და იღიმებოდა. უცებ შესდგა.

— აგერა ისიც! თუნდა დავიფიცავ, რომ ის არის.

ჩვენს პირდაპირ ბილიკზედ გათეთრებული, განიერ-ქუდიანი მოხუცი მოდიოდა ჯოხზედ დაბჯენილი. ხელები უკანკალებდა და ცალს ფეხს ძლივს მოათრევდა.

— ის არის! განიმეორა მამაჩემმა ზე ფეხი ააჩქარა.

დავუახლოვდით თუ არა, შევდექით. მოხუცებულიც შედგა და მამაჩემს დააქკერდა. ცოცხალი თვალები ჰქონდა, მშვენიერი პირი-სახე. მამამ ქუდი მოუხადა და ჰკითხა:

— მასწავლებელი ვინჩენცო კროზეტი თქვენა ბრძანდებით?

მოხუცებულმაც მოიხადა ქუდი.

— დიახ, მე გახლავართ, — უპასუხა აკანკალებულის ხმით.

მამაჩემმა ხელი ჩამოართვა.

— ნება მიბოძეთ თქვენს ნაშეგირდალს ხელი ჩამოგართვათ და თქვენი ამბავი ვიკითხო. თქვენ სანახავად მოვედი ტურინიდგან.

— დიდად, დიდად გმადლობთ! გაკვირვებითა სთქვა მოხუცმა. არ ვიცი... ჩემი შეგირდი როდის იყავით! უკაცრაოდ-კი... თქვენი სახელი?

— ალბერტო ბატონი, — უპასუხა მამამ და სასწავლებელში შესვლის წელიწადიც დაუსახელა. — რასაკვირველია, არ გეხსომებით, მაგრამ მე-კი ვიცანით.

მასწავლებელმა დაფიქრებით დალუნა. თავი და ჩუმად იმეორებდა მამიჩემის სახელს. . . უცებ აიწია თავი მოხუცმა, თვალები მოიწმინდა.

— ალბერტო ბატონი, ხუროთ-მოძღვარ ბატონის შვილი? კონსოლატას მოედანზედ რომ სცხოვრობდა?

— დიახ, სწორედ ისა, უპასუხა მამამ და ხელი გაუწოდა.

— მაშ... მაშ ნება მომეცით.

მოხუცი გადაეხვია მამას. იმისი თეთრი თავი მამას მხრებამდის ძლივს სწვდებოდა.

— ეს სიკეთე მიყავით ჩემს სახლში წამოდით.

მოხუცებული უკან დაბრუნდა, ჩვენც გავყევით. პატარა ორ-კარებიან სახლთან შევდექით. მასწავლებელმა გააღო კარები და ოთახში შეგვიწვი. ოთახის ერთს კუთხეში საწოლი იყო, მეორე კუთხეში ოთხი სკამი და ერთი მაგიდა იდგა. მაგიდაზედ რამდენიმე წიგნი ელაგა. კედელზედ ძველი გეოგრაფიული რუკა იყო გაკრული.

სამივენი დავსხედით. რამდენსამე წამს მამაჩემი და მოხუცი ერთმანეთს ჩუმად შეჰყურებდნენ.

— ბატონი! წამოიძახა მასწავლებელმა და იატაკს დააცქერდა: კარგად მახსოვს! საუცხოვო დედაკაცი იყო დედა თქვენი! პირველ წელიწადს თქვენ ფანჯარასთან მარცხნივ პირველს სკამზედ კარგა ხანს იჯექით. ჰხედავთ, როგორ მახსოვს! თითქოს ეხლაც ვხედავდე! ხუჭუქა თმიანს (დაფიქრდა),



მკვირცხლოს ბავშვს. ღიახ, თქვენ მეტად მკვირცხლი ბავშვი იყავით. მეორე წელიწადს წითელა გპირდით და სასწავლებელში გამხდარი და ფერ-მკრთალი მოხვედით! ორმოცი წელიწადია მას აქეთ, არა? რა კეთილი ყოფილხართ, რომ ძველი მასწავლებელი მოგგონებიათ! ზოგიერთი სხვა ჩემი ნაშეგირდალებიც მნახვადნენ ხოლმე, მაგრამ ეხლა ზოგი მღვდელია, ზოგი ჯარის უფროსი ლე ზოგს სხვა წარჩინებული თანამდებობა უჭირავს. თქვენ რაღა ხელობას ადგებართ?... ძლიერ, ძლიერ მიხარიან, რომ გაძიხსენეთ და მნახეთ... ბოლოს დამივიწყეს, აღარ მოდიოდნენ ხოლმე ჩემთან... ვშიშობ, ძვირფასო სინიორ, თქვენი მოსვლა უკანასკნელი არ იყო.

— რასა ბრძანებთ! წამოიძახა მამაჩემმა: ჯერ კიდევ ჯანმრთელი ხართ და რად ამბობთ მაგას!

— არა! უპასუხა მასწავლებელმა. და ხელები უჩვენა: ჰხედავთ, მიცახცახებს. ცუდი ნიშანია. აგერ სამი წელიწადია, რაც ხელები მიკანკალებს. ყურადღება არ მივაქციე, გაივლის-მეთქი, მაგრამ ცახცახმა თანდათან მიმატა და ეხლა წერაც არ შემიძლიან. ამ გარემოებამ დიდად დამალონა. რამდენიმე ხანი კიდევ ვმეცადინებოდი, მაგრამ საქმე გაჭირდა. მეტი ღონე არ იყო, იძულებული ვიყავ გამოვსთხოვებოდი სამოცის წლის მასწავლებლობას, სასწავლებელს, ბავშვებს, მეცადინეობას. ძნელი იყო. უკანასკნელის გაკვეთილის შემდეგ დიდის ამბით გამომაცილეს სახლამდე, მაგრამ მე რა იმის ფი-

ქრი მქონდა: ჩემი სიცოცხლე დამთავრებული იყო. ერთის წლის წინად ცოლი და ერთად-ერთი ვაჟი-შვილი გარდამეცვალა. ორი გლეხი ძმისწული-ლა მყავს. მცირე პენსია მაქვს და უსაქმოდ ვცხოვრობ. ერთად-ერთი ჩემი საქმე ძველის წიგნების, სასწავლებლის დავთრებისა და ბავშვების საჩუქრების ფურცლა და სინჯვა-ლაა... (მაგიდისკენ მიგვიითთა) აგერ ჩემი წარსული, ჩემი წიგნები... ქვეყანაზედ სხვა აღარა დამრჩენია-რა... უცებ მხიარულად წამოიძახა: ერთი რამ უნდა გაჩვენოთ, ბ-ნო ბატონი, რაც ძალიან გასიამოვნებთ.

მასწავლებელი წამოდგა, მაგიდასთან მივიდა და უჯრა გამოსწია. უჯრაში რამდენიმე ზონარით შეკრული ქაღალდი იყო, თითოეულს წლის რიცხვი ეწერა. მასწავლებელმა ერთი შეკრული დასტა ამოიღო, გახსნა და გაყვითლებული ქაღალდის ფურცელი მამაჩემს მიაწოდა. ორმოცის წლის წინად მამიჩემის მიერ დაწერილი თხზულება იყო. თავში ეწერა: ალ-ბერტო ბატონი შ აპრილს 1837 წ. მამამ თავის სხვილის ასოებით ნაწერი ხელი იცნო, გაიღიმა და უეცრად თვალებში ცრემლი მოერია. მე წამოვხტი და მამასთან მივირბინე. ხელი გადამხვია და მითხრა:

— შეჭხედე! ჰხედავ? ცხონებულის დედიჩემის ნასწორებია. ზოგიერთ ასოებს სხვილად სწერდა; უკანასკნელი სტრიქონები იმის ნაწერია. ჩემი ხელი შეისწავლა და როცა ან ძილი მომერეოდა, ან დავი-

ღალეზოდღ, ჩემს სამუშაოს დედა ჩემი დააბოლოოვებდა ხოლმე. წმინდანი იყო სწორედ!

მამამ ქალაღდს აკოცა.

— აი, ჩემი ნაშთები! განაგრძო მოხუცმა. ყოველ წლივ თითოეულ მოსწავლეს რომელსამე ნაშრომს ვინახავღი. ხანდახან ამოვალაგებ ხოლმე, აქაიქ თითო სტრიქონს წავიკითხავ და წარსულს თვალწინ ვიყენებ, თითქოს უკანვე დაბრუნებულიყოს. ღღღი ხანია, ღღღი! თვალეზს დავხუქავ და მაშინვე წარმომიდგება თვალწინ კლასი, ბავშვები! ვინ იცის, იმათგანი რამღენი გამოეთხოვა კიღეც წუთი-სოფელს. ბევრი კარგად მახსოვს: ყველაზეღ უკეთესნი და ყველაზეღ ზარმაცნი! პირველნი მახარებღენ და მეორეთა წყალობით-კი ბევრი მწარე სწათი გამიტარებია. ბოროტებიც-კი იყვნენ! მაგრამ იმღენს ბავშვს შორის შეუღღებელია ბოროტებიც არა რეულიყვნენ. ხოლო ეხლა-კი თითქოს იმ ქვეყნადა ვარ, ყველანი ჩემთვის სასიამოვნონი არიან. მასწავლებელი დავღა და ხელი მომკიღა.

— ჩემი ცელქობა არა გახსოვთ-რა? ჰკითხა მამამ.

— თქვენი? ღღღღღღღღ ჰკითხა მოხუცმა. ძნელია უცებ გახსენება, მაგრამ ამითი ის-კი არ გეგონოთ, ვითომც არ გეცელქნოთ. თქვენს წლოვანებასთან შეღარებით ჰკვიანი და ღღღღი ბავშვი იყავით. მახსოვს, რომ დედა ძალიან გიყვარღათ. რა კარგი გიქმნიათ, რომ მნახეთ! ნეტა საქეები როგორ დას-

ტოვებ, და მერე ისიც რისთვის? მხოლოდ იმისთვის, რომ საწყალი მოხუცი მასწავლებელი გენახათ!...

— ბატონო კროზეტტი! უპახუხა მამამ. კარგად მახსოვს, პირველად რომ დედამ სასწავლებელში მომიყვანა! პირველად გავშორდი დედას; ორის საათით უცხო სახლში, უცხო ადამიანის ხელში მტოვებდა. ჩემი სასწავლებელში შესვლა დედიჩემისათვის ჩემი ქვეყანაში გარევა იყო! ამ განშორებას ბევრი მწარე ღლე მოჰყვა. საზოგადოება დედას შვილს ართმევდა და ისეთსავეს ველარ დაუბრუნებდა, როგორიც მიჰყავდა. დედაც საშინლად იტანჯებოდა, მეც მწუხარედ ვიყავი. თქვენ ჩაგაბარათ ჩემი თავი და წასვლის დროს უკან იხედებოდა. თქვენ მე მიყურებდით, თითქო პასუხს აძლევდით, ჩემი იმედი გქონდეთო. თქვენმა მოძრაობამ და თვალებმა გამაგებინა, რომ დედიჩემის ზრუნვას მიმხვდარიყავით. თითქოს მითხარით, ყოჩაღად იყავით! თითქოს მფარველობასა, სიყვარულსა და აღერსს შემპირდით... ეს გარემოება საუკუნოდ არის ჩაქდებული ჩემს მეხსიერებაში, აჰან მომიყვანა ნახევარ საუკუნის შემდეგ, რომ გითხრათ: გმადლობთ, მასწავლებლო!

მასწავლებელი გაჩუმებული იყო და თავზედ ხელს მისვამდა; ხელები უკანკალებდა. მამაჩემი ცალიერს კედლებს, ღარიბს საწოლს, პურის ნაქერსა და ფანჯარაში მდგარს ზეთით ავსებულს შუშას ათვალიერებდა, თითქოს ამასა ჰფიქრობს: სულ ეს არის, რასაც ეღირსა სამოციის წლის შრომის მეოხებითაო.

მოხუცებულმა კვლავ გაიხსენა ჩვენი ოჯახი, იმ დროის სხვა მასწავლებლები, მამიჩემის ამხანაგი მოსწავლენი; ზოგი კიდევ ახსოვდა, ზოგი დავიწყებოდა; მამიჩემი და მასწავლებელი ერთმანეთს უამბობდნენ, რაც-კი ახსოვდათ. მამამ მასწავლებელსა სთხოვა, სასტუმროში ერთად ვისაუზმოთო.

— გმადლობთო, უპასუხა მასწავლებელმა, და თითქოს ყოყმანობდა.

მამიჩემმა თხოვნა განუმეორა.

— ამ აცახცახებულის ხელებით როგორ უნდა ვკამო! ეს ჩემთვის ხომ სასჯელია და თქვენც შეგაწუხებთ.

— ჩვენ დაგეხმარებითო, არწმუნებდა მამიჩემი.

ბოლოს თავის ქნევითა და მხიარულის სიცილით დაგეთანხმდა.

— დღეს მშვენიერი დღეა, — სთქვა როცა კარებს ჰკეტავდა. ძვირფასო ბატონი, მინამ ცოცხალი ვარ, არ დაგივიწყებთ!

მამიჩემმა ხელი მოჰკიდა მოხუცს და თავ-ქვე წამოკედით. გზაზედ ორი ფეხშიშველა ქალი ძროხებს მიელალებოდა და ბიჭი ნამჯის კონას მიათრევდა. მასწავლებელმა გვითხრა, რომ სამივენი მეორე კლასის მოსწავლენი არაანო. დღისით ფეხშიშველა საქონელს უვლიან, მინდვრად მუშაობენ და საღამოზედ ფეხთ-ჩაცმულები სასწავლებელში დადიანო. შუაღლე იყო, გზაზედ აღარავინ შეგვხვედრია. სასტუმროში შესვლისათანავე მაგიდას მოვეუსხედით; ისეთი სი-

ჩუმე იყო, თითქოს მონასტერიაო. მასწავლებელი ჩვენ შუა იჯდა და ძლიერ მხიარულად იყო, თუმცა აღელვებისაგან ხელები უფრო ძლიერ უცახცახებდა და კმას თითქმის ვერ ახერხებდა. მამა პურსა და ხორცს უჭრიდა, უმარილებდა. მოხუცი კიქას ორის ხელით იღებდა და მაინც ძლივს იმაგრებდა. გაცხარებული ლაპარაკობდა ლიტერატურისა, თავის ახალგაზღობისა და ყოფა-ცხოვრების შესახებ. მოხუცი მხიარული იყო, ნათელი, მოლიმარე, ცოტა სიწითლეც წამოერია. მამაჩემი გვერდზედ მიბრუნებული ისე ლმობიერად შესცქეროდა, როგორც ხანდახან მე შემომცქერის ხოლმე, და თავისთვის იღიმებოდა. მასწავლებელმა ტანისამოსზედ ღვინო გადაისხა; მამამ გაუწმინდა ტანისამოსი.

— ნუ სწუხდებით! არა, არა, ნებას არ მოგცემთ...

შემდეგ საუბარი ლათინურად დაიწყო. საუბრის ბოლოს მასწავლებელმა კიქა ასწია:

— თქვენი სადღეგრძელო იყოსო, სთქვა მან: გიცოცხლოთ სახლობა, შეიწყალოს დედათქვენი.

— თქვენც გაცოცხლოთ, ძვირფასო მასწავლებელო! უპასუხა მამამ და მაგრად ჩამოართვა ხელი.

ოთახის მეორე კუთხეში სასტუმროს პატრონი და რამდენიმე გარეშენი სიამოვნებით უცქეროდნენ. თავიანთ მასწავლებლის დღესასწაულს. წასვლის დროც მოახლოვდა. მასწავლებელმა ჩვენი გაცილება მოისურვა რკინის გზის სადგურამდის. მამამ ხელი და-

უკირა, მე-კი იმისი ჯოხი მომქონდა და გზას გავუდექით. ვინც-კი შემოგვხედებოდნენ ხოლმე, დაგვიწყებდნენ ცქერას, მასწავლებელს თავს უკრავდნენ, ყველა იცნობდა. ერთის სახლის სარკმლიდგან ბევრის ბავშვების ხმა მოგვესმა; ყველანი ერთად კითხულობდნენ მარცვალ-მარცვალ. მოხუცი შესდგა.

— აი რა მალონებს! სთქვა მწუხარედ. სასწავლებელში ბავშვების ხმა! იქ სხვა არის და მე-კი არა... სამოცი წელიწადი ვისმენდი ამ მუსიკას... შევეჩვიე და ეხლა არც ოჯახი მყავს და არც ბავშვები!..

— არა, მასწავლებლო, თქვენ ბევრი შვილები გყავთ! ქვეყნად გაფანტულნი არიან, მაგრამ კიდევ ახსოვხართ, უპასუხა მამაჩემმა.

— არა, არა, მწუხარებითვე განაგრძო მოხუცმა: სასწავლებელს განვშორდი და არც შვილები მყავნან. უიმათოდ-კი, უსაქმოდ დიდხანს ვერ ვიცოცხლებ! ჩემი საათიც ჩქარა დაჰკრავს.

— ნუ ამბობთ მაგას და ნურც ფიქრად გაიტარებთ! განა ცოტა სიკეთე დასთესეთ, განა სიცოცხლე პატიოსანს საქმეს არ შესწირეთ?..

მასწავლებელმა მადლობის ნიშნად ხელი ჩამოართვა მამას. სადგურის ბაქანთან მივედით, მატარებელი წასასვლელად მზად იყო. მამაჩემი გადაეხვია მოხუცს:

— მშვიდობით, მასწავლებლო!

— მშვიდობით, გმადლობთ, მშვიდობით! უპასუხა მოხუცმა და მე გადამკოცნა.

მამამ ვაგონში ჩამსვა. სწრაფად მასწავლებელს უბრალო ჯოხი გამოართვა, თავის ვერცხლის თავიანი და თავისის წარწერით შემკული ჯოხი ჩაუდო ხელში.

— ჩემს სახსოვრად გქონდეთო, უთხრა.

მოხუცი არ ართმევდა, მაგრამ მამაჩემი ვაგონში შემოვიდა და კარი მოიხურა.

— მშვიდობით, ჩემო კეთილო მასწავლებელო!

— მშვიდობით! გვიპასუხა მოხუცმა.

მატარებელი დაიძრა.

— ღმერთმა გაკურთხოთ, რომ საწყალი მოხუცი ანუგეშეთ!

— ნახვამდის! წამოიძახა აღელვებულმა მამამ. მასწავლებელმა თავი გაიქნია.

— ჰო, ჰო, ნახვამდის, — განუმეორა მამამ.

მასწავლებელმა აკანკალებული ხელი ცისაკენ აღმართა.

— იქ!...

და ველარ დავინახეთ, თვალთაგან მიგვეფარა.

20-ი. ხუთშაბათი.

განა წარმოვიდგენდი, როცა კონლოვიდგან გახარებული ვბრუნდებოდი, რომ მთელი ათი დღე ვერც ცას და ვერც დედამიწას ვერ დავინახავდი. ძალიან გავხდი ავად; მესმოდა დედიჩემის ტირილი, სილვიას ჩურჩული ჟუმკროს ძმასთან; ვხედავდი მამიჩემის გაფითრებულს სახეს და სათვალეებიანს ექიმს;



ექიმი ჩემს ახლო ტრიალებდა და რაღასაც ამბობდა; არაფერი მესმოდა, სიკვდილის პირად ვიყავ. საბრალო დედაჩემი!.. რამდენსამე დღეს გამოურკვეველს ბურანში ვიყავ. მგონი პირველის კლასის მასწავლებელი-ქალი დავინახე. სკდილობდა ჩემად და ეხველებინა, რომ არ შევეწუხებინე. მახსოვს, ჩემი მასწავლებელიც მოვიდა, მაკოცა და ამ დროს მისმა წვერმა დამჩხვლიტა. ბურანში დავინახე კროსის ქერა თავი, დეროსის ბრწყინვალე ხუჭუქა თმა, კალაბრიელი შავებში და გარონე, რომელმაც ტოტიანი ფორთოხალი მომიტანა და მალე წავიდა: იმისი დედაც ძლიერ ავად არის. თითქოს დიდის ხნის ძილიდგან გამოვერკვიე და ცოტა არ იყოს უკეთობა ვიგრძნე; დედაჩემი და მამაჩემი ღიმილით დამცქეროდნენ და სილვია რაღაცას ღიღინებდა!.. რა მძიმე, სულის-შემხუთველს ძილში ვიყავ?.. ჩქარა მოვლონიერდი. ჩვენი „კალატოზიც“ მოვიდა ჩემს სანახავად. შემოვიდა თუ არა, თავისებურად დაიღმიქა და გამაცინა. ავადმყოფობის შემდეგ სახე დაჰგრძელებია, მანქვა უფრო ეხერხება. კორეტიმა და გაროფემაც მნახეს. გაროფემ ლატარიის ორი ბილეთი მაჩუქა. კალმის დანა და ხუთი ნივთი, ძველ-ძულების ვაქართან ნაყიდი, ჩაეგდო ლატარიაში. გუშინ მეძინა. პრეკოსი მოსულიყო, თავისი ლოყა ჩემს ხელზედაც კი დაედო, მაგრამ მე არ გამიგია. პრეკოსი პირდაპირ მამის სამუშაოდგან მოსულიყო და რომ გამოამეღვიძა, ხელსა და სახელოზედ მური მეცხო ზემესი-

ამოვნა. ამ რამდენსამე დღეს არე-მარე რა ნაირად ამწვანებულა! მამაჩემი თანჯარასთან რომ მიმიყვანს ხელით, რა შური ამიტანს ხოლმე, ილლიაში წიგნებ-ამოჩრილს სასწავლებლისაკენ მიჰაწავს ბავშვებს რომ ვხედავ! მეც მალე წავალ სასწავლებელში. ველი და ველარ მომითმენია! რა მოუთმენლად მოველი სასწავლებლების ამხანაგების, ქუჩა ბალის ნახვას! გავიგებ რაც მომხდარა იქ უჩემოდ, როდესაც სწავლას ისევე დავიწყებ. თითქო წელიწადზედ მეტია, რაც წიგნები და რვეულები აღარ მინახავს! საწყალი დედაჩემი, რა ნაირად გამხდარა და გაყვითლებულა! საბრალო მამაც რაღაც მოღლილ-მოქანცულსა ჰგავს! რა კარგი ამხანაგები მყავს... ყველაშა მნახა, თითის წვერებზედ დადიოდნენ, მკოცნიდნენ! მწუხარედ გამივლის ხოლმე ის ფიქრი, რომ მოვა დრო, როდესაც იმათ უნდა გავშორდე-მეთქი. დეროსისა და ზოგიერთებთან კიდევ შეიძლება ერთად სწავლა განვაგრძო, მაგრამ სხვანი, დანარჩენნი?.. მეოთხე კლასს გავათავებთ და ერთმანეთს გამოვეთხოვებით! აუად რომ გავხდე, ჩემ საწოლთან ველარა ვნახავ იმათ! ვერასოდეს ველარა ვნახავ ჩემ კეთილ, კარგ და ნამდვილ ამხანაგებს, გაროანეს, პრეკოსის და კორეტის!..

## წ ე რ ი ლ ი

20-ი. ხუთშაბათი.

რატომ ველარა ნახავ შენს ამხანაგებს! ენრიკო, ეგ შენზეა დამოკიდებული. მეოთხე კლასს რომ გაათავებ, გიმნაზიაში შეხვალ, შენი ამხანაგები-კი მუშაობას დაიწყებენ. იქნება ერთსა და იმავე ქალაქში დიდხანს მოგიხდეთ ცხოვრება და მერე რატომ არ უნდა ნახოთ ერთმანეთი! უმაღლესს სასწავლებელში რომ იქნები, როგორ გესიამოვნება, როდესაც იმათ სახელოსნოში მიხვალ და მუშაობის დროსა ჰნახავს შენს ბავშვობის ამხანაგებს! იმასაც ვნახავ, როგორ არ წახვალ პრეკოსისთანა და კორეტისთან, რა ხელობისანიც უნდა იყვნენ! ბევრ საათს სიამოვნებითა და სასარგებლოდ გაატარებ იმათთან! ჰო, ენრიკო, სწორედ რომ სასარგებლოდ! ცხოვრებასა და ამ ქვეყანას რომ გაიცნობ, დარწმუნდები, რომ ეს ამხანაგები იმას გასწავლიან, რასაც სხვა ვერავინ გასწავლავს. ისინი გაგაგებინებენ, რა არის სამშობლო მხარე, ხალხისა და ცხოვრების აკარგიანობა და იმათი ხელობა. ენრიკო, არ დაგაეიწყდეს, რომ თუ ამ ამხანაგებს არ გაუფრთხილდი და დაივიწყე, ძნელია ასეთავე სხვა მეგობრები იშოვნო. მე ვამბობ იმ წრის მეგობრების შესახებ, რომელსაც შენ არ ეკუთვნი. ესეც იცოდე, რომ ის კაცი, რომელიც საზოგადოების ერთს რომელსამე

წრეში სცხოვრობს, იმასა ჰგავს, ვინც ერთსა და იმავე წიგნს კითხულობს! შევაღაროთ: საზოგადოების მაღალის წრის ხალხი, ვთქვათ, აფიცრები არიან და მუშანი-კი — ჯარის-კაცნი. მაგრამ საზოგადოებაში, როგორც ჯარშიაც, ჯარის-კაცი აფიცერთან შედარებით ნაკლებად კეთილშობილი არ არის! კეთილშობილება შრომით გამოიხატება და არა შემოსავალით, ქველობითა და არა ღირსებითა და წარჩინებულობით! თუ ღირსებით წარჩინება თავ-მოსაწონებელია, ისევ უბრალო ჯარის-კაცთა შორის, რადგან იგი თავისის შრომისათვის უფრო მცირე სასყიდელს იღებს. მაშასადამე, შენ ამხანაგთა შორის მომეტებულად უფრო ჯარის-კაცებისა და მუშების შეილება გიყვარდეს და პატივსა სცემდე, მარტო იმიტომაც-კი, რომ იმათი მშობლები თავ-განწირულნი არიან. ძულებით უყურებდე საზოგადოების წოდებრივად და ქონებრივად დანაწილებას, რადგან მარტო სულ-მდაბალნი სწყავენ ამ საწყაოთი თავისს გრძნობასა და თავისს ზრდილობასაც-კი. მარად გახსოვდეს, რომ ჩვენი სამშობლო განათავისუფლა მუშათა კეთილშობილმა და კურთხეულმა სისხლმა. გიყვარდეს გარონე, პრეკოსი, კორეტი, გიყვარდეს თქვენი პატარა „კაჯატოზი“, გიყვარდეს და ფიცი დასდე, რომ ვერავითარი ცხოვრების ცვალებადობა ვერ აღმოფხვრის შენის გულიდგან ამ წმიდა მეგობრობას. დაიფიცე, რომ თუ რაღდენისამე წლის შემდეგ სადმე რკინის გზაზედ შავად გამურული მემაშინე ჰნახო და შენი ძველი მე-

გობარი გარონე აღმოჩნდეს... მაგრამ, არა, ფიცი  
საქირო არ არის... რაც და ვინც უნდა იყო, დარ-  
წმუნებული ვარ, ჩემო ენრიკო, რომ გულწრფელად  
გადაეხვევი და გადაჰკოცნი.

შენი მამა.

28-ა. პარასკევი.

დავიწყე თუ არა სასწავლებელში სიარული, ძა-  
ლიან სამწუხარო ამბავი შევიტყე. რამდენიმე დღეა  
თურმე, რაც გარონე არ მისულა სასწავლებელში.  
დღეა ავადა ჰყავდა თურმე და შაბათ საღამოს გარ-  
დაეცვალა. გუშინ დილით მასწავლებელმა გვითხრა:

— გარონეს ისეთი უბედურება ეწვია, რომლის  
უარესი შეუძლებელი-ღაა! დღეა გარდაეცვალა. ხვალ  
მოვა კლასში. ბავშვებო, გთხოვთ იმის მწუხარებას  
პატივის-ცემით მოეპყრათ! როდესაც მოვიდეს, შეგო-  
ბრულად მიესალმებით, მაგრამ თავი-კი შეიმაგრეთ,  
სიცილი და ხუმრობა არ დაიწყათ.

გარონე დღეს სხვებზედ ცოტა გვიან მოვიდა.  
გულში ეკალსავით მეცა, როცა დავინახე. ველარ  
იცნობდა ადამიანი, გაფიტრებული იყო, მოქანცუ-  
ლი, თვალები ჩასწითლებოდა, თითქო ავად ყოფილა  
და ეს არის ეხლა ამდგარო, — თავიდგან ფეხებ მღე  
შავები ეცვა. ყველანი ხმა ამოუღებლად ვუცქერო-  
დით. გარონემ დახედა კლასს... დღეა ყოველ დღე  
ჰნახავდა ხოლმე! თავის ადგილს... განსვენებული და-  
იხრებოდა ხოლმე შვიდრისაკენ და ჩუმად არიგებდა.

ის-კი მოუთმენელად ელოდდა ხოლმე გაკვეთილის და-  
ბოლოვებას და იმის მისაგებებლად გარბოდა... გა-  
რონემ სასოწარკვეთილი ქვითინი ამოუშო. მასწა-  
ვლებელმა ხელი დაუქირა, წინ დაიყენა და უთხრა:

— იტირე, იტირე, საწყალო ბავშვო, მაგრამ  
სულით-კი არ დაეცე. დედაშენი აქ აღარ არის,  
მაგრამ იგი გხედავს შენ, უყვარხარ და შენთან  
სცხოვრობს. მოვა საათი და ერთმანეთსა ნახავთ, შენც  
ისეთივე კეთილი და პატროსანი სული გაქვს, რო-  
გორიციმას.

მასწავლებელმა გარონე ჩემს გვერდით დასვა.  
მე ვერა ვბედავდი მისთვის შემეხედნა. იმან თავისი დი-  
დის ხნის გაუხსნელი რვეულები ამოიღო, წიგნი გა-  
დაშალა, უნდოდა წაეკითხა, — შეხვდა სურათი: დე-  
დას ბავშვი მიჰყავდა ხელ-დაქერილი... გარონეს  
კვლავ კრემლები წამოსცვივდა, ნიდაყვზედ დაეყრო  
ღ თავი მკლავებში ჩაჰმალა. მასწავლებელმა გვანიშნა,  
არ შეაწუხოთო, და გაკვეთილი დაიწყო.

მინდოდა მეთქვა რამე გარონესათვის, მაგ-  
რამ არ-კი ვიცოდი, რა მეთქვა. ბოლოს ხელ-  
ზედ შევეხე და წავჩურჩულე: „გარონე, ნუ სტირი!“  
იმან თავ-აუწევლად ჩუმად ხელზედ ხელი მომიპირა  
და დიდხანს აღარ გამიშო. გაკვეთილი გათავდა.  
გარონეს არავინ გამოელაპარაკა. ყველამ ჩუმად, პატი-  
ვისცემით ჩაუარეს გვერდზედ. დედა ჩემი მელოდდა.  
გავიქეცი, მინდოდა მოვხვეოდი, მაგრამ იმან გარონესა-

კენ მიიხედა და უკან დაიწია! იმ წამს ვერ მოვიფიქრე, დედაჩემი რად მოიქცა-მეთქი ასე. შორი-ახლო განმარტოებით დაღონებული გარონე შეენიშნე. საბრალო გარონე გამოუთქმელის მწუხარებით გვიცქეროდა, თითქოს იმისი თქმა უნდოდა: „შენ დედაშენსა ჰკოცნი და მე-კი დედაჩემის კოცნას ველარასოდეს ვერ ველირსებო! შენ დედა გყავს, დედაჩემი — გარდაიცვალაო!“ ეხლა-კი მივხედი დედაჩემის საქციელს, რადაც დაიწია უკან და წასვლისას რატომ არ ჩამავლო ხელი.

29-ა. შაბათი.

დღეს დილითაც გარონე გაფითრებული და ნამტირლავი მოვიდა და ცალის თვალითაც ძლივს შეჰხედა იმ საჩუქრებს, რომელიც მაგიდაზედ დავუწყეთ, რომ გვესიამოვნებინა. მასწავლებელმა თან წიგნი მოიტანა და უნდოდა გარონესათვის რაღაც წაეკითხა, მაგრამ მანამდე-კი გამოგვიცხადა, რომ ხვალ დილით ქალაქის საბჭოში უნდა წავიდეთო; იმ ბავშვს, რომელმაც დარჩობისაგან ყმაწვილი გადაარჩინა, ჯილდო უნდა მისცენ -- მედალიო. მასწავლებელმა დაუმატა, რომ ორშაბათს ამ დღესასწაულის ამბავს გიკარნანახებთ თვიურ მოთხრობის ნაცვლადაო. შემდეგ მიუბრუნდა გარონეს, რომელიც თავ-ჩალუნული იჯდა.

— გარონე, აბა ძალ-ღონე მოიკრიბე და რაცა ესთქვა, შენც დასწერე.

კალმები ზვიდეთ ხელში და მასწავლებელმა დაიწყა:

„1805 წ. გენუეში დაიბადა ჯუზეპპე მაკცინი ჭგარდაიცვალა პიზას 1872 წ. მაკცინი იტალიაში მოსალოდნელ ცვლილებათა პირველი მთხრობელი იყო, დიდი მამულიშვილი და დიდად ნიჭიერი მწერალი, მტკიცე და შეურყეველის აზრისა. სამშობლოს სიყვარულისა გამო ორმოცი წელიწადი ღარიბად სცხოვრობდა, თავისი ქვეყნიდან განდევნილი. ჯუზეპპე მაკცინი თავისი დედას აღმერთებდა და ეთაყვანებოდა. რაც-კი სიკეთე და პატიოსნება მოეპოვებოდა, ყოველივე დედისაგან ჰქონდა ჩანერგილი. ერთს თავისი ერთგულს მეგობარს, რომელსაც დიდი უბედურება ეწია, აი რასა სწერდა იგი:

— მეგობარო! საშინელი ჰემმარიტება თუ გინდა, ეს არის: ამ ქვეყნად დედაშენს ველარასოდეს ვეღარა ნახავ. არ მოვდივარ შენთან, რადგან შენი მწუხარება წმიდაა, საიდუმლოება უფლისა; მაგისტანა მწუხარება კაცმა ბოლომდის უნდა აიტანოს და თითონვე დაამარცხოს. გესმის, რასაც ვამბობ? დამარცხოს-მეთქი მწუხარება... ე. ი. დაამარცხოს ის, რაც მის გულში უფრო ნაკლებ წმიდაა და სპეტაკი, ის, რაც-კი არ აამაღლებს ადამიანს სულიერად, არამედ ასუსტებს და ამცირებს. ყოველს მწუხარებას ორი თვისება აქვს: ის, რომელიც ადამიანს აკეთილშობილებს და სულიერად განამტკიცებს, სამუდამოდ, საუკუნოდ უნდა დარჩეს. დედის მაგიერობას ამ ქვეყ-



ნად ვერაფერი გასწევს. დედას ვერც მწუხარებასი და ვერც მხიარულებაში ვერ დაივიწყებ, თუ ბედმა კიდევ გარგუნა ეს მწუხარება-მხიარულება. მაგრამ ისე-კი გიყვარდეს, ისე გახსოვდეს და ისე იგლოვო, რომ ეს იმის სახელსა და ღირსებას შეეფერებოდეს. მომი-სმინე, ჩემო შეგობარო! სიკვდილი არ არის... სი-კვდილი არაფერია. მისი გაგებაც-კი შეუძლებელია. სიცოცხლე-კი არის, სიცოცხლეს თავისი კანონი, თავისი წარმატების, წინ-სვლის გზა აქვს. გუშინ ამ ქვეყნად დედა გყავდა, დღეს იქ, ცად—ანგელოზი გყავს. ყოველივე მშვენიერება იზრდება ძლიერებასა შინა თვისსა და მიწიერს ცხოვრებას ატარებს. ასევე ემართება დედიშენის სიყვარულს. ეხლა უფრო ძლიერ უყვარხარ, ვიდრე ჰყვარებიხარ როდისმე, და შენც, წინანდელზედ ეხლა უფრო, ყოველის შენის საქმის პა-სუხის-მგებელი ხარ იმის წინაშე. შენგანა და შენთა საქმეთაგან დამოკიდებულია ის, თუ როგორ ჰნახავთ ერთმანეთს მერმისში, რა პირით შეჰხვდებით. წადი წინ, განვითარდი დედის სიყვარულისა და პატივის-ცემის გამო. ყოველს საქციელზედ ჰკითხე ხოლმე: შენს თავს: მომიწონებდა დედაჩემი ასეთს საქციელ-საო? დედის სიკვდილმა მფარველი ანგელოზი გაგი-ჩინა, რომელსაც ყველაფრის ანგარიში უნდა აძლიო. მძლავრი იყავი და ამასთან მშვიდიც, სძლიე სასო-წარკვეთილება და უღირსი, ადამიანის დამამცირებე-ლი მწუხარება. შეუშფოთებლად იყავი, ისე შეუ-შფოთებლად, როგორც დიდებულნი კაცნი არიან

დიდის მწუხარების დროს. მეგობარო, აი დედიშენის სურვილი“...

— გარონე, დაუმატა მასწავლებელმა იყავ მშვიდი და მტკიცე, აი ეს არის დედიშენის სურვილი.

გარონემ თანხმობის ნიშნად თავი დაიქნია... რვეულზედ ცრემლი ღაპა-ღუპით სდიოდა.

## პატიოსანი მამაცობა.

(ყოველ თვიური მოთხრობა)

ზარის პირველ ჩამოკერისათანავე მასწავლებლითურთ ქალაქის საბჭოს სახლთან ვიყავით. სახლის მოედნის წინ სამ-ფერი ბაიარალი ფრიალებდა. შევედით ეზოში; ეზო ხალხით იყო სავსე. ეზოს ბოლოს წითელ მაუდ-გადაფარებული მაგიდა იდგა, რიგლის გარშემო ქალაქის მოურავისა ღ საბჭოს წევრთათვის ოქროს ვარაყაანი სკამები ჩამწყკრივებინათ. იქავე იდგნენ ცისფერ ტანსაცმელით ქალაქის ბოქაულები. ეზოს მარჯვენა მხარეზედ სჯერო გვარდიის ჯარის-კაცები და სასაზღვრო დარაჯი გამოსულიყვნენ (ამ უკანასკნელთ ბევრი მედალები ჰქონდათ გაკეთებული), მარცხნივ სადღესასწაულოდ მორთულნი ცეცხლის მქრობ რაზმის ჯარის-კაცი და სხვა სამხედრო წოდებისანი იდგნენ. მაყურებელთა შორის კეთილშობილი, აფიცრობა, გლეხობა, დედაკაცო-

ბა აუარებელი იყო. ხალხი თანდათან ჰმატულობდა.

ჩვენ ეზოს კუთხეში დავდექით; ჩვენთანვე დადგნენ სხვა სკოლის მოსწავლეებიც მასწავლებლებითურთ. ჩვენს მახლობლად დიდი და პატარა ერთმანეთში შერეული ბავშვები მოგროვილიყვნენ და ხმა მალლა ლაპაჯაკობდნენ. ეტყობოდათ, რომ ბორგო-პოს უბნელები იყვნენ — ამხანაგები და ნაცნობები იმ ბავშვისა, რომელსაც მედალი უნდა მიეღო. ზემო სართულის ფანჯრებიდგან ქალაქის გამგეობის მოსამსახურეები იყურებოდნენ. აივანზედ გარეშე მაყურებლები და ქალაქის სასწავლებლის მოსწავლე ქალები იდგნენ... ეზო თეატრს წააგავდა; ამსგავსებას მუსიკის ხოროც აგვირგვინებდა. მზე მალალს კედლებს მოსდგომოდა. ყველანი მხიარულად ჰლაპარაკობდნენ ლე წითელს მაგიდას ჩქარ-ჩქარა მიჰხედავდნენ ხოლმე. უცებ ყოველ მხრივ ტაშის ხმა გაისმარამდენადაც-კი შემეძლო, ფეხის ჩლიქებზედ შევდექი, რომ უკეთ დამენახა. მაგიდას ახლო ხალხი გაიყო და კაცი და დედაკაცი გამოვიდნენ. კაცს ხელდაკერით მოჰყავდა ბავში, სწორედ ის ყმაწვილი, რომელმაც ამხანაგი გადაარჩინა. ეს კაცი იმისი მამა იყო, სადღესასწაულოდ მორთული კალატოზი; დედაკაცი-კი დედა იყო, დაბალ-დაბალი, ქერა ქალი, შავ-კაბიანი. პაწია ბავშიც ქერა იყო და ნაცრის ფერი ხალათი ეცვა. დაინახეს თუ არა ამოდენა ხალხი და გაიგონეს თუ არა საერთო ტაშის

ხმა, სამივენი შეკრთნენ; ვერც ფეხის გადადგმა გა-  
ებედნათ წინ წასასვლელად და ვერც წინ გახედვა.  
საბჭოს წევრმა მაგიდას მარჯვენა მხარეს მიიწვია სა-  
მივენი: მაყურებლები ერთს წამს დაჩუმდნენ, მაგრამ  
ერთის წუთის შემდეგ უფრო ძლიერი ტაშის ხმა გა-  
ისმა. ბავშვი შესცქეროდა ფანჯრებს, აივნებს, ქუდს  
ხელში ატრიალებდა და არ ესმოდა სად იყო.  
მე იგი კორრექტის მივამსგავსე, თუმც უფრო  
მოწითული სახე-კი ჰქონდა. დედ-მამა მაგიდას  
მიაჩერდნენ. ჩვენს მახლობლად ბორგო-პოს გლეხის  
ბიჭები თავისს ამხანაგს ხელებით ანიშნებდნენ,  
მოგვხედუო, და ჩუმად ეძახოდნენ: პინ! პინ! პინო!  
ბავშვმა გაიგონა ხმა, მოიხედა და პირზედ ქული მიი-  
ფარა. შემდეგ გამოჩნდა ქალაქის მოურავი, თეთრებში  
იყო მორთული ზე მხარზედ სამ-ფერი ლენტე ჰქონდა გა-  
დაგდებული. მოურავს თან საბჭოს წევრნი ზე სხვანი მრავ-  
ალნი გამოჰყვნენ. თითონ მაგიდასთან დადგა ზე სხვანი  
აქეთ-იქით მოუდგნენ. მუსიკა გაჩუმდა: მოურავმა  
ანიშნა, მაყურებელნი გაჩუმდნენ ზე მან-კი ლაპარაკი  
დაიწყო. პირველი სიტყვები ვერ გავიგონე, მაგრამ  
მივხვდი-კი, რომ ბავშვის ღვაწლის შესახებ ჰლაპარ-  
აკობდა. მალე ხმას აუმაღლა, მთელს ეზოში გარ-  
კვევით ისმოდა იმისი ლაპარაკი და ერთი სიტყვაც  
აღარ გამომპარვია...

— „ნაპირიდგან შენიშნა თუ არა, რომ ამხანაგი  
სიკვდილის შიშით სასოწარკვეთილი წყლის ტალ-

ლებს ებრძოდა, გაიძრო ტანისამოსი და, ერთს წუთსაც არ შეყოყმანებულა, თავი გადასდო. ამაოდ უყვიროდნენ: „დაირჩევებო!“, არავის უგდებდა ყურს; იქერდნენ, მაგრამ ხელიდან გაუსხლტა; ხალხმა კვლავ დაუწყო ძახილი, მაგრამ იგი უკვე წყალში იყო. აღიდებული წყალი ვაჟკაცისათვისაც-კი საშიში იყო. ბავშვი არც-კი დაფიქრებულა, თავისის პატარა ჯან-ლონითა ლ ძლიერის გულით ამხანაგის საშველად წყლის ტალღებს შეებრძოლა. დროზედ წამოეწია და ხელი წაავლო უბეჯურს, რომელსაც წყალი უკვე სძირავდა. ამოსწია ზემოდ და დაუწყო წყალს გაშმაგებული, სასოწარკვეთილებით სავსე ბრძოლა, რაც-კი ჯანი და ღონე ჰქონდა; ტალღა ორივეს შთანთქმას უქადიდა—იმასაცა და იმისს ამხანაგსაც, რომელიც უშლიდა ხელის თავისუფლად გაქნევას. ბევრჯელ ჩაიმალა წყალში და კვლავ თავი ამოჰყო. თავისის წმიდა სურვილის მტკიცედ აღმასრულებელმა. იგი ბავშვი-კი აღარ იყო, ვაჟკაცი იყო, რომელიც სიკვდილის ხელიდგან იხსნიდა შვილს—თავისს იმედს, თავისს სიცოცხლეს... ღმერთმა არ ინება, რომ ამაოდ ჩაევლო ამ ღვაწლს, ამ თავ-განწირვას! მცურავმა-ბავშვმა გოლიათს მდინარეს მსხვერპლი გამოჰგლიჯა და დედამიწას ადამიანი დაუბრუნა... შემდეგ სხვებთან ერთად ამხანაგი გამოაბრუნა; არხეინად დაბრუნდა სახლში და გულ-უბრალოდ უამბო მშობლებს, რაც ჩაიდინა. ბატონებო! დიდის ადამიანის მამაცობა მშვენიერია,

პატივისცემის ღირსი, მაგრამ ბავშვს არც პატივ-  
მოყვარეობა მოეპოვება და არც ანგარიში. ბავშვს  
ლონე უფრო ნაკლები აქვს ლამიტომ თავ-განწირვა მე-  
ტი უნდა ჰქონდეს, რომ ამისთანა სამაგალითო საქმე ჩაი-  
დინოს. იმას არა მოეთხოვება-რა ლამიტომ მოვალეა რისსა-  
მე ქმნას. ჩვენის აზრით, ბავშვი მაშინაც-კი კეთილია ლამიტომ  
სულგრძელი, როდესაც მარტო მიხვედრილია თავ-  
განწირულების მნიშვნელობას და ჯერ საქმეში არ  
გამოუყენებია ეს მიხვედრილობა... ბავშვის მხრით  
ვაჟკაცურად თავ-გამოდება ღეთაებრივია... ამ სიტ-  
ყვას აღარას დავსძენ, ბატონებო. ამ სადა, საია დი-  
დებას მრავალ-სიტყვაობით შემკობა და გამშვენება  
არა სჭირია. იგი თქვენს წინაშე სდგას, გამბედავი,  
დიდსულოვანი მხსნელი... ჯარის-კაცნო, ისე მიე-  
სალმენით, როგორც თქვენს ძმას! დედანო, აკურთ-  
ხეთ ვითარცა თქვენი შვილი! ბავშვებო, კარგად და-  
იხსომეთ ამისი სახელი ლამიტომ სახე, რომ არას დროს არ  
დაგავიწყდეთ და ყოველთვის გულში გქონდეთ ეს  
ამბავი! პატარა ბიჭო, აქ მომიახლოვდი! იტალიის  
მეთის სახელით, მოქალაქობრივის ვაჟკაცობისათვის  
ეს მედალი გეძლევა“.

ხალხმა იგრიალა და ერთობილი „ვაშა“-ს ხმა  
გაისმა; საბჭოს შენობის კედლები ირყეოდა. მოუ-  
რავმა მაგიდიდგან მედალი აიღო და ბავშვს გულზედ  
დაჰკიდა. შემდეგ მოეხვიბა და აკოცა. ბავშვის დე-  
და ცრემლებს იწმენდდა, მამა-კი თავ-ჩალუნული იდ-  
გა და მალლა ახედდა ვერ. გაეხედნა.

მოურავმა ხელი ჩამოართვა ორივეს, დედას ყაითნით შეკრული მედალის მოწმობა გადასცა და კვლავ ბავშვს მიუბრუნდა:

— ამ შენთვის დიდებულისა ჭ შენის მშობლებსათვის ბედნიერის დღის ხსოვნამამც განგამტკიცოს შენის ცხოვრების მერმისში ქველმოქმედ და პატიოსან გზის განსაღვლელად. მშვიდობით.

მოურავი წავიდა. მუსიკამ კვლავ გაიხმაურა. ჩვენ ვიფიქრეთ, რომ ყველაფერი გათავდაო, მაგრამ ცეცხლის მქრობთა რაზმი გაირღვა; გამოჩნდა ესე რვა წლის ბავშვი; იგი ვილაც დედაკაცმა წამოაყენა წინ და თითონ-კი მიიმალა. ბავშვი დაჯილდოვებულს მივარდა და მოეხვია. გახურებული ტაშის ხმა მოისმა. გადარჩენილი მსხნელს მადლობას უხდოდა. პაწიამ თავისი მსხნელი გადაჰკოცნა, მერე ხელი ჩაავლო ჭ ორივენი ერთად გასავალისაკენ წავიდნენ. დედამა უკან მისდევდა. ხალხი მომავალთ გზას უცლიდა: პოლიციელები, ბავშვები, ჯარის-კაცნი, დედაკაცები ფეხის ჩლიქებზედ სდგებოდნენ და ბავშვს შეჰყურებდნენ. როცა ჩვენს ახლო გაიარა, ჩვენ ხელსახოცები დავუქნიეთ. იმისი ბორგო-პოელი ნაცნობი ბავშვები ხელსა და კალთებზედ ეჭიდებოდნენ და ჰყვიროდნენ.

— ვაშა, პინ! ყოჩაღ, პინო!

მე იგი ახლოსა ვნახე; მთლად გაქარხლებულიყო, უხაროდა. მედალს სამ ფერი—თეთრი, წითელი ჭ მწვანე ლენტე უმშვენებდა. დედა თან ტიროდა, თან

იციოდან; მამა-კი მხოლოდ უღვაშებს იგრებდა და ხელი ციებ-ცხელებიანსავით უკანკალებდა. ფანჯრებიდგანა ჭ ლოყებიდგან ყველანი იხედებოდნენ ჭ ტაშს უკრავდნენ. ჭიშკართან «სამხედრო წოდების კაცთა ქალიშვილების» განყოფილების დარბაზის ფანჯრებიდგან ია, ვარდი და სხვა ყვავილები დააყარეს თავზედ ბავშვსა, დედასა და მამას. ხალხი მიწაზედ დაცვივინულს ყვავილებსა ჭკრეფდა და დედას აძლევდა. ეზოს შუაგულში მუსიკა წყნარად უკრავდა მშვენიერს ჭანგს, რომლის ხმაც ისე გაისმოდა, თითქოს ზღვის ტალღებს დაჰმღერის ვინმეო.

---

## მ ა ი ს ი.

5-ი. პარასკევი.

დღეს სასწავლებელში არ წავედი, ვერა ვარ კარგად. დედა ბავშვების საავადმყოფოში მეკარის ქალის შესაყვანად წავიდა და თან წამიყვანა; მაგრამ სასწავლებელში-კი ავადმყოფ ბავშვებთან არ შემიშვა.

## წ ე რ ი ლ ი.

— მერე, ენრიკო, ვერ მიჰხვდი, რატომ არ შევიშვი? იმიტომ, რომ შენ, ჯანმთელი, ლონიერი, არ მეჩვენებინე



იმ უბედურებისათვის; უიმისოდაც ისინი ძლიერ ხშირად არიან ხოლმე იძულებულნი თავისი თავი სხვებს შეაღარონ ღ ამ შედარებით მწუხარება იგრძნონ. შევედი თუ არა იმათთან, ცრემლი ვერ შევიმაგრე. სამოცამდე ბავში იყო — ქალი ღ ვაჟი... საცოდავნი, დატანჯულის სახისანი! საცოდავი ხელები, საცოდავი დაკლაკნილი დამახინჯებული ფეხები ღ სნეული სხეული უჩანდათ! ღ რამდენსა ჰქონდა ნაზი, პირისახე, ალერსიანი, ჰკვიანი თვალები! მომეტებულად ერთი ქალი იყო შესაბრალისი: თითქოს მოხუციო, ცხვირი დაჰგძელებოდა, ნიკაპი ჩამოსწოპებოდა ღ ღიმილი კი მეტად სასიამოვნო შერჩენოდა. მრავალი ბავში, ვიდრე დაიძრვიან, მშვენიერები არიან, მაგრამ გადაბრუნდებიან თუ არა, გული გიწუხს. მკურნალიც იქ იყო; სნეულებსა სინჯავდა, სკამებზედ აყენებდა, ტანისამოსს უწევდა, სქელს მუცელსა ღ დასიებულს სახსარზედ ზეთს უსვავდა, ბავშვები კი სრულიად შეუშფოთებლივ იყვნენ; ისინი უკვე შეჩვეულები არიან გახდას, შემოწმებასა და ყოველ მხრივ მიბრუნ მობრუნებას.

წარმოიდგინე მარტო ის, რომ ეს დრო კიდევ ბედნიერი ხანაა იმათის ტინჯვა-წვალებისა ღ სულ არაფრად მიაჩნიათ. რა უნდა ეგრძნოთ, პირველად რომ დაეწყოთ დასახიჩრება სხეულისა! სენი ჰმატულობდა და გარშემო მყოფნიც თანდათან აკლებდნენ თავისს ალერსს, მთელ საათობით ოთახში მარტოკებსა სტოვებდნენ, ცუდად ჰკვებავდნენ, დასცინოდნენ კიდევ ღ უვარგისის წამლობით უფრო უძნელებდნენ ავადმყოფობას. ეხლა-კი კარგის საჰმლისა და მოვლის წყალობით

ბევრნი უკეთა ჰგრძნობენ თავს . მასწავლებელმა ქალმა უბრძანა, გიმნასტიკაში ივარჯიშეთო! სწორედ შესაბრალოსი სანახავები იყვნენ . მასწავლებლის ბრძანებით ჰშლიდნენ, სჭიმავდნენ შეხვეულის ხელ-ფეხს, იმ პაწია ფეფეებს, რომელიც ადამიანს საკოცნელად იზიდავს! ზოგიერთები ვერა დგებოდნენ, თავ-ჩალუნულები იჯდნენ და თავისს ხის ფეხებს ხელს უსვამდნენ; ზოგნი ხელების გაშლისათანავე ქაქანით გაფითრებულნი იქცეოდნენ და იღიმებოდნენ, რომ სიმწვავე ტკივილისა დაეფარათ . ახ, ენ-რიკო! თქვენ-კი ჯანს არ უფრთხილდებით! ჯან-სალობა უბრალო, უმნიშვნელო რამედ მიგაჩნიათ! გამახსენდა პაწია, მშვენიერი, ჯან-ლონით საესე, გალაქლავებული ბავშვები, რომლებიც დედებს სიხარულით დაჰყავთ და იმათის მშვენიერებით თავი მოსწონთ; მინდოდა ეს უბედურნი გულზედ მიმეკრა და, მარტო რომ ვყოფილიყავი, ვეტყოდი: „ვიდრე ცოცხალი ვარ, არ მოგშორდებით, სიცოცხლეს თქვენ შემოგწირავთ, გემსახურებით და დედობას გაგიწევთმეთქი“ .... ამასობაში იმათ მღერა დაიწყეს წვრილის, ნაზისა და მწუხარე ხმით, რომელიც ადამიანს გულში სწვდებოდა . მასწავლებელმა აქო; იმათ თითქოს გაეხარდათ, ხელებს უკოცნიდნენ, როდესაც მიუახლოვდებოდა . აღერსიანად ეკიდებიან ლ მადლობელნი არიან იმისი, ვინც იმათთვისა ჰზრუნავს . ანგელოზები არიან სწორედ! გონიერებიც არიან , კარგადა სწავლობენო, — მითხრა მასწავლებელმა . მას -

წავლებელი ახალგაზდა ქალია, სახით არა უქირს-  
რა, ვგონებ კეთილი უნდა იყოს და საკვირვლად  
მწუხარედ გამოიხედება, თითქოს იმის სახეზედ  
კვალი დაუჩნევიაო იმ უბედურებას, რომლისათვისაც  
ჰზრუნავს, რომელსაც ნუგეშინსა სცემს... საბრალო  
ყმაწვილი ქალი! იმათ შორის, ვინც-კი თავისის შრომით  
ჰშოულობს ლუკმა პურს, შენსავით წმიდა უღელს არა  
ვინ ეწევა.

შენი ღება.

9-ა. სამშაბათი.

დედაჩემი კეთილი დედაკაცია და ჩემი და სი-  
ლვიაც კეთილია; დიდებული ზე კეთილშობილი გული  
აქვს. გუშინ საღამოს თვიურ მოთხრობის: „აპენი-  
ნები და ანდები“-ს ერთს ადგილსა ვკითხულობდი.  
მოთხრობა საკმაოდ მოზრდილია და ამიტომ მასწა-  
ვლებელმა რამდენსამე მოსწავლეს დაგვირიგა ნა-  
წილ-ნაწილ გადასაწერად. სილვია ჩუმად შემოვიდა  
და საჩქაროდ ჩამჩურჩულა:

— დედასთან წავიდეთ! გავიგონე, დილასა ლა-  
პარაკობდნენ: მამას რაღაცა საქმე ცუდად წასვლია;  
გაჯავრებული იყო, დედა ამხნევებდა. ეხლა გაჭი-  
ვრებაში ვართ, გესმის? მამამ სთქვა, ცოტა ხელ-  
მოქერით უნდა ვიცხოვროთ, ბევრი რამ დავიკლოთ,  
რომ წელში გავიმართნეთო. ჩვენც უნდა დავიკ-

ლოთ რამე, არა? შენ ხომ მზადა ხარ? ძალიან კარ-  
გი. დედას მოველაპარაკები და პირობა მომეცი,  
რომ იმის უარს არ იტყვი, რასაც დედას გამოვუცხა-  
დებ.

ხელი დამიჭირა და წავედით.

დედა დაფიქრებული იჯდა და საქმობდა. ჩვენც  
გვერდით მოვუსხედით.

— დედა, დაიწყო ლაპარაკი სილვიამ, შენ-  
თან სალაპარაკო მაქვს. ორივენი უნდა მოველაპა-  
რაკოთ.

დედამ გაკვირვებით შემოგვხედა.

— მამას ფული არა აქვს განა?! ჰკითხა სილ-  
ვიამ.

— რას ამბობ? უპასუხა დედამ და გაწითლდა:  
ტყუილია! შენ აბა მაგეებისა რა გესმის? ვინ გით-  
ხრა?

— მე თითონ ვიციო, უთხრა სილვიამ მტკი-  
ცედ: მომისმინე, დედა. ჩვენც უნდა დავთმოთ,  
დავიკლოთ რამე. შენ მე მარაოს ყიდვას დამპირდი  
ღენრიკოს საღებავ წამლებისას. ეხლა აღარა გვინდა-  
რა; ნუ დაეხარჯავთ ფულს; იოლად წავალთ...

დედას რალაცა უნდოდა ეთქვა.

— არა, გააწყვეტინა სილვიამ: ასე გადაწყვეი-  
ტეთ. აღარც ტკბილეულობა და ხილია საქირო,  
ვიდრე მამას ფული არ ექნება; სადილად მარტო  
წვნიანიცა კმარა, საუზმედ-კი მარტო პური, და სა-  
ქმლისათვის ცოტა დაიხარჯება... ეხლა ძალიან ბევრ-

სა ეხარჯავთ... პირობას გაძლევთ, რომ ყოველ-  
თვის უწინდელეობა კმაყოფილი ვიქნებით. არა, ენ-  
რიკო?

— ჰო-მეთქი, ვუპასუხე.

— წინანდებურად ყველაფრით კმაყოფილები  
ვიქნებითო, — განიმეორა სილვიამ და თან დედას  
ხელს პირზე აფარებდა: — და თუ კიდევ საჭიროა  
უარი ვსთქვათ ტანსაცმელსა, ან სხვა რაზედმე,  
სიამოვნებით ვიტყვით უარს; რაც ძვირფასი რა-  
მე გვაქვს, გავყიდოთ; ჩემი ოქროს ნივთები წაიღე.  
მე მოახლედ ვიქნები, სხვას აღარა შევუკვეთოთ-რა.  
შენთან ერთად მთელი დღე ვიმუშავებ; რაც გინდა,  
ყველას გავაკეთებ, ყველაფრისათვის მზადა ვარ.

— ყველაფრისათვის-მეთქი, წამოვიყვირე მე ლე-  
დას კისერზედ ჩამოვეკიდე. მხოლოდ შენ და მამა ნუ  
შესწუხდებით, კვლავ მშვიდად, მხიარულად იყავით  
თქვენის სილვიათი ლენრიკოთი!.. ჩვენ ასეც გვიყვარ-  
ხართ ლ მზადა ვართ თქვენთვის სიცოცხლე გავწიროთ.

ასე მხიარულად დედაჩემი არასოდეს არ მინახავს!  
გვკოცნიდა, თან იცინოდა, თან ტიროდა და სი-  
ტყვის თქმა ვეღარ შეეძლო. შემდეგ გვარწმუნებდა,  
რომ სილვიას კარგად ვერ გაუგია, გაღარიბებული სუ-  
ლაც არა ვართო... მადლობას გვიხდიდა ლ როცა მამა  
მოვიდა, დედამ ყველაფერი უამბო. მამამ არა სთქვა-რა.  
დღეს სადილის დროს... მესიამოვნა კიდევ ლ მეწყინა  
კიდევ: ჩემს ხელსახოცს ქვეშ საღებავ წამლების ყუთი  
აღმოჩნდა, ხოლო სილვიას ხელსახოცს ქვეშ — მარაო.

დღეს დავამთავრე მოთხრობის: „აპენინისა და ანდის მთები“-ს გადაწერვა და იმისა ვფიქრობდი, რა დავწერო-მეთქი. მასწავლებელმა დაგვავალა, რომ თხზულება დასწერეთო. უცებ კიბიდან უცნობი ხმა მომესმა და ოთახში ორი ცეცხლის მქრობელ რაზმის ჯარის-კაცი შემოვიდა. მამაჩემსა სთხოვეს, ნება მოგვეცით ბუხრები და ლუმელები გავსინჯოთო, რადგან ბუხრიდგან ცეცხლის ალისთვის მოეკრათ თვალი და ვერ შეენიშნათ კარგად, რომელ სადგომის ბუხარი იყო.

— გასინჯეთო, უთხრა მამაჩემმა. იმათაც ყველა ოთახი დაიარეს და კედლებს ყურს ადებდნენ, ცეცხლის ხმა ხომ არ გამოდისო.

— ენრიკო, მითხრა მამამ: აი, სათხზულებო მასალაც: ცეცხლის მქრობელნი ჯარის-კაცი. აბა სცადე და ის დასწერე, რასაც გაიმბობ. ამ ორის წლის წინად ვნახე როგორც მუშაობდნენ ცეცხლის მქრობელნი ჯარის-კაცი. კარგა დაღამებული იყო; ბალბოს თეატრიდგან მოვდიოდი; დავინახე, რომ რომის ქუჩა სრულიად განათებული იყო და ხალხს მოეყარა თავი. ყველა ერთს მხარეს გარბოდა. სახლს ცეცხლი მოჰკიდებოდა, ფანჯრებიდგანა და ბანებიდგან ბოლი და ცეცხლის ალი ამოდიოდა; ფანჯრებში გამოჩნდებოდნენ ხოლმე კაცები და დედაკაცე-

ბი და ისევე მიიმალეობდნენ; სასოწარკვეთილი ხმა მოისმოდა. ხალხი გაჰკიოდა: „ცოცხლები ამოიწვე-  
ბიან! უშველეთ! უშველეთ! ცეცხლის მქრობელ რაზმის  
ჯარის-კაცი მოვიდნენო!..“ მოგრიალდა ეტლი ჭ ოთ-  
ხი ცეცხლის მქრობელი ჯარის-კაცი გადმოხტა. ამათ  
მეტი იმ დროს ცეცხლის მქრობელ რაზმის სადგურზედ  
არავინა ყოფილიყო; ეს ოთხივე ჯარის-კაცი ცეცხლ-  
მოკიდებულს სახლს ეცნენ. ამ წუთს საშინელი სა-  
ნახავი დავინახეთ. მესამე სართულის ფანჯარაში დე-  
დაკაცი გამოჩნდა, ფანჯრის რკინის ბადეს მოეკიდა,  
აქეთ გადმოვიდა და ჰაერში ჩამოეკიდა. დედაკაცს  
ზურგი ქუჩისაკენ ჰქონდა და ცეცხლის ალი და ბოლი  
თავზედ დასდიოდა. ხალხი შიშის ზარმა აიტანა და  
შეჰკივლეს. ცეცხლის მქრობელნი ჯარის-კაცი შე-  
ცდომით მეორე სართულში ავიდნენ; ისინი აქ შე-  
შინებულმა მდგმურებმა შეაჩერეს; ჯარის-კაცი  
კედლებს ანგრევდნენ, ოთახებში დადიოდნენ...  
მაგრამ ასობით ხმამ შესძახა: „მესამე სართულ-  
ში! მესამეშიო!“ ისინი მესამე სართულში აცვივ-  
დნენ. იქ ჯოჯობეთი ჰდულდა. ქერის კოჭები ცვი-  
ვოდა, ტალანი ცეცხლში იყო გახვეული და ბოლი  
არჩობდა ადამიანს. ცეცხლით მოდებულ დაკეტილ  
ოთახისკენ მხოლოდ საჩეხიდგან-ლა იყო გზა. ცეცხ-  
ლის მქრობნი საჩეხზედ აცვივდნენ. ჩალანგარებზედ  
დავინახეთ, რომ ვილასიც შავი აჩრდილი გადმოხ-  
ტა. უფროსი ცეცხლის მქრობელი ჯარის-კაცი იყო;  
პირველად ის მოვარდა ამ უბედურების დროს. მაგ-

რამ ცეცხის ალით მოცულ სადგომის ბანთან მისასვლელად წყლის მილსა და სანათურს შუა წვრილს მანძილზედ უნდა გაევიღო; დანარჩენი ადგილი ცეცხლში იყო; ეს პატარა მანძილიც თოვლსა და ყინულს დაეთარა და ხელის მოსაქიდებელი არა ჰქონდა-რა.

„ვერ გაივლისო!“ ყვიროდა ხალხი. ჯარის-კაცი ამ ნაპირს უახლოვდებოდა; ყველანი კანკალით აღევენებდნენ თვალ-ყურს, სულს ძლივს-ლა იბრუნებდნენ. გადავიდა. „ვაშაო!“ დაიძახა ხალხის ბრბომ. ის მაინც მიდიოდა. მივიდა ზეცულით მილეწ-მოლეწა ჩარჩოები, რომ ოთახში ჩასასვლელი გზა გაეკეთებინა. საბრალო დედაკაცი-კი ისევ ფანჯრის ბადეზედ ეკიდა ცეცხლს ქვეშ; ერთი წუთიც და ქუჩაში გადმოვარდებოდა. უფროსმა ჯარის-კაცმა ჩაანგრია ბანთან ალაგი და ოთახში ჩახტა. სხვებიც თან ჩაჰყვნენ ამხანაგს. ამ დროს დიდი კიბე მოიტანეს და სახლს მიაყუდეს. „გვიან-ლა არის! ველარავის გადაარჩენენ! ყველანი დაილუნენო!“ ამბობდა ხალხი. ცეცხლში გახვეულ რკინის ბადესთან ფანჯარაში უცბად ცეცხლის მქრობელ რაზმის უფროსი ჯარის-კაცი გამოჩნდა; დედაკაცმა ხელები კისერზედ შემოავლო; იმან წელზედ მოჰხვია ხელი და ოთახში შეიყვანა. ხალხი საშინლად გრგვინავდა. „სხვანი?—მერე როგორ ჩამოვლენ?“ კიბე ერთის ნაბიჯით დაბლა იყო ფანჯარაზედ.

— როგორ ჩამოსწვდებიან?

ფანჯარაში ჯარის-კაცი გამოჩნდა. მარჯვენა



ფეხი ფანჯარაში გაიმაგრა, მარცხენა კიბეზედ დაღ-  
გა და ასე ჰაერში აყვანილები ოთახიდგან თითო-თი-  
თო გამოჰყავდა. აქედგან კიბეზედ იმ ამხანაგს აწვ-  
დიდა იმათ, რომელიც ქუჩიდგან ავიდა კიბეზედ,  
და ამ რივად ყველანი გადაარჩინეს. პირველად ფან-  
ჯარაზედ ჩამოკიდებული დედაკაცი ჩამოსვეს, მერე  
პატარა ქალი, მერე კიდევ დედაკაცი და ბოლოს. ერთი  
მოხუცებული კაცი. შემდეგ თითონ ცეცხლის მქრო-  
ბელ რაზმის ჯარის-კაცნი ჩამოვიდნენ. სულ უკანასკნე-  
ლად-კი ის გადმოვიდა, რომელიც პირველად ავიდა—  
უფროსი ჯარის-კაცი. ხალხი ყველას ტაშის ცემითა  
და სიხარულით მიეგება, მაგრამ როდესაც უფროსი  
ჯარის-კაცი დაინახეს, ის, რომელიც პირველად გა-  
დავიდა უფსკრულზედ, ხალხი გამარჯვებულსავით  
მიეგება: ჰყვიროდნენ, აღტაცებით ართმევდნენ ხელ-  
სა და მადლობას უხდიდნენ. რამდენსამე წუთში ყვე-  
ლამ დაიხსომა, იმეორებდნენ იმის მანამდე უცნობს  
სახელს „ჯუზეპპე რობბინო“-ს. გესმის? აი, ნამდვი-  
ლი მამაცობა ეს არის, მამაცობა გულისა, როდე-  
საც ადამიანი არ დაფიქრდება, არ შეყოყმანდება,  
უკან არ მოიხედავს და პირდაპირ გულადად მიდის  
იქ, სადაც განსაცდელში მყოფთა გრინვა და კვნე-  
სა ისმის. წავიდეთ როდისმე და ვნახოთ, როგორ  
ასწავლიან ცეცხლის მქრობელ რაზმს; უფროსს ჯა-  
რის-კაცს რობბინოსაც გაჩვენებ. მე მგონია იმისი  
გაცნობა გესიამოვნება?

— რასაკვირველია-მეთქი, — ვუპასუხე.

— აგერ ისიცაო! მითხრა მამამ. მივიხედე. ცეცხლის მქრობელ რაზმის ჯარის-კაცებს ბუხრების გასინჯვა გაეთავებინათ და ჩვენს ოთახში გამოიარეს. მამამ დამანახვა ერთი დაბალ-დაბალი კაცი, ოქროს სირმებიანი, და მითხრა: ხელი ჩამოართვი უფროსს ჯარის-კაცს რობბინოსაო.

უფროსი ჯარის-კაცი ღიმილით შესდგა და ხელი გამომიწოდა. ხელი ჩამოვართვი, თავი დამიკრა და გავიდა.

— ეს ამბავი დაიხსომე, ენრიკო, მითხრა მამამ: შენს სიცოცხლეში იმ აუარებელ ხელთა შორის, რომელთა ჩამორთმევა-კი მოგიხდება, ბევრჯელ არ შეგხვდება აგეთის ღირსეულის კაცის ხელის ჩამორთმევა.

## ზ ა ფ ხ უ ლ ი

24-ი. ოთხშაბათი.

გენუელ მარკოს თავ-გადასავალის მოთხრობა „აპენინისა და ანდის მთები“ ამ წლის უკანასკნელ თვიურ მოთხრობათაგანია, სულ უკანასკნელს მოთხრობას ივნისში მოგვცემენ. საზაფხულოდ დათხოვნამდე ორი ყოველ თვიური გამოცდა, ოც-და-ექვსი სწავლის დღე, ექვსი ხუთშაბათი და ხუთი კვირა-ლა დარჩა! ჰაერიც-კი სასწავლო წლის დასასრულს გვაგრძნობინებს. ბალში ხეხილები დაიფოთლა, ყვა-

ვილი გამოიხსნა და საგიმნასტიკო მოედანი მშენი-  
ვრად დასრდილა. მოსწავლეებმა საზაფხულო ტან-  
საცმელი ჩაიცვეს. თვალს ესიამოვნება, სასწავლე-  
ბლიდგან რომ გამოდის და მიიხედ-მოიხედავს ადამიან-  
ნი; წარსულს თვეებს აღარა ჰგავს-რა. წინანდებუ-  
რად გძელი თმა აღარავისა აქვს: ყველანი დაკრეჭი-  
ლები არიან. ზოგი ფეხშიშველათ, ზოგს შიშველი  
კისერი უჩანს, ყველას სხვა-და-სხვა ნაირი ჩაღის  
ქუდები ჰხურავთ და კრელი ხალათები აცვიანთ.  
სულ პაწაწინებსა და ღარიბის შვილებსაც-კი ცისფერი,  
წითელი და სხვა მხიარულის ფერის ტანსამოსი აც-  
ვიანთ. ბევრნი, თითქოს სახლიდგან გამოქცეულანო,  
სასწავლებელში უქუდოები მიდიან, ზოგი ხომ სულ  
თეთრის ტანსამოსით დადის. მასწავლებელ დელკა-  
ტის კლასის ერთი მოსწავლე მოხარშულ კიბოსა-  
ვით მთლად წითლებშია. ბევრს ზღვაოსნისებური  
ტანსამოსი აცვია, მაგრამ ყველაზედ კარგად-კი ჩვე-  
ნი კალატოზია ჩაცმული. უშველებელ კალთებიან-  
ნი ჩაღის ქუდი ჰხურავს და საშინლად უხდება პი-  
რი-სახის კურდღლისებურად დამანქვა. კორეტის  
თავისი ტყავის ქუდი განზედ მიუგდია და აბრეშუ-  
მის ძველი ყომრალი ქუდი ჰხურავს, თითქოს უც-  
ხო-ქვეყნელი მოგზაურიყო. ვოტინი მშენივრად  
მოკაზმულა შოტლანდურს ტანსამოსში. კროსის  
გულ-გადედილი ხალათი აცვია. პრეკოსი მქედლის  
ლურჯს ხალათში კოპწიაობს. გაროფეს განიერ-კალ-  
თებიანი პალტო მოუშორებია და ჯიბეებიდგან ათას

ნაირი წვრილმანი და ლატარიის ნუსხა უჩანს. იმას გარდა, ყველას ჯიბის პირიდგან რასმეს გამოუყვია თავი: ზოგს ქალაღდის მარაო უჩანს, ზოგს ლერწმის ნაქერი, შვილდ-ისრები, ბალახები, პეპელები და ბუზანკალები, რომლებიც ჯიბიდგან ნელ-ნელა სცოცავენ... ბავშვებს მასწავლებლებისათვის მინვდრის ყვავილების კონები მოაქვთ. მასწავლებელი-ქალებიც საზაფხულო მხიარულს ტანსაცმელს იცვამენ, მხოლოდ მოლოზანია წინანდებურად შავებში. ახალგაზდა მასწავლებელ-ქალს ქუღზედ ისევ წითელი ფრთა აქვს გაკეთებული და ყელზედაც წითელი ყელსახვევი ახვევია; სრულიად დაქმუქნული მოსწავლეებისაგან, რომელნიც აცინებენ, არბენინებენ და მოსვენებას არ აძლევენ... დადგა დრო ალუბლისა, პეპელებისა, ბაღებში მუსიკით სიამოვნებისა და მინდვრად სეირნობისა. ჩენის სასწავლებლის მეოთხე კლასის მოსწავლეები მდინარე პოში დარბიან საბანაოდ! ყველას პირზე საორთვეოდ დათხოვნა აკერია! ყოველ დღე მოუთმენელად ველით სასწავლებლიდგან გამოსვლას და თან გვიხარიან, რომ ერთი დღე კიდევ გავატარეთო. მხოლოდ გარონე-კი მებრალება: შეწუხებულია, შავები აცვია. მეცოდება აგრეთვე საბრალო ჩემი ნამასწავლებლარი ქალიც, რომელიც უფრო გამხდარა, ფერი მიჰკრთობია, ხველას უმატნია, წელში მოღუნული დადის და ისე დაღონებულ-შეწუხებული მომცემს ხოლმე სალამს...

## წ ე რ ი ლ ი

26-ი. პარასკევი.

თანდან გესმის, ენრიკო, რაც არის სასწავლებლის პოეზია! მაგრამ შენ ჯერ თითონვე სასწავლებელს ეკუთვნი, ხოლო იმისის პოეზიის შეგნება გარედგან მაყურებელისთვის უფრო ადვილია და შესაძლებელი. რამდენისამე წლის შემდეგ, როცა შენც, ჩემსავით, შენს საკუთარს შვილებს სასწავლებელში წაიყვან, მაშინ იგი უფრო პოეტური და მშვენიერი გეჩვენება. გაკვეთილის გათავების ლოდინის დროს ჩუმს, მიყრუებულს ქუჩაში სასწავლებლის ირგვლივ დახეტიალობ ხოლმე და ყურს ვუგდებ ძირის სართულის ფანჯრებიდგან. მესმის მასწავლებელ-ქალის ხმა: „რა ცუდადა სწერ! ასე არ შეიძლება, ჩემო კარგო! მამაშენი რას იტყვის?“ მეორე ფანჯრიდგან მასწავლებელი-ქალი ხმა მალლა და გარკვევით უკარნახებს: „ორმოც-და-ათი ადლი მაუდი უყიდნიათ... ადლი მანათ ნახევრად... გაუყიდნიათ“... იმას იქიდგან ახალგაზდა მასწავლებელი-ქალი ხმა მალლა კითხულობს: „მაშინ პიეტრო მიკა ანთებულის ფარნით“... იმის გვერდით კლასიდგან ჩიტების ჟრიამულსავით მოისმის ბავშვების ხმაურობა, ეტყობა მასწავლებელი კლასიდგან გასულა. იქავე ბავშვი ტირის და მასწავლებელი-კი ანუგეშებს, ან უწყობს. სხვა ფანჯრებიდგან მოისმის ლექსის ნაწყვეტები, დიდებულ

ღ გამოჩენილ კაცთა სახელები, ბაასი კეთილ სათნოებისა, სამშობლოს სიყვარულისა და ვაჟკაცობის შესახებ... უცებ ყველაფერი მიჩუმდება ხოლმე, თითქოს აღარავინ არისო; დაუჯერებელი გგონია, რომ ამ სახლში რამდენიმე ასი ბავშვიაო თავ-მოყრილი. უცებ სიცილი ასტყდება: მასწავლებელმა გაიხუმრა, კარგს გუნებაზეა... გამვლელ-გამომვლელებიც შესდგებიან ხოლმე, ყურს უგდებენ და სიამოვნებით შეჰყურებენ ამ საყვარელს სახლს, სადაც იმდენი იმედი და ახალგაზდობაა შეკრებილი. ერთბაშად საერთო ხმაურობა დაიწყება; მოისმის წიგნებისა და რვეულების შრიალი, ფეხების ბრაგუნის; ყოველს კლასში ჟრიამულისა და კიჟინის ხმა სდგას, ქვემოდ, ზემოდ; ერთმანეთს ამ სასიამოვნო ამბავს გადასცემენ: ზარი დაჰრეკესო—გათავდაო!

შემდეგ მთელი გროვა—დედაკაცები, კაცები, ახალგაზდა ქალები, ყმაწვილი ვაჟები გამოსავალ კარებთან გროვდებიან... მოსულან, რომ თან წაიყვანონ შვილები, ძმები, ნათესავები. ყოველ კარებიდგან დერეფანში გამორბიან პატარა მოსწავლეები: ზედა ტანსაცმელსა და ქუდებს იტაცებენ, იატაკზედ სხდებიან, პროწილობენ და იმ დრომდე ცელქობენ, ვიდრე მსახური უკანვე კლასში არ გააბრუნებს. დასასრულ ყველანი წყნარად გამოდიან, რიგ-რიგად, და თან ფეხებს მოაბაკუნებენ. აქ ნათესავები სეტყვასავით მიაყრიან ბავშვებს:

— ჰა, რაო! გაკვეთილი იცოდნი?—ახალი გა-

კვეთილი დიღია? — ხვალისთვის რა გაკვეთილი გაქვთ! თვიური გამოცდა როდის გექნებათ? ლარიზნი და წერა-კითხვის უცოდინარი დედებიც-კი გულ-მოდგინედ ათვალაიერებენ შვილების რვეულებს; საართმეტიკო ამიციანებს სინჯავენ და ჰკითხავენ, ცოდნის აღმნიშვნელად რა ნიშანი დაგისევსო: — მარტო რვა? — ათი ჯვრით? — არითმეტიკისათვის ცხრა? და სწუხან, უხარიანთ, მასწავლებლებს ებაასებიან, სასწავლებლის პროგრამისა და გამოცდის სჯაში არიან... რა მშვენიერებაა ყველა ეს! ეს არის ამა ქვეყნის ძლიერი იმედი!

28-ა. კვირა.

პაისის დაბოლოება უკეთესად შეუძლებელი იყო. დღეს დილით ჩვენის სახლის ხარის ხმა შემოგვესმა და ყველანი კარების გასაღებად გავექანენით: დერეფანში მამაჩემი ვილაცას გაკვირვებული ჰკითხავდა:

— ჯორჯიო! შენა ხარ? მერე როგორ გაჩნდი?

ჯორჯიო ჩვენი ძველი კიერის მებაღე იყო. იმისი ოჯახობა ეხლა კონდოვაში სცხოვრობს. წინა დღით ჩამოსულიყო გენუეში, საბერძნეთიდგან დაბრუნებული, სადაც სამი წელიწადი რკინის გზაზედ მუშაობდა. თან დიდი ბოლჩა ჰქონდა. ცოტა და-

ბერებულოყო, მაგრამ წინანდებურად მხიარული და ჯანიანი იყო. მამამა სთხოვა, სახლში შემოდო, მაგრამ მებაღემ უარი უთხრა და დინჯადა ჰკითხა:

— ჩემის ოჯახობისა არა იცით-რა? ხომ კარგად არიან?

— ამ ცოტა ხაში შევიტყუეთ იმათი ამბავი! ყველანი კარგად არიან! უპასუხა დელაჩემმა.

მებაღემ თავისუფლად ამოისუნთქა.

— მადლობა ღმერთს! მე კი არა ვიცოდირა და ძალაც არ შემწევდა ყრუ-მუნჯებთან წავსულიყავ! ბოღჩას თქვენსას დავტოვებ და იმასთან მივირბენ! სამი წელიწადია ჩემი საბრალო ქალი არ მინახავს! სამი წელიწადია ჩემიანი არავინ დამინახავს!

— გააცილეო, — მითხრა მამაჩემმა.

— უკაცრავად-კი და ერთი სიტყვაც... სთქვა გასვლის დროს მებაღემ.

— შენი საქმეები როგორ-ღაა? ჰკითხა მამაჩემმა.

— არა უქირს-რა, მადლობა ღმერთს! უპასუხა მებაღემ: ცოტაოდენი ფული მოვიტანე... ჰო, ის უნდა შეკითხა, ჩემი ყრუ-მუნჯი ნეტა როგორა სცხოვრობს! აქედამ რომ მივდიოდი, სამის წლის წინად, საწყალი პატარა ცხოველსა ჰგავდა. მე მაგ სასწავლებლისა არა მწამს-რა. ნეტა ნიშნებით ლაპარაკი ისწავლა? ჩემი ცოლი მწერდა, ლაპარაკის სწავლას ახერხებსო. ჩემის აზრით-კი, რა მნიშვნელობა აქვს



ასე ლაპარაკის სწავლას? ის ნიშნებით დაიწყებს ლაპარაკს და მე კი არა მესმის-რა ნიშნებისა: ერთმანეთისას რას გავიგებთ! საბრალო! ნიშნები ყრუმუნჯებს ერთმანეთში გამოადგებათ! ნეტა როგორ არის?

— არაფერს გეტყვითო, უთხრა ღიმილით მამამ: შენვე ჰნახავი წადით, ნულარ აყოვნებთ.

წავედით. ყრუ-მუნჯთა სასწავლებელი შორს არ არის. მებალე ჩქარის ნაბიჯით მოდიოდა და თან მწუხარედ ლაპარაკობდა.

— საბრალო ჩემი ჯიჯია! უბედური, დაბადებითვე აგრეთი იყო; ერთხელაც არ დაუძახნია ჩემთვის ძამა ზარც ჩემგან გაუგონია შვილის სახელი. არასოდეს არავისაგან არა გაუგონია-რა ზ არც არავისთვის უთქვამს რამე. მადლობა ღმერთს, რომ შემბრალებელი კაცი გამოჩნდა და თავისის ხარჯით სასწავლებელში მიანდებინა. მაგრამ რვა წლისაზედ პატარებს არ იღებენ; სამი წელიწადია იქ არის; მაშასადამე, ეხლა თერთმეტის წლისაა... ნეტა ვიცოდე გაიზარდა? მხირულად არის თუ არა?

— აი ეხლავე ჰნახავთ თქვენვე-მეთქი, — ვუბასუხე.

— იმათი სასწავლებელი სად არის! განაგრძო იმან: მე საბერძნეთში ვიყავ, როცა ჩემმა ცოლმა მიაბარა სასწავლებელში!

ჩვენ უკვე სასწავლებლის კარებთან ვიდექით.

— მე მამა ვარ ჯიჯია ვოჯიოსი, უთხრა მებაღემ მეკარეს: ეხლავ დამიძახეთ ჩემი ქალი, ეხლავ!

— ეხლა ისვენებენო! უბასუხა მეკარემ: და ზე-დამხედველს-ქალს მოვახსენებ...

მეკარე წავიდა. მებაღე ველარც ლაპარაკობდა, ველარც ერთს ადგილას დგომას ახერხებდა და უაზროდ კედელზედ სურათებს ათვალიერებდა. კარები გაიღო; შავ-კაბიანმა ზედამხედველმა-ქალმა ხელ-და-ქერილი შემოიყვანა პატარა ქალი: მამა-შვილმა ერთმანეთს შეჰხედეს, შეჰკივლეს და გადაეხვივნენ.

ქალს თეთრი წითელ-ზოლებიანი კაბა ეცვა და ყომრალი წინ საფარი ეფარა. ტანით ცოტა ჩემზედ მაღალი იყო. მამას კისერზედ ჩამოეკიდა და ასე ტიროდა: მამამ ნელა განითავისუფლა თავი და თავისს შვილს თავიდგან ფეხებამდე სინჯვა დაუწყო. თვალები უბრწყინავდა; საშინლად ჰქშინავდა, თითქოს დიდი გზა გამოეელოს ჩქარის ნაბიჯითაო.

— როგორ გაზრდილა! წამოიძახა მებაღემ. რა ლამაზია! ჩემო საბრალო ჯიჯია! ქალბატონო, თქვენ ხომ მასწავლებელი-ქალი ხართ? უბძანეთ, რომ თავისის ნიშნებით მანიშნოს რამე; იქნება გავიგო რამე და მეც ვისწავლო. ნიშნებით მაინც მითხრას რამე.

მასწავლებელი გაიღიმა და ნელის ხმითა ჰკითხა ბავშვს:

— ეს ვინ არის? ვინ მოვიდა შენთან სტუმრად?

ბავშვმა უცნაურის ბოხის ხმით, თითქო ნახევრად ნადირი იყოს, რომელმაც პირველად დაიწყო ლაპარაკი ჩვენს ენაზედაო, მაგრამ მხიარულად და გარკვევით უპასუხა.

— მამაჩემია.

მებაღემ უკან დაიწია ჭ შეშლილსავით შეპკივლა.

— ლაპარაკობს! ეგ შეუძლებელია! შვილო, შენა ლაპარაკობ? სთქვი—ლაპარაკობ?

მივარდა და კოცნა დაუწყო.

— მაშასადამე, ქალბატონო, ესენი ნიშნებითა ჭ ხელებით-კი არა, ისევე ლაპარაკობენ, როგორც....

— არა, ბ-ნო ვოჯიო, უპასუხა მასწავლებელმა: ნიშნებით არა ლაპარაკობენ—ის ძველი წესია-სწავლისა. აქ ახალის წესით ასწავლიან, ხმის ბგერათა შემწეობით. განა არ აცოდით?

— არაფერი ვიციო, უპასუხა გაოცებულმა მებაღემ: სამი წელიწადი აქ არ ვიყავ; იქნება მწერდნენ კიდევ, მაგრამ ვერ გავიგე. მე ხის თავი მახია. ჯიჯია! მაშ გესმის ჩემი ლაპარაკი? ჩემი ხმა გეყურება? მიპასუხე, შვილო, გესმის რასაც გეუბნები?

— არა, ჩემო კარგო! უპასუხა მასწავლებელმა: ყრუა და გაგონება არ შეუძლიან, მაგრამ თქვენის ტუჩების მოძრაობით მიხვდება რა სიტყვებსაც ამბობთ!.. არც თქვენი სიტყვები ესმის და არც თავისი ნათქვამი! გასაგონად-კი ლაპარაკობს, იმიტომ-რომ ნასწავლი აქვს, თითო ასოობით, როგორ უნ-

და გაანძროს ტუჩები და ენა, როგორ უნდა დაატანოს ძალა გულსა და ყელს, რომ ხმა ამოიღოს და სიტყვები გამოსთქვას.

მამას არ ესმოდა და, როგორცა სჩანდა, არცა სჯეროდა.

— მითხარი, ჯიჯია, გიხარიან, რომ დავბრუნდიო? ყურში ჩასჩურჩულა მებაღემ და პასუხს ელოდა.

ქალმა დაფიქრებული შეჰხედა მამას და არა უთხრა-რა. მებაღე დაიბნა. მასწავლებელმა გაიცინა.

— ჯიჯია პასუხს იმიტომ არ გაძლევთო, უთხრა მასწავლებელმა: რომ ყურში უთხარით და თქვენის ტუჩების მოძრაობა ვერ დაინახა. წინ დაუდექით, რომ პირი დაგინახოთ და გაუმეორეთ კითხვა.

მამა პირში შეაჩერდა შვილსა და განუმეორა:

— გიხარიან, რომ მამაშენი დაბრუნდა და აღარსად წავა?

ქალი გულ-დადებით ადევნებდა თვალს მამის ტუჩებს და უპასუხა:

— ჰო, მიხარიან, რომ დაბრუნდი და აღარსად წახვალ... აღარსად.

მამა მივარდა, ეხვეოდა, ჰკოცნიდა და, რომ უკეთ დარწმუნებულიყო, ხან რასა ჰკითხავდა და ხან რას.

— რა ჰქვიათ ღედას?

— ან-ტონი-ა!

— პატარა დას?

— ადე-ლა-იდა!

— ამ სასწავლებელს?

— ყრუ-მუნ-ჯთა ინსტი-ტუ-ტი!

— ორჯელ ათი რამდენი იქნება?

— ოცი.

ასე მეგონა, მებაღე სიხარულისაგან იცინის-მეთქი, ქვითინებდა-კი.

— დამშვიდდით! უთხრა მასწავლებელმა: მხიარულება გმართებთ და არა ტირილი! აი თქვენმა ბალანამაც ტირილი დაიწყო! მაშასადამე, კმაყოფილნი ხართ?

მებაღე მასწავლებლის ხელს წასწვდა და კოცნა დაუწყო:

— გმადლობთ, ასს; ათასჯერ გმადლობთ, ძვირფასო ქალბატონო! მაპატიეთ, რომ მადლობის გარდახდაც-კი არ შემიძლიან.

— ეგ კიდეც არაფერი, განაგრძო მასწავლებელმა: წერა, ანგარიში და ყველა ნივთების სახელიც იცის. ცოტა რამ ისტორია-გეოგრაფიიდგანაც ისწავლა. ეხლა უმცროსს კლასშია და 'რა-კი ორს უფროსს კლასსაც დაამთავრებს, მაშინ ბევრი რამ ეცოდინება. აქედგან რომ გავა, შეუძლიან საქმე იშოვნოს. ბევრი ყრუ-მუნჯი სავაჭროში არიან. ნოქრებად ღ ძლიერ კარგადაც ასრულებენ თავისს საქმეს.

მებაღე გაკვირვებული იყო. სჩანდა, კიდეც ვერა შეეგნო-რა. უყურებდა თავისს შვილს და თავს იფხანდა, ეტყობოდა, რომ კიდეც განმარტებას თხოულობდა. მასწავლებელმა მსახურს დაუძახა.

— მოსამზადებელ კლასის მოსწავლე ბავშვს დამიძახე.

მოსამზახურემ ახლად სკოლაში მიღებული რვა წლის ყრუ-მუნჯი ქალი მოიყვანა.

— აი, ეს იმათგანია, ვინც ახლად იწყებენ სწავლას. მე გაჩვენებთ როგორც ვასწავლით. მე მინდა, რომ ბავშვმა „ე“ სთქვას. ყურადღებით მადვენეთ თვალი.

მასწავლებელმა პირი ისე გააღო, როგორც ხმოვან ასო „ე“-ნის გამოსათქმელად არის საჭირო და ხელით ანიშნა ბავშვს, ესევე გაეკეთებინა. ბავშვმა მისებრ პირი გააღო. მასწავლებელმა უბრძანა „ე“-ნი გამოსთქვიო, ქალმა „ე“-ნის მაგიერ „ო“ სთქვა.

— აგრე არაო! უთხრა მასწავლებელმა: ორივე ხელი დაუჭირა ბავშვს, ერთი გულზედ მიიღო, ერთი ყელზედ და წარმოსთქვა „ე“...

ბავშვმა მასწავლებლის გულისა და ყელის მოძრაობა იგრძნო, იგივე განიმეორა და მკაფიოდ და მშვენივრად გამოსთქვა „ე“.

ასევე ხელების დაკერით მასწავლებელმა ბავშვს რამდენიმე ხმოვანი და უხმო ასო გაამეორებინა.

— ეხლა მიჰხვდით? ჰკითხა მებალეს.

მებალემ უპასუხა „მივხვდიო“, მაგრამ მგონი უფრო გაკვირვებული იყო, ვიდრე მიხვედრილი.

— ყველას ასე ასწავლით? მცირე მოფიქრების შემდეგ ჰკითხა მებალემ და მასწავლებელს შეჰხვდა. მერე იმდენი მოთმინება შეგწევთ, რომ მთე-

ლის წლობით თითი-თითო ასოებით თითოეულს ცალკე ასწავლოთ ლაპარაკი? მაშ წმიდანები, ანგელოზები ყოფილხართ! განა ქვეყანაზედ თქვენს დასაჯილდოებლად მოიპოვება რამე? მე აქ რის თქმა შემიძლიან?... ნება მიბოძეთ ხუთის წამით მარტოდ ჩემ ქალთან დაერჩე.

მებაღე მოშორებით დაჯდა, შვილი დაისვა მუხლზედ, ხან რასა ჰკითხავდა ღ ხან რას ღ შვილი პასუხს აძლევდა. მებაღე იცინოდა, თვალები უბრწყინავდა, მუხლებზედ ხელს იცემდა, ბავშვს ეალერსებოდა, ესიყვარულეობდა, შესტკეროდა და სიხარულისაგან გაოგნებული ყურს უგდებდა შვილის ხმას, რომელიც თითქოს ციღეან ჩამოსულად მიაჩნდა. უცბად ჰკითხა:

— შეიძლება წავიდე და სასწავლებლის უფროსს მადლობა გადავუხადო?

— უფროსი აქ არ არის, უპასუხა მასწავლებელმა: მაგრამ აქ არის ერთი ქალი, რომლის მადლობელიც უნდა იყვნეთ. ახლად შემოსულ მოსწავლეებს უფროსს მოსწავლე ქალებს ვაბარებთ და ისინი დედასა და დასავით ჰზრუნავენ იმათთვის. თქვენი ქალი შვიდმეტის წლის მეპურის ყრუ-მუნჯს ქალსა ჰყავს ჩაბარებული: იგი დიდად კეთილი ქალია და თქვენი შვილიც ძლიერ უყვარს. აგერ ორი წელიწადია თქვენს შვილს ჩაცმასა ჰშველის, თავსა ჰვარცხნის, კერვას ასწავლის, ნივთებს ულაგებს და გვერდიდგან არა ჰშორდება... ჯიჯია, შენ ინსტიტუტელს დედას რა ჰქვიან?

— ეკატერინე ჯორდანო, — უპასუხა ბავშვმა და ღიმილით მიუბრუნდა მამას: ძალიან, ძალიან კეთილი ქალია!

მასწავლებელმა მსახურს ანიშნა. მსახური გავიდა და ოთახში მხიარული, ჯან-მრთელი ახალგაზდა ქალი შემოვიდა. იგი ქერა იყო და იმასაც ზოლიანი კაბა ეცვა და წყლის ფერი წინ-სათარი ჰქონდა; დედაკაცსავით მაღალი და სრული იყო, მაგრამ ბავშვად გამოიხედებოდა. ქალი კარებში შედგა, გაიღიმა და თავი დაგვიკრა. მებალის ქალი იმისაკენ გაექანა, წაავლო ხელი და მამასთან მიიყვანა.

— მამაჩემი... ეკატერინე ჯორდანო!

— რა მშვენიერია! წამოიძახა მამამ. კეთილო ქალი! უფალო, შენ აკურთხე და ყოველივე სიკეთე და ნუგეში მიანიჭე! ბედნიერად ჰყავ იგიცა და მისი მშობლებიც... ეს არის სურვილი უბრალო მუშისა, ოჯახის საბრალო მამისა, ჩემის ქალისა, სულითა და გულით მოძღვნილი!

ქალი დაიხარა და ჯიჯიას ალერსი დაუწყო. მამა ისე შესცქეროდა, როგორც წმიდანს.

— დღეს შეგიძლიან თქვენი ქალი თან წაიყვანოთ! უთხრა მებალეს მასწავლებელმა.

— რასაკვირველია, წავიყვან. უპასუხა მამამ: კონდოვში წავიყვან და ხვალ დილით ჩამოვიყვან.

ბავშვი მოსამზადებლად გაიქცა.

— სამი წელიწადია არ მინახავს! სათქმელად აღვილია!.. ეხლავ კონდოვში წავიყვან. ჯერ ხელი-



ხელს დაქერილი ტურინის ქუჩებზედ გავივლით, რომ ყველამ დაგვინახონ და მისის ცქერით დასტკბნენ. ნაცნობებთან წავიყვან, დეე ყური დაუგდონ... ოჰ რა დღეა დღეს—ნამდვილი დღესასწაულია! აბა, ჯიჯია, ხელი მომეცი....

ბავშვი დაბრუნდა წამოსასხამ წამოსხმული და თავ-მოხვეული და ხელი გაუწოდა მამას.

— კვლავ ყველას გმადლობთო, ამბობდა მებაღემ: გულითადად გმადლობთ! კიდევაც მოვალ მადლობის გადასახდელად.

უცებ, თითქოს გაახსენდა რამეო, ჯიბეში ხელის ფათური დაიწყო!

— საწყალი-კი ვარ, წამოიძახა მებაღემ, მაგრამ აი, ეს ათი მანეთი—ახალი ოქროს ფული შემიწირავს ინსტიტუტისათვის.

ოქროს ფული მაგიდაზედ დასდო.

— არა, არა, არ გვინდაო! უპასუხა გულ-აჩვილებულმა მასწავლებელმა: უკანვე აიღეთ! მე არ შემიძლიან მივიღო. აიღეთ! ჩემი საქმე არ არის, მაგისათვის უფროსს უნდა მიჰმართოთ! მაგრამ არცის მიიღებს. განა ცოტა შრომა დაგკირდებოდათ მაგის მოსაპოვებლად... ჩვენ-კი უფულოდაც თქვენნი მადლობელნი ვართ.

— არა, შემიწირავსო! გადაქრით უპასუხა მებაღემ: შემდეგ-კი ვნახოთ.

მაგრამ მასწავლებელმა ფული ძალათი ჩაუღო ჯიბეში. მებაღე თავის ქნევით დამორჩილდა, მას-

წავლებელსა და მოსწავლე ქალს ხელით კოცნა მიუძღვნა, ჯიჯიას ხელი დაუჭირა და კარებისაკენ გასწია.

— წავიდეთ, ჩქარა წავიდეთ, შეილო, ჩემო საბრალოვ, ჩემო ძვირფასო!

ქუჩაზედ რომ გამოვიდნენ, ბავშვმა შესძახა:

— ოჰ, მზე ყოფილა!..

## წ მ რ ი ლ ი.

3-ი ივნისი.

დღეს საერთო გლოვის დღეა!.. გუშინ საღამოს გარდაიკვალა გარიბალდი\*). უნდა იცოდეთ იყო იგი. გარიბალდიმ ათი მილიონი იტალიელი უცხო ქვეყნის ბურბონების ბრძანებლობისაგან განათავისუფლა. იმისი სახელი უნდა გახსოვდეს, ენრიკო, მარტო იმიტომ-კი არა, რომ იტალიელი ხარ, არამედ იმიტომ-რომ იმისი სახელი მთელმა ქვეყანამ უნდა იცოდეს და ყველა პატიოსანის ადამიანისათვის ძვირფასი იყოს. გარიბალდი გმირზედ მომეტებულია—იგი ადამიანია. გარიბალდი ხომალდის უფროსის შვილი იყო და 1807 წ. დაიბადა ნიცცაში. ბევრი უნდა იყოს იმისი მადლობელი, რომ სიკვდილს გადურჩა; ჯერ ისევ

---

\*) გარიბალდი გარდაიკვალა 1882 წლის 21 მაისს (2 ივნისს).

ბავშვი იყო, რომ ერთი დედაკაცი დაიხსნა სიკვდილისაგან; ცამეტის წლისამ ხალხით სავსე ნავი გადაარჩინა; როცა წამოიზარდა, წყლიდგან კაცი გამოიყვანა და ოკეანეში ცეცხლ-მოდებული გემი დალუბვას ააცილა. ათს წელიწადს ამერიკაში დაჰყო და უცხო ხალხის თავისუფლებისათვის იბრძოდა; შემდეგ ლომბარდიისა და ტრიენტის განთავისუფლებისათვის იბრძოდა ავსტრიელების წინააღმდეგ და სამს ომში მიიღო მონაწილეობა; 1849 წ. იცავდა რომს ფრანგებისაგან; 1860 წ. პალერმო და ნეაპოლი განათავისუფლა; 1867 წ. კვლავ რომის დასაცველად ომობდა და 1870 წ. მონაწილეობას იღებდა ფრანგების ბრძოლაში გერმანელების წინააღმდეგ: ორმოცს ბრძოლაში მიიღო მონაწილეობა და ოც-და-შვიდმეტჯერ გაიმარჯვა. გარიბალდი ღარიბი იყო და როცა არა ომობდა, ლუკმა პურისათვის მუშაობდა: მასწავლებლადაც. იყო, მენავედაც, ვაჭრადაც და ქარხნის მუშადაც. ამ თავ-განწირულმა მეომარმა, კეთილმა სარდალმა, თავ-მდაბალმა, კეთილმა და წყნარმა ერის მმართველმა 1859 წ. მთლად სამშობლოს სამსახურს მისცა თავი. მას სძულდა და სძაგდა ყოველ გვარი დევნა-შეწუხება, უყვარდა ყოველი ერი, ებრალებოდა უძლოურნი; მუდმივ ჰფარავდა და იცავდა ჩაგრულთა და მხოლოდ იმათს სიკეთეს იყო მოწადინებული-სიმდიდრე და პატივი არად მიაჩნდა; როდესაც დეაწლს იქმნა და რასმე ერის საკეთილდღეო კანონს დაიცავდა პარლამენტში, თავისს განმარტოე-

ბულ კუნძულ კაპრერუსკენ მიეშურებოდა თავისს ღარიბ სახლში, მიწასა ჰხნავდა, კლდე-ღრეში ბალს იკეთებდა და რამდენსამე თავისს მეგობართან ერთად მოსვენებას ეძლეოდა... ამ მშვენიერის ცხოვრების ამბავი გმირის ღიდებასთან ერთად იქმნა ისტორიაში მოხსენებული... გარიბალდი სიკვდილს არ უფრთხოდა და იტალიას ათაყვანებდა. აუარებელი მეომარნი პირველსავე იმის მოწოდებაზედ უცბად იკრიბებოდნენ ხოლმე, წარჩინებულნი თავიანთს სასახლესა და ცოლ-შვილსა სტოვებდნენ, ახალგაზდანი სასწავლებელს, სიამოვნებას, ნებიერს ცხოვრებას თავს ანებებდნენ... და იმისაკენ მიისწრაფებოდნენ.

გარიბალდი ღონიერი ზე წარმოსადეგი იყო, თუმცა უკანასკნელს ღროს ხშირად ავადმყოფობდა. ომის ღროს წითელს პერანგს იცვავდა ხოლმე. 1870 წ. ზამთარს საფრანგეთში ზოლიან, სქელს შალში შეხვეული დადიოდა; ფოტოგრაფიულ სურათზედ ამ ტანისამოსით ჰნახავ. ქალარა იყო, გრძელ-წვერა; ავადმყოფობდა, მაგრამ მაინც მშვენიერი შეხედულობა ჰქონდა... ომის ველზედ ელვა იყო, ბავშვსავით ადამიანის შემყვარებელი და შემთვისებელი გული ჰქონდა, ყოველ გვარს ტანჯვას წმიდანსავით ითმენდა... იმას რომ დაინახავდა შორიდანაც-კი, ხალხი სიამოვნებით სწირავდა სიციოცხლეს! სამშობლოს სწირავდნენ სიციოცხლეს, მაგრამ იმისთვისაც სიხარულით დასდებდნენ თავს. გარიბალდის ათასობით

ხალხი ჰლოცავს, და კიდევ მილიონობით ხალხი და-  
ჰლოცავს მარადის.

გარიბალდი გარდაიცვალა და მთელი ქვეყანა  
ჰგლოვობს. შენ ვერ დააფასებ იმას, მაგრამ გაიზრ-  
დები, წაიკითხავ, გაიგონებ, — და იმისი ვინაობა შენს  
გულსა ზე გონებაში თანდათან იმატებს დიდებას, მნიშე-  
ნელობას მოიპოვებს. გიმეორებ, ენრიკო! იმიტომ კი  
არა, რომ იტალიელი ხარ და გარიბალდის უნდა  
ჰმადლობდე, შენს სამშობლოს შეერთებულ რომ ჰხე-  
დავ. გარიბალდის სურათი დიდებული სურათია, უს-  
რულესი სურათია ისტორიისა, საოცრება ყოველის სა-  
უკუნისა და ყოველის ერისა. იმას ყველა უნდა პა-  
ტივისცემით მოეპყრას. გარიბალდი ჩვენ თვალწინ  
გამოჩნდა; იმისი ამბავი ზღაპარი არ არის. იგი ცო-  
ცხალი სცხოვრობდა ჩვენ შორის; ჩვენ იმის ცხო-  
ვრების მოწმენი ვართ და იმის ამბავს შვილებს, შვილი-  
შვილებს, ჩვენებსა და უცხოელებს გარდავცემთ! მა-  
რტო ომებში გამარჯვება და იტალიის სიყვარული-  
კი არ შეადგენდა იტალიელის გარიბალდის ღირსე-  
ბას, არამედ დიდსულოვნობა, უანგარობა, მართლ-  
მოყვარეობა, თავ-განწირულება, მოთმინებით აღ-  
ჭურვილი მამაცობა, ღირსებით აღსავსე თავ-მდაბ-  
ლობა, — აი, ეს აძლევს უფლებას კაცობრიობის მე-  
ხსიერებაში დაუვიწყარადა და უკვდავად ყოფნისას...

11-ი ივნისი 1882 წ.

საერო დღესასწაული და ჯარის აღლუმი ერთის კვირით გადაიდო; გარიბალდის გარდაცვალება საჭლოვობენ. მე ზე მამაჩემი პიაცა კასტელლოში აღლუმის საცქერლად წავედი. ხალხი მრავლად შეკრებილიყო. მამაჩემი ყოველ რაზმის სახელს მეუბნებოდა, რომელიც წინ გაგვივლიდა; მიაბობდა რომელმა რაზმმა როდის ზე რითი იჩინა თავი. აგერ ქვევითა ჯარი, ალპიის მსროლელი რაზმი, საზღვრის დარაჯნი, ბერსალიერები, რომელნიც პირველნი შევიდნენ რომში; შემდეგ მინდვრის საარტილერიო ჯარი; მთის მძლავრი არტილერია, რომელსაც იქაცკი მიაქვს სიკედილი, სადაც ადამიანის ფეხი ძლივსა ხედება. უკანასკნელად ოქრო-ვერცხლში ბრწყინვალე გენუის მხედრობამ გაიქროლა. დროშები ფრიალებდა და მიდამო ცხენის ფეხის ხმითა და კიხვინით იყო სავსე. ეს რაზმი ასე მიჰქროდა ხოლმე ყოველთვის ბრძოლის ველზედ, სანტა-ლუჩიადგან დაწყებული ვილლაფრანკამდის.

— მშვენიერებაა! წამოვიძახე.

მამაჩემს ჩემი სიტყვა არ მოეწონა.

— ჯარი წარმოდგენა არ არის და არც „მშვენიერებაა“, მითხრა. ეს კაცნი, ახალგაზდანი, ჯანღონით მრთელნი, იმედით სავსენი, დღეს თუ არა, ხვალ იქნება სამშობლოს დასაცველად წავიდნენ და მტრის ტყვიამ გასწყვიტოს! სააღლუმოდ გამოწყო-

ბილის ჯარის დანახვისა გამო ხალხის აღტაცებისა და მოწონების ხმა რომ გაიგონო, წარმოიდგინე ხოლმე სისხლით მორწყული ველი, უსულო გვამებით სავსე... მაშინ ასე აღვილად აღარ წამოგდებია აღტაცების ხმა და სამშობლო უფრო მკაცრად და დიდებულად წარმოგიდგება თვალ-წინ.

---

## წ ე რ ი ლ ი.

14-ი. სამშაბათი.

საერო დღესასწაულების დროს შენც, მოსწავლე ბავშვო, შენს სამშობლოს მიესალმე: ჩემო სამშობლო მიწავ, ძვირფასო, კეთილშობილო, აკვანო და საფლავო ჩემთა მახლობელთაო! ჩემო აკვანო და, იმედია, საფლავოც! მიწავ მომავალის თაობისავ, მიწავ დიდებულო, მშვენიერო, ეხლა-ხან განთავისუფლებულო, — დიდი ნათელი მოჰქვინე ქვეყნიერობას, ბევრმა გმირმა და მეომარმა განაცვალა და შემოგწირა სიცოცხლე! დიდო მშობელო, ჯერ კიდევ საკმაოდ არ გიცნობ, მაგრამ მაინც მიყვარხარ და თავი მომწონს, რომ შენი შვილი ვარ.

მიყვარს შენი დიდება, შენი მშვენიერება, შენნი ზღვანი და მინდორ-ველნი, სოფელნი და ქალაქნი! მიყვარხარ მთლად, ჰოი წმიდაო! ვფიცავ, შენი შვილები ძმასავით შევიყვარო, შენს დიდებულთ

ცოცხალთა ზღ დიდებულთ მიცვალებულთ თაყვანი ვცე; ვფიცავ, რომ მოღვაწე, პატიოსანი მოქალაქე ვიყო და სრულ ვიქმნე სიკეთით, რომ შენი ღირსი შევიქმნე და რასაც-კი ჩემი ძალა შემწევს, ვეცადო შენს სახეს განვაშორო წყვდიადი სიღარიბისა, უვიცობისა და დანაშაულისა, რათა მშვიდად აჰყვავდე შენსა ძლიერებასა და უფლებასა შინა. ვფიცავ გემსახურო, რითაც კი შემეძლება, ხელით, გონებით, გულით, — მორჩილად და ერთგულად, და თუ დადგება ისეთი დღე, შენთვის სისხლიც დავათხო, სიცოცხლე შემოწირო; სულ უკანასკნელად ჩემი თვალები შენს წმიდა დროშას დაუწყებს. ცქერას და უკანასკნელი ჩემი სიტყვა შენი სახელი იქნება.

16-ი. პარასკევი.

საერო დღესასწაულის შემდეგ ხუთი დღე გავიდა. სიცხემ სამის გრადუსით იმატა. ნამდვილი ზაფხულია; ყველა იქანცება, მზისაგან გაშავებულან, კისერი და მუხლები გაუხდათ; თავი უბრუვდებათ და თვალები ელულებათ. ნელლის სახე წმიდა სანთელსავით გაჰყვითლება, სიცხისაგან მთლად მოწყვეტილა, გაკვეთილის დროს რვეულზედ ჩაჰკიდებს ხოლმე თავს და მიეძინება. გარრონე ჰდაროჯობს, წიგნს გაშლის ხოლმე და წინ აფარებს, რომ მასწავლებელმა არ დაინახოსო.. კროსსი-კი პირდაპირ მაგიდას მიაყრდობს ხოლმე თავისს გაქარხლებულს



სახეს, თითქოს თავი მოწყვეტილი აქვს და ცალკე დევსო. ნობისი ჩივის, კლასში მეტად ბევრნი ვართ და ჰაერს მიწამლავთო. ძნელია ეხლა სწავლა: გადაიხედავ ფანჯრიდგან ბაღში, ხეები ლამაზად გამოიხედება, ნიჟია, ჩრდილი, გული იქით მიგირბის ღ ბრაზი მოგდის, რომ დაკეტილში უნდა იჯდე სკამზედ.. სანუგეშოდ ის-ლა დამრჩენია, რომ დედა დამხვდება ხოლმე და მათვლიერებს, ხომ არ გაუთორებულხარო. გაკვეთილს რომ ვამზადებ, მკითხავს: « ძალიან ხომ არ დაიღალე? » ყოველ დღე ექვს საათზედ მალვიძებს და თან მეუბნება: „გულის ნუ აიცრუებ, ყოჩაღად იყავ, სულ რამდენიმე დღე დარჩენილა და მერე-კი განთავისუფლდები, მაშინ დაისვენე და ისეირნეო“. დიად, კარგად სჩადის დედაჩემი, რომ გამახსენებს ხოლმე იმ ბავშვებს, რომელნიც ამ სიცხეში მინდვრად, ან ქარხანაში ცეცხლის წინ მუშაობენ, რომელნიც ჩვენზედ ადრე სდგებიან და რომელთათვისაც არც თავისუფლებაა და არც მოსვენება... კროსი ეხლაც-კი ყველასაგან ირჩევა.. სიცხე არას აწუხებს, ძილი არა სძლევს, ყოველთვის ცქიცია და მზიარული, თმა უწინდელებზე ხუჭუჭი აქვს, დაუღალავად მეცადინეობს და გარშემო ყველაფერს ახმაურებს.. ისა და ორნიც სხვანის ყოველთვის გულმოდგინეობენ: სტარდი, რომელიც სულ ცხვირს ისრესავს, რომ არ ჩამთვლი მოსო, და როცა ძალიან ჩამოცხება, თვალებს აქყეტავს და კბილებს აკრაქუნებს, თითქოს მასწავლებელს

უპირებს შექმასაო. ვაჭარი გაროფფიუც ყოჩაღად არის, წითელის ქალაღდის მარაოებს აკეთებს, ზედ წკირას ყუთიდგან აგლეჯიღს სურათებს აკრავს და თითოღს ორ გროღადა ჰყიდის. მაგრამ თუ ყოჩაღაღა ვინმე — კორექტი: გათენღება თუ არა, ფეხზეღ არის, მამას შეღას უზიდავს, თერთმეტს საათზეღ კლასღია, თვაღლები ეღუღება კიდეც, თავი სწყღება, მაგრამ ერთი ლონიერად გაიღმღუნება ხოღმე, ზუბღში ხეღს შემოიკრავს და მასწავღებღსა სთხოღს, ნება მოღმეციღ წავიდე, ჰირზეღ წყაღი შეღვისხაო. ამხანაღებს ეხვეწება, მიჩქმიტეღ და მანჯღრიეღ, რომ ფეხიღზღად ვიყოო.. მაგრამ ღღეს ღღლით-კი ლონემ უღაღაღა და ჩაეღინა.

მასწავღებღმა დაუყვირა: „კორექტი!“ — არ ესმის! მასწავღებღლი გაწყრა და განუმეორა: — „კორექტი!“ კორექტის მეზობელი მენახღირის ზეღლი წამოღდა და უთხრა, რომ კორექტი ღღეს ხუთ საათიდგან ზეღღამღე შეღას ეზიდებოღაო. მასწავღებღმა ხმა აღარ გასცა და ნახეღარს საათს გაკვეთიღლი განაგრღო, შემღეღ მივიღა კორექტის სკამთან, სახის წინ წყნარად გაუნიაღა და გამოაღვიღა. კორექტი წამოღდა, თავის წინ მასწავღებღლი ღღინახა და შეეღინღა. მასწავღებღმა თავზეღ ხელი მოჰკიღდა და აკოცა.

— ჩემო კარგო, არა გკიცხავ, რაღღან, სიზარმაცემ-კი არა, ზრომამ ღაღღაღა და იმიტომ ჩაეღინაო.

ოთხშაბათს კორექტის მამასთან ერთად სეირნობა განვიზრახეთ, წმიდა ჰაერზედ გავლა გვინდოდა, და ღირდა კიდევ, — დღესასწაული იყო.

დელლო-სტატუტოს მოედანზედ შევიკრიბებით: დეროსსი, გარრონე, გაროფფი, პრეკოსსი, მეშეშე კორექტი შვილით და მე. თან სურსათი, ხილი, კვერცხები და ძეხვი წავიღეთ. თუნუქის სასმისი ცუკი არ დავიფიწყეთ; გარონემ გოგრით თეთრი ღვინო მოიტანა. პატარა პრეკოსსის ბოღჩით პური მოჰქონდა. გრან-მადრე-დი-დიოს ქუჩამდე ეტლით მივედით და იქიდგან-კი ფეხით მალე ქალაქს გავცილდით. გარს ყველაფერი ამწვანებულიყო, ჩრდილი იდგა და გრილი სიო ჰქროდა. ბაღჩაში ვგორობდით, წყაროს წყლით პირი-სახეს ვიგრილებდით, ბუჩქებზედ ვბტოდით. კორექტი-მამა უკან ჩამოგვრჩა: ხალათი გაიხადა, მხარზედ გადაიგდო და ნელ-ნელა მოდიოდა ჩიბუხის წევით; ხანდახან-კი გვტუქსავდა, ნუსკელქობთ, შარვლებს გაუფროთხილდითო. პრეკოსსი უსტვენდა. არასოდეს არ გამეგონა მისი სტვენა. კორექტი მთელს გზას ხან რას აკეთებდა და ხან რასა. ყოჩაღია, ყველაფრის გაკეთება იცის თავისის მრუდე დანით — გორგოლაქებისა, ორთითეებისა, ჩიბუხის ტარებისა; რაც-კი საგზალი გვქონდა, ყველა-

ფრის ზიდვას ისა კისრულობდა; ოფლში იწურებოდა და მაინც თხასავით მიხტოდა...

დეროსსი ხშირად შედგებოდა ხოლმე და ყოველის ბალახისა, მუმლისა და ქინქლას სახელს გვეუბნებოდა. მიკვირს, ყველაფერი ასე კარგად საიდგან იცის. გარრონე ჩუმად პურსა ჰღეჟავდა; მას შემდეგ, რაც დედა გარდაეცვალა, პურსაც-კი დაღონებული სქამს, თუმცა-კი ისეთივე კარგი და კეთილია. რომელიმე ჩვენგანი რომ მოიწადინებდა წყლით საესე არხზედ გადახტომას, გარრონე მეორე მხარეს დადგებოდა ჭ საშველად ხელს უწვდიდა. პრეკოსსის ძროხისა ეშინიან, რადგან ერთხელ პატარაობისას ძროხას კინალამ ერჩოლა; შეგვხდებოდა თუ არა ძროხა, გარრონე პრეკოსსის წინ ეფარებოდა. სანტა-მარგარიტას მთაზედ ავედით და მეორე მხარეს სირბილითა და გორაობით ჩავედით. პრეკოსსი ჯაგს მოედო და ხალათი დაიხია; შერცხვა, როცა ხალათის ნაგლეჯი ჩამოეკიდა. კიდევ კარგი, რომ გაროფფის ყოველთვის თანა აქვს ქინძისთავი, დახეული ალაგი ისე დაუმაგრა, რომ არა ემჩნეოდა-რა. პრეკოსსი კი სულ იმეორებდა: „უკაცრაოდ, უკაცრაოდაო“...

გაროფფი დროს არა ჰკარგავდა, სალათისათვის ბალახებს, ლოკოკინასა და ბრქყვიალა ქვებს აგროვებდა და ჯიბეებს იტენავდა: ვინ იცის იქნება იმ ქვებში ოქრო-ვერცხლიც იყოსო. კვლავ სირბილ-გორაობა დავიწყეთ, ჩრდილსა და მზეზედ დავხტოდით, ვიდრე ისე არ დავიქანცენით, რომ სულს

ქლივსა-ლა ვითქვამდით და საშინელის ქშენით მა-  
ღალს ფერდობზედ მოვიკრიფენით დასასვენებლად.  
აქედგან ალპის უშველებელ ლურჯ მთის თეთრი  
მწვერვალები მოსჩანდა... საშინლად მოგვშივდა; პური  
ბლომად გავათავეთ.

კორეტტი-მამა სკრიდა ძეხვს და გოგრის ფოთ-  
ლებით გვირიგებდა. ვლაპარაკობდით გამოცდისა,  
მასწავლებლებისა და იმ ამხანაგების შესახებ, რო-  
მელნიც ჩვენთან ვერ წამოვიდნენ. პრეკოსსი სირ-  
ცხვილისაგან ვერა სკამდა. გარრონე ძალად აქმევდა  
თავისს წილ საკმელსაც. კორეტტის ფეხები მოეკე-  
ცა და მამის გვერდით იჯდა. მამა-შვილი ძმებ-  
სა ჰგავდნენ; ორივენი სახე-წითლები, მხიარუ-  
ლნი იყვნენ და თეთრი კბილები უჩანდათ. მამა  
სიამოვნებით გადადიოდა შვილთან ალავერდს და  
ჩვენს დაულეველს ჭიჭებსა სცლიდა.

— ჯერ თქვენა სწავლობთ, გვეუბნებოდა იგი:  
ღვინო გაწყენთ, ჩვენთვის-კი, მეშეშეებისთვის, სასარ-  
გებლოა!

ხუმრობით შვილს ცხვირზედ წაავლო ხელი.

— ბავშვებო, გიყვარდეთ ჩემი შვილი, პატრო-  
ნანი ბიჭიაო!

გარონეს გარდა ყველამ გავიცინეთ.

— ერთს-კი ვსწუხვარ, განაგრძო მეშეშემ :  
თქვენ, ამხანაგები ეხლა ერთადა ხართ და რამდენ-  
ნისამე წლის შემდეგ-კი ვინ იცის ენრიკო და დეროს-  
სი ერთი ვეჭილი იყოს, მეორე პროფესორი; ან

კიდევ თქვენ ოთხში ერთი სავაჭრო ღუქანს გაა-  
ლებს, მეორე ხელობას მოჰკიდებს ხელს, აქეთ  
იქით დაიქსასებით, და ღამე მშვიდობისა ამხანაგო-  
ბავ!

— რაღა? შეეპასუხა დეროსსი: ჩემთვის გარ-  
რონე ისევე გარრონედ დარჩება, პრეკოსსი — პრე-  
კოსსად და აგრეთვე სხვანიც, თუნდა ხელმწიფედაც  
შევიქმნე! სადაც ესენი იქნებიან, მეც იქ ვიქნები!

— ყოჩაღ! წამოიძახა მეშეშემ და ღვინით სა-  
ვსე ჭიქა აიღო: აი, ეგ სიტყვა მომეწონა! ხელი მო-  
მეცი! გაუმარჯოს ამხანაგობასა და სასწავლებელს!  
ამ სასწავლებელმა ერთად შეგაკავშირათ ყველანი,  
ერთს ოჯახად, თვის-ტომიანნიცა და უთვის-ტომო-  
ნიც!..

ჭიქები ავიღეთ და ერთმანეთს ვაჯახეთ.

— გაუმარჯოს მე-49 რაზმს! წამოიძახა მეშე-  
შემ და უკანასკნელი ჭიქა გამოსცალა. გახსოვდეთ,  
ბავშვებო, რომ თუ თქვენც მოგიხდათ რაზმში ყო-  
ფნა და სიცხე დაგადგათ, ჩვენსავით გულ-მტკიცენი  
იყავით.

უკვე დაგვიანებული იყო; სიმღერით დავეშვით  
მთიღგან ხელი-ხელს ჩაკიდებულნი. ბინდდებოდა,  
რომ მდინარე პოსთან მივედით; ჰაერი ციციანათელე-  
ბით იყო სავსე.

სტატუტოს მოედანზედ ერთმანეთს გამოვეთხო-  
ვეთ და პირობა დავდეთ, რომ კვირას ყველანი  
წავსულიყავით ვიქტორ-ემანუილის თეატრში, სადაც

სალამოს სკოლის მოსწავლეებისათვის საჩუქრები უნდა დაერიგებინათ. საუცხოვო დღეა. მხიარული მივიდლოდი შინ, მაგრამ ჩემი ნამასწავლებლარი-ქალი შემხვდა. ჩვენის სახლის კიბიდან ჩამოდიოდა; მიცნო, ხელები დამიჭირა და მითხრა:

— მშვიდობით, ენრიკო, ნუ დამივიწყებ, გამიხსენე ხოლმე.

მასწავლებელი ტიროდა. დედას ვუთხარი, რომ მასწავლებელი ვნახე-მეთქი.

— ჰო! მითხრა დედამ: საბრალომ ძლივს გაბედა, რომ სამსახურს თავი დაანებოს და დაწვეს, იწამლოს... საწყალი ძალიან ავად არის!

დედაჩემიცა ტიროდა.

23-ი. კვირა.

წავედით პირობისამებრ ერთად ვიქტორ-ემანუილის თეატრში. თეატრი ისევე მორთული იყო და ხალხით სავსე, როგორც 14 მარტს. მომეტებული ნაწილი მუშა-ხალხი მოსულიყო. დარბაზში გალობის სასწავლებლის მოსწავლე ქალები და ვალები ისხდნენ. მოსწავლეებმა მშვენიერი საგალობელი იმღერეს ყირიმის ომში გარდაცვალებულ იტალიელთა პატივსაცემლად. ამ საგალობელს ხალხი დიდის ტაშის ცემით მიეგება და გაამეორებინეს კიდევ. დასაჩუქრებულს მოსწავლეებს წიგნებსა, მედალებს და შემნახველ-გამსესხებელ კასის წიგნაკებს ური-

გებდნენ. დარბაზის ერთს კუთხეში ჩვენი პაწია „კალატოზი“ დაეინახე. თავისის დედის გვერდით იჯდა. იმის მეორე მხარეს ჩვენის სასწავლებლის უფროსი იჯდა, ხოლო იმის ზურგს უკან-კი მეორე კლასის მასწავლებლის ქერა თავი მოჩანდა. პირველად გაიარეს „სალამოს“ ხატვის სასწავლებლის მოსწავლეებმა, რომელთ შორის ბევრი იყვნენ ოქრომკედლები, დურგლები, კალატოზები და მესტამბეები; იმათ საკომერციო სასწავლებლის მოსწავლეები მოჰყვნენ. სამუსიკო ლიცეის მოსწავლეთა შორის ბევრი მორთულ-მოკაზმული მუშა-ქალი ერია. ამათ საზოგადოებამ ტაში დაუკრა. შემდეგ დაურიგეს „სალამოს“ პირველ-დაწყებით სასწავლებლის მოსწავლეთ ჯგუფობები. ესენი ყოველ გვარ ხელობისა და წლოვანებისანი იყვნენ, სხვა-და-სხვა ნაირად ჩაცმულნი: ქალარა-მორეულნი მოხუცნი, ბავშვები, წვერულვამ შემოსილი მუშები. ბავშვები თამამად იყვნენ, დიდრონები-კი როგორღაც შეშფოთებულნი გამოიციქირებოდნენ. საზოგადოება ტაშის ცემით მიეგება პაწიებსაცა და ხანში შესულებსაც, სიცილით-კი არავინ იცინოდა, როგორც გაზაფხულზედ იყო ჩვენის დღესასწაულის დროს... ყველანი ყურადღებით და დაფიქრებულნი იყვნენ; ბევრის დაჯილდოებულის ცოლ-შვილი დარბაზში ისხდნენ. როდესაც სცენაზედ რომელისამე მამა გამოჩნდებოდა, დარბაზიდგან შვილები სახელს ეძახდნენ და ხელს მხიარულად იმისაკენ იშვერდნენ. გაიარეს გლეხებმა, მუშებმა,



ბუონკომპანიის სასწავლებლის მოსწავლეებმა; მამი-  
ჩემის ნაცნობმაც გაირა, ქუჩაში წაღების მწმენდავმა,  
რომელიც ციტადელის სასწავლებელში სწავლობდა ჭ  
რომელმაც ეხლა მოწმობა მიიღო. იმას მოსდევდა მუ-  
შა-კაცი, გოლიათის ტანისა; დავაცქერდი—ჩვენის პა-  
წია კალატოზის მამა იყო! მეორე ჯილდო იმან მიიღო.  
გამახსენდა საჩეხში ავადმყოფ შვილის საწოლთან რომ  
ვნახე და ანტონიოს გადავხედე... იგი ბრწყინვალე  
თვალებს მამას არ აშორებდა და რაც შეეძლო, იჯ-  
ლანებოდა, რომ ცრემლები შევიმაგროო. საჩუქრის  
მისაღებადვე გავიდა პატარა ბუხრების მწმენდავი,  
პირ-დაბანილი, მაგრამ იმავე სამუშაო ხალათით. მოუ-  
რავმა ხელი მოჰკიდა ჭ ლაპარაკი დაუწყო. შემდეგ რაი-  
ნერის სასწავლებლის მოსწავლე მხარეული და იატაკე-  
ბის მწმენდავი მივიდნენ... არ ვიცი რა მქონდა გულში,  
რა მადელვებდა,—მგონი რაღაცა ძლიერი სიყვარული  
ღ დიდი ნუგეში. რა ბედენა იყო ეს ჯილდოება ამ მშრო-  
მელთათვის, ოჯახის მამებისათვის, რომელნიც მუდმივს  
ზრუნვაში იყვნენ. იმათს დაუსრულებელს მოქანცუ-  
ლობას ეს შრომაც ემატებოდა; ისეც მცირე ძილის  
დროს ეს ხანიც აკლდებოდა; სწავლას შეუჩვევარს გო-  
ნებას ძალა უნდა დაეტანებინა თავისის თავისათვის,  
უნდა წვალებით ეწერა მუშაობაში დაბებრებულსა და  
დაბერებულს ხელებს... სამკედლოურის პატარა შეგირ-  
დისათვის მამას საამდლოდ თავისი ხალათი ჩაცემია  
და სახელოები ისეთი გრძელი ჰქონდა, რომ ჯილ-  
დოს გამოსართმევად იძულებული იყო გადაეკეცა; ვილა-

ცას გაეცინა, მაგრამ ეს სიცილი ტაშის ცემის ხმამ დაჭთა-  
რა. გაიარა ქალარა-წვერიანმა მელოტმა მოხუცმა, იმას  
მიჰყვნენ არტილერიის ჯარის-კაცნი, საქალაქო და სასა-  
ზღვრო რაზმის ჯარის-კაცნი; ესენი სალამოობით ჩვენს  
სასწავლებელში დადიოდნენ. ჯილდოების დარიგება  
გათავდა; მგალობელთა გუნდმა კვლავ ყირიმის სა-  
გალობელი სთქვა, მერე ისე ძლიერად, ისეთის გრძნო-  
ბით, რომ საზოგადოება ტაშს-კი აღარ უკრავდა,  
კი აღარ ხმაურობდა, არამედ აღელვებული თეატრი-  
დგან ნელ-ნელა გამოდიოდა. ქუჩა ხალხით გაივსო. გა-  
სავალ კარებთან ბუხრის მწმენდავი თავისს ჯილ-  
დოს ვილაც ბატონებს აჩვენებდა, რომელნიც აღერ-  
სიანად ელაპარაკებოდნენ. ხელოსნების შეგირდები,  
ჯარის-კაცნი, მასწავლებლები ერთმანეთს ეხმაურე-  
ბოდნენ და სალამს აძლევდნენ. ჩვენი მეორე კლა-  
სის ნამასწავლებლარი მიდიოდა და თან არტილერიის  
ორს ჯარის-კაცს ებაასებოდა. დიდ-ძალი დედაკაცე-  
კი იყვნენ. მუშათა მთელს ოჯახობას იქ მოეყარა  
თავი. ბავშვებს მამების ჯილდოები მიჰქონდათ და  
თავ-მომწონედ აჩვენებდნენ გამვლელ-გამოვლელს...

27-ი. სამშაბათი

ჩვენ ჯილდოების დარიგებაზედ ვიყავით და ჩე-  
მი მასწავლებელი-ქალი კი შუადღისას ორს საათზედ  
გარდაცვლილიყო. სულ ერთი კვირა-ლა იცოცხლა

დედიჩემის ნახვის შემდეგ. სასწავლებლის უფროსმა ეს ამბავი გუშინ გამოგვიცხადა:

— იმისმა მოსწავლედ ნამყოფებმა იციანო, სთქვა უფროსმა: რა კეთილი და დედასავით მოყვარული იყო თავისის მოსწავლეებისა. ის აღარ არის. დიდი ხანია სენი ნელ-ნელა უსპობდა სიცოცხლეს. მაგრამ ლუკმის მოსაპოვებლად შრომას რომ არა ყოფილიყო იძულებული, შეეძლო ეწამლა და, იქნება, განკურნებულიყო კიდევ; რამდენსამე თვეს მაინც გასძლებდა კიდევ, სამსახურს რომ დასთხოვებოდა მცირეოდენის ხნით. მაგრამ არ ინდომა, უკანასკნელ დღემდე ბავშვებთან ყოფნა ამჯობინა. შაბათს საღამოს, 17-ს, იგრძნო უკანასკნელის დღის მოახლოვება, მოსწავლეებს გამოეთხოვა, დაჰკოცნა, დაარიგა და თვალ-კრემლიანი წავიდა. ნუ დაივიწყებთ, გახსოვდეთ...

პრეკასიმ ტირილი დაიწყო; პირველს კლასში იმ განსვენებულთანა სწავლობდა. გუშინ საღამოს ყველანი წავედით მიცვალებულის ეკლესიაში გასასვენებლად. ქუჩაში უკვე ცხენებ-შებმული სამგლოვარო ეტლი იდგა; ჭიშკართან დიდ-ძალი ხალხი იყო; ნელის ხმით ლაპარაკობდნენ. სასწავლებლის უფროსს, ჩვენსა და სხვა სასწავლებლების ყველა მასწავლებლებს, ქალთა და კაცთ, ყველა იმის მოსწავლეებად ნამყოფთ, იმათს მშობლებს ანთებული სანთლები ეჭირათ. ბარეტტის სასწავლებლის მოსწავლეებს ყვავილის გვირგვინები და ვარდის კო-

ნები მოეტანათ. სამგლოვიარო ეტლი უკვე სავსე იყო გვირგვინებით, რომელთა შორის ერთი ერთი დიდი იასამანის გვირგვინი შემდეგის წარწერით: „ჩვენს აღმზრდელსა და მასწავლებელს. მეოთხე კლასის მოსწავლეებად ნამყოფთაგან“.

დიდ გვირგვინ ქვეშ იმის წრევანდელ მოსწავლეების პატარა გვირგვინი იღო. ხალხში სანთლებით ხელში მოსამსახურე დედაკაცებიც ერივნენ (ბატონებს გამოეგზავნათ). ერთს მდიდარს თავადს, მოსწავლის მამას, ეტლი გამოეგზავნა, რომელსაც შიგნიდგან შავის აბრეშუმის ნაქსოვი ჰქონდა გაკრული. კარებთან ხალხი ირეოდა. ბევრიყმაწვილი ქალი ტიროდა. დიდხანს ველოდდით ხმა-გაკმენდილები. ბოლოს გამოასვენეს კუბო და ეტლზედ შედგეს; ბავშვებმაც ტირილი დაიწყეს; ერთი ისე აღრიალდა, თითქოს ახლა მიჰხვდა მასწავლებელ-ქალის სიკვდილსაო, — რომ ქვითინისაგან ცახცახი დააწყებინა და იძულებულნი იყვნენ სახლში წაეყვანათ. ხალხი დალაგდა და ნელის ნაბიჯით გზას გაუდგა. წინ მწვანე კაბიანი საბებიო სასწავლებლის მოსწავლე ქალები მიდიოდნენ, იმათ შემდეგ წმ. მარიამის მონასტრის თეთრკაბიანი მოსწავლე ქალები, მერე მღვდლები მიჰყვებოდნენ, კუბოს უკან მასწავლებელნი და მოსწავლეები მიდიოდნენ და ბოლოს ხალხი. ფანჯრებიდგანა და კიშკრებიდგან უყურებდნენ ამ მრავლად თავმოყრილს მოსწავლე ბავშვებს და ამბობდნენ: „მასწავლებელი-ქალიაო!“ .. ტიროდნენ აგრეთვე ის დედა-

კაცებიც, რომელნიც შვილებს მოსდევდნენ. ეკლესიასთან კუბო ხელით ასწიეს, ისე შეიტანეს, საკურთხევლის წინ დაასვენეს, გარშემო ყვავილები და გვირგვინები შემოაწყეს და უშველებელს ტაძარში ანთებულის სანთლებით ხალხმა ლოცვა დაიწყო. მღვდელმა სთქვა: ჰმინ!—ო, ყველამ ერთბაშად სანთლები ჩააქრეს და ეკლესიიდან გამოსვლა დაიწყეს. მასწავლებელი მარტო დარჩა! საბრალო, კეთილო, მოთმინებით აღსავსე მუშაკო! რაც რამ წიგნები, სურათები და საწერელ-კალმები ჰქონდა, სულ მოსწავლეებს დაურიგა. სიკვდილის ორის დღის წინად უფროსსა სთხოვა, ჩემს კუბოს დასაფლავების დროს პაწიები არ გამოაყოლოთ, ნუ ატირებთო... ყველას სიკეთე ახსოვდა იმისაგან, იტანჯებოდა და გარდაიცვალა! ეხლა მარტოდ-მარტოა ბნელს ეკლესიაში!.. მშვიდობით, მშვიდობით, კეთილო, წყნარო, პატროსანო...

28-ა. ოთხშაბათი.

საბრალოს უნდოდა სამოსწავლო წელიწადი დაებოლოებინა, მაგრამ სამი დღე აღარ დასცალდა. ზეგ უკანასკნელი გაკვეთილი გვაქვს: მასწავლებელი უკანასკნელს ყოველ-თეიურს მოთხრობას: «გემის დაღუპვა»-ს წაგვიკითხავს და—გათავდა! პირველ ივლისს, შაბათს, გამოცდა დაგვეწყება. ამ წელიწად-მაც განელო, მეოთხე წელიწადია; მასწავლებელი

რომ არ გარდაცვლილიყო, კარგი წელიწადი იქნებოდა. ვცდილობ გავიხსენო, შარშან ოქტომბრის თვეში რამდენი ცოდნა მქონდა-მეთქი; მგონია, რომ ეხლა უფრო მეტი ვიცი და ბევრი რამ ახალი შევიტყე და გავიგე; წერითაცა და სიტყვიერადაც უფრო უკეთ შემიძლიან ჩემის აზრის გამოთქმა; ანგარიში კარგი ვიცი და უცოდინარს უფროებსაც შემიძლიან დავეხმარო. წინანდელზედ გაცილებით ბევრი მესმის, წაკითხული თითქმის სუყველაფერი მეყურება... ეს-კი სასიამოვნოა. მაგრამ რამდენს ჩამჩიჩინებდნენ, რამდენს მეხმარებოდნენ სასწავლებელში, სახლში, ქუჩაზედ, ყველგან, სადაც-კი რისამე ნახვა და გაგონება შემეძლო, ყველანი და ყოველ მხრივ. ყველას და ყველაფრისათვის მადლობასა ვწირავ! ყოველთ უწინარეს-კი შენ, ყოვლად კეთილო მასწავლებელი; დიდი შრომა და ჯათა დაგქირდებოდა ხოლმე, რომ ჩემთვის ახალი რამ ჩაგეგონებინა და შეგესწავლებინა! გმადლობ შენც, ამხანაგო დეროსსი! ხშირად სიამოვნებითა და ხალისით მიხსნიდი გაკვეთილს და გამოცდის დროს მეხმარებოდი. გმადლობ ხასიათ-მტკიცე სტარდი! შენ მიჩვენე მაგალითი და გამაგებინე, რომ თუ აღამიანმა გულით მოინდომა, ყველაფერს შეიძლებსო. გმადლობ პატიოსანო, კეთილო და დიდ-სულოვანო გარრონე! ვინც შენ გაგიცნობს, შენითა გაპატიოსნდება! გმადლობთ თქვენც, პრეკოსსი და კორეტტი, მწუხარებაში სიმტკიცისა და შრომაში მოთმინების მაგალითნო.

გმადლობთ ყველა ამხანაგნო! მაგრამ მომეტებულად გმადლობ შენ, მამაჩემო, პირველო. დამრიგებელო და მეგობარო! მწვრთნიდი, მასწავლიდი, ჩემთვის შრომობდი, საკუთარს მწუხარებასა ჰყარავდი, რომ ჩემთვის სწავლა გაგეადვილებინა და ცხოვრება უფრო სასიამოვნო შეგექმნა. გმადლობ შენც, ჩემო წყნარო, საყვარელო, წმიდა მთარველო ანგელოზო, ჩემის სიამოვნებით ბედნიერო და ჩემის მარცხით ხშირად გულ-ნაკლულო დედავ! ჩემთან ერთად სწავლობდი, სწუხდი, მიაღერებდი და ნუგეშად ცად ამახედებდი ხოლმე.... ბავშვსავით მუხლ-მოდრეკილი ვარ თქვენს წინაშე, რომელთაც თორმეტის წლის განმავლობაში დიდი თავგანწირულება და სიყვარული მომანდომეთ, ლ მხურვალის გულით გიძღვნით მადლობას...

---

### გემის დაღუპვა.

(უკანასკნელი თთვიური მოთხრობა)

ამ რამდენისამე წლის წინად, დეკემბრის ერთს დილას, ლივერპულის ნავთსადგურიდგან დიდი გემი შეცურდა ზღვაში და გზას გაუდგა. გემზედ ორასი კაცი იყო, მათ შორის სამოც-და-ათი ზღვაოსანი. გემის უფროსი და ზღვაოსნები თითქმის ყველანი ინგლისელები იყვნენ. მგზავრთა შორის მხოლოდ რამდენიმე

იტალიელი იყო: მღვდელი, სამი სხვა ბატონი და ქუჩა-ქუჩა მოსიარულე მესტვირეთა დასი. გემი მალტაში მიდიოდა. ნისლიანი ტაროსი იდგა.

მესამე კლასში, გემის ცხვირთან, თორმეტის წლის სიცილიელი ბიჭი იყო, ტანით დაბალი წლოვანებასთან შედარებით, მაგრამ ღონიერი, ლამაზი, გამბედავი და სასტიკის სახისა. ბავშვი ყველასაგან მოშორებით იჯდა აფრასთან, დახვეულოს თოკზედ, და თავისს ძველს ბოხჩას დაჰყრდომოდა. მეტად შავგრემანი და შავ-ხუჭუქა-თმიანი იგი ღარიბად იყო ჩაცმული, რაღაცა დახეული წამოსასხამის მსგავსი ჰქონდა წამოსხმული და მხარ-ილლივ ძველი ტყავის აბგა ეკიდა. დაფიქრებული გასცქეროდა ზღვას, ტალღებს, გემს, მგზავრებსა და ზღვაოსნებს, რომლებიც იმის წინ წამ და უწუმ გაირბენდნენ ხოლმე. ეტყობოდა, რომ დიდი ხანი არ იყო, რაც რაღაცა უბედურება შემთხვეოდა. სახე ბავშვისა ჰქონდა, მაგრამ გამომეტყველება-კი ვაჟკაცისა. დაიძრა თუ არა გემი სადგურიდგან, მოხუცებულმა იტალიელმა ზღვაოსანმა ამ სიცილიელთან პაწია ქალი მიიყვანა.

— მარო, აი, გზაში ამხანაგობას ეს გაგიწევსო... და წავიდა.

გოგონაც მოხვეულოს თოკზედ ჩამოჯდა. ორივემ შეჰხედეს ერთმანეთს.

— საით? ჰკითხა მარომ.

— მალტაში, იქიდან ნეპოლს, უპასუხა ქალმა და მცირე სიჩუმის შემდეგ დაუმატა: დედ-მამას-



თან მივდივარ, მიმელიან. ჯულიეტა ფაჯიანი მქვიან.

ბავშვმა არაფერი უთხრა-რა. პატარა ხანს უკან ტყავის აბგიდგან პური და გამხმარი ხილი ამოალაგა; ქალსაცა ჰქონდა გამხმარი პური. ორივენი დანაყრდნენ.

— თავი შეიმაგრეთო! შესძახა გზად მიმავალმა ზღვაოსანმა: საცაა გემი ცეკვას დაიწყებს!

ქარი ძლიერდებოდა და გემი საშინლად ირყეოდა. ბავშვებს ზღვის ავადმყოფობა არა ჰქონდათ და ამ ფრთონას ყურადღებასაც არ აქცევდნენ. გოგონა იცინოდა. წლოვანებით მარიოს ტოლი იყო, მაგრამ ტანით-კი მაღალი, სახე-გამხდარი, თითქოს ავადმყოფობა რამე აქვსო, ჭ შავგრემანივე; უბრალო, სადა კაბა ეცვა, თმა მოკლედა ჰქონდა შეკრეჭილი, ყურებში ვერცხლის საყურეები ეყარა და თავზედ წითელი მოსახვევი ეხვია. სკამდნენ და თან ლაპარაკობდნენ. ბიჭი დედ-მამით ობოლი იყო. მამა, მუშა კაცი, ამას წინად გარდაეცვალა ლივერპულში. მართოდ-მართო დარჩა. იტალიის ელჩმა სამშობლოში გაამგზავრა, პალერმოს, სადაც შორეული ნათესავები ჰყავდა. ქალი შარშან ლონდონში მიეყვანათ ქვრივ დეიდასთან, რომელსაც ძალიან უყვარდა. ლარიბმა დედ-მამამ იმ იმედით გაჰგზავნეს თავისი ქალი, რომ დეიდას უყვარს და იქნება თავისს მემკვიდრედ გახადოსო, მაგრამ ამ რამდენისამე თთვის წინად დეიდა ეტლმა გაიტანა, გარდაიცვალა და დისწულს ერთი გვყულოც არ დაუტოვა. პაწია ქალმაც ელჩს მი-

ჰმართა და იტალიაში გამგზავრება სთხოვა; ელჩმა ორიენტი ერთსა და იმავე იტალიელს გემის უფროსს ჩააბარა.

— ჩემს დედ-მამას იმედი აქვთ, რომ მდიდარი, შეძლებული მივდივარ, დააბოლოვა თავისი ამბავი ჯულიეტამ: მე-კი ისევ ისეთივე ღარიბი ვარ. მაგრამ სულ ერთია, ჩემს მშობლებსა და ძმებს უფულოდაც ვუყვარვარ; ოთხი ძმა მყავს, ოთხივენი პაწიანი! ყველაზედ უფროსი მე ვარ! პატარებს მე ვუვლი—ვაცმევ, ვაბანავებ, ვვარცხნი. იმათ ესიამოვნებათ ჩემი ნახვა! სახლში ჩუმაღ, ჩუმაღ შევიპარები... რა ცუდი ზღვაა...

ქალი მცირეოდენს ხანს გაჩუმდა და შემდეგ ჰკითხა:

— შენც მშობლებთან მიემგზავრები?

— ჰო... თუ მიმიღეს.

— განა არ უყვარხართ?

— არ ვიცი.

— საშობაოდ ცამეტის წლისა შევესრულდები,— დააბოლოვა ლაპარაკი ქალმა.

დაიწყეს ლაპარაკი ზღვისა და იმის შესახებ, რაც გარს ეხვიათ. მთელი დღე განუშორებლივ ერთად იყვნენ. მგზავრებს ეგონათ, და-ძმანი არიანო. ქალმა წინდის ქსოვა დაიწყო, ბიჭი-კი ჩაფიქრდა. საღამოზედ ზღვა უფრო აღელვდა. მგზავრები დასაძინებლად წავიდ-წამოვიდნენ.

— ღამე მშვიდობისა! უთხრა ქალმა მარიოს.

— მშვიდად ვერავინ დაიძინებს, საბრალო ბავშვებო, — გზად წაილაპარაკა იტალიელმა ზღვაოსანმა.

მარიოს უნდოდა „ძილი ნებისა!“-ო ეთქვა თავისი ამხანაგისთვის, მაგრამ უცბად ზღვის ტალღა ამოვარდა ბაქანზედ, მარიოს ფეხები გამოაცალა და სკამს მიახეთქა.

— ღმერთო შემიწყალე, სისხლი, სისხლი სდის! დაიყვირა ქალმა და ბიქს მივარდა.

მგზავრები ქვემოლ გარბოდნენ, სენაკებში, და ქალის ყვირილს ყურიც არ ათხოვეს. ქალმა გულშემოყრილ მარიოს გვერდით დაიჩოქა, შუბლიდგან სისხლი მოსწმინდა, წითელი ხელსახოცი შემოიხსნა და თავი შეუხვია. ამ დროს მისი თავი გულზედ მიიყრდნო და ყვითელს კაბაზედ სისხლი დააჩნდა. მარიო გონს მოვიდა ლა წამოიწია.

— კარგადა ხარ? ჰკითხა ჯულიეტამ.

— ჰო... გამიარა.

— ღამე მშვიდობისა, უთხრა ბავშვმა.

— ძილი ნებისა, უპასუხა მარიომ.

ბავშვები სხვა-და-სხვა სენაკში ჩავიდნენ.

ზღვაოსანმა მართალი იწინასწარმეტყველა. ბავშვებს ჯერ არ დასძინებოდათ, რომ ზღვამ საშინელი ფრთონა დაიწყო.

გაათურებულმა ტალღებმა გემს ერთს წუთს ანძა მოსტეხა, სამი პაწია ნავი, გემის ნაპირას ჩა-

მოკიდებული, მოჭვლიჯა და გემის ბაქანზედ ოთხი ძროხა დაარჩო. გაისმა შიშის ზარი, კენესა, დრტვი-ნვა, არეულობა და ლოცვა-ვედრება. ქარიშხალი მთელს ღამეს ფორიაქობდა და განთიადისას უფრო გაძლიერდა... უშველებელი ტალღები აწყდებოდა გემის გვერდებს, ბაქანზედ გადადიოდა და რაც-კი მოხვდებოდა, ამტვრევდა, ჰხევდა, ჰლეწდა, ზღვას ნამტვრევებით ავსებდა. წყალმა ორთქლის მანქანის სახურავი ჩაამტვრია, შიგ შევარდა ღ ცეცხლი ჩააქრო. მემანქანენი გაიქცნენ... ყოველ მხრივ აბობოქრებული ტალღა მოდიოდა. გაისმა გემის უფროსის მკაცრი ხმა:

— წყალი გადასხით გემიდგან!

ზღვაოსნები საქმეს შეუდგნენ. ახალმა ტალღამ გემის ნაპირი შეანგრია და გემში წყალი ხრიალით შევარდა. მოგზაურნი საზოგადო დარბაზში მოგროვდნენ.

— ბ-ნო უფროსო, ბ-ნო უფროსო! დაიძახეს ერთ-ხმად, დაინახეს თუ არა გემის უფროსი: ეს რა ამბავია? რა ხდება? იმედია რამე?.. გვიშველეთ!...

გემის უფროსი მღუმარედ უგდებდა ყურს, ვიდრე დაჩუმდებოდნენ, და შემდეგ გულ-ცივად უპასუხა:

— დავმორჩილდეთ.

— უფალო, შემიწყალე! შეჰკივლა ერთმა დედაკაცმა.

სხვანი შიშისაგან თავს ზარ-დაცემულნი პირ-გამშრალნი იდგნენ და კრინტი ვერ დაეძრათ.

სამარისებური სიჩუმე ჩამოვარდა. ყველანი გაფითრებულნი შესცქეროდნენ ერთმანეთს. ქარიშხალი ჰლმუოდა და გემს აქეთ-იქით ახეთქებდა. უფროსმა უბრძანა, თავ-სახსნელი ნავი ჩაუშვითო ზღვაში. ნავში ხუთი ზღვაოსანი ჩავიდა, მაგრამ ნავი ტალღამ გადმოაბრუნა; ორი ზღვაოსანი დაირჩო, მათ შორის ერთი მოხუცი იტალიელი, — დანარჩენნი თოკებს მოეკიდნენ და ისევ გემზედ აცოცდნენ. ეხლა-კი თვით ზღვაოსნებმაც გადიწყვიტეს იმედი. ორი საათიც და გემს სრულიად ჩასძირავდა. ბაქანზედ საშინელი უბედურება იდგა. დედები თავისს პაწია შვილებს სასოწარკვეთილებით იკრავდნენ გულში; მეგობრები ერთმანეთს ეხვეოდნენ და ეთხოვებოდნენ. ზოგიერთნი ქვემო სენაკებში ჩადიოდნენ, — ისე მაინც დავიხოცნეთ, რომ ზღვა არ დავინახოთო. ერთმა მგზავრმა სენაკის კიბეზედ დამბაჩით თავი მოიკლა. უბედურები თოკებით ერთმანეთს ებმეოდნენ და მღვდლის წინაშე მუხლ-მოდრეკილნი ეცემოდნენ. ქალები ბნელიანსავით ცახცახებდნენ და კანკალებდნენ. ირგვლივ ქვითინი, ბავშვების ჩხავილი და საშინელი ღრიანცელი ისმოდა. ზოგიერთნი გახვევებულნი იდგნენ, თითქოს უსულოდ გაშეშებულანო, ცნობა-მიღებულსავით თვალები დაეკეცათ და ვერასა ჰხედავდნენ. ჯულიეტა და მარიო ანძასთან მიჰკეროდნენ ერთმანეთს და უაზროდ, უგრძობოდ გაჰყურებდნენ ზღვას. ამასობაში ზღვა ცოტ-ცოტა დაწყნარდა, მაგრამ გემი მაინც ძირს მიდიოდა;

თხუთხმეტის წამის არსებობაც აღარ შეეძლო.

— ნავი ჩაუშვითო! უბრძანა უფროსმა.

უკანასკნელი ნავი ჩაუშვეს და თოთხმეტი ზღვა-  
ოსანი და სამი მგზავრი ჩავიდნენ. უფროსი გემზე-  
დვე დარჩა.

— ჩვენთან ჩამოდიო! უყვიროდნენ ქვემოლგან  
ზღვაოსნები.

— მე აქვე, ჩემს ადგილზედ მოგვედები! უბა-  
სუხა უფროსმა.

— გემი შეგვხვდება... ყველას გადავარჩინო!  
სთხოვდნენ ზღვაოსნები: ჩამოდიო! დაილუპებით!

— არა, აქ დავრჩები.

— ადგილი კიდევ არის! ჰყვიროდნენ ზღვაოს-  
ნები: დედაკაცი მოგვაწოდეთ.

უფროსის ზე მივიდა გემის ნაპირთან, გადახედა გემსა  
და ნავს შუა მანძილს, შეეშინდა, გადახტომა ვერ  
გაბედა და ბაქანზედ დაეცა. სხვა ქალებმა ვერა გა-  
იგეს-რა, თითქმის ყველანი ცნობა-მიღებულნი იყვნენ  
და მომაკვდავთ დამგზავსებოდნენ.

— ბავშვი მოგვაწოდეთ! დაიყვირეს ზღვაოსნებმა.

ამ წუთამდე სიცილიელი ბიჭი და მისი ამხა-  
ნავი ქალი არ იძროდნენ და ცნობა-დაკარგულნი  
იღვნენ; სიცოცხლის იმედმა ორივენი გამოათხიზლა;  
ისინი უცბად გაშორდნენ ანძას ზე სირბილით, რომლის  
დროსაც ერთმანეთს ეხეთქებოდნენ, გაცოფებულ  
მხეცებსავით გამწარებულნი მივიდნენ ბაქანის ნაპი-  
რას.

— მე!.. მე!..

— რომელიც პატარაა, ის გადმოაგდეთო! ყვიროდნენ ზღვაოსნები: ნავი ისეც დამძიმდა! პაწია მოგვეცით.

ქალმა ხელები ჩამოაშვა მებ-დაცემულსავით და მარჯოს შეჰხედა. მარიოც ქალს დააცქერდა... გვერდზედ სისხლის ხალი უჩანდა... უცბად სახე ღვთიურის სხივით გაუბრწყინდა.

— მალე! რომელიც პატარაა! განიმეორეს ზღვაოსნებმა: ეხლავე დავიძვრებით!

— ეს სუბუქია! დაიყვირა მარიომ უცნაურის ხმით: წადი, გულიო, შენ დედ-მამა გელის და მე-კი არაფინა მყავს! წადი!

— გადმოაგდე! დაუყვირეს ზღვაოსნებმა.

მარიომ სტაცა ხელი ქალს და წყალში გადააგდო. ქალმა შეჰკივლა და წყალში ჩაიკურყუმელავა. ერთი ზღვაოსანთაგანი ხელითა სწვდა და ნავში ჩასვა.

მარიო გემის ნაპირას იდგა თავ-აწეული. ნავი დაიძრა და ძლივს გადარჩა მორევს, რომელიც თანდათან ძირს მიმავალ გემის ახლოს ტრიალებდა; კინალამ გადაუბრუნდათ ნავი. ქალი მხოლოდ ეხლა მოვიდა გონს, დაიკვნესა და ხელები გემისაკენ გაიწოდა.

— მარიო, მშვიდობით! მშვიდობით, მშვიდობით, მარიო!

— მშვიდობითო! უპასუხა ბავშვმა და ხელები ცისაკენ ალაპყრო.

ნავი აფორიაქებულ ზღვის ტალღებზედ მიცურავდა და ზემოდგან შავი ღრუბელი დაჰყურებდა. გემზედ აღარ ისმოდა აღარც კენესა და აღარც ყვირილი. ბაქანს უკვე წყალი ჰფარავდა.

ბავშვი მუხლებზედ დაეცა, გულს ხელი დაიკრიბა და ცას შეჰყურებდა...

ქალმა თვალებზედ ხელი მიიფარა...

როცა თავი აიწია და მოიხედა — გემი აღარსად იყო.

---

## დედიჩემის უკანასკნელი წერილი.

1-ი. შაბათი.

წელიწადი გათავდა, ენრიკო. უკანასკნელის სწავლის დღის მოსაგონებლად დაგრჩება მშვენიერი ამბავი თავ-განწირულებისა, სხვისათვის სიცოცხლის გამომეტებისა... მალე გამოეთხოვები მასწავლებლებსა და ამხანაგებს და მე-კი სამწუხარო ამბავი უნდა შეგატყობინო! სამის თვით-კი არა, სამუდამოდ უნდა დაშორდეთ ერთმანეთს. საქმეებისა გამო მამაშენი შემოდგომაზედ ტურიინდგან მიდის; ჩვენც ყველანი წავალთ და შენ სხვა სასწავლებელში შეხვალ. გეწყინა?.. გენანება განა ძველი სასწავლებელი, სადაც ოთხს წელიწადსა ჰმუშაობდი, მეგობრები იშო-



ვე, სადაც შენი ჭკუა განვითარდა, სადაც ყოველი სიტყვა შენდა საკეთილოდ ითქმოდა და სადაც არ იცოდი დარდი რა იყო... ყოველთვის გიყვარდეს შენი ძველი სასწავლებელი. ამხანაგებს გულ-მხურვალედ გამოეთხოვე! ვინ იცის, რა მოვლით! შეიძლება დაობლდნენ, ნორჩებივე დაიხოცნენ, ან ბრძოლის ველზედ გამოეთხოვნენ სიცოცხლეს და ან პატიოსანნი მუშაკნი და ოჯახის მამები გახდნენ! ვინ იცის, იქნება რომელსამე მათგანს სამშობლოს სასარგებლო ღვაწლის გაწევის ბედნიერებაცა ჰხვდეს წილად; იქნება რომელისამე მათგანის სახელი დიდებით შეიმოსოს. დაუტოვე შენი სიყვარული იმ ოჯახს, რომელშიაც ბავშვი შეხვედი და რომელსაც ჰაბუკადა სტოვებ: ჩვენ, შენს მშობლებს, გვიყვარს იგი იმიტომ, რომ იმას შენ უყვარდი. ძლივის ტიკტიკებდი, როცა შენი თავი წამართო სასწავლებელმა-დედამ და ეხლა გაზრდილს, ღონიერს, კეთილს და ბეჯითს ჰაბუკს მიბრუნებს. ვაკურთხებ და ვლოცავ სასწავლებელს... შენც ნუ დაივიწყებ, ენრიკო. მაგრამ დაივიწყებაც-კი შეუძლებელია! გავა დრო, წელიწადები, ქვეყანას ჰნახავ, დაათვალიერებ ქალაქებს, ხელოვნების ძეგლებს, მშვენიერს შენობებს, მაგრამ იმათ უფრო ადვილად დაივიწყებ, ვიდრე უბრალო თეთრს სახლს, სადა ბაღს, სადაც განიფურჩქნა პირველი ყვავილი შენის გონებისა; ვერ დაივიწყებ, ვიდრე ცოცხალი ხარ, ისევე, როგორც მე

არ დამავიწყდება არასოდეს შენი პირველი ხმა შენ  
დაბადებისათნავე გაგონილი.

4-ი. სამშაბათი.

გამოცდა დაგვეწყო. სასწავლებლის ირგვლივ,  
ქუჩაზედაც-კი, მოსწავლეებსა, მშობლებსა და თვით  
უფროსებს შორისაც მხოლოდ ეს-დაა სალაპარაკო:  
გამოცდის ავ-კარგიანობის აღმნიშვნელი ნიშნები,  
საგანი, ამიციანები, — ვინ გამოირიცხეს, ვინ გადაიყვა-  
ნეს. გუშინ თხზულების გამოცდა გვქონდა; დღეს —  
არითმეტიკისა გვაქვს.

შვილებს მამები თან დასდევენ და არიგებენ,  
რჩევას აძლევენ; დედები ხომ კლასშიაც შემოდიან,  
საწერელს სინჯავენ, მელანი ხომ არ აკლიაო, კალ-  
მები კარგები აქვთ შვილებს თუ არაო, და კარებიდვა-  
ნაც-კი ისევ უკან იხედებიან, ტუტუნებენ: „არ  
შეკრთე, გულის-ყური თან დაიტანე“, და თავის  
კვრით გადიან. ჩვენს კლასში ასისტენტად კოატია.  
ბევრი შიშისაგან გაფითრებულია. სამარისებური სი-  
ჩუმე სდგას. მასწავლებელმა ქალაქის საბჭოდგან გა-  
მოგზავნილი წერილი გახსნა, რომელშიაც ამიციანა  
იყო; ასისტენტმა კოატიმ ამიციანა გვიკარნახა და თან  
თავისის საშინელის თვალებით გვათვალთვლებდა.  
ეტყობოდა-კი, შესაძლებელი რომ ყოფილიყო, ამი-  
ციანის გაკეთებასაც იქვე გვასწავლიდა და ყველას  
შემდეგს კლასში დიდის სიამოვნებით გადაგვიყვან-

და. ძნელი ამიცანა იყო; ბევრი მთელს საათსა წვალობდა და მწუხარედ დაჰყურებდა; ერთმა იტირა კიდევკროსსი თავში მუშტს იცემდა. ხსნაც გველირსა: დეროსსი ფაცურობდა, მეზობლებს ღიდის მოხერხებით შველოდა, ჩუმაღ რიცხვებს ეუბნებოდა, ასწავლიდა, როგორ უნდა გაკეთებაო; ყველას ზრუნვაში იყო, თითქოს მასწავლებელიაო. არითმეტიკა გარრონემაც კარგად იცის და ვისაც შეეძლო, ისიცა შეელოდდა. ნობისსაც-კი უშველა. გაქირვებაში ნობისი ძალიან კეთილი და ალერსიანი იყო. სტარდი მთელი საათი უძრავად იჯდა, თმაში წაველო ხელეზი, ამიცანას დაჰყურებდა, მერე-კი ხუთს წამში გააკეთა. მასწავლებელი სკამებ შუა დადიოდა.

— ნელა, ბატონებო, ნუ აჩქარდებით, ღინჯად იყავითო, ამბობდა იგი და თუ დაინახავდა, რომ ვინმე ჩვენთაგანი სასოწარკვეთილებას ეძლეოდა, აცინებდა, ლომსავით პირს აღებდა, თითქოს მოსწავლის გადაყლაპვა უნდაო.

თერთმეტს საათზედ ქუჩაში მშობლებმა დაიწყეს ხეტიალი და ფანჯრის ფარდის ქვემოდგან იცქირებოდნენ. პრეკოსსის მამამ შემქვეარტლულის ლურჯის ხალათით პირდაპირ სამქედლოურიდგან მოირბინა. კროსსის მემწვანილე დედაც მოვიდა. ნელის დედა, შავ-კაბით, მოუსვენრად იყო და ერთს ადგილას ვერ გაჩერებულყო. მამაჩემიც მოვიდა; იმანაც შემოიხედა. გამოცდა შუადღისას გავათავეთ. წარმოდგენასა ჰგავდა იქაურობა, როცა გამოვდიოდით

ბავშვებს ჰკითხავდნენ, რვეულებსა ჰფურცლავდნენ, ბავშვების ნაწერს ერთმანეთს ადარებდნენ.

— რამდენი არითმეტიკული მოქმედებაა? ჯამი რამდენია? როგორ გააკეთე? როგორ აძლევდი პასუხს?

ყოველ მხრიდგან მასწავლებელს ეძახდნენ. მამამ რვეული გამომართვა, დახედა და მითხრა.

— ძალიან კარგია!

ჩვენს გვერდით მკედელი პრეკო-სიც შვილის რვეულს ათვალეირებდა, ვერა გაეგო-რა და სწუხდა. ბოლოს მამაჩემსა. ჰკითხა:

— ნება მიბოძეთ შევიტყო, ჯამი რა გამოსულა?

მამამ ჯამი დაუსახელა. მკედელმა კვლავ შვილის რვეულს დაჰხედა და ჰფიქრობდა.

— ყოჩაღ, პაწიავ! წამოიძახა უცბად.

მეგობრულად და მხიარულად გადმოხედა მამაჩემს და მხურვალედ ჩამოართვა ხელი.

— ზებირ გამოცდამდის.

— დიაღ, მანამდის!

გავშორდით ერთმანეთს!.. წკრიალა ხმამ მეცა და მამაჩემიც უკან მიგვახედა: მკედელს ლილინი დაეწყო.

დღეს სიტყვიერი გამოცდა გვექონდა. რვა საათზედ შევიკრიბენით; ოთხ-ოთხს ერთად მეორე ოთახში გაგვიყვანდნენ ხოლმე, სადაც დიდ მაგიდასთან ჩვენი უფროსი და ერთი ჩვენი და სამი სხვა მასწავლებელი ისხდნენ... პირველთ შორის მეც გამიხმეს! დღეს ნამდვილად შეიძლებოდა დარწმუნება, რამდენად ვუყვარდით ჩვენს მასწავლებელს. სხვანი რომ ჰკითხავდნენ, ის მოსწავლეს თვალს არ აშორებდა; როდესაც გაუბედავად უპასუხებდა მოსწავლეს, ისა ჰშფოთავდა, თუ კარგად აძლევდა პასუხს, იგი მხიარული იყო და თავითა და ხელით ანიშნებდა, თითქოს ეუბნებო: „აგრე... აგრე... ნუ სჩქარობ... გაბედვით!“ შესაძლებელი რომ ყოფილიყო, მასწავლებელი მოგვეშველებოდა კიდევ; საკუთარი მამაც-კი ვერ გამოიჩინდა იმდენს ჩვენს ზრუნვას; მინდოდა დამეყვირა და მადლობა გარდამეხადა. როცა განმათავისუფლეს და მითხრეს: „კარგია“, მასწავლებელს სახე გაუბრწყინდა. კლასში მოვედი და მაჩემს დავუწყე ლოდინი. მოსწავლეები თითქმის ყველანი ისევ კლასში იყვნენ. გარრონეს გვერდით დავჯექი. მხიარულად არ ვიყავ, პირ-იქით, გამახსენდა, რომ გარრონეს გვერდით უკანასკნელადა ვზივარ-მეთქი; იმისთვის კი ჯერ არ მეთქვა, რომ შემოდგომაზედ ტურინიდან მივდიოდით. გარრონე თავჩაღუნული იჯდა და თავისის მამის ფოტოგრაფიულ

სურათის გარშემო ჩარჩოს ჰხატავდა... გარრონეს მამა მემანქანეა, მაღალის ტანისა, სრული, დინჯისა და დაფიქრებულის, შვილსავით პატიოსანის სახისა. გარრონე სურათისკენ დაიხარა, პერანგი გადაეწია და ვულზედ ნელლის დედისაგან ნაჩუქარი ჯვარი დავუნახე... უნდა გავაგებინო, რომ მივდივარ.

— გარრონე-მეთქი, დავიწყე: შემოდგომაზედ მამაჩემი ტურინიდან სამუდამოდ მიდის.

— შენც მისდევ!

— მეც!

— მაშ მეოთხე კლასში ჩვენთან აღარ იქნები?

— არა, არ ვიქნები.

გარრონე დაჩუმდა და ხატვა განაგრძო; უცებ თავ-აუღებლივ შემეკითხა:

— ამხანაგები გეხსომება?

— ყველანი, მომეტებულად-კი შენ... განა შეუძლიან-კი ვისმე შენი დავიწყება?

გარრონემ ჩუმად, ხმა-ამოუღებლად, თვალ-და-შტერებით შემომხედა და ეს შემოხედვა თქმაზედ უფრო მეტყველი იყო. შემდეგ, თითქო ხატვას კვლავ განაგრძობსო, მარცხენა ხელი გამომიწოდა; ამ ძლიერსა და პატიოსანს ხელს ორივე ხელი ჩავკიდე მაგრად.

საჩქაროდ შემოვიდა სახე-გაწითლებული მასწავლებელი და ნელისა და მხიარულის ხმით გვითხრა:

— ჯერ-ჯერობით ყვალაფერი მშვენივრად მი-

დის... თქვენც ეცადეთ, ჩემო კარგო... ნუ შეკრთებით.

ჩვენდა გასაცინებლად, ვითომ სიხარულით განგებ წაბორძიკდა და კარებს მოეჭიდა, არ წაფიქტეო. სიცილი არ იცოდა, ეს საქციელი მისი გვეუცხრავა და არც ჩვენ გავიცინეთ, მხოლოდ დიმილი მოგვივიდა. მწარე იყო ეს ბავშვური სასიამოვნო გაცელქება. წუთიერი სიხარული იყო, ჯილდო მთელის წლის მოთმინებისა, უსიამოვნებისა, ავადმყოფის წრეს-გადასულ შრომისა. მხოლოდ ამ წუთიერს სიხარულს მოელოდდა ჩვენგან... ყოველთვის ასეთი იქნება იგი ჩემს მეხსიერებაში, ბევრის, ბევრის წლის შემდეგაც გავიხსენებ ამ დილას ჭკალარა თმებს დავუკოცნი.

10-ი. ორშაბათი.

დღეს შუადღისას უკანასკნელად მოვგროვდით სასწავლებელში, რომ შეგვეტყო გამოცდაში ვის გამარჯვნა და მოწმობანი მიგველო შემდეგს კლასში გადასვლისა. ქუჩა, დერეფანი, კლასები კვლავ მშობლებ-ნათესავებით იყო სავსე. ჩვენს კლასში შეიკრიბნენ: გარრონეს მამა, დეროსის დედა, მკედელი პრეკოსისი, კორეტტი, ქალბატონი ნელი, მემწვანილე დედაკაცი, კალატოზი, სტარდის მამა და მრავალნი სხვანი, რომელთაც პირველად ვხვდავდი. კლასში შეკრებილნი ჩურჩულებდნენ, იცინოდნენ

და ლაპარაკობდნენ. მასწავლებლის შემოსვლისათა-  
ნავე დუმილი ჩამოვარდა. მასწავლებელი თითო-თო-  
თოს ეძახდა ნუსხით და უცხადებდა:

— აბატუჩი, გადახვედი; არკინი, გადახვედიო,  
და სხვანი.

ჩვენთაგანნი გადასულიყვნენ კალატოზი, კროს-  
სი. მასწავლებელმა ხმა მალლა წაიკითხა:

— დეროსსი, ერნესტო, გადახვედი და პირვე-  
ლი ჯილდოც შენ მოგეცემა.

— ვაშა დეროსსი! დაიწყეს მისმა ნაცნობებმა  
და ნათესავებმა. დეროსსიმ თავის ქერა ხუკუკ-თმია-  
ნი თავი გაიქნია, ყველას თამამად დაუკრა თავი და  
გაუღიმა დედას, რომელმაც ხელის ნიშნებით მიუ-  
ლოცა. გაროფფი, გარრონე, კლაბრიელი გადავი-  
დნენ, შემდეგ ზოგიერთნი იმ კლასშივე დარჩნენ; ერთმა  
იმათგანმა ტირილი დაიწყო, რადგან მამა მუშტით  
დაემუქრა.

— არა, ბატონო, მოითმინე, წაესარჩლა მას-  
წავლებელი: ყოველთვის მოსწავლე არ არის და-  
მნაშავე; ხშირად უბედურება მოხდება ხოლმე და ეხ-  
ლაც ისე მოხდა... ნელლი გადავიდა; დედამ მარაო-  
თი კოცნა გამოუგზავნა. სტარდიც გადავიდა, მაგ-  
რამ თითქო ვერ გაიგონაო, მუშტები საფეთქლებ-  
ზედ მიედო და ისე იდგა გარინდებული. უკანას-  
კნელ, გადასულიყო ვოტინიცა, კოხტად მორთუ-  
ლი და თმებ-დახუკუკებული.



მასწავლებელმა ნუსხის კითხვა გაათავა და წამოდგა.

— ბავშვებო, დღეს უკანასკნელად შევიკრიბებით; წელიწადი ერთად გავატარეთ და მეგობრებად ვშორდებით ერთმანეთს. ხომ ასეა? ვწუხვარ, რომ გშორდებით.

მცირე ხანს შედგა.

— თუ როდისმე ჩემდა უნებურად მოუთმენლობა და უსამართლობა გამოვიჩინე, ან მეტად სასტიკად მოგექეცით, შემინდეთ.

— არას დროს, არას დროსაო, — შესძახეს მშობლებმა და მრავალმა მოსწავლემ.

— შემინდეთო, განაგრძო მან: და კეთილად მომიგონებდეთ! მომავალს წელიწადს ჩემთან აღარ იქნებით, მაგრამ ერთმანეთს მაინცა ვნახავთ, და მეკი ყოველთვის, ყოველთვის სიამოვნებით მეხსოვებით. ნახვამდის, ჩემო კარგნო და საყვარელნო.

მასწავლებელი ჩვენკენ წამოვიდა; გარს შემოვებვივენით, ზოგი ხელს ართმევდა, ზოგი სკამზედ დგებოდა, ეხვეოდა და ჰყვიროდნენ:

— ნახვამდის, ბატონო მასწავლებელო! გმადლობთ! იცოცხლეთ! ნუ დაგვივიწყებთ!

მასწავლებელი აღელვებული და გულ-აჩვილებული წავიდა. კლასიდან არეულ-დარეულნი გამოვედით. დერეფანში საშინელი ხმაურობა და მიხლა-მოხლა იყო; მშობლები, ბავშვები, მასწავლებლები — ყველანი ერთმანეთს ეთხოვებოდნენ.

ახალგაზდა, წითელ-ფრთიანს მასწავლებელ-ქალს კისერზედ ხუთი ბავშვი ჩამოჰკიდებოდა და ოცზედ მეტიც გარს ეხვეოდნენ. „მონაზონისათვის“ თავი მოეხადნათ და თმაში, ტანისამოსის კილოებსა და ჯიბეებში ყვავილებს უმაგრებდნენ. რობერტის სიამოვნებით ულოცავდნენ: დღეს პირველად იყო უყავარჯნოთ. ყოველ მხრიდგან გაისმოდა: სწავლის დაწყებამდე!— ოც ოქტომბრამდე!— ნახვამდის! დღესასწაულებში ვნახავთ ერთმანეთს.

ჩვენც ვეთხოვებოდით! ოჰ, ამ წუთას როგორ ავიწყდება ადამიანს ყოველი წარსული უსიამოვნება! ვოტინი, რომელიც ყოველთვის შურით უყურებდა დერროსის, დღეს თითონვე გადაეხვია პირველად. მეც ვაკოცე პაწია „კალატოზს“, რომელმაც სწორედ ამ დროს, გამოთხოვებისას, თავისებურად „კურდღელსავით“ დაიმანჯა. კეთილო, საყვარელო ანტონიო! პრეკოსისა და გაროფფესაც გამოვეთხოვე. გაროფფემ გამომიცხადა, რომ უკანასკნელს ლატარიაში შენმა ბილეთმა მოიგო, და ცალ-მხარეს გაბზარული ქაშანურის პატარა ფინჯანი მომცა. ყველას გამოვეთხოვე. ნელლი გარრონეს ისე გადაჰხვეოდა, რომ ძლივს გააშორეს ერთმანეთს. ყველანი გარს ეხვეოდნენ გარრონეს.

— მშვიდობით, გარრონე, მშვიდობით!

— ნახვამდის!

ამ კეთილს, წმიდა ამხანაგს ხელს ართმევდნენ, ჰკოცნიდნენ, ეხვეოდნენ.

იმისი მამა ისე ილიმებოდა, თითქოს გაოცებულიაო... უკანასკნელად მე გამოვეთხოვე და როდესაც გადავხვიე, ცრემლები ველარ შევიმაგრე და ქვითინი დავიწყე; გარრონემ თავზედ მაკოცა... ჩემს დედამამასთან მივედი.

— ყველას გამოეთხოვე? მკითხა მამამ.

— ყველას.

— თუ წყენა მიგიყენებია ვისთვისმე, წადი და ბოდიში მოსთხოვე. გიწყენინებია ვისთვისმე?

— არავისათვის.

— მაშ... მშვიდობით! აღელვებულის ხმით სთქვა მამაჩემმა და ერთხელ კიდევ შეჰხედა სასწავლებელს.

— მშვიდობით! განიმეორა დედამ...

მე ხმის ამოღება ვერ შევიძელ...